




V

126
H

مکتبہ اسلامیہ




A-SCI

پیشہ

4th (مکتبہ اسلامیہ)

125
125

21



اهداءات ٢٠٠٤
جامعة عين شمس
القاهرة

فزانہ مبعوثی ہاوسی

طرابلس غربیت

صحرای کیرند و سیری

صحرا تشکلانی و اقوامی حتمندہ تدقیقات



۷۲ فوطوغراف ۳ خریطہ بی محتویدر

درسعادت نشان-بایکیان مطبعہ سی ۱۳۲۷

فزانہ مبعوثی جامی

طرابلس غربیت

صحرای کبیر و شری

صحرائک تشکلات طبیعیہ سی ، اقلیمی ، حیوانات و نباتاتی ؛ صحرا
بلدانی ایله بلدی و بدوی اقوامک طرز حیات و معیشتلری ،
عراقلری حقندہ تدقیقات و تتبعات

الشمس سکز فوطوغراف ، درت رنگلی رسم ، اوج
خریطہ بی محتویدر




مقدمه

طرابلس و صحرای کیره عائد شو ناچیز سطرلری
قارلریمه تقدیمه جسارت ایدرکن موضوعیه متناسب بر اثر فی
عرض ایتش اولدیغی تمامیه ادراک ایدرک سوزه باشیورم.
طرابلس غربک شال قسمنده اون دوت سنه دئیری واقع
اولان مختلف مأموریتلر و اخیراً فزان سیاحتی و توارق
آراسنده کچن مدید و زحمتلی خات ماموریتی اشناسنده کی
مشهودات و حیاتی عرض ایدرک و سودان تجارت یولی
اوزرنده کی صحرا منطقه لریله اورالرده یاشایان انسانلردن بحث
ایدرکیم. سیاحت اخیره مک و قایغی کونی کونیه یازهرق
قارلریمه کلال ویرمک ایسته مدم. بو صورتله رفیق سیاحتیم
انکلتره دولتنک بورنور زیدانی موسیو هانس فیشرله برابر کچن
ایام لطیفه یی یاد ایدرک ۱۹۰۶ سنه سی تموزندن ایلولنه قدر
یعنی طرابلسدن مرزق بلده سنه قدر اولان یول آرقداشلغیزی
بوتون خاطراتیله برابر یازه مدیغمه پک متأسفم. بو ذات
عالیقدره قارشى بالاخره وطنداشلیرمه ایتش اولدیغی معاونت
انسانیتکارانه دن دولاییده بروظیفه تشکر و منت ایفاسنه مدیونم :
۱۳۲۴ سنه سی اوائلنده مرزقندن فراره موفق اولان اون
سیاسی قلعه بنددن بورنویه سفیل و محتاج بر حالده واصل اوله

بیلن سسکزینی تحت حمایه سینه آلهرق وعظیم مصرفلر اختیار
ایدهرک سوداندن تخلص ایتش وانکاتره یه قدر کتیرمشدی .
موسیو فیشرله معارفه مک حصوله وبواوزون سیاحتک قسما
بک قیمتلی بر رفیق ایله امرارینه سبب اولان طرابلس غرب
انکاتره قونسول جنرالی موسیو الوارث جنابلرینه ده بو
مناسبتله نا چیز بر تشکر علانی تقدیمیه کسب مباحات ایدرم .
استانبوللیریمز ایچین بر چوق زمانلردنبری ، قرون
وسطی پرنسارینک اسکی شاتولرنده ، انکیزسیون محبسارینک
زمین قاتلرنده کی مخوف ومظلم زندان حجره لری قدر قورقونج
بر معنا افاده ایدن طرابلسی ، دها جنوبده فزانی وآراده کی
چول یوللرینی کورمک اوزره ؛ معنای تامیه مدید ، طاقتسوز
بو صحرا سفرنده قارئلریمک براز صبرله بی تعقیب ایتلرینی
رجا ایدرم .

اداره سابقه نک منفا اتحاد ایتدیکی طرابلس ولایتی وفزان
آرتق بوتون عثمانیلرک دقتله تدقیق ایتمکه مجبور اولدقلری
بر ساحه وسیعدر . مقتصد ، جرأتکار ، کیتدکجه امتداد
استعدادینی کسب ایده بیلن صلح ومسالت دوره لری
سایه سنده تزايد نفوس و ثروتله وطننده چالیشه جق بر ،
مرمایه سنی ایشله ده جک چوق کارلی ایش بوله مدیغندن دولایی
بوتون ربع مسکونک صاحبسز یرلرینه طوغری طاشان
بوکونکی اوروپانک ؛ قرون وسطی نک مجادلات داخلیه سیله
اوغراشدیعی ضعیف زمانلرنده ، عثمانیلرک برقاچ جسور
کیجیلری طرفندن ضبط ایدلش اولان امویه حکمدارلری

طرابلس غرب بلاد سی و لیبانی



انقاضندن و آفریقای شمالی ساحلی اوزرندده بوتون بربرستان
قطعه اسلامیه سندن خطوه خطوه رجعت ایدن عثمانلی
سینجاغنگ الك چوك مرکزی اولان وسقیم بر حکومتک
نظرندده حریتی ، انسانیتی سوهن ارباب ادراکی سینئه آتشین
پر سکوننه دفن ایچون منقالق ایتمکدن باشقه بر منفعتی اولیان
طرابلس ولایتک ارتق افریقای شمالیده و بحر سفیدک تام
وسطنده کی موقعیه متناسب بر اهمیتله تقدیر اولنسه جغنی ظن
ایدرم . اداره سابقه نک طرابلس حقنده کی طرز تلقیسی
اوزمانکی داخلیه ناظرینک — ارتق فزان زندانک منقیری
استیعاب ایده میه جک بر حاله کلدیکنه دائر واقع اولان اشعار
محلیه جواباً — فزان حبسخانه سنک بزه قطعاً لزومی
وارد ، توسیعی ایچین نه قدر مصرف لازمه سریراً
اشعاری یولنده کی امرندن اکلشیلیر .

طرابلس ولایتی واسع مزرعه لریله اسکی رومانک ذخیره
انباری ایدی . حالا ساحل بویجه و داخله صحرالره دوغری
یایلوب کیدن و واسع بر قطعه اراضی بی اشغال ایدن قدیم روما
خرابه لری ، صوبندلری ، وادی بتاقلرنده کی سد عملیاتی
انقاضی شیمدی آتشین صحرا کونش لریله قاورولان بو قطعه نک
پارلاق و مسعود بر ماضیسی اولدیغنه شهادت ایدر . طرابلس
قرون اولیده یالکز بونکله قالماش ورومالیلر مملکت وضعیت
فطریه سنک بخش ایتدیکی باشلیجه منفعتدن یعنی افریقای
وسطییه دوغری قریبتندن ده استفاده ایده رک جنوبه دوغری

ایلرله مش اولدقلری ، جرما و غات کبی قدیم صحرا تجارت دربندلرنده بوکون تصادف ایدیلن آثار ایله نابتدر.

فیکه و قدیم روما زماندنبری افریقای وسطی ایله مناسباتده بولمش اولان طرابلسده بو زحمتلی کاربان تجارتیه آلیشمش برعنصر وجوده کلمشدی . بوتون سودانجه طرابلسیلر عرق ابیضک بمثل اولوق اوزره طانیلمش واجداددن ارتا انتقال اتمش اولان بو الفتک اورپا دول متجاوره سنک افریقاده حاصل ایتدکری انقلابره ، یاغما کر صحرا قبائلنک تعرضلرینه تجاوزلرینه و حکومتیزک سوء اداره وضعنه رغماً حالا باقی قالمش اولدیغنه تشکر ایتیلیز .

افریقای وسطی نک عالم مدنیه قارشى بر پرده ظلام مجهولیتله مستور بولندیی زمانلرده بو پرده یی قالدیرمغه و ماورای ستره یی تدقیق ایچین صحرای کبیرک اعماق مخوفه سنه آتیلمغه جسارت ایدن سیاحین مشهوره دن رولفس « سودانه حاکم اولوق ایستین طرابلسه صاحب اوللی » دیوردی . طرابلسدن جنوبه کیدن سودان یوللری ، بحر سفید ساحلندن افریقانک قلبکاهنه متوجه طرق اتصالیه نک اک قیصه لرندن اولمسی ، منزللری و نوعما کاربان سرایلر دیمک اولان معموره لری همان متساوی ابعادده بولمسی بو قناعتی حاصل ایتدیرمش و بحر محیط اطلاسی ساحلرندن چاد کولی اطرافنه متوجهاً خطوه خطوه ایلریلیان اوروپا استیلا قوللری افریقانک خزائن مرکزیه سنه صاحب اولنجه یه قدر بو قناعت باقی قالمشدر . بو کون سودانی الده ایتک ایچین طرابلسه صاحب

اولق قولى حکمدن ساقط اولمش ايسه ده افريقاي وسطى به
 اك سريع بر طريق مواصله مدنيه تأسيس ايتك ايچين
 طرابلسه صاحب اولق فكري حالا قوتى غائب ايتمه مش
 واستقبالاده اهميتنى تزييد ايدەجك بر حقيقتدر . فرانسزلرك
 سنه لردنبرى كاغد اوزرنده قالان ترانساهاريهن شومندوفر
 پروژه لرى محل تطبيق بولسه بيله استقبالده — مع ماقيه بعيد
 بر استقبالده — اوروپايى افريقاي وسطى بازار تجارتنه
 ربط ايدەجك اك قيصه خط مواصله طرابلسدن جنوبه
 كيدەجكدور .

اداره ساپقەنك شمالي افريقاده صوك موضع رجعتن
 اولان — طرابلس حقنده كى نظرى طرز اداره سنى بوراده
 تدقيق و طرابلسك بحر سفيد موازنه سى بولتيقه سننده كى
 موقعندن وبو خصوصده كى احتمالات سياسيه مستقبله دن بحث
 ايتمه جكم . يالكز سياحت ايتديكم منطقه لرى كوره بيلديكم
 آكلايه بيلديكم قدر تعريف ايدەرك طرابلس حقنده وطنداش لريمه
 بر فكر حاصل ايتديره بيلير ومتشبت ، قوى ، نفسنه معتمد
 كنجلريمزك نظر دفتنى بوزواللى بو متروك ، منفرد ومادر
 وطنك معاونتدن اوزاق قالمش و بناء عليه ديكر ولايات
 عثمانيه دن زياده ذكى ، فعال وفداكار بر عنصر اداره به
 محتاج بولمش اولان بو ولايته جلب ايدە بيلير سەم بختيار
 اولوروم .

طرابلس غرب ۱۲ كانون اول سنه ۱۳۲۴

(اخطار مخصوص)

بعض اسمی بربریه و توارق گفته لرینگ حروف عربیه ایله ضبطی
قابل اوله مدیغندن بالضروره لاتین حروفیله یازلسدر .





طرابلس غربى بلدهسى و جنوبى كبرى يوللار

افرىقاي شىمالىيى غرىبدن شرقى دوغرى استىلا ايتىش
اولان صحراى كبرى سكون مديد ميتانه ايله امتداد ايدن واسع
قوملقلرى، عقيم حمادىلرى، طاشلق سىرللىرى شماله تىرىله
بر رقيب غالب كى يوكىلن اطلس سىلسله جبالنى كندىسندن
آيردىغى بحر سفىدنى صاف و براق امواجى قاوشدىغى محل
طرابلس سرت ساحلىدور. اوروپالىلر كى بى سرتلر اسمنى
وردىكلرى بى بويوك انحنائى داخل بحر سفىدنى جنوب
ساحلى افرىقاننى مركزىنه ياقلاشدىرور. يونان قديم و فنىكه
كى بوتون اقوام قديمه مدنىهدن بو كونه قدر بالجمله ملل
بحرىه كىچىلرىنه جولانكاه اولان بحر متوسطنى ساحل
جنوبىسندن افرىقاي وسطىه كىدن كى قىصه طرقى تجارىه نى
مبدئى و صحرائى مديد و طاقتشكن كاروان يوللرىنىك اسكلهسى
اولان طرابلس بلدهسى ايسه بو ساحلنىك قديم مركز
تجارىدور. طرابلس معنائى تامىله صحراى كبرى بحر سفىد ايله
برلشدىكى محله شمالدن كلن طرقى بحرىه ايله جنوبدن كلن
قافله يوللرىنىك ملتقاسىدور.

طرابلس بلدهسنى دكزدن باقىلدىغى زمان منحنى بر ساحل

اوزرنده یشیل بویالی علملریله بیاض مناره‌لری و دگز دالغهلرینک
 اویدیعی قصر قدیم حکومتیله شهرک الک یوکسک محلی تنویج
 ایدن قنار قله‌سی و ساحل بجرده اولدجه منتظم مبانیسیله هیئت
 عمومی‌سی شرقه دوغری امتداد ایدن واسع خرماقلرک
 کنارنده نظرربا بر بلده منظره‌سنی اراثة ایدر. بو خرماقلر
 شهرک همان جنوبیدن باشلیان واسع قوملقلرک فسحت عقیمه
 و سطح مقسی و نظرسوزینی ستر ایدن یشیل بر پرده حالنده
 ساحلی تعقیب ایدهرک دوام ایدر. غربدن شمال شرقیه دوغری
 دوام ایدن بر صره قیالقلرله مستور و شرقه تامیله آچیق
 کنیش و طییعی بر مرسادن عبارت اولان طرابلس لیماتی
 جرئی همتله مکمل بر حاله افراغ ایتک قابلدیر. ساحل بونجه
 امتداد ایدن نسبة معمور محلاتی کچیلهرک ایچری کیریلنجه
 ازمئه قدیمه‌نک سورله محاط بلداننده کوریلان تضییق بلیه‌سندن
 متولد دار سوقاقلر، پنجره‌سز، منفذسز بوغوجی اسکی بنالرک
 تشکیل ایتدیکی بلده قدیمه کندیسینی کوسترر. طرابلسک بوتون
 فعالیت تجاریه‌سی ایشه بو بلده قدیمه‌نک «سوق» لرنده تمرکز
 ایدر: سودان و افریقای وسطی‌نک مستحصلاتی، صحاری وسیعه
 واخلرینک خرما محصولی، معمولات محلیه ایله اوروپا ادخالات
 صناعیه‌سی ایشه بو دار و مضیق چارشیلرده یکدیگریله تماس
 ایدرلر. کانم و بورتونک طرابلسده تربیه و استحضر ایدیلن
 قوش‌تویلری، هر سنه ادخالات مقداری تقلل ایتکده اولان فیل
 و هیپوپوتام دیشلری، قانو معمولات صناعیه‌سندن سختیانلر
 و بوندن معمول برلی طاقلر، داخل ولایت معمولاتی مختلف

احرام و بطانيه لريله مصراطه نك كليملري هپ بو سوقلرده و استانبول چارشيسنه بکزه ين اوستي کمرلي بدستانك لوش دکاتلرنده کوريلور. اوروپا ادخالاتندن مواد صنايعه و اينجه ثوالت لوازمي ساتان بر مغازه ايله بر اجزاخانه آراسنده منشيه باغچه لرينك سبزه و يمشلريني ساتان بر ماناو دکاني، دها اوتوده کوچوچك بر بقاليه مغازه سي وبر قوندره جي دکاني هپ شرقزه مخصوص بر قارغاشالق ايچنده غير متجانس بر منظره ارايه ايدر.

بلده قديمده آفريقا اقوامندن هر جنس حلقك بحر سفيد ساحل اهالي سندن مختلف عرقلرک نمونه لريله مختلطاً قايناشدقلى کوريلور. بالنسبه سرين بر ياز صباخنده بومضيق چارشيلرده اوروپا ملل مختلفه سندن انسانلر، عثماني مأمور و عسکرلري، مختلط العرق قول اوغللري، بربري و جبالي قبائلدن بدويلر، مغربي و اسيای صغري ساحلندن گلش موسويلر، فزان اهالي سي و نقلیه تجاريه ايله مألوف عرباني، نادراً بر قاج نقابلي توارق، آفريقاي وسطى نك الك اوزاقلرندن کتيرلمش بورنو، واداي و باغرميلي زنجيلر عمومي بر آمدوشد ايچنده بر مشهر اقوام وجوده کتيريرلر. بلده نك منتهاي شرقيسندن باشليهرق ۲۰ كيلومتره امتدادنده ساحل بويجه دوام ايدن و حقيقتده ساحل و احلرندن اولان خرمالق باغچه لرينك سکنه سيلاه برابر طرابلس نفوسي عموميسي ۳ الى ۴ بيكي غير مسلم اولمق اوزره ۴۲ بيك راده سنده در. طرز معيشت و لسان اعتباريله

آفریقا اقوام بربریه‌سنه يك يقين اولان مالطیزلر جماعت غیر مسلمه میاننده اکثریتی تشکیل ایدرلر .

خارج سورده‌کی بلادۀ جدیده‌نك جاده‌لری اولدقجه‌کنیش و ابنیه‌سی منتظمدر. انجق شرقه مخصوص قارغاشالق و عدم تجانس بوراده‌ده حکمنی اجرا ایدر. مزین بر بنانك یانی باشنده بوش بر عرصه‌ده زنجیلره مخصوص خرما داللرندن معمول زربهلره ، ده‌ها اوتده‌ده خرمالق کنارنده‌کی باغچه‌لرده اسکی بر چادرک دلیک دشیك جدارلرینك حمایه‌سنه صیغمنش بر بدوی عائله‌یه تصادف اولنور. سور قدیم بویجه دوام ایدن اسکی پنجره چرچوه‌لری، بربری یتاق کره‌ودلرندن قوندره‌چیویلرینه قیریق نعللره وارنجه‌یه قدر هر نوع خرده تجارتیه مشغول باراقلر بر از اوتده‌ده‌کی کنیش جاده‌لری تزیین ایتمکه باشلايان مبانی جدیده ایله تضاد تام تشکیل ایدر .

طرابلس واحه‌سنك خرماقللری بر ربع عصر اول سور قدیمك کنارندن بدا ایده‌رك صوك زمانلرك اثری اولان خارج سورده‌کی واروشلرك اولدقلری محللری ده‌اشغال ایدردی . بحر سفیدك متلاطم سطح بی‌قراريله قیزغین قوملقلرك روی مواجنی یكدیكرندن آیران بو مدید خرماقللرك ظل کشفنده و تحت‌الارض واسع بر صو سطحی سایه‌سنده ابتدائی اولان طرز اسقاواروایه‌رغمأ هر نوع اشجار مشمره و سبزیه‌یتیشدیرن باغچه‌لر شرقه دوغری دوام ایدر. بحر سفید حوضه‌سنده یتیشن هر نوع اشجار مشمره‌دن : پورتقال، لیمون، انجیر، شفتالی، قایسی، نار و زیتون اغاجلرینك سویه حضراسی فوقنده



طرابلس غرب (سورك باب الجديد مدخلی)



طرابلس غرب (موسوی فادینلری قیافتی)

میلیونلرجه خرما اغاچلرینک سایه دوغری یوکسلدیکی و ضربات امواج ایله هر دقیقه پارچه لقمه اولان ساحلک رسوبی اوچوروملری اوزوندی قویو یشیل بر پرده کبی شرقه دوغری دوام ایتدیکی کوریلور. بو سایه بانلر آلتیده اینکیرله جرایدیلن جلدن معمول دلوهرک ۴ الی ۱۲ متره عمقنده کی قویولردن چقاردی صاف و براق صولر آفریقانک حاروفیاض کونشنک تاثیریه بغدای، آرپه و داری کبی حبوباته و هر نوع سبزه یه حیات ویرد.

طرابلس ولایتک اک زیاده معمور و مسکون جهاتی ساحل بحرینجه امتداد ایدن معموره لری و بونلرک آراسنده ده اک اهمیتلی طرابلس غرب بلده سی اولوب نفس قصبه و جوار خرماقلرنده ساکن اهالی یکون عمومیس غیر مزروع و غیر معمور جوار اراضیسه نسبت ایدیلنجه کیلومتره مربعه آنجق ۱۵ نفس اصابت ایدر.

خرماقلرک جنوب کنارندن اعتباراً ارتق صحرای کبیرک عقامت نظر سوزی باشلار. جنوب روزکارلرینک نفخه محرقیه شاله دوغری سوریلن متحرک قوم تپه لرینک ستر ایتدیکی واسع بر ساحه غریان تموجات متوالیه ایله دوام ایدهرک افق ایله قاووشدیغی ودها جنوبیده غریان و ترهونه سلسله جبالنک کشیف ماوی مدید بر پرده کبی افق ایله سای کبودی آراسنده بر خط فاصل تشکیل ایتدیکی کوریلور. آفریقانک صحرا قسمنه مخصوص بو تضاد مدھش و له رساندر: باغچه لرک، نخلستانلرک سایه حضرا سندن بر خطوه اوتیه سی مدید و عقیم

بر چولدر. حرارتله رطوبتك برلشدیكى نقطهده فیض طبیعت
 بوتون قوه نامیه نوجوانیسیله فیشقیره رق اوزون و مشقتلی
 صحرا سفرینك تأثیر الیمی التنده زبون یولجییه ناصل روی
 ابتسام قبول عرض ایدرسه؛ بو واخلك حدودینه وداع ایدن
 قافله لرهده صحرانك مدیدو متموج تو ملقلى، طاشلق سریرلرینك
 فسحت مدهشهی بوتون عقامت و چییلانلیغیه عدم و ممالك
 شكل ماتیسنى اراؤه ایدر.

بوتون طرابلس ساحلی شمالدن اسهن بحر سفیدك راطب
 وفیاض نسیم لطیفیه، جنوبدن كلن صحرای کبرك نفخه خار
 ومحرقتك تصادم نقطه سیدر. ساحل قسمنده یاز موسمی
 منتظم ملتئم شمال شرقیدن وجنوب غربیدن داوم ایدر.
 بعض کونلر ایسه یرلیرك (قبلی) دیدکلى جنوب روزکارلى
 اعصابی صوك درجهده یوروجی بر تأثیرایله هرشیئی، بوتون اذهار
 اوراق اشجارى بیله قورودوجی، بوروشدیرمچی یبوست
 مدهشهیله دوام ایدر. افق جنوبی اتشین بر رنك حمراه
 بورونور. شدید وزانیله قالدیردیغی ذرات تراییه، کوچك
 قوم دانهلری طرابلسك فوقنده قرمن متراق کشف برپرده
 حالنده سمانك صاف وبراق ماویلکلى ستر ایدر. قبلی کسب
 خفت ایدنجه میلیارلرجه ذرات طائرہ یاغمه اشیا، وملبوسات
 اوزرنده تراکه، صندیقلره حتی ساعتلك ماکنه اقسامنه
 وارنجهیه قدر هریره نفوذ اتمک باشلار. بوغوجی، یوروجی
 قورودوجی نفخه خار صحراوی افریقای شالینك بوتون
 فیض طبیعتی بر کفن عظیم ماتمی التنده اولدیرن بی اتها صحرای

عقیمه نك شاله دوغری بر حمله استیلاسی کیدر . اکثر زمانلر قبل یی متعاقب شدتلی شمال روزکارلری سمایی سترایدن سحاب غباری جنوبه دوغری سوردرک ، صیره رق سمانك بو مملکته مخصوص صافیتی اعاده ایدر .

قبل روزکارلرینك دوامی اثناسنده متقدمینك بیک تعییرلر ، تفسیرلرله علامت شئامت اولدیغنه حکم ایتدکاری بر حادثه غریبه وقوعبولور : اهانك (دمع القبلی) دیدکری ایری ، سیرك قطرات مطر اکثر حال معلقیته بولنان قوم وطوپراق ذراتیله قاریشیق قرمز متراق قان رنکنده یاغار . ۱۳۱۳ سنه می بو حادثه یی بالذات مشاهده ایتمش ونزول ایدن چامور قطره لریله بیاض بادانه لی دیوارلرک بر قاچ دقیقه ده قیرمزی بنگلی قیلان پوستی حالی آلدیغی کورمشدك . قبل روزکارلری صحرائك قوملری ، توزلری یالکز طرابلس ساسنه قدر سوروکملکه قالماز . بوتحفه عقامتی بحر سفیدك شمال ساحلنده کی ممالك تمدنه یه قدر سوروکلیه رك بوصورتله هر سنه افریقادن بر قسمی اوروپایه نقل ایتکده در . قبل نك ساحل قسمنده کی تاثیرالهی ، یبوست مده شه سنی صوکره لری فزانده کورمدم . ساحله قدر حماده لری ، سریرلری ، چیپلاق قیالق یایللری کچدکجه ده ا زیاده حرارت ویبوست حاصل ایتکده اولدیغنه شبهه یوقدر .

یازك مطرد ملتملرینك طرابلس ساسندن سوروکلیوب کچیردپی بلوطلر بر قطره یاغور براقاز ؛ انحق راطب ملتملرک بحر سفیددن جنوبه دوغری سوردیکی بخار کتله لرینك

نصف ایلیدن سوکره حاصل ایتدیکی شبنم قطراتی ساحله قریب اووه لرده کی نباتاته حیات تازه ویرر. بر یاز کیجه سنك صباخه یقین آچیقده و ساحله قریب بولنانلر شبنم قطراتی ایله عادتاً ایصلانیرلر .


یاغمور دورلری صوگ بهار نهاینلریله قیشده در . بوتون ولایت اراضیسی افریقای شمالی ده سنه غال ساحلندن شرقه دوغری و جزئی میلله مدار سرطانی قطع ایتک اوزره دوام ایدن یاغمور سر منطقه نك مرکزنده واک زیاده قوراقلغه محکوم اولان صحرا قسمنده در . ساحل قسمی عموم سطح ارض اوزرینه نزول ایدن بارانك موازنه سنه نظراً بوتون ربع مسکونك اک قوراق محلاتنددر .

*

* *

طرابلس بلده سی خرما لقلر حدودندن چاد کولنه و سودانه قدر دوام ایدن صحاری وسیعنه نك ممرلری و پاشلیجه قافله گذرگاهلری تدقیق ایتندن اول اصل طرابلس ایله فزان قطعه وسیعنه سنك وضعیت طبیعی لرینه سریع بر نظر عطف ایدلم :

اصل طرابلس دنیلان شمال قطعه سی غابس کورفزی نك مشهای شرقیستی تشکیل و مطراطیه قدر دوام ایدن قسمی و جنوبیه دوغری عظیم بر کیرتی تشکیل ایدن سرت کورفزی ساحلی اولق اوزره شمالدن دکزله ؛ جنوبدن ایسه حماده چولی ، جبل سودا سلسله سی ایله سریر بن عفین کی کاملاً صومرز و



طرابلس غرب (داخل سورده برسوقاق)



طرابلس غرب (خارج سورده زربه‌لر)

ایصمز صحرالرله محدود یعنی بر طرفدن صو، دیگر جهتدن
ایسه طاشلق وقوملق دکزیله محاطدر .

اهالیسنک طرز معیشتی و اخلاقی وقسمأ عرفی تمامیه
یکدیگرنندن فرقلی اولان طرابلس وفزان قطعاتی آراسنده بر
خط فاصل طبیعی اولان بو طاش وقوملق دکزلری غریبه
غدامس جوارندن وتقربأ ۱۰ ، ۳۰ عرض وپارس مبدأ
طولنه نظرأ یدنجی طول شرقی دائرهسندن باشلیهرق
۲۵ ، ۳۰ عرض و ۱۱ طول دائرهسنه قدر جزئی بر میلیهدوام
ایدر ؛ بو نقطه دن اعتبارأ جنوب شرقیه و ۴۰ ، ۲۸ عرض
و ۱۳ طول دائره سنک تقاطع نقطه سنه قدر دوامله حماده الجرا
نامی آلیر . بو صوسز چیلاق وغیر مسکون صحرا دکزلری
بورادن اعتبارأ شرته دوغری یورویرهك جبل سودانك سیاه
قیالق یایلاری وبو سلسله نك قسم جنوبیسی اولان سریر بن
عفینك واسع طاشلقلرینی تشکیل ایدر ، وبورادن ده جنوبه
تبدیل استقامت ایدر . بو صحرای عظیمك غدامسندن
شرقه وفزان — اورقله یولنی قطع ایتدیکی نقطه یه قدر
امتدادی اثناسنده کی عرضی یعنی شمال کنارندن جنوبه قدر
اولان بعد ومسافه سی اصغری ۱۳۰ اعظمی ۲۵۰ کیلو متره
بیننده متبدلدر . بو صوسز قوردونك یکدیگرنندن تفریق
ایتدیکی طرابلس وفزان قطعه لری تشکلات طبیعیه ومنظره
عمومیه جغرافیه جه تمامیه یکدیگرنندن قرقلیدرلر . شمالده کی
اراضی امتدادلی سلسله لرله ، خط تقسیم میاهلرله شمال ، شمال
شرقی وشرق سطح مائللرئنده کی اراضی لحقیه دن عبارت واسع

اووه لر وکنیش وادیلردن مرکب اولوب یاغمور موسملرینک جنوبیه نسه دهامطرد اولسندن دولای صولرک سطح ارضدهکی تأثیراتی روزکارلرک کی ایله متوازن ، جنوبیه ایسه واسع سریرلر ، صحرالر اوزرینه سرپش یشیل آداجقلر حالندهکی واحلرله ازمئه قبل التاریخیهده بویوک یاغمورلی دورلرک وجودینه شهادت ایدن کنیش وغایت امتدادلی فقط بحر ای سفلیسنه دوغری روزکارلرک غلبه تأثیری ایله دوزلنش ، سیلنش منقطع بویوک وادیلردن عبارتدر .

*
* *

جنوب یوللری اوزرندهکی مشهوداتی وقایع روزمره شکلنده یازارسق کلال ویرمکدن اجتناب ایده جکم . یالکز عمومی استقامت و باشلیجه تشکلات ارضیه دن ، قبائل بدویه دن و صحرایه دوغری قطع ایتدیکم ایکی بویوک طریقدن منابوه بحث ایدرک ولایتک منهای جنوب غریبسندهکی غات بلده سته قدر مشهوداتی عرض ایده جکم:

سقوط ، قانو ، بورنو ، کانم و وادی طرق تجاریه سنک و صحر ا خطوط موصله سنک طرابلس بلده سندن صوکره ایلک منزل نقطه لری جنوبیه مرزق و جنوب غریبده غات بلده لریدر . طرابلسدن بو نقاطه متوجهاً : اولاً جنوب غربیه و غدامسه و اورادن جنوبیه توجهاً غاته منتهی اولان غرب یولی ؛ ثانیاً جنوبیه شاطییه متوجهاً ایکیه آیرلق وینه شاطیدن جنوب غربیه بر قول ایله غاته توجّه ایتک اوزره دوام ایدن جنوب

یولی، ثالثاً فزانك حاکمیت عثمانیه به انتقال ابتدییکی تاریخدن اعتباراً پوسته طریقینی اتخاذ اولنان عامره یولی اولمق اوزره اوج طریق اصلی واردر. بونلردن اصل جنوبیه دوغری کیده رک غریان سلسله جبالنی کچدکن صوکره ایکیه آریلان وشاطیدن کچهرک ینه مرزقه و غاته دوغری آری آری استقامتله انقسام ایدن طریق تجارت اک ایشلک یولدر.

بو یوللر عوارض زمین ویا وادیلرینک تشکلی ویاخود غاته و مرزوقه و بناءً علیه سودانه سرعتله امتعه تجاریه پی یتشدرمک کبی بر مقصدله اختیار ایدلمه مشدر. سودان نجارلرینک نقلیاتی اجرا ایدن قبائلک توطن ایتدکری نواحی ایله مناسبتدار اولان استقامتله تأسس ایتمشدر. غاته یعنی ایلك منزل نقطه سنه قدر امتعه تجاریه سنی نقل ایتدیره جک تاجر، قافله سنی تودیع ایتدیکی عربان دوه جیلرینک مملکتلرندن کچمکه مجبوردر. اساساً بو نقلیات ایله توغل و تأمین معیشت ایدن عربان طرابلسه قدر اوزون بر سفر اختیار ایدرک کلش اولان یورغون دوه لرینی تبدیل ایتمک و بدل کرا مقابلنده افراد عائله سی ایچین طرابلس بازارندن اشترا ایتش اولدیعی منسوجاتی و دیگر اشیای بیتیه پی اونلره ایصال ایتمک ایچین کندی قبیله سنک ساکن اولدیعی محالدن کچر، و بناءً علیه صاحب احوال اولان تاجری ده عین طریق اوزرندن کچیر.

طرابلسدن فزانه و غاته قدر باشلیجه مناقلات تجاریه پی اجرا ایدن شاطی عربانیدر. ولایتک منتهای غریبسندن کچن غدامس — غات یولی اوزرنده ایسه سینا وون عربانی ایله


توارق دوه جیلری ایشله مکده درلر . شری عامره طریقی اوزرنده اورقله ، سوکنه جوارنده کی عربان طرفدن منزلدن منزله تبدیل اولنق اوزره نطع مسافه ایدیلر .

طرابلس واحی حدودندن خارجه بر خطوه آتیلنججه واحك منتهای جنوبیسی تشکیل ایدن باغچه لر کنارندن اعتباراً باشلیان جفاره وعین زاره قومقلری ایچنه کیریلر . غایت رفیق ومتحرک قوم ییغینلرینک تشکیل ایتدیکی سیار تپه لر اراسندن یولهر سنه تدریجاً تبدیل موقع ایدن اعوجاجلرله دوام ایدر . ساحل قطعاتی بویجه امتداد ایدن بوقوم تپه لری فزان داخلنده کی صحرای کیر قومقلرینه نظراً ارتداعلری ده آزوده سیال اولوب نسبة سرعتله تبدیل موقع ایتمکده درلر . جفاره قوملغنک غربه دوغری تدریجاً ومنتظماً ایلرولمکده اولدیعی کوریلور . یارم عصر قدر اوللری قومقلرک غرب حدودنده واقع مزرعه لر ورسوبی اووه لرک بوکون قوم استیلاسنه اوغرامش اولدیغنی یرلردن او زمانی درخاطر ایدنلر حکایه ایدیورلر . تبدیل موقعده کی بو انتظام حرکتک شمال شرقیدن منتظماً وزان ایدن ملتلمردن ایلری کلدیکنه شبهه یوقدر .

یاغمور وسیل صولرینک غریبان وترهونه جبالندن کتیردیکی مواد رسوبیه دن تشکل ایش اولان بو واسع اووانک طرابلس بلده سی جوارنده واقع شمال قسمی بوسیار قوم تپه لرینک استیلاسنه اوغرامشدر . قافله لر بوسیار تپه لرک اراسندن سوزیلهرک بوکوله رک اون بشر کیلو متره قدر جنوبه



فوطو. فیشهر
مقارحه قبیله سندن بر بدوی



فوطو. فیشهر

قافله قوم تپه لرینی آشارکن

دوغری قطع مسافه ایدنجه آرتق صاری رنکلی قوم تپه لری
کیریده براقیرلر و جنوباً غریان جبالی اتکترینه و شرق
جنوبی استقامتندده ترهونه داغلرینک کنیش وامتدادلی
وادیلرله کسلش متقطع بر قدمه تشکیل ایدن اوچوروملرینه
قدر دوام ایدن قرمزی اوزون بر اووا داخلنه کیررلر .
طاغ اتکترینه قدر دوام ایدن بو اووا وهله اولیده دوزظن
اولنورسده حقیقتده مائل و تقریباً بیکده دوت نسبتده
خفیف بر میلده در .

قوملقدن چقدقدن صو کره جنوب یولی کدوه (عزیزیه)یه
قدر ، جنوب شرقی یولی ده مجین اوواسنه قدر قوتلی اراضی
الحقیقه دن کچرلر . غریان داغلرندن یاغمور صولرینی ساحله
قدر اساله ایدن وادی هیره و ترهونه جبالندن دوغریجه
زرا بلس بلده سی جوارینه آقان مجین وادیسیله ترهونه نک
شمال شرقییه دوغری دوام ایدن یوکسک یایلارینک یاغمور
صولرندن متشکل سید بالنور وادیسی و بوتون بونلره عائد
دیگر کوچک وادیلر هر سینه یاغمور موسملرنده یتاقلرینی
تبدیل اتمکده و سلسله جبالدن کتیر مکده اولدقلری مواد
عضویه ایله زراعته صالح کنیش وامتدادلی مزرعه لر حاصل
ایتمکده درلر . ترهونه سلسله سندن اعتباراً غربیه دوغری ،
غریان و نفوسه داغاتکری بونجه دوام ایدن بوتون بواراضی
قوة انباتیه جه سلسله فوفنده کی یایلارله قائق ایسه ده مع التأسف
زراعت برکتلی یاغمورلره و وادیلر بونجه فیضان میاهه متوقفدر
سلسله جباتک شمال و شمال غربی استقامتده کی ایلك

دو کونتیلیته قدر دوام ایدن اووا سطحی موسم صیفک
 حار و مؤثر کونشی التده چاتلاقلرله منقش سرت بر زمین
 تشکیل ایدر ، یالکز وادی يتاقلرنده کی طینه نسبة قومله
 قاریشقدر . اووا سطحی سترایدن سدره چالیرینک کومه لری
 کوکلریله حبس وائتکانه مانع اولدقلری طوپراق تومسکری
 اوزرنده نظر ربا یشللیکر حاصل ایدرلر . سدره کومه لریله
 مستور اولان اووانک منظره عمومی سی قویو یشیل کوپوکلرله
 قبارمش فورطنه لی صاری بر دکزه بکزر .

یول سدره کومه لرینک ازاسندن دولامباجلرله وبعض
 کوچک خرمالق واینجیر باغچهلرینک ککنارندن کچهرک
 کدویه قدر دوام ایدر . کدوه اووا سطحندن یوز متره
 قدر ارتفاعده بر تپهدر . عزیزیه قضااسنک مرکزینی تشکیل
 ایدن بویوک بر قصر حکومتله برقچ دکان وبر جامعدن عبارت
 اولان قصر الکدوه قریه سی بوتپه نک غرب اتکنده کائندر .
 صیجاق ودفعة آچیلان بر فرون مدخلنک حار ویابس نفحه
 جهنمیسی کی قاووروجی قبلی روزکارلرینی متعاقب وزانه
 باشلیان راطب شال روزکارندن استفاده ایتک ایچین بر تموز
 اقشامی کدوه تپه سنه چیقمشدم . قبلی روزکارینک تأثیریه
 قاینار کی سرابی بر منظره اراهه ایدن افق غرییده کونش
 قویو قرمزى شعاعاتی ایچنده غروب ایدرکن شالیدن کثیف
 بر بولوط حالنده کلن بخار طبقاتی اووه سطحنه وسدره لره
 سورونه رک ایلریلیهن بر پرده کی یناشمقده وبوتون اشیایه
 دونوق بر شکل مبهمیت ویرمکده ایدی . برقچ کوندیری

دوام ایدن قبلی روزکارلرینک قوروتدیگی ، صوگ عصاره سفی
امدیگی یشیل سدره حیاتی ایشته بویخار کتله سنک نصف
الیلدن صوکره دوکه جکی شبنملره مدیوندر . بر جهتدن ده
بو سدره لر غریبان سلسله جبالنک جنوبیه قارشى تشکیل ایتدیگی
سد عظیم سایه سنده قبلی روزکارلرینک دوغریدن دوغری به
تهاجم و تماسندن بر درجه به قدر مصون قالمقده درلر .
کدوه دن صوکره اراضی عین طبیعت ترابیه ایله سلسله
جبال اتکرینه قدر دوام ایدر . داغله یاقلاشدیقه سدره لر
کیتدیجه سیرکشمکه ونسبه بویومکه وبعض محلاتده ایسه اوج
متره به قدر ارتفاع کسب ایدرک منفرد آغاچلر حالنده کوریلیمکه
باشلار . ساحل جهتلرنده اراضی لحقیه نك ستر ایتدیگی طاش
طبقه لری آرتق کندیله رینی کوسترمکه وقافله منفرد تپه جگر
آراسندن کچمکه باشلار . عموم اووه داخلنده تحت الزمین
صو سطحی ۵ الی ۶۰ متره ییتنده جنوبیه دوغری علی التدریج
عمق حاصل ایدرک سلسله جباله قریب محلاتده قویولر ندرت
حاصل ایدر . بورالرده اکثریا طین طبقاتندن اوج متره قدر
اشاغیده سرت طاش طبقه لرینه تصادف ایدیلدیگی جهته قویو
حفری بویوک مشکلاتله اجرا اولمقده در . وادی یتاقلرینک
طاشلق اقسامنده اسکی رومالیلردن قالمه صهرنجار یازین صو
احتیاجنی تأمین ایتمکه و بدویله ری قویو حفری مشکلاتندن بر
درجه به قدر قورتارمقده در . قدیم رومالیلرک وادی صولرینی
ضبط و جمع ایتک اوزره وجوده کتیرمش اولدقلری بندلره
بورالرده ، یعنی وادیلرک غیر متبدل بر اساس متین تشکیل

ایدن طاشلق مجرای علویلرنده و سلسله جبالک شمال قوتتر فورلری آراسنده تصادف اولنور .

طرابلس ساحل قسمک اکثریاده قابل ذرع اولان اووه سطحنده و کدوه اطرافنده یالکز ورشفانه قبائلک ساکن اولدیمی بو اراضی هیئت مجموعهی تخمیناً ۱۳۰۰ کیلو متره مربعنده در .

بوساحه دائره سنده کی مزارع و وادی بتاقلری وسطی برکتلی زمانلرده ۲۴۰۰ طونیلاتو اریه و انجق ۳۵۰ طونیلاتو قدر بغدادی تشدیر مکده درلر

طرابلس غرب شهرینک اون بش کیلو متره جنوبندن اعتباراً غریبان سلسله جبالی اتکلرینه قدر بو ساحه ده توطن ایدن ورشفانه لیلرک مجموع نفوسی ۱۵ بیکدر ؛ اتساع اراضی یه قیاس اولوتجه بیر کیلو متره مربعه انجق ۵ ، ۱۱ نفوس اصابت ایدر . اووه داخلنده یاشایان بوتون بدویلر خیمه نشین و کوچه درلر . وسطندن تک دیرکلی ، مستطیل الشکل و اکثریتله سیاه و بعضاً قویو بال رنگی قیلدن معمول چادرلرده یاشارلر . بو چادرلردن عبارت کوچیه بر قوناق هیئت عمومیه سنه یرلی عربان « نجع » و « نزله » ناملری ویرلر . اکثر یاغموور وسیل صولرینک اسقا ایتدیکی اقسامده زراعت ایچین نزله لر تبدیل موقع ایتدکلی زمان بر حائله نک ارزاق چواللری ، دکرمن و بر ایکی تحته یمک قابندن و اکثریا بر باقیر تجره دن عبارت اولان ارزاق و اشیای بیتیه سندن باشقه بویله بر قیل چادری تفرعایله برابر نقل ایتک

ايچين آريجه ايکي دوه يه احتياج واردر . قيش موسمي بو چادر ديره کني يره کومهرك اتکيري زمينه ايصال ايدرلر ، يازين ايسه بالعکس اتکيري اوزون قازيقارله قالديره رق واتکير بويجه جريان هوايه مانع اوليه جق صورتده حصيردن اوج جدار شاقول وجوده کتيرر ويالکز برجه يي مدخل اوله رق آچيق راقيرلر .

تموزك صيبحاق بر قايله (*) سني ورشفانه چادرلرندن بريسنده کچيرمشدک . بولنديغمز چادر و سطندن وديرک خدا سندن قيل برکليم ايله ايکي يه تھريق اولونمشدي . اوکلين يممکني احضار ايچون خدمت ايدن ال دکر منتک حاصل ايتديکي مطرد ايکتي و ايشيديلن قادين صداري بو قسمک حرم دائره سي اولديغني افهام ايدوردی . چادرک جدار شاقوليسي بويجه آتيلمش ارزاق چواللرينه اتکا ايدەك يره سريلمش قيل چواللر اوزرينه اوزانديق . صاحب بيت بزي يممکه دعوت ايتمشدي ؛ يممک زمانه انتظاراً ال دکر منتک آھنک مطرديني دیکليهرك بر آز اويقويه دالديق . اويقومن بعضاً باشمز اوزرندن آتلايان کچي اوغلافلرينک متقطع باغريتيلري ، بعض کره بر قاچ طاووغه رياست ايدن عظمتلي خرووسک غلغلهلري وارزاق چواللرينک اراسنده يکديکيري قوواليان بياض کويک ياورولرينک ، يوارلانه رق باجافلرمن اوزرندن آتليه رق قوشوشملري وبوغوشملريله

(*) زوالدن ايکي ساعت اول باشليه رق بعد الزوال ساعت ايکي يه قدر دوام ايدن کونک صيبحاق زماني ناطق بر تعبير محليدر .

دوچار انقطاع اولیوردی . چادر صاحبك بوتون حیواناتی تموزك میجاق کونشدن محافظه نفس ایچین چادوك نسبة سرین کولکسینه التجا ایتشردی . انسان و حیوان هیمز اوراده بر جمهور مختلط حالده استراحته چالیشیوردق .

تخته برقصه (قاواتا) آرپه اونندن معمول بزین(*) خیرینی یته تخته بر قاواتا ایچنده هر حالده بدوی بزینندن دهها لذتلی اولان اکشی عیرانی ایچدکن صوکره چای طاقی اورتایه کتیرلدی . کوچك بر تخته اوزرینه دیزلمش کوچك جام قدحرله ، کوچك بر چایدان ، بویالی تنکدن چای وشکر قوطیسی هر حالده صاحب بیتك قبیله جه متمولاندن ودها دوغریسی اوسنه برکتلی بر محصول افتطاف ایتدیکنه دلالت ایدیوردی ، قحط سنه سی بدویلر هر شیرینی حتی زوجهلرینی بیله باشلرندن آتارلر . طرابلس اهالیسی ایچون اوروپالیلرک مشروبات کئولیه ایتلارندن دهها مخرب اولان یشیل چای ایتلاسی کرک صحتاً و کرکسه مالاً بویوک بر آفتدر . اوروپانک مضر بویالره ملون یشیل چایلری طرابلس بدویلری تزدنده بازار رواج بولمقدهدر . زیرا بدویلرجه اک قویورنک ویرن چای اک مقبولیدر . یشیل چای استعمالی افریقای شمالیده و عموم

(*) بزین طرابلسلیلرک مقبول بر یمکیدر . بغدادی ویاخود آرپه اونندن معمول خیر بر تخته قاواتانک وسطه نصف کره شکلنده بر قبه کبی قونیلور . اوزرینه ات صوی صالحه سی دوکیلور و ات پارچه لری ایله تزین اولنور . بوخیزدن بر پارچه آلتوبات صوی ایله یوغورلدقسن صکره ال ایله ینیلیر .

بر برستانده سنوسي زواياسي طرفندن کتيرلش واهالي به تعميم اولونمش بر بليهدر . بو منشادن دولاييدرکه چاي ياييق و حاضرونه توزيع واکرام ايتمکده اهميت و آداب مخصوصه به رعایت شرطدر . چاي يايان ذات بر زاويه شيخنک اخوان و مریدانه قارشي طاقدیبي اوضاعي تقلید ايدر .

جماعتمزدن شاطیلی قوايده قيلهسي شيعی احمدین علی معروف تجاردين و کباردين و سنوسي اخوانندن بر ذات اولغله اوکون بعدالطعام چاي احضاري خصوصي کنديسنه توديع اولونمشدی . شيخ احمد ، سنوسي زواياسنجه مرعي اصول دائره سنده هرکسه اوچر قدح توزيع ايتدکدن صوکره سفره نك قالدیرلسنی تکلیف ایتدی . حالبوکه بوتون ورشخانه ، مجینين و بالخاصه ترهونه بدویلری اوچ دکل حتی دو قوز قدحله اکتفا ايدر طاقدن اولمداقلرندن چایده دوام ایده بيلمک ایچین صاحب بیت تحتہ سفره بی اوکنه چکدی . اودقیقه به قدر فوق العاده اوزون بویننک اوزرنده و بویوک ماوی بوسکلی تونس فسنگ آلتنده ؛ پارلاق ایری سیاه کوزلری ، منقاری برونی ، اینجه دوداقلری و او اوزون چهره سیله سیوری چکه سنک خطوط عمومیه سی برازمستیزی فقط شاطر بر تأثیر اجرا ایدن صاحب بیت چاي احضاري ادابنه رعایت ایتمک ایچین اوزون بویننک عضلاتی کهره رک ، باشنی دیکه رک کنديسنه بر اهميت و وضعیت مخصوصه ویرمش و دردنجی قدحنی طولدیرمغه باشلامشدی .

غریان سلسلهٔ جباله یاقلاشلدقچه ، داغلرک شمال اتکارینی تشکیل ایدن اوچوروملر و اوچوروملرک التنده ییقتی آثارندن بویوک کتلهلرک حصوله کتیردیکی میلی خفیف یماجلر و بو اوچوروملرک آراسنده آچیلش بویوک و طرفینی دیک وادیلرک فتحه لری دها وضوحله کوریمکه باشلار . یول منفرد تپه لر آراسندن ، دوکوتی اثری اولان یماجلرک کنارندن وطاشلق سیل مجرالرندن کچه رک بو وادیلره ودها ایلری سلسلهٔ جباله دوغری دولامباجلرله دوام ایدرک صرپ یماجلر اوزرنده زیقزاقلی تنیه (یوقوش) لره منتهی اولور .


بر تموز کوننک کولکده وسطی ۳۸ درجه سانتیگراده واصل اولان درجهٔ حرارتی ایله کچن بر قافله یولجیلری ایکی طرف یماجلرینک قیالق اوچوروملری وسیل صولرینک وادی یتاغنه سرمش اولدی بیاض چاقل طاشلرینک انعکاساتیه تضاعف ایدن درجهٔ حرارت وکوز قاماشاسندن صوک درجه یزار اولورلر . بوتون قافله ده برکسلان عمومی اثری کوریمکه باشلار . بوسیل یتاقلرینک چپلاقلی ونادر اتصادف اولنان بر قاچ منفرد سدره کوتوکلرینه رغماً منظرهٔ عمومیه نک حال عقامتی ایله تپه لر اوزرنده کی یایلائی تزین ایدن غریان باغچه لری وزیتونلقلرینک منظرهٔ لطیفه سی آراسنده بر تضاد کوریلور .

اهالی محلیه نک تنیه تسمیه ایتدکری دیک یوقوشلر چیقیلنجه جبل نفوسه وغریان سلسلهٔ جبالنک خط بالاسنه وغابس ، سرت کورفزلی ورسائلرینک خط تقسیم میاهنه



فوطو، فیشهر

غریان ایله مرده بیننده (سوف جین مضافاتی)



فوطو، فیشهر

وادی* سوف جین

يعني طرابلس غربك منبت ومسكون اولان شمال قسمك
عمود فتريسي اوزرينه مواصلت ايدلمش ديمكدر . طرابلس
غربك حيات زراعيه سنجه اهميتي حاز اولان بو سلسله
جياك تشكلاتي وايكي كورفز سطوح مائله سني تماشا ايچون
شوراجقده براز توقف ايده جكم :

تونس جنوبته قدر ياپيلان آطلس سلسله سنك قوللري
طرابلس غرب داخلىنده نالوت جوارندن باشليهرق غريانه قدر
جبل نشوسه ناميله دوام وبو امتدادى ائناسنده جنوبه
وجنوب شرقيه دوغري بر جهتن حماده يايلاسيه برلشمك
اوزره قوتقورلريني تمديد ايدر . سلسله غرياندن اعتباراً
شرقه وشرق شماليه دوغري دوام ايدرك ترهونه ومسلاته
يايلالريني تشكيل ايدر . اصل طرابلس غرب نامى آلان
ولايتك شمال قسمك عمود فقريسي واضلاغنى تشكيل ايدن
بو سلسله جبال باشليجه اوچ ورسان وجوده كتير .

برنجيسي — شمالده دوغريدن دوغرييه طرابلس ساحلنه
وغابس كورفزينه منجر اولان واديلري وسيل يتاقلريني
وجوده كتيرن شمال سطح مائلي ؛

ايكنجيسي — جنوب وجنوب شرقيده ، يفرين ،
غربان وترهونه جبالك خط بالالري ويوكسك يايلالرينك
ياغمور صولريني سرت كورفزينه ايصال ايدن وبن وليد ،
سوف جين ، زمزم ونفد واديلريني وجوده كتيرن شرق
سطح مائلي ؛

اوچنجيسي — غدامس وسيناوون استقامتنده صوف قوملقارينه

منتهی اولان صحرا وادیلرینک سیل صولرینی حاصل ایدن
جبل نفوسه نك نالوت قسمنده کی جنوب غربی سطح مائلیدر .
بو سلسله جبال اتکرنده و یفرین ، غریان و ترهونه
جبالنک فوقنده کی یایلارده موجود منابع جاریه نك اووه
سطحنده کی زراعت هیهچ بر قائده و مداری یوقدر .

طرابلسک حیات زراعیه سی یا غمورلره و بالخاصه قطیس و مجنین
اووه سبله قدیم روما امپراطورلغنک اصل ذخیره انباری اولان
شرق سطح مائلنده کی کنیش و اوزون وادیلری ، سیل صولریله
اشباع ایده جک مبدول یا غمورلرک اوچ سطح مائلک خط تقسیم
میاهی اوزرنده کی یایلارده منتظماً نزولیه تأمین وادامه ایدیه
بیلیر . حالبوکه سلسله جبالک خط بالاسی اوزرنده غریان
تپه لری و بعض وادیلر ایچنده قدیم روما آثارندن اولان
سدلی وادیلرده کی زیتونلکرله جبل نفوسه نك محدود
وادیلرنده کی اشجاردن ماعدا هیهچ بر اغاچه تصادف اولماز .
دیگر جهتدن ترهونه یه دوغری اولان جبالک شمال شرقی
قوللری اوزرنده کی واسع یایلارده ، خفیف میلی تپه لرده
واوفله یه قدر اولان میلی جزئی و دوز یتاقلی وادیلرده کی
آثار قدیمه انقاض و خرابه لرینه نظراً معمور بر ماضیسی اولان
بوساحه عظیمه نك شیمدیکی چیلانلی مطرد و برکتلی یا غمورلرک
نزولنه مانع اولان اسبابدنر . بر طرفندن ده بدویلرک باشلیجه
بر منبع ثروتی اولان حلقه اوتنک کوکندن سوکیلمه سی
اراضی بی بوسبتون چیلاق برافقده در . حلقه اوتی اولجه
خمس ساحلی بویندن باشلیهرق داخله دوغری ترهونه واورقله

اراسنده کی یوکسک یایلا ایله ترهونه جبالنک شرق ورسائی اوزرنده یولنور ایکن شیمدی خمس ساحلندن قرق بش کیلومتره جنوبه قدر دوام ایدن بوساحده اجرا اولونان تخریبات دن و حکومتک بو منبع ثروتی محافظه خصوصنده کوسترمش اولدییی لاقیدی یوزندن آرتق حلقه اوتی قالماشدر .

جنوبدن و صحرای کبیرک حار و جهنمی سطحندن طرابلس حماده لرینک متعالی و یابس سطوح عریاتی کچهرک کلن جنوب روزکارلی جبل نفوسه یایلارینی یالایه رق قوریتمقده ورطوبتدن اثر برافقامقده در . بوچپلاق خط تقسیم میاهک بو صورتله یابس بولنسی و انعکاسات شمسیه ایله هوای نسیمی طبقات سفلیه سنک تزايد حرارتی نزول بارانه مانع اولمقده و منبوتات ایله محافظه اولنه میان سطح زمین اوزرنده روزکارک تخریباتی دوام اتمکده در .


طرابلس غریبه ذراعتک ترقیسی ایچون آنجق موضعی فوائدی جامع اولان ارتیزیه ن قویولرینک حفری و یاخود منابع موجوده دن فن دائره سنده استفاده ایدلمسی کی وسائطدن زیاده خط تقسیم میاه اوزرنده کی یوکسک یایلارده اورمان یتشدیرلمسی و بو صورتله یاغمور موسملرنده نزول بارانک تأمین ایدلمسی لازمدر . نالوتدن اعتباراً مسلاته یه قدر جبالک سطوح علویه سی و بالخاصه اسکی روما زماننده میلیونلرله اشجار مشمره یه وطن اولمش اولان ترهونه ایله اورقله یننده کی واسع یایلاده اورمان یتشدیرمک ایچین صرف اولنه جق همتله کیتدکجه انقراض بولان ثروت عمومیه تزیید اولنه بیلر .

مع التأسف شیمدیکی شکل حکومتی رومالیردن قالمه اعصار
دیده زیتونلکلره معموره لر قریبنده کی مغروسات جدیده بی
بیله کچی سوریلرینک دندان خرصندن تخلصه موفق اوله میور،


*
* *

على العموم سلسلة جبال اوزرنده وسوف چین وادیسنه دوغری
میللرده، یتاجلرده تصادف ایدیلن لاو پارچه لری صحرانک
طرابلس قسمنکده ازمئه قبل التاریخیده ادوار برکانیه کچیرمش
اولدیغنه دلالت ایدیور. غریانک دیک و اوچوروملی شمال
اتکرنندن یوکسک یا یالاره چیققدن صوکره تپه لرده
و وادیلرک نسبته خفیف اولان مجرای علویلرنده کی یشیل
زیتونلقلره آچیق یشیل رنگلی اینجر یا پراقلرینک سطح ترابه
سریلن لطیف کولکه لکلری یتاجلرک قوری، قیالق منظره سیله
تضاد تام حاصل ایدر.

غریان قصبه سی زیتونلکلر آراسنده کوریلان برقاچ فوقانی
مربوعه (اودا) لر ایله تحت الزمین مساکندن عبارتدر. یفرین
قصبه سی و جوازی مستثنا اولق اوزره همان بوتون جبل
نفوسه اوزرنده یاشایان اهالی بر آلتی اولرنده و مغاره لرده
ساکندرلر. مسلاته دن اعتباراً نالوته قدر اولان جبال اوزرنده
یاشایان قبائل اووه دهه کی قبیله لره نسبته ده ها صاف بربر نسلندن
اولوب یفریندن اعتباراً غربه دوغری کاملاً بربری لسانیه
متکلمدرلر. افریقای شمالینک مروض اولدیغی قدیم استیلار
زماننده اهالی محلیه بی تشکیل ایدن بو بربریلر دائماً جباله



طرابلس غرب (احمد پاشا جامی مدخلی)



طرابلس غرب^۳ واحه سنده بر مسجد

التجاء ايدرلردى . بربريلر من القديم استيلاي اجانبه قارشى
برودت و خشونتله مقابله ايدمرك لسان وعادتلرينى محافظه
خصوصنده شدتلى بر تعصب كوسترمشلر وبو استيلالر مياننده
اك شديد واك عظيمى اولان عرب استيلاسنه و خصوصيله
اولاد هلال سيولنه قارشى ده دائما آطلسك منيع التسخير اولان
شواهقنه التجاء ايتمشلردر . حالا بوكون طرابلسده احوال
وانقسام قبائل عين حال و وضعده نمايان اولمقدهدر :

سلسله جبال شالنده واتح اووهده مقدارى بئك جزئى
اولان عربلر و برابرة مستعربه خيمه نشين و نيم بلدى بر حالده ؛
جبالك فوقنده يايلادهكى مغاره و طاش قووقلر نندهده خالص
بر برنسلى موجود بولمقده و يينلرندهكى عداوت قديمه شدتله دوام
ايتمكدهدر . غريانك تحت الزمين مساكنى بوز مره دن دكلدرلر . انجق
يفرستدن اعتباراً غربه دوغري بربريلرك قريه و مساكنى
عادتا قارتال يووهسى كى اك صرب اوچور و ملرك تپه سنده
و مدافعه لرى سهيل اينجه پاتيه لره يكدى كرينه متصل اولدينى
كوريلور .

غريان اولرى تقريباً بش متره قدر بر عمقده كنش بر قويو
ايله بو قويونك جدارينه اويولش اودالردن عبارتدر . ظلمات
ليل اينچنده بر يبانجى ايچين بو اولرك حولىسنه سقوط ايتك
تهلكهسى كيجه لرى قصبه ده كزمكه باشليجه بر مانع تشكيل ايدر .
اودالره ، دها دوغريسى بو حجره لره كوچك و آلچق بر قابودن
كيريلنجه اوزون بر كمر قبه و قيشين اودا داخلىنده احراق ايدلش
اودون دومانندن قارارمش و قازمه اثرلريله بر سطح معوج

تشکیل ایتش جدارلر و قاباصابا» موره سئ» قورنیش تزیناتیه
چوریلش دیوار حجره لری منظره عمومیه بی تشکیل ایدر .
بویر آلتی مسکنلرینک حولیسنه اینک ایچین اوستی قبالی مائل
برتونلدن ده دوغریسی معوج بر رامپه دن استفاده اولنور .
سلسله جبال قیشین شدتله قامچیلایان قارایل روز کارلریله ،
یازین محرق جنوب روز کارلرینه قارشى اهالی محلیه بویر آلتی
حجره لرینه التجا ایله مقاومت ایده بیلیرلر . انجق شدتلی یاغمور
لرده حولیده طویلانان صولر حجره لره قدر هجوم ایده رک
بعضاً انهدام تهلکله سنه بیله سبب اولدیغی روایت اولنور .

غریان سایه بانلرینی ترک ایتدکن صوکره یول خفیف
برمیل تعقیب ایده رک سوف جین وادیسنه آقان برقاچ کوچک
وادینک قیالق مجرالرینی قطع ایتدکن صوکره مزده یه واصل
اولور . ارتق غریان یایلاسندن صوکره صحرا یه مخصوص
اولان حال یعنی کیجه ایله کوندوز حرارت درجه لری آراسنده کی
تفاوت عظیمه کندیسنی کوسترمکه باشلار . سلسله جبالک
جندوبه [*] کی دوز ونسبه نباتاتدن عاری اولان محللرنده
تموز کیجه لری بیله ائک قالین یون بطانیه لر مزی اورتمکه وشدتله
اجرای حکم ایدن آیازه قارشى تحفظه مجبوریته حاصل اولیوردی .
سلسله نك سوف جین وادیسنه اولان اینیش محللری نسبه ده
طاطلی میله در . مزده قریه سنک مبنی اولدیغی محله وادینک
طرفینده کی یتاجلرک میلی آز وطاشلق تپه جکوردن عبارتدر .
طاشلق وادی یتاغی ایچنده زیقزاقلر ترسیم ایدن سیل مجراسی

[*] غریان زیتونلکترینک غربنده یوکسک ودوز بریایلانک اسمی .

بویوک قیالر وچاقل طاشلریله مستور وزراعته غیر صالحدر .
 مزده موقعی وادی يتاغندن تحمیناً ۴ الی ۵ متره عمقده کی
 صو سطحی سایه سنده وجود بولش برقاچ یوز خرما آغاجیله
 روما حرابه لری اتقاصی آراسنه بنا ایدلش کوچک برقریه دن
 وفزان یولی اوزرنده ، اصل طرابلس غرب قسمنک صوک
 معموره سی اولقدن باشقه بر اهمیت حائز دکلدر . بک قلیل
 اولان اهالیسی نیم بدوی برحاله چامور حرجله یاییلمش کوچک
 طاش بنالرده سا کندرلر .

غریاندن مزده یه قدر نفوس عمومی کیتدکجه قلیل
 ایدهرک دوام ایدر . غریانک معموره لر اطرافنده و زیتونلق
 باغچه لری ایچنده کی نفوس مجموعه سی قضانک اتساع عمومیسنه
 نظراً بهر کیلو متره مربعه اوج درجه سنده ایسه ده اوج ربی
 غیر مسکون اولان قیالق و طاشلق اراضیده بر قاچ یولجیدن
 باشقه هیچ کیسه یه تصادف اولنه ماز .


قسم اعظمی بدوی و طرز معیشتجه طرابلسک شمال غربانندن
 فرقسز اولان مزده ناحیه سی عربانی ایسه مزده وادیسی
 قوللری و « جبل خدامیه » داغلرنده ساکن اولان اولاد
 بوسیف قبیله سی ده داخل اولق اوزره ده قلیل المقدار و ناحیه نک
 بک واسع اولان ساحه امتدادینه نظراً انجق تحمیناً دوت
 کیلومتره مربعه بر نفر درجه سنده در . طرابلسدن اعتباراً
 مزده یه قدر اولان اراضیده نفوس تدریجاً آزالقده ونهایت
 زمزم وادیسنک جنوبندن اعتباراً فزان اراضیسنه قدر کاملاً
 غیر مسکون صحاری وسیعه یه منجر اولقده در . ساحلن اعتباراً

بوسبوتون ایصسر طاش دکزی حدودینه قدر اولان اراضیه
نسبة نفوس مقیاسنجه طرابلس بلدهسی جوارندهکی کثافت
نفوس ساحل بحرك شرق و غربنده تقریباً تشمیل اولوتجه
ساحل معمورهلری جوارندهکی نفوسک اک کثیف و حماده
سریرلرینه قدر کیتدکجه سیرکلشهرک دوام ایتدیکی و بناء علیه
ولایتک بوتون فعالیت اقتصادیسی ساحلرده و ساحله قریب
اووه لرله بویوک وادی یئانلرنده تکزایتدیکی تظاہرایدیور.
غریبان داغلرندن صوکره مزدهیه قدر قویولر محدود
ایسهده تحت الزمین صو سطحی مجنین ونطیس اووهسنه نظرا
دها یقیندر. مزدهدن اعتباراً زمزم وادیسی قوللرینه و حماده
حدودینه قدر موجود قویوصولری املاح معدنیه وبالخاصه
چوئجه مقدارده کوکرت مرکباتیله مخلوط و انحق الجای
ضرورتله قابل شربدر.


*

**

طرابلسدن مزده جوارینه قدر بر خط اوزرنده دوام
ایدن فزان و غات یوللری بورادن اعتباراً اوچه انقسام ایدر.
باشلیجه بو طریق اوزرنده سفر و نقلاتی اجرا ایدن شاطی دوه جیلر.
ینک کچدیکی بویوللردن الکسهل المرور اولانی غریبان جنوبندن
اعتباراً آریلهرق (وادی بی) دن کچن شرق یولیدر. حساونه
و مقارحه قیلهسنه منسوب دوه جیلرک نزله و مسکنلرندن کچمک
اوزره التزام ایتدکلری بو طریق باشلیجه بورنو و وادیه کیده جک
تجار حوله لرینک و مرزقه مخصوص امتعه تجاریه نک نقل
ایدلمکده اولدیعی یولدر.



روما بقیة آثارندن



قوطو، فیشهر

قریه غریبه ده روما خرابه لری

دیگرلری شاطی غرب عرباننک تعقیب ایتدکلی حماده
 یوللریدرکه شاطیدن صوکره وادی غرییده ایکیه آریلهرق
 سودان قافلهلرینی غاته ؛ بورنو و وادی قافلهلرینی ده مرزوق
 تجارت دربندینه ایصال ایدر . بویوللر ، مزده کوی ایله سوف
 جین وادیسنک طاشلق ، قیالق یتاغی ترک ایدرک زمزم
 وادیسنک قوللرینی تعقیب ایله شرقدهکی یول زمزم ایله وادی
 بی آره سنندهکی صرتلره ، غرب یوللری حماده سریرینک
 شمالی حدودینه منتهی اولور .

زمزم وادیسنک یتاجلری دیک و قیالق وادی یتاغی بو
 یتاجلر اراسنده محبوس ایسه ده سوف جینک مزده جوارندهکی
 مجرای علویسنه نظراً ده خفیف میلده اراضی لحقیه دن
 متشکل و طلح اغاچلریله [*] مستور اولدیجی جهتله نظره ده
 لطیف بر تأثیر اجرا ایدر . برکتلی یاغمورلی سنه لرده کنیش
 وخفیف میلده واقع وادی یتاغنک حصوله کنیردیکی مرعا
 و مزروعلریله زمزم وادیسی بوجوارده بوسیف وزنتان قبائلنک
 و مجرای سفلیسنده اورقله قبائلنک حیواناتی لایقیه بسلر ، وسیل
 صولرینک یوزلرجه کیلومتره مسافه دن سور و کلیوب کتیردیکی
 مواد عضویه ایله قوت بولان مزارعی ده کلی محصول ویریر .
 زمزم دن کچدی کمز زمان وادینک کنیش شعباتی و قوللری ایچندهکی
 واسع مرعالرک یشیل اوتلری و بو اوتلر ایچنده یایلمش دوه وقویون
 سوریلری کوزل برلوحه تشکیل ایدیوردی . بولوحه دلربانک
 اوچنچی پلانی اولان براق ، ماوی برتموز سہاسیله یشیل وادی

یتاقلری آراسنده زمزمك اوچوروملی شال یماجلری ایسه قرمزی
 ومهیب برپرده حالنده خط قاضل تشکیل ایدیوردی .
 غات طریق تجارتی زمزم دن صوکرآ آرتق کاملاً غیر
 مسکون اولان حماده سریرینه داخل اولور . حمادة الجرایه
 کیرمه دن اول بورایه قدر دوام ایدن ۳۰۰ کیلومتره طولنده
 واولدجه مهم عوارض طبیعییه بی قطع ایتیش اولان یوللری تعقیب
 ایدن قافله لر ، بویکی وطاقتشکن صحرامشیتته باشلامه دن اول
 طابونیه قویوسی باشنده مدید بر استراحت و صوسز منطقه دن
 معدود اولان حماده صحراسنی سریع یورویشلره قطع ایده بیلیمک
 ایچون جمع قوته محتاجدرلر . بوقویو صحرانک شال حدودنده
 واقعدر .

طابونیه جوارنده وزمزم وادیسی قوللری اوزرنده قریه
 الشرقیه ، قریه الغربیه اسملرنده ایکی واحه بولنمقدهدر .
 رومالیردن قلله انقاض وخرابه لر اوزرینه بنا ایدلمش اولان بو
 قریه لرده فزانک شاطی عربانندن مقارحه لر توطن ایدیورلر .
 بولردن قریه الغربیه بی زیارتیه موفق اولمشدم . وادی ملاقی نک
 شرق قولنده ، وادی سطحنک تحت الزمین صو طبقه سنه پک
 یقین بولنسی وکوچک برمنبعک باطالقلر حاصل ایدن ، هوایی
 افساد ایدن صولری سایه سنده وجود بولمش قویویشیل وصیق
 بر خرمالق ، تپه لرك چیلاقلغیه تضاد تام تشکیل ایدیوردی .
 وادینک شال صرتلرنده قدیم خرابه لر ، اقسام علویه سی ییقلمش
 یوکسک قله لر وبوصرتلرك وادی به دوغری ایلر یلمش جنوب
 قوترفورلری اوزرنده طاش وچامورله یاییلمش بر قریه

کوریلوردی . طرابلسک ساحل و شمال قسمنده روما خرابه لری متروک براقلمش و یکی بلده لرا کثريا بو خرابه لرك جوارنده تأسس ایتمش اولدیجی حالده قریة الغربیه ده کی مقارحه لر چامور خرجه کوچک طاشدن وجوده کتیرمش اولدقلری خزین المنظر بنالرینی تمامیه خرابه لر اوزرینه قورمشلردور .

بویوک کسمه طاشلرله بنا ایدلمش اولان سور قدیمک قایسندن کیریلنجه بوسورک و روما مبانی جسیمة قدیمه سنک ییقلمش ، دوریلمش طاشلری آراسنده دار سوقاقلی کوچک برکویجکزر کندیسنی کوسترر . حالا لطافت وانتظامی محافظه ایده ییلمش اولان روما سور قدیمک ، شیمدیکی حالده بر متره دن زیاده انقاض التنده اشیکي طیقانمش وقاپانمش اولا قایسنگ طرفینده دیواره موضوع ومحکوک تصاویر ملائک بومدخک رومالیرک خرسیتانلق دورنده وجوده کتیریلمش اولدیغنه دلالت ایدور . سور قدیمک شیمدیکی زمین سطحنه نظراً اوج متره قدر یوقاریسنده کوچک طاشدن یاییلمش مازغاللی یکی بر صره دیوار قریة الغربیه نک استیلای اسلامدن صوکره متروک براقلماش وقابلیت تدافیه سی تزید اولونمق اوزره عرب فاتحلری طرفندن یکیدن تحکیم ایدلمش اولدیغنه دلالت ایدور .

غریاندن اعتباراً ده ا زیاده کوریلنمه باشلایان روما آثاری قریة غربیه به قدر دوام ایدور واک زیاده وادی بویلرنده تصادف اولنور . زمزم قوللرندن وادی مرصیده تصادف ایتدیکمز قسماً خراب بر مرقد قدیم ، وبونک جوارنده شیمدی طوبرانله طولمش قدیم بر صهر نجه کوچک بر بنا خرابه سی اساساً رومالیر

زمانندېرى فزان وغات طريق تجارتشك بورالردن كچمكده
اولديغنه حكم ايتديره بيلير . رفيق طريقم موسيو فيشرله برابر
زيارت ايتديكمز بو خرابه ده قسماً قيريق ، سيليك بر «باروليه ف»
ده بر قارتاك بر جيلانى هوايه قالديرمىنى مصور منقوشات
ولوحه نك ايكي طرفنده اكلي اوزاتمش تصاوير ملائك بومباينيك
روما امپراطورلى ادوار اخيره سنده وجوده كتىرلمش اولديغنه
دلالت ايتيوردي . موسيو فيشر بو منقوشاتك اوكنده :
« قارتالر محو اولدى ، جيلانلر حالا مملكتلرنده ياشيورلر »
دېتمىدى .

سوف جين وزمزم وادىلىرى ايچنده بوكي مراقدو كوچك
قصر خرابه لرى چوقدر . فقط غريان ، ترهونه يايلازلرنده
وسلسله جبال فوقنده كي وادىلر كى مجارى علويه سنده كوريلمكده
اولان سدرلر كي مديد وفعال بر حيات زراعيه نك اثارينه
بوكنش وادىلر ده تصادف اولونمور . غريان ، ترهونه واورفله
يايلازلرنده كي مجراى علويلر ديك اولان وادىلر كى سيل صولريله
سوپوريلان زراعته صالح اقسام رسوبيه يى توقيف ايتك وبو
صورتله مزراع مستويه وجوده كتيره بيلمك ايچين انشا
ايدلمش اولان قدمه لى سدرله ، اساساً وادى يتاقلرى خفيف ميلده
اولان زمزم وسوف جين وادىلر نده لزوم و احتياج كوريله مزدي .
طرابلسك ساحل قسمنده كوريلن قديم معموره لرك مهيب
ومعظم خرابه لرى ، بويوك كمرلر و قالين بوكسك ستونلرى ،
اسكى آغير روماله ژيونلرينك ضربه آهنييله دنيايه حا كيتنى
طانتش اولان جهان امپراطورلغنىك عظمتيله نه درجه بلغ

بر آهنگ تناسب تشکیل ایدرسه ؛ خمس ومسلاته دن باشلیه رق
غریانه قدر بوتون سلسله جبال اوزرنده وبالخاصه ترهونه
واورفله یایلاسنده کی وادی یثاقلرنده وجوده کتیرلش اولان
آثار زراعیه ، بیکلرجه سدلرله حبس ایدلش وادیلرک نظره
عرض ایتدیکی متمدن زرعهلر ، بودمیر پنجه لی مستولینک اصل
حیات فعالانه سندن ، صدمات اعصاره رغماً باقی قاله بیلش
شاهدلریدر . انسان بومعظم مباینک ، بو واسع عملیات تراییه
وزراعیه اثارینک اوکنده مستغرق تخلیات اولدی بی زمان ؛
بیکلرجه اسیرک ، مرحتسز قامچی ضربهلری آلتنده اینله بهرک
سوریکلنهرک ، افریشانک حارو محرق کونشنک آلتنده صبورانه
چالیشه چالیشه جان ویردکلرینی کورر .

فزانک اراضی محرومه سنه نسبتله فیضلی وبرکتلی اولان
شمال قسمنده یعنی حماده ودها شرقده سریرسوده ایله آیریلش
اولان اصل طرابلس غرب اراضیسنده اسکی رومانک ذخیره
انباری ترهونه واورفله یایلالرنده کی بوسدلی و یوکسک وادیلرله
بالخاصه مدید بر بحرای تعقیب ایدهرک یرچوق مواد عضویه
انقاضی سورو کلیوب کتیرن و بناء علیه الک قوتلی مواد رسوبیه بی
حاضر اولان بن ولید ، سوف جین وزمزم وادیلرینک بحاری
سفلیه سیدر . بو وادیلرک اورفله جنوبنده کی سطح مستوی به
قریب خفیف میلده کی کنیش بحرالری و یثاقلری برکتلی برسندده
بره یوزاللی به قدر محصول ویردیکنی یرلیر ادعا ایدیورلر .

*

**

حماده الحمر اصحراسی ، غدامس دن باشلیه رق شرفه دوغری

۵۸۰ کیلومتره طولنده واک کنیش محلنده ایکی یوز الی کیلومتره عرضنده اولوب دوز، کوچک قیرمزی رنگده طاشلارله مستور یوکسک بریایلادر . فرانسلرک « پلاتو » تسمیه ایتدکری جبال فوقنده کی دوزلکله یایلا دیمک جائزه حماده الحمراء بویه فقط ، قوری وکاملاً صوسز ، غایت دوز وکنیش بریایلادر . حماده وشرقنده کی سریر بن عین صحرالری ، سوده سلسله جبالی ، غربدن شرقه دوغری تمتد بوجسیم صحرالر ؛ صوسز ، عقیم ، چیلاق و طاشلق سریرلر ؛ اصل طرابلس غرب دنیلن شال قسمی جنوبده فزان قسمندن آیران عظیم بر بحر جامد اعتبار اولنه بیلیر . طرابلس - فزان خط تجارت مرکزینک وادی بی طریق اوزرنده و بوسه صوسز خط قاصل عظیم داخلنده واقع « الحاد » قویوسی یا غمور صولرینک عین اسمده کی وادی قعرنده و قایالرک آراسنده حاصل ایتدیکی موضعی بر صوطیقه سی اولوب ایکی سنه یا غمور سز کچن دوامی بر قور اقلق بر قویوبی ده قوریده رق طاش دکزینک آهنگ عمومیسنی اعاده ایدر . الحاد قویوسنک وضعی سبیله وادی بی طریق طرق مرکزیه دن اک سهل المرور اولانیدر .

طرابلسدن زمزمه قدر دوام ایدن ققل نفوس آرتق بوراده تامیله صفره منجر اوله رق فزان حدودینه قدر اراضی کاملاً غیر مسکون و حتی حیوانات وحشیه طرفندن بیله متروک وایصنر صحرالر در .

طابونیه قویوسی باشنده استراحت ایدن قافلهلر حماده نك اعماق مخوفه سنه دوغری ایلری آتیلدقلى زمان ، انسان


بوعظيم بحر جامدك بى اتها افقلره دوغرى اوچوب كيدن
 قيرمى دوزلكلرينك غريب برتائيرى آلتنده ميهوت قالير .
 طابونيه قويوسندن آيريلنجه قافله اون كيلو متره قدر ضعيف
 سدره لر ، چالقلر آراسندن كچدكدن صوكره عظيم برصحرائك
 يگنشق قيرمى افى ايچنده ابجار محيطه ده اجر اى سفر ايدن
 برسفينه كى يولنده دوام ايدر . حماده يى بدرتام حالنده كى
 قرك بويابس نواحى به مخصوص صدق ، ماويمتراق ضيالريله
 منور تموز كيجه لرنده ، دواملى ويوروجى بش كيجه لك
 يورويشله كچمشدك . قرك اشيايه ميهيت ويرن ارتعاشات
 ضيايه سى آلتنده بخارلى بردكز افى كى سمايله قاريشان حماده
 فسحت معظمى ايچنده دوه لرك كاه اوراق غروپلر تشكيل
 ايدهرك ، كاه منفر دأ داغيله رق ، دائما اسرار انكيز ذرات
 نيم مضيه پرده سيله مستور برساحة بى اتهايه دوغرى برسيرمطرد
 ايله آقوب كيتملرى دونوق برسطح معدنى اوزرنده جريان ايدن
 سياه بردره جك منظره سنى ارائه ايدر . دوه جيلرك صحرايوللرى
 قدر مطرد نغماتى آراسنده صبور ، ساكن ، بوتون موجوداته
 برنظر بى قيدى ايله باقان دوه نك فيلوزوف طورى صحرا
 سفرىنى دوش تحمله آلانلره درس صبر وقناعت ويريور ظن
 اولنور .

شمالدن جنوبه دوغرى كاه داغيله رق كاه برلشهرك دوام
 ايدن وعصرلردنبرى مشروحركتدن تولد ايتش اولان يكرمى يى
 متجاوز پاتيقه لر سايه سنده يارلاق قرلى بركيجه ده يول غائب
 ايدلر . مظلم كيجه لرده ايسه حماده نك صاف ويابس سماسى هن

وقت ماوی ضیالری نشر ایدن پارلاق نجمیه تعیین جهاته
 بك مساعدد. کیجه دن زیاده کوندوز وخصوصاً شمسك
 سمت الرأسه قریب بولندیی زمانلرده بویاتیقه لردن شرقه و غربه
 تباعده جرأت ایتك بك تهلكه لیدر .

حماده یولاری بعضاً کاملاً دوز بعض یرلرده اوزون
 فقط ارتفاعی آز ، زمین دالغهلری تعقیب ایدر . قافله من آفشام
 غروب دن اول یوروشه باشلار و اهالی محلیه نك « سروه » اطلاق
 ایتدکری مشی تامی اجرا ایدهرك فجر زمانسه قدر داوم
 ایدردی . شمسك حرارتیه قیزمش طاش پارچه لری و سریرك
 سرت طوپراغی کوندوز آلدییی حرارتی کیجه لین سرعتله نشر
 ایدهرك نصف الیلدن صوکره صوکره درجده صوغور . غروب
 شمسی متعاقب یا یورویانلر زمیندن انتشار ایدن شعاعات حرارتی
 و آشاغیدن یوقاری به دوغری صیجاق هوا ذراتنک یوزه
 اوردیغی حس ایدرلر . کیجه یاریسندن صوکره ایسه بومدید
 صحرا یوروشی ایله تعبنك اولان عضلات و اعصابه جزئی راحت
 و یرمك ایچین شویله جه زمینه اوزانیو یرمك ، سطح ترابك
 اضاعه ایتش اولدیی حرارتك فقدانندن دولای قابل اوله من .
 علی العموم صحرا ده بو حادته هوانك فوق العاده یبوستی و دائماً
 سطح زمینده قوم و چائل کی ذات الزوایا ذراتك حرارتی سرعتله
 نشر ایتلرندن ایلری کلور . بوجهله تقریباً ۱۱ الی ۱۲
 ساعت قدر یوروجی بر یوروشی متعاقب فجرك قری صولدرن
 ایلک شعاعاتیه دوه لر اوطورتیلیمیه ، یوکر چوزیلیمکه و طلوع
 شمدن صوکره یرلر ایصنمه دن اول سرعتله چادرلر قورولمغه
 شتاب اولنور .

هاده الجمرانك جنوب اتكلري



حماده ده غروب و طلوع شمش، قرص خورشيدك تيرمزي
 وكسكين خطافق اوزرنده دفعة دنيله جك قدر سرعتله ظهوري
 وغائب اولسي ايله عجيب وغايت عظمتلي برمنظره ارايه ايدر .
 كوندوزلري قيرمزي وواسع بردائره حالنده هر طرفدن سهايله
 برلشمش برافق منتظم ارايه ايدن حماده سطحك نظره عرض
 ايتديكي يكنسق منظره اعصابي يورار . بو واسع ، سرايلي ،
 بعضيلري سياه و بعضيلري ده قيرمزي طاشله مستور فزان
 صحرالريني كچركن نظري اشغال ايدم جك بر شي بوله مامقدن
 متولد تعب بي آمان چوق كره لر جهاز رؤيتك عصياتي انتاج
 ايدر ؛ انسان آرتق بوسطح مقسي يه باقامق ، كورمه ملك ايچين
 كوزلريني قاپارويا مديد برخيالك اثري صفحاتي تعقيب ايدمرك
 كوزلري آچيق كور اولمايه چاليشير . بو صحراي وسيعده سراب
 وعين حادثه طبعيه اثرى اوله رق اشيانك بويوك كورونمسي ،
 مثلاً بش التي كيلومتره اوزاقده كي بر دوهنك اوج درتيوزمتره
 يقنده ايمشجه سنه برجسامت حاصل ايتسي كوندوزلره مخصوص
 بر حالدر . سراب ايچنده كلن بر قافله نك هيئت عموميه سي اوزاقدن
 تماشا اولنديكي زمان دوه لر ورا كبلري طولاً اوزا يه رق ، حيوا .
 فاك انجه واوزون قوللري راكد بر صو سطحه مركوز بر
 عمودك معوج و منكسر خطوط منعكسي كي آشاغي دوغري
 اعوجا جلرله اوزا يه رق مسحر آميز برمنظره تشكيل ايدر .

حماده نك وسطلرنده خزين ومنفرد برقاج قبر متروكك
 بو صحراي وسيعده صوسزلقدن هلاك اولش يولچيلرك مسكن

ابدیلری اولدیغنی دوه جیلر مژدن اوکرنمشدک . بش کون دوام ایدن بو منطقه یایسه ده قافله لر صوسز قالمقدن قورقارلر . فقط اک زیاده بونوع ضایعات قافله دن آیریلهرق یوللرینی غائب ایدنلرک یوزندن واقع اولور .

بوطاشلق وچپلاق اووه کیتلی یاغور موسملرندن صوکره یشیل و مزهر بر طبقه منبوتات ایله ترین ایتدیکنی و بوتون فزان و شاطی عرباننک حیوانلرینی رعی ایچین، یالکز دوه سوتی ایچهرک و بوسورتله ده صو آرامق احتیاجندن وارسته قاله رق چادرلرله فصل ربیعی بوا یصسز اووه لرده کچر دکلرینی دوه جیلر من حکایه ایدرکن اینانمقده و، یازک محرق کونشاریله قاورولان بو صحرای عظیمده بویله برفیض نوجوانی به احتمال ویرمکده دوچار مشکلات اولیوردق . تموزده حماده سطحنده الحق « نصی » دیدکلری کوچک و قوری اوت پارچهلرندن باشقه دوه لر مزی دیوره جق برشی بوله میوردق . چایمزی ، ییمکزی طابونیه قویوسی جوارنده کی وادیلردن طویلا یهرق دوه لره یوکلنوب برابر کتیردی کمز قوری چالیر سایه سنده پیشیریوردق .

طابونیه دن عوینه قویولرینه قدر ۲۵۰ کیلومتره امتدادنده دوکش دکز سطحی کی دوز ویکنسق صحرا ده « رجم » تعیر اولنان طاش ییغینلرندن باشقه هیچ بر علامت کوریله من . یولک وسطنه قریب ویکدیگریته یقین اولان اعظمی ایکی متره ارتقا . عده کی بو رجملر ، یولجیلرک اوست اوسته یایدقلری ، قویدقلری طاشلردن حاصل اولش غیر منتظم اهراملردن عبارتدر . حماده نك جنوب اتکلرینه یاقلاشدیغنی زمان افق شرقیده بر قاق تپه جک

مرايلىر ايچىندە تترەك وسياھ خطوط مەيدە خاللىدە كوريلمەكە باشلاڭ . يول جنوب اتكلىرىنە قىدر دوزلىككە دوام ايدەرك اتكلىرە واصل اولونىچە اوچورملردن دولامباچىلارە عوينە وادىسنە اينىر . عوينە قويولىرى زمزم وشعباتىندەكى تىحت الزمىن صوصطىكى كې عىن طبقات معدنىيەدن كچىمكە وىبناء آلىە چوق مقدارده كو كورتى حاوى بولمىقىدەدر . غرىاندن بورايە قىدر صولردەكى املاح معدنىيە وقويواغىزلىرىنىك سطح ترابايله عىن سويەدە بولمىسندىن دولايى روزكارلىك ايچرى آتدىغى حيوان كويرەلىرى ومختلف مواد عضويه امعايى شىدتله تخرىش ايتىمكەدر . بومىنطقەدە اكثراً يىبانچىلار شىدتله امعا ومعدە راحتسىزلىقلىرىنە دوچار اولورلر . صولرك سوزكچىدن كچىرلىسى وحتى قابىلىسە قاينادىلىسى پىك لازىمدر . حمادەنىك جنوب اتكلىرىنە وداع ايتىدكەن صوكرە يول ايكىيە آيرىلەرق غرىبدن قوملىق وشرقىدن طاشلىق وحمادەيە نىسبەتله دىهازحتىلى ۱۵۰ كىلو مترە برسرىرى دىها قطع ايتىدكەن صوكرە غرباً شاطى وادىسنىك مىنھاسىندەكى ايدىرىيە وشرقاً « وىزرىق » و « برغىن » واحەلىرىنە واصل اولور .

مزدەدن برى انسان يوزى كورمىك نىعمتىدىن محروم اولەرق كونلرچە دوام ايدىن بو صحرا يوروشىندىن يورولمىش وجودلرئىمز ، بى تاب قالمىش دوىلرمزله صوك طاشلىغىدە قطع ايتىدكەن صوكرا بر صباچ ، فجرىك آچىق صارى ، قنارىە ونىكىندەكى ضيالريله منور خفىف مىللى قوملى برسطىكى تعقىب ايدەرك وىزرىق كوئىنىك خرمالىرى ايچىنە كىردىكىمىز زمان بزم ايچون

کۆیدن کلن خوروس صدالرندن دها لطیف ، روحنواز
وتلاییش برنغمه اوله مزیدی .

کونش قوم تپه لرینک آرقاسندن بوتون عظمتیله ظهور
ایده رک کنج ، بودور خر مالرک قویو یشیل یلپازه لری آراسندن
یکی اصفراره باشلامش خرما محصولی آلتون یالیزیلی سیل
شعاعاتیله پارلاتیرکن بوتون قافله مزده اوزون برمقارقت الیمهی
متعاقب وطنه عودت ایدن غربت زده لرک حس ایده جکی . انبساط
شوق و سرور علائقی کوریلوردی .

*

* *

شاطی وادیسی شرقدن غربه دوغری ممتد وایکی طرفی
غایت منحنی تپه جکله محدود کنیش بروادی اولوب برچوق
معموره لره مزین و مسکون اولان قسمی ۱۶۰ کیلو متره
امتدادنده در . حماده نکه همان جنوب اتکرنده شاطی واحه لرینک
وجود پذیر اولماسی تحت الزمین صوسطحنک پک یقین برعمقده
بولمسی واکثر محللرنده قوتلی میاه جاریه منابعنک واحه لری
ونخلستان ی اسقا ایتسی سایه سنده در . وادی طرابلس ایله
فزان بیتنده کی صوسز منطقه جنوبنده واقع ایسه ده جنوب یعنی
سودان سطح مائلندن اولیوب ازمنه قبل التاریخیه ده فزان
وبوتون بوکونکی عقیم و یابس صحرا قسمنک متم اولدیغنه شبه
ایدیله مین طوفانی یا غمورلرک حکم سوردیکی دوره عائدوسرت
کورفزینه منتهی اولان شمال شرقی سطح مائی وادیلرندندر .
غربدن شرقه دوغری برصره واحه لرو جزیره لر حالنده کی
معموره لره شاطی عربانی بر وجه آتی منقسم بولنیورلر:



فزانده بر واحه

ایدری قریه سی	، زوائد عربانی	تقریباً نفوسی ۹۰۰
وتزریق	، قوایده	« « ۵۰۰
برغین	، خطبان و ساهکه	« « ۱۳۰۰
غوطه و قرده قریه لری،	حساونه	« « ۱۲۰۰
براق و جوار قریه لری،	مقارخه	« « ۳۰۰۰

ایشته طرابلس صحراسنده بر عنصر مهم تلفی ایدیلن
شاطی عربانک نفوس عمومیسى اك صحیح تحمینه نظر انجق
یدی بیکه بالغ اولقده در .

عربانک و اهلینک مختلطاً ساکن اولدقلى بو واحه لردن
ایدری قریه سی مبذول میاه جاریه سیله فقط بو منابعدن حاصل
اولان باتاقلقلارندن متولد مالاریاسیله ده مشهوردر . وتزریق
و شرقه دوغری دیگر واحه لرده الهی قدر میاه جاریه
منبعلى موجوددر . بالخاصه مرکز قضا اولان براق قصبه سنده کی
عین کیر حقیقه شاطینک اك کیر منابعنددر . بوتون فزان
صولری و خصوصاً منابع جاریه صولری قابل شرب ایسه ده
بومنعلك اطرافنده کنیش بر حوض حالتده بریکندی حاصل
اولهوق صولری ایچیله میه جک بر حاله ارجاع ایتکده در .

شاطی نک اهالی صنفی قسماً کریچله و قسماً چامورلى خرجله
بنا ایدلش طاش خانه لرده ساکن و عربانک اکثریسى ده بوکی
مساکنه مالک ایسه لرده ینه نیم بلدی عد اولنورلر؛ زیرا
سنه نک قسم اعظمی مرعالرده حیوانلرینی اوتلاتمغه اصرار
ایدولر .

وئزریقندن کچدیگمز زمان موسم یازە تصادف ایتیش
وعربانک قسم اعظمی قریهده مجتمع بولمش ایدک . وئزریقیلر
کوندوزک صیجاق زمانلرینی اولرنده اصرار ایتمکده ، کیجه
ایسه اودالرده و طرز انشاسی بر چوق یووه لر تشکیلنه مساعد
اولان دیوارلر ایچنده سعی ، فزانک دیگر محلاتنده کیلرینه نسبته
دها مؤثر اولان عقر بلك قورقوسندن ذکور و اناث ، قریه
خارجنده کی قوملقلره چیقهرق فسماً خرما داللرندن یاییلمش
زربه لرده ، اکثریسی ده اچیقده و قوم اوزرنده یاتمقده ایدیلر .
وئزریقیلر علی العموم مملکتدن کچن قافله لری ، یبانهچی
کوزلردن قیصقاندقلری بو کیجه حالندن اوزاق بولندیرمايه
چالیشدقلرندن ، بزیده قریهده اوزاق بر محله ایندیرمشر
و مساکن و بیوت کوریه میه جک قدر اوزاق بر خرمالی —
طاتی صو قویوسی اولق بهانه سیله — قوناق محلی اوله رق
ارائه ایتشلردی .

شاطی سکانی عمومیت اعتباریه اهالی و قول اوغلی اولق
اوزره ایکی قسمه آیریلرلر . قول اوغلیلری ده زوائد ، قوایده
خطمان که غرب عربانی و ساهکه ، خساونه و مقارحه ده شرق
عربانی اولق اوزره باشلیجه ایکی قسمه آیریلرلر . همان اوج
ربی دائمی بادیه نشین اولق اوزره بولردن الک کثیر النفوس
اولان مقارحه قبیله سیدر . فزان قطعه سی حکومت فعلیه عثمانیه
آلته آلتدینی زماندنبری بو قبائل قول اوغلی نامی آلتنده
و تفرعام صورتنده خدمتی قبول ایتشلر و نووما صحرا میلیسی
اعتبار اولنشلردر . بولر اصل وجدلرینک شرقدن هجرت ایتیش


عرب نسلندن اولديغنى ادعا ايتمكده و بعض شجرات انسابده
ارائه ايتمكده درلر .

طرابلسك قرون وسطى قوه مدافعه سنى تشكيل ايدن
و اصل قرمان اوغلى اوجاغنىك عونه سى اولان اناطولى
يكيچريليله بربرى نسلنىك اختلاطندن حاصل اولمش و قرمان
بلكى زماننده ينه مدافعه محليه نى تثير عام صورتيله اجرا ايتمش
اولان بو صنف اهالى طرابلسك ساحل اقسامنده ۱۳۱۸
سنه سنه قدر غير منتظم بر قارالتى حالنده بقا بولمش و اوتارنخده
الغا اولونمشدى . شاطى قول اوغلى عربانى ايسه شال قول
اوغللى كچى اوليوب ، فزان معموره لر نى ياغما و ضبط
ايدرك داعيه استقلال ايله او زمانلر دولتى اشغال ايتمش اولان
اولاد سليمان قبيله سى رئيسى شيخ عبدالجليل اوزرينه سوق اولنان
قوه تأديبيه اشراك و دها دوغريسى اولاد سليمان ايله
بينلرنده موجود نديم قان دعوالرندن دولابى ، عبدالجليلك
تنكلمه مأمور اولان حسن پاشا قومانداسنده كى قوه تأديبيه
معاونت ايتمش اولدقلرندن تكاليف اميريه دن معاف طوتيله رق
فزانه مخصوص قول اوغلى اعتبار ايدلمش و اوزماند نبرى برچوق
كره لر قوه ضابطه محليه كچى خدمت خصوصلرنده فزان
حكومته ويرمش اولدقلرى تعهداته هيچ بر كره اعتبار
ايتميرك كاملاً باشى بوش براقلمش لدر . على العموم اداره
حكومتمزده كى كوشكك و سزلىقه ميدان و يرلمك مسلك
قديم و سقيمندن دولابى قوت و قدرتمجه اهميتى اوليان بو
بر آووج بدويلر بوسبوتون شياره رق اوامر حكومتى قطعا

اصفا ایتمه مکه ، نفوذ حکومتی استخفاف و استحقار به باشلامش
حق بر قاج دفعه ده عسکر علیه بنده استعمال سلاحه بیه جرأت
ایتمش در .

حکومتک شاطی عربانندن طلب ایده جکی خدمت دیگر
بر قبیله بی باصمق و اموال و حیواناتی یاغما و نهب ایتمک
کبی بر احتماله زمین احضار ایدرسه در عقب اجابت و او صروده
تصادف ایتدکری حیواناتی غصب و حق معموره لر ایچنده
بیه غارت جرأت ایدر لر . شاطی عربانک اخلاقی و بالخاصه
کثرتی و فقیر اولدقلرندن دهها زیاده شقاوته و یاغما کر لکه میال
ومنهک اولان مقارحه لرک طبعتی ۱۳۱۴ سنه سی ونوعبولان
تیو مسئله سی دهها زیاده ایضاح ایدر : طرق تجاریه اوزرنده
قوافله تعرض ایدن تیو قبائل وخشیه سی تأدیب ایچین سوق
ایدیلن بو قول اوغللری نسوانه ، عجزیه تسلط و بیکلرجه
حیوان نهب ایدرک و کوله لر ، جاریه لر سوره رک مملکتلرینه
عودت ایتمش و بو منهوباتی استرداد ایچین علیه بنده ایکنجی بر
قوت سوقه فزان اداره سی مجبور ایتشاردی .

شاطی عربانی همان عمومیتله دوه جیدر . بورنو و قانو
طرق تجاریه سی اوزرنده مرزق و غات صحرا دربندلریله
طرابلس بیننده کی مناقلات تجاریه بی اجرا ایدر لر . غدامس
طریق مستتا اولدی بی حالده غاته و مرزقه کیده جک وکله جک
امتعۀ تجاریه بی مرده شماندن آریلان شرقی وادی بی طریق
اوزرنده شرق عربانی وبالخاصه مقارحه لر ، غربی حماده
بولی اوزرنده غرب عربانی اجرا ایدر لر . مقارحه لرک حدود



فزان قویولرنده جر ترتیباتی

تقلياتی طرابلسدن فزانه قدر عرب بانك ايسه غاته قدر در .
 بو تقليات دوه لرله و اوزون مسافه لر قطع اولنهرق ، طاقتشکن
 سفر لر اختصار اولنهرق تأمين ايديله بيلديكي جهته موسملره
 تابعدر . بر بدوی قيشك قيصه كونلرنده بوتون زماني مشيته
 حصر ايدهرك دوه سني اوتلاته جق وقت بوله مديعي ايچين قيش
 سفرلريني هيچ ارزو ايتمز . قيش موسملريني عادتاً بولو طلري
 تعقيب ايدهرك كچيرر : زهيه ياغمور دوشرسه دوه سني اورايه
 سورمك ايچين قوشار . ياغمورلري متعاقب نيسانك قاووروجي
 روزكارلرينه ندر حيواناتي مرعاده براقهرق ايجه بسله دكدن
 وسميزلندكدن صوكره ارتق نقل ايده جك اشيا آرامغه وقازاناجني
 اجرت ثقله مقابلنده طرابلس ، غات ، مرزق كي تجارتكا .
 هلدن عائله سنه هديه لر كتيرمكه ، خواجه بيتيه سني تأمين ايتمه
 قوشار . كوندوز قايله زماننده دوه سني اوتلاته جق زمان بوله
 بيلديكي ايچين ، بدوی ياز موسمنك سروه (كيجه يورويشي)
 لريني قيشك كوندوز يورويشلرينه ترجيح ايدر . بناء عليه
 نيساندن اعتباراً باشلايان تقليات فصل خريف اواسطنده ختامه
 رسيده اوله جتي جهته قافله لرك غات و فزان ايله طرابلس
 بينده كي آمد و شدي هپ بو آيلر ظرفنده واقع اولور .

بو وجهه بر دوه سنه ده انجق بر سفر يعني كيدوب كله
 اعظمي ايكي بيك كيلو متره قدر بر مسافه قطع ايده بيله جكدن
 طرابلسه قدر كلهرك احوال تجاريه بي آلاان شاطي عرباني بولده
 ضعيفيان دوه لريني مملكتلرينه عودتلرنده تبديل ايدهرك يولاك
 جنوب قسمي يكي و قوتلي دوه لرله قطع ايدرلر . بدوی علي

العموم اشيا وبالخاصه صقيجه صارلش متوازناً دنكلمش امتعه
تجاربه حملرينك نقلنى يولجى نقلنه ترجيح ايدر . يولجىلك
ركوب و نزول ايجون دوه يى چوكديروب قالديرمى كى
يوروجى حر كتر دوه جىرى چوق اغضاب ايدر .

شاطى عربانى نيم بلدى اعتبار اولنه چق قدر مدنى ايسه -
لرده بونلردن يالكز مقارحه اكثريله وادى بى ده و «ام
الحيل» قويسى جوارلرنده كوچه حالنده ياشادقلرندن وحشى
وخشين اولوب بونلره سياحت ايدن يولجىلك دائماً شكيتلرني
موجب اولمشلردر . مجاور قبائله تسلط و ياغماده و حكومه
قارشى عصيانده ديكر قول اوغلى قبائله هروقت رهبر و دليل
اولمشلردر . شاطى غرب عربانى ايسه اولدجه متمول و بلدى
اولوب نسه دها ذكى و دها زياده حسن اخلاقه مالكدرلر .
غرب عربانى باشليجه غات يولى تجارت مناقلاتى اجرا
ايتدكلرندن اوتهدنبرى سودان تجارتنك كار وكسبى كورمش ،
اكلامش واولا غات بلده سندن باشليهرق كيتدجه توسيع دائره
ايله بالفعل قانونيه قدر سودان تجارتى اجراسنه باشلامشلردر .
غرب عربانندن وبالخاصه خطمان و قوائده دن هر سنه سودانه
بالذات كيدنلر و بالوكاله امتعه سوق ايدنلر چوقدر .

شاطى عرباننك حيات و معاشرت جهتيله طرابلسك ديكر
عربانندن بك فرقى اولدقلى قىلدن معمول چادرلرى ، تحت
قصه نريله بزين حامورلرى ، قادين واركل طرز تلبسلرى و غزوه ،
كلن آلايلرنده ، وليمه جمعيتلرنده كى طرز تغيلرينك تمامى
مطابقتى ايله حكم ايديله بيلير . بو بدويلره دائره دها ايجه تدقيقات

اجرا ایدہ بیلیمک ایچین شاطیبدہ طول مدت اقامت ایدہ مدیکمہ
چوق متأسفم . انجق کچدیکمز یول اوزرنده کی غرب عربانی
اولدجه مکرم و مونس ، طرابلس ایله غات ارہ سنده کچن
حیات سفر و مجبوری اختلاطردن دولایی مدنیته استعدادلری
چوقدر . غرب عربانیدن بالخاصه خطمان و قوایدہ مستقبلاً
ایی برادارہ یه و احتیاجله متناسب تعلیم و تربیہ یه مظهر اولور لرسه
طرابلسک اورقله و ترهونه کبی بادیه اهالیسندن دها چابوق
تنور ایدہ جکریته شبه یوقدر .

*
* *

شاطی وادیسنی قطع ایدن طرق تجاریه شرقدن شبه
اوزرندن فزان مرکزی اولان مرزقه و غربدن بویوک
برقومی قطع ایدہ رک اولوادی آجاله سوکره شرق استقامتندہ
مرزقه و وادی آجالدن بر قول ایریلهرق غرب استقامتندہ
غاتہ کیتیمک اوزره ایکی قسمه آریلیر . شاطی وادیسنک کنیش
قوملق اووه لرینی کچدکدن سوکره قافله چوقجه حدید مرکباتی
حاوی قویو قرمزی غایت خفیف بر میلی تعقیب ایدہ رک وعین
رنکده کوچک طاشلق تپه جکر آراسندن کچهرک واسع بر
قوملغه داخل اولور . زمانک یورولماز ساعیلری اولان عوامل
طبیعیه نك تأثیرله سحق ایدلش ادوار قبل التاریخیه نك سلاسل
جبالی انقاضی اولان بو واسع قوملقلر عرضاً ۱۵۰ کیلو متره
امتدادندہ در . قوملغک حدود شالیسندہ شرقدن غربه و شاطی
وادیسنه موازی اولهرق قوم تپهلری و دالقللری آراسندہ

وادی تعبیر ایدیلن منحنی و نسبة قوة انبائیة بی حائز محللرده
 « زلاف » نخلستاننک خرما اغاچلری غروپلر حالنده صاری
 قوملق اوزرینه یشیل لککلر سریر . شاطی عرباننه عائد بو
 خرماقلر قوملقلرک ایچنده وقوم تپهلری آراسنده پک یقین
 اولان تحت الزمین طبقه مپاهدن استفاده ایدهرک یاشایان
 اغاچلردن عبارتدر . بویوک قوم تپهلرندن عبارت اولان ده
 جنوبدهکی منطقهیه کلهدن زلاف داخلنده کوریلن کوچک
 قوم ییغینلری، یکدیگرینه ملاصق تنبت ایدهرک هیئت مجموععهسی
 یشیل برقه تشکیل ایدن خرما فدانهچقلرندن عبارت « وشکه »
 لرک کوکلریله قاهره بوخرما قادرولری آراسنده تبدیل موقع
 ایدهمیورلر .

زلافدن صوکره یول کیتدکجه بویومکده اولان قوم تپه-
 لرینک تشکیل ابتدکی سلسله جبال آراسندن و بو سلسلهلرک
 بویون نقطهلرینی آراشدیرهرق ، اعوجاجلر و زیقزاقلر ترسیم
 ایدهرک جنوبه دوغری دوام ایدر . بوصله آلتی ایله قافله بی
 معین براسقامتده سوق ایتک، یاخود اساساً ثابت قالمسی قابل
 اولیان ایزلری بولق ممکن اوله مدیی جهته بو قوم منطقه سنی
 مطلق آیدینلرده ویا بو نواحیه مخصوص صاف و براق قر
 ضیاسنده کچمک مجبوریدر . قراکلق کیجهلرده قطع مسافه بی
 وقافله سز یالکزجه مشی و حرکتی کوزه آلدیران بعض جرأتکار
 یرلیردن بیله قوم تپهلری آراسنده وابدی زیقزاقلر ایچنده
 یولنی غائب ایدهرک بو جرأتی حیاتی بهاسنه او دهینلرده
 اولدیغنی دوه جیلرمن حکایه ایدیورلردی .

حرارت مکسوبه يي سرعتله صرف ايتيش اولان قوم
ييغينلري آراسنده اولدقجه سرت و دوز بر محله کيجه يي ، يول
قاريوله سي قورمق ، چادر رکز ايتمک کي کلفتله حاجت
قاله دن کچيرمک ، صاف ، رطوبتسز و قويو لاجورد سياه
پارلايان ، قايناشان ميليونلرجه اجرامک ماوي پارلتيلريني تاماشا
ايدهرک زمين قوم سطحی اوزرينه مبالا تسزجه اوزانمقده
کنديسه مخصوص وحشی و مونس بر لطافت واردر . بوتون
قافله فحرك ايلک شعاعاتيله تکرار يوله چيجه بيلمک ايچين اشيا
دنکريني آچهدن قوم اوزرينه يرلشير . ييلدیز ضيا سنک قوم
سطحنه بخش ايتديکي دونوق آيدينلق ايچنده چوکديرلمش
دوه لرک ، ييقلمش اولدقلى يرلرده براقيلمش اشيا دنکرينک
هيئت عموميه سي کومه ، کومه قارالتيلر حاصل ايدر . فچردن
قايله زمانه قدر کيتدکجه قيزمايه باشديان قوملقلر آراسندن بيک
زحمتله قطع مسافه و قايله دن اول منحنط و اولدقجه دوز بر يرده
تکرار قافله اينديريله رک چادرلر رکزينه مجبوريت واردر .
قوملقلرک کيجه سننده کي سحر آميز ، اسرار انگيز لطافتي ،
کوندوزلرنده وبالخاصه کونشک سمت الرأسه قريب زمانلرنده کي
التمعاتي ايله اعصابي و جهاز رؤيتي صوک درجه اتعاب ايدن
عقامت نظر سوزي آيري آيري ايکي حالدر .

تپه لر و سلسله لر منتظماً شرقدن غربه دوغري دوام
ايدهرک بو منطقه ده اک منتظم روز کارلرک شمال و جنوب
جهتلرندن اسمکده اولديغني کوستريورلر . بعض محللرده
خفيف ميللر تشکيل ايدن قوم سلسله سنک ده دوغريسي

عظیم ییغینلرک شمال یماجلری دیک و اوچوروملی ، جنوبه
دوغری ده خفیف و امتدادلی اولسی جنوب روز کارلربنک
نسبه ده زیاده اجرای تاثیر ایتدیکنه حکم ایتدیریور .


قوملقد ایچنده تحت الزمین صو سطحی پک یقین و حتی
«نطرونه، فردغه، نشوشه، مانداره و غبره اون» اسمنده کی کوللر
صو سطحنک تظاهر ایتش اقسامندن عبارتدر . فزان لواسنک
باشلیجه برمنبع وارداتی تشکیل ایدن نطرون معدتی چیقارمقده
اولدقلری کوللردن اک اهمیتلیسی اولان نطرونه کولی و خرما
اغنه غروب شمسدن صوکره واصل اوله بیلمشدک . بوکول
۸۰ : ۱۰۰ متره ارتفاعنده عظیم، امتدادلی برقوم سلسله سنک
اتکنده ، خرما داللرندن انشا ایدلش مساکن ایسه بوسلسله
نک دیک یماجلری اوزرنده صره لیش اولدیگی کوریلوردی .
نطرونه کولندن اعتباراً « وادی آجال » ه قدر قوملغک اک
کشیف ، اک عارضه لی قسمنده توطن ایدن اهالی « دواده »
قبائلیدر . بونلر قوملق داخلنده کی کوللرک اک بویوکی اولان
« غبره اون » کولندن چیقارمقده اولدقلری ، کوچک قرمری
صو قورد (دود) لرینی چکردکسز خرما ایله ازهرک یمکده
و فزان اهالیسنجه مقبول اولان بو قورد پستیلنی مرزق
پازارنده صانه رق تجارت ایتکده اولدقلرندن دواده تسمیه
اولنمقده درلر . دواده لر غایت قورناز، یالکز بریولجی یه تصادف
ایدلرسه حیاته قصد ایده جک قدر متجاسر ، زبونکش ؛
خرما اغاجی عصاره سنک تخمیریه حصوله کان « الاکی »
ایچکیسنه مبتلا و اخلاقسز بر زمره خلقدرد . مالک اولدقلری

برچوق نخلستانلر و دود تجارتي سایه‌سنده فزانك ديكر
قبائلندن ده ز نكيجه درلر .


نطرونه كولندن صوكره يول كيتدجه ارتفاعلري تزايد
ايدن قوم سلسله‌لرينك بويون نقطه‌لرندن كچمكه باشلار . قافله
و دوه‌لر ديزلرينه قدر كومولهرك بيك مشقتله قوم يماجلري
ارزرنده زيقزاقلر ترسيم ايدهرك بويون نقطه‌لرينه دوغري
چيقيغه باشلار . اكثر يرلرده ۶۰ الى ۸۰ متره قدر ارتفاع
آلان بويونلرك بعضيلري ايكي طرفنده كي ميللري غايت ديك
اولان اوچوروملريله عادتاً پچاق صرتي كي كسكين بر كچيد
تشكيل ايدر كه . بو بويونلرك كرك يماجلرنده و كر كسه خط
بالاسنده دوه‌جيلر قافله‌نك اوكنه كچهرك ايكي ويا اوچرله كيدن
عسكر يورويش قوللري كي دوه‌لرك اوكنده يورورلر و بويون
خطي اوزرنده اعلا بر خوراته‌رك كريدن كلن دوه‌لرك كچه‌بيه‌جي
قدر بر سطح مستوي افني وجوده كتيردرلر . بعض محللرده
ايسه بويون نقطه‌لري كنش و منتظم و ايكي طرفك يوكسك
تپه‌لري اراسنده روز كارلردن محفوظ قالدقلرندن اولدقجه
سرتلشمش اوله‌رق سهولتله قابل مشي و حركت كچيدلر تشكيل
ايدرلر . بو كچيدلرك كردباد حاصل اولان بعض محللرنده خوني
شكلنده عظيم قوم چوقورلري كورينور .

جنوبنده كي يوكسك قوم تپه‌سنگ وقت عصر كوشنك
شعاعايله بر جهتي پارلاق آلتون رنگنده پارليان ديكر جهتي كسكين
كولكه‌لي عظمتلي براهرام شكلنده دوران زروه‌لرينك مەكس خيالي
اولان «مانداره» كوليله، كولك چوره‌سندده كي كثيف خرماقلر

اوزاقدن قوم سطحی اوزرینه موضوع قویو یشیل چرچیوولی
 برآینه کی پارلهرق کورینمکه باشلایغی زمان نسبة دوز و سرت
 وخفیف بر میل تعقیب اولنه رق کولک جنوبینده کی سلسله رمالک
 اتکترینه مواصلت اولنور . الی کون دوام ایدن قوملق
 سیاحتیه نهایت ویرمک ایچین ارتق بو صوک سلسله یی کچمکدن
 باشقه بر زحمت قالمش دیمکدر . کولک جنوبینده عظیم قوم
 تپه لرینک اک مرتفع محللری تقریباً کول سطحندن یوز الی
 متره قدر ارتفاع آلهرق ، دیک میلرله کوله حاکم بر وضعده
 و بعض محللرنده خرما اغاچلرینی ده استیلا ایدهرک مهیب ،
 صاری بر ردای کشف حالنده مد نظره حائل اولور . بعض
 نقطه لرده تهاجم رمال ایله تا پراقلرینه ، دالترینه قدر قوم
 ایچنده محبوس قالمش خرما اغاچلرینک اکلیل خضراسی قوملق
 اوچوروم سطحی اوزرندن اوزاقدن قویو یشیل برلکه حاصل
 ایدهرک صاری یکنسق منظره یی احلال ایدر . مانداره ده
 دواده لرك خرما داللرندن معمول مسکنلری بو اوچوروملرك
 وسطنه دوغری کولک ۵۰ متره قدر فوئنده کوریلپوردی .
 دواده لر غلبه ایدهمیه جکری کثرتلی قافله لره معاونت
 مجبوریتنده قالمق ایچین قوم تپه لری اراسنه اختفا ایدرلر .
 مانداره یه کلدیکمز زمان اولا کیمسه یی بوله مامش ضوکره
 قوملقلر ، خرما لقلر اراسندن برقاج کیشی یی و بالخاصه بوینه
 قدر صویه باطمش ، صاقلانمش اولان شیخ قریه یی بولمشدق .
 فزانک تحت الزمین سطوح میاهی اک زیاده سطح ترابه
 قریب و بناء علیه واحه لری و قویولری کثیر اولان وادی



تکرتیبا قریہ سی



حمادہ المرقق داخلندہ ابرجوش وادیسی و ایکی توارق

آجالدن جنوبه دوغري صيتمه‌لى انليميله مشهور وخيم منطقه داخلىده مالاريا ميقر وباريني نقل و تلقىچايدن سيورى سينگر مانده دن اعتباراً قافله مزي زيارته باشلايلار . ارتق بورادن اعتباراً مرزوته قدر چاي و قهوه كي منبهاتي كثرته استعمال ايتك و هر صبح منتظاً براز كنين آلق مجبوري حاصل اولور . مانداره دن صوكره سرت و اعوجاجاتي آز اولان قوم سطحى كچيلهرك صوك تپه لر آراسندن قافله سوزولمكه باشلايجه وادي آجال و وادي سطحنده كي « تكرتيا » واحه سي و وادينك جنوب صرتلريني تشكيل ايدن قبالق اوچوروملر كورولمكه باشلار . قوم تپه لري وادينك شمال صرتلرينك يماجلري اوزرنده بريكمش اولديكي و بعض محللرنده قبالق اوچوروملري كورولور . قوم ييغينلرينك آلتنده كوريلن بو طاش طبقه لرينه نظراً نظرونه و ماندار جوارنده كچمش اولديغمز عظيم سلاسل رمالاكدده التنده كي متين و ثابت طبقات اساسلري اوزرينه بريكمش و بو صورته طرابلس شالنده مشهود قوم تپه لرينه نظراً ده ها يوكسك ارتفاعلر آله بيلمش اولديغنه حكم ايديله بيلير . اساساً فزان و غات جوارنده تصادف ايتديكم واسع قوملقلرده كي تپه لرو سلسله رمالك وسطى اوله رق ۳۰ الى ۴۰ متره ارتفاعي تجاوز ايتماكدده اولسي شاطي جنوب بنده كي بو تپه لرك ثابت و مرتفع اساسلر اوزرينه روزكارك ييغمش اولديكي فوقاني بر طبقه كشيئه رمال اولسي فكريني تأييد ايديلور . برجه تدنده صحرا منطقه سنده كي شديد ودائمي الوزان روزكارلرك تأثيريله تجزي فعلنك شمال و ساحل منطقه لرندن ده ها زياده واقع اولسي و بو صورته قومك چوق

بولمى ده محقق بر كى قىتىدر . انجق بو عظيم ارتقاعلرك يالكتر قومدن متشكل اولمى براز كوچىجه قبول اولنور . وهله اولى ده يولچىلرى اخافه ايدن فزان و صحرائك بو واسع قوملقلىرى ، طاشلق سرىرلر و حماده لرقدر مخوف دكلدر . انجق صحرا روز كارلرينك كوندوزلىرى صاووردى قوملر حقيقتة من عجبدر ؛ بعض كره لرده مشى و حر كتى امكانسىز بر حاله كتيره رك قافله لرك كاملا توففنه و روز كارك كسىلمسى انتظار ايتمى سبب اولور . قوملقلر ايچنده صو و قافله حيوا ناتنك قوتى ادامه ايدى بيله جك قدت اوت ويشيلكلر مبدولدر . قوم سلسله لرينك آراسنده كى منحنى محللر اولدقجه بويوك چاليلر و اوتلرله قافله نك يورغون حيواناتنه قارشى وظيفه مسافر پرورى بي ايفا ايدى بيلير .

سيار قوم تپه لرينك مياى جاريه منابعه و صو سطحلرينه تسلطى صحرا نواحيسنه مخصوص مهم بر كى قىتىدر . منابع جاريه حوضلىرى و آچىق كوللر سطحنه صاووريلان قوم دانه لرى ثقلنى حسييله قعره دوغرى شتاب ايدى رك قعرى دولديره دولديره نهايت صو سطحنه قدر واصل اولنجه غلبه قطعيه سنى تأمين ايدر . برياندن روز كارلرك يىغدى قوم كتله لرى صو ايله مشبوع اولان طبقات سفليه نك رطوبتندن نملنه رك ثقلت پيدا ايدر و روز كاره مقاومت ايدى رك تبديل موقع ايتماكه باشلار ، برياندن ده نشوونما بولمايه باشلايان سازلرله ده مقاومتى تزييد ايدى رك منابع جاريه بي كاملا تحت حكمنه آلير و صولر

ارتق قوملرک التندن صیزه رق طبقات زمین ایچنده غائب اولمغه باشلار .


*
* *

وادیء آجال شالدن قوم تپه لری و جنوبدن حمادة المرزق یا یلاسنگ کسکین و قیالق اوچوروملری آراسنده واقع کنیش و شمال شرقی یه دوغری ممتد ، خرماقلار و متعدد معموره لری حاوی غایت محصولدار بر وادیدر . ادارهء ملکیه اعتباریله « وادیء غربی » ، « وادیء شرقی » ناملریله ایکی یه تقسیم ایدلمش اولان وادیء آجالده تحت الزمین صو سطحی ۱ متره دن اعظمی ۴ متره یه قدر بر عمقده بولندیعی جهته مواد رسوبیه دن مرکب مزروعه لرنده کلیتلی بغدادی ، داری ، مصر و قافولی (بیاض دانه لی مصر) یتیشدیرلمکده در . علی العموم فزانجه مرعی اصول دائره سنده اصحاب املاک ایله جباد تعیر اولنان رنجیر صنفی آراسنده مشارکة ایشلدیلن بومزارع ذی قدرت اولانلر ده مرکبلرله دهها فقراسنگ قادین و ارکک انسان قوتیله جر ایتمکده اولدقلری قویو صولریله اسقا ایدیلهرک فزانک باشلیجه ذخیره ده پوسنی وجوده کتیرمکده در . طولاً یارلمش خرما آغاچلرندن مرکب بویوک برکمی آرماسی کبی ایپلرله مختلف جهتلرندن قازیققره مربوط ترتیبات جریه دن فزان جبادلرینگ مطرد آهنکلی تغیلریله و قادین و چوجقلرینگ ده انضمام معاونتیه صو چکمه لرینی و قویونک طولنه کوره آچیلمش اوزون و خفیف میلده « مرجع » تسمیه اولسان رامپه لی بر


خندق ایچنده ایلری وکری حرکتلری خزین برمنظره سفالت
تشکیل ایدر. وادی آجال اهاالیسی فزانلیر ایچنده کثرت
زوجات ایله مشهوردرلر؛ هر جبادک دوت زوجہسی زوجلریله
برابر صباحدن اقامه قدر جرمیاه و اسقای مزروعات ایله
مشغول اوله رق قارنجهلر و آریلر کبی بلا نزاع ولا فزاع غایت
آهنکدار بر جمهوریت حالنده یاشارلر.

خرمالقلر آراسنده کی کریچدن انشا اولونمش آلیق
ویقیق اولرک یانی باشنده خرما داللرندن معمول زربہلرک
منظره عمومیهسی خزین و وحشی بر آهنک حاصل ایدر. وادی
آجال و قتیله اسرا تجارتنک منعندن اول مصردن نیژریا
حوضہسی وبالخاصه تومبوقو بازارینه کیدن قافلهلرک کذرکاهی
اوزرنده ایدی. صحرای کیرک قسم غریبسندہ متوطن قبائل
اسلامیه حاجی ده اولجه بو یولی تعقیب ایدهرک مصر طریقہ
حجازه عزیمت ایتکده ایدیلر. اسرا تجارتی ارتق منع ایدلمش
و حاجده دیگر طرق بحریه بی التزام ایتمش اولدقلرندن شمدی
بو طریق متروک بولمقده در.

وادی آجال داخلنده تکریتیاده استراحت ایدن قافلهلر
مرزقه متوجها وادی بی عرضاً قطع ایدهرک حماده المزرق
یا یلاسنگ اتکلرینه واصل اولورلر. بوراده یول یا یلا سیلرینک
یتاقلرینی تعقیب ایدهرک نسبتہ میلی خفیف تنه لردن حماده
سطحنه چیقار. بویکی و کوچک حماده اولکنه نظراً
امتدادجه ده آز و تصادف ایدیلن وادی ییتاقلرنده کی ائل[*]



مساق وادیلری ایچنده



عویئات منابی (سرداس)

و طالع آغاچلرينك موجوديتيله منظره سي دهالطيف و ميلی خفیف و کنیش وادیلرنده کی مرعالریله قافله نك حیوانلرینی بسلامکه مساعددر .

آغستوس آینك صیجاق بر اقشام کونشیه وایکی طرف اوچورملرینك انعکاساتیه قیزمش اولان وادینك محبوس هواسی ایچنده ساعت سکزدن اعتباراً یورویشه دوام ایدهرک دولامباچلی تذهیبی چیققدن صوکره تپهرک اوستنده نباتات مستحانه دن بویوک آغاچ کوتوکلرینه تصادف ایتدك . ۸ الی ۱۰ متره طولنده واعظمی بر متره قطرنده تحجر ایتمش عظیم اشجار قدیه ديك میلی بر یماجك سطح مائلنه دوکواش دوریودی . صحرا شرائط انلیمیه سنی کاملاً تبدیل ایدن و شیمدی یالکز روزکارلرک دست تخریبنه تودیع ایدن انقلاب عظیمدن اولکی ازمئه قبل التاریخیده بو عقیم چوللرکده برکتلی و کثرتلی یاغورلرله متم اولدی بی دور مسعودی اولدینگه بو آغاچ کوتوکلری دلالت ایدیوردی . صوکره لری تصادفك بویوک بر اثر لطفی اولق اوزره بو اورمانك شرقی و غربی حدودلرینی تقریباً تعین ایده بیله جك ائارده تصادف ایتدم . تکریتیا جنوبنده تصادف ایتدیکمز مستحانه لر و عین جنسدن انقاضه و سیل یتاقلرنده بولدیغ پارچه لره نظراً بو عظمتلی اورمان اولجه ۳۵۰ کیلومتره امتدادنده بر ساحه بی استیلا ایتمش و شیمدیکی حماده المرزق یا یلاسنگ شمال اتکلی و قونترفورلری ایله غرباً « مساق » سلسله جباله و شرقاً « سریرالمعلا » به قدر امتداد ایتمش اولدی بی اکلاشیلور .

حماده سطحه چيقدن صوكره يول جنوب شرقى
استقامتده دوام و «انجارن» وادي سنك ديكنلى طلح آغاچلريه
مستور خفيف ميللى كنش يتاغنى كچرك غايت واسع ونظري
يوروچى دالغالى بر زمينى تعقيب ايله ٣٠ كيلومتره لك بر مسافه
قطع ايله «وادي عتبه» نك خرماقلرينه واصل اولور .
بو متموج سطح مقسمده زمين دالغالرينك مرتفع محالرندن
وادي عتبه خرماقلري سراب ايچنده خيالى بر لوحه كي
بردنبره كورينهرك و دالغهنك اينيشى بويىجه تكرار غائب اولهرق
نظر و اعصابى صوك درجدهه يورار .

وادي عتبه اصل مساق سلسله سيله شرق ورسانندن كلن
ايرجوش صولرينك كترتلى ياغمور و فيضان سنه لرنده شرقه
دوغرى طاشهرق وادي زمينى تحتنده كي طاش طبقه لرينك
حاصل ايتديكى قبرى املا ايتش اولسى يوزندن تشكىل ايدن سطح
ارضه يقين سطوح مياى سايه سنده وجود بولش امتدادلى
خرماقلردن عبارتدر . بو خرماقلرده قسماً اهالى و قسماً ده
صحرائك كورقونچ قورسانلردن معدود اولان توارقلردن
«كل تين القوم» لر سا كندولر . بو سياه پچىلى حيدودلرله
قافله من ايلك دفعه اولهرق وادي عتبه ده تماس حاصل
ايتمىدى .


حمادة الحمراء صوكره جنوبه دوغرى و مرزق بلده سنه
قدر عرضاً قطع ايتديكمز وادي شاطى ، وادي آجال
و وادي ايرجوشك شرقه دوغرى امتدادندن حاصل اولش
اولان وادي عتبه كي كنش وامتدادلى واديلر ؛ عموم صحرا

منطقه سنك ابدى روز كارلرى ضرباتيله سپوريلان فسحت عظيمه سنك شيمدى محكوم اولديجى قورائلق دورندن اولكى مېذول ومطرد ياغمورلرك ياغديجى زمان مسعودنده حاصل اولش كنش واديلردن عبارت وبجرسفيد حوضه سنده سرت كورفى سطح مائلنه عائددرلر . بوتون بو واديلرك عمومى استقامتلى دائمشال شرقيه دوغرى جريان ايدەرك جبل سوده سلسله سنك شرقندن سرت كورفى نه منتهى اولق اوزره وتيله بويوك ومشترك بروادى تشكيل ايتش اولدقلى نه حكم ايديله بيلر . انجق صحرا افليمنك ادواراخيره انقلابيه سنده رطوبت يبوستله توازن ايدە ميهرك دائما تبخراتله ضياع مياہ چو غالمقده وقورائلق تزايد ايتمكده اولسى وبرجهتندن ده افريقاى شالى چوللىرى نه مخصوص شديد ودائى روزكارلرله صاورولان قوم ذراتى بوكنش واديلرك دوز ججرائى دولديره رق تسويه ايتشى يوزندن بوكونكى سريرلردن كجن اسكى واسع مجرائرك عمومى استقامتلى تقيماً اولسون تعين ايتك قابل اوله ميور .


وادى عتبه دن صوكره يول كيتدكجه چورائقلر وقوملقلردن وايكى طرفدن خرمالق غروپلرى آراسندن كجەرك كوچك « ام زرغان » واحه واصل اولور . وام زرغاندن ايكى ساعت صوكره فزانك مركز اداره سى اولان مرزق بلده سنك شال وشال شرقيسى واسع برهلال شكلنده سترايدن خرما لقه مواصلت اولنور . تام جنوب استقامتده كوريلن وغربه دوغرى امتدادلى برخط متلاطم حالنده دوام ايدن صحراي

کیرک الدواسع ریکستانک آلتون رنکنده کی تپه لری قویوشیل
 خر مالق پرده سیله تضاد تام تشکیل ایدر . بو خر مالق ده کچلد کدن
 صوکره مرزق بلده سی قوملی بر ساحه اوزرنده قویوشنجابی
 رنکده طوبراق نیالریله واولاد محمد حاکمی زماندن قالمه
 یوکسک قصر حکومتک برچی اوزرینه مرکوز سنجاقدیر کی ایله
 کندیسنی کوستور .





تادرات سلسلہ جبالندہ ایلاغلان کچیدی



تہنزوفت وادیسی و «اودان» داغی



عامره يولى

قدمانك بوز نوو چادكولى تجارتى اورفله — سوكنه اوزرندن وفزان شرقنده كى زويله بلده سندن كچن خط مواصله اوزرنده اجرا اولنوردى . فزانك حاكيت فعليه عثمانيه يه انتقال ايتديكى تاريخدن اعتباراً طرابلس — فزان پوسته يولى اتحاد ايديلن بو طريق اهالى محليه جه عامره طرينى ناميله معروفدر . فزان تشكلات طبيعيه سى ، اداره ملكيه وتاريخى نقطه نظرندن اهميتى حائز اولان بو طريق اوزرنده ده سرعتلى برسفر اجراسى ايچون قارئلمك كرى يه دوغرى ارجاع نظر ايتلمى رجا ايدرم .

عامره يولى طرابلس جنوبندن اعتباراً ، مجنين وادي سنك قطع ايتديكى كنش جفاره قوملقربله مستور منطقه متموجه بي كچدكن صوكره ترهونه جبالى اتكلىينه قدر خفيف ميلده اراضى لحقيه بي تعقيب ايدهرك بويول اوزرنده ده غريانه قدر جنوب طريق سنك كچديكى ورشفانه وقطيس اراضيسى كى تشكلات وعين منظره طبيعيه كوريلور . ترهونه داغلى و اووا سطحه حاكم اولان ديك اوچوروملى ويماجلى چيقيلنجه سلسله فوقنده كى كنش يايلالى و وادى يتاقلرينك

مجرای علویارنده کی حقیف میلاری و کنیشلکری جبل نفوسه نك
اقسام فوقانیه سنه بکزر . انجق ترهونه یا یلاسی مغروسات
ایچین پک مساعد ونسبته دهامتد بر ساحه در . سلسله جبال
اتکارندن نبعان ایدن بش بیوک پیکار ، قوتتفورلر آراسنده
محبوس دیک میلی وادیلرک طاشلق یتاقلرینی کچهرک اوواسطحه
چیقنجه قومی رسوب آره سننده تکرار غائب اولور و تحت
الزمین شاله دوغری توجعه ساحده وادی رمله پی تشکیل
ایده رک دکره آقار .

یا یلاطاتلی میاده یاصی تپه لری ، کنیش وادیلری ایله سیئه
اهانک اک آجی بر مثالی اولمق اوزره عمراندن حالی بولمقده در .
هر خطوده تصادف ایدیلن روما خرابه لری ، وادیلرده کی
سد عملیاتی اصل قدیم روما ذخیره انبارینک بونقطه دن اعتباراً
جنوب شرقیه دوغری دوام ایتمکده اولدیغنی کوستریور .
تعبیر محلی وجهله زمان جاهلیتده [*] ترهونه واورقلا یا یلا-
لرنده و معموره لر آره سننده کی طرق مواصله اوزرنده کاربانلرک
کولکده شد مراحل ایتدکلرینی یرلیر اجداددن منتقل خرافات
صره سننده حکایه ایدیورلردی . رومالیر زماننده واسع
زیتونلکلره مستور اولان بوساحه فیضدار ایچنده بوکون موجود
برقاج منفرد زیتون و بادم آغاچلرینی بیله شکل حاضر حکومتز
کچی سوریلرینک دندان تعرضندن قورتاره میهرق یکی غرسیات
ایچین اهانلینک جسارتی کسر ایتمکده ویغین ، یغین خرابه لری ،

[*] بورا یرلیرنجه ده ظهور اسلامیتدن اقدام مجوسیلک و عبادت
اصنام دورینه اطلاق اولنور .

وامتدادلی سدریله ماضی ده مسعود و مبتسم بر روی حضرا اراثة
ایتدیکنی افاده ایدن بو قوتلی ، برکتلی یایلاپی برپوشیده غمکین
عقامتله مستور براه رق بوتون عالمه قارشی نزاع حیاته ده کی
استعداد سزلغنی کو ستر مکده در .

شیمدیکی حالیه ترهونه یایلاسی آرپه وبغدای محصوراندن
باشقه طرابلسک اکثرتلی اوزوم یتشدیرن محیدر . اهالیسی
عمومیتله بدوی وخیمه نشین اولوب باشلیجه حیوان یتشدیرمک
وطرابلسه حلقه اونی نقل ایتمکه تأمین معیشت ایتمکه درلر .

ترهونه سلسله سنک دیک ودولاماجلی یماجلرینی وقونتر .
فورلر آراسنده کی دار وطاشلق وادیلری کچدکن صوکره
یایلا سطحه چیقان عامره طریق یایلانک منفرد تپه لری وامتدادی
جزئی خط بالاسلسله لرینک بویونلری آراسندن کچهرک بن ولید
وادیسنه قدر میلی پک خفیف وادیلری تعقیب ایدهرک سلسله
جبالک خط بالاسندن صوکره شمال شرقی ورسانه منتهی اولان
« وادی تماسلن » ککنیش یتاقلرینی قطع ایدر - طرابلسدن
اورفاهه کیدن اوچ مختلف طریق بو وادی ده برلشهرک وطاتلی
میلی ، یاصصی وکنیش تپه لری آراسندن کچهرک وادی « ووکره »
یه واصل اولور . بورایه قدر یولک طرفینده منفرد قصر
خرابه لری ، وادی داخلنده سدر و صویوللری انقاضنه
پک چوق تصادف اولنور . موسمیز کسایمک ، کوکندن
سوکیلمک دقتسز لکرنندن دولایی خمس ساحلندن ترهونه یه
قدر هجرت ایتش اولان خلفه اوتی بوکنیش تپه لرده تنبت ایدر .
ووکره دن چیقنجه وادی طاشلق ، قیصه برسر یردها کچدکن

صوكره وادی غلبون و متعاقباً وادی دیناره داخل اولور؛ جنوب غربی استقامتده کوریلن « جبال ترهونه » سلسله‌سی شمالدن جنوبه دوغری کثیف ماوی رنگده برپرده کبی افقی ستراید. وادی دینار داخلنده کنیش و خفیف میلی وادی یناغی هرایکی یوز مترده بر قدمه تشکیل ایدرک ۲۰ کیلومتره قدر دوام ایتدکن صوكره یولایکی طاشلق صرتی آشهرق بو سرتلر اراسنده واقع « قصر اووه » و « تاوتانت » اسمنده کوچک ایکی وادی بی کچر و بویوک « بن ولید » وادیسنه داخل اولور. دینار وادیسی بوتون امتدادنجه رومالیر طرفندن انشا ایدلش سدرل سایه‌سنده کنیش و سیل صولرینک برافندیی اقسام رسوبیه ایله زراعته صالح بر واید. ترهونه جبالندن بن ولید وادیسنه قدر بویایلا اوزرنده کی اثار عمران، طوپراغنک فیض و برکتی، وادی یتاقلرینک کنیشکی اقلیمنک لطافتی رومالیر زماننده کی معموریت قدیمه‌سی ایله شیمدیکی حال متروکیت و خرابیتی خزین بر تضاد تشکیل ایدر. اونه‌ده بریده تک، توك کوریلن آغاچلر و سدره چالیلقلری ده بر جهتدن تخریب ایدلمکده و هر سنه کوکنسدن توپاریلان خلفه اوتلری ده انقراض بوله‌رق عقامت سنه‌دن سنه‌یه ترقی ایتمکده‌در. مملکتک شمدیکی بو خرابیت و عقامتی اداره عثمانیه‌نک اثری دکلدر. حقیقه قارتاجیلیر زماندنبری بر چوقی استیلالر، مدهش و متعدد انقلابلر واختلاللر کورمش و نهایت الامر طوائف ملوک حکومت ظالمه‌سنگ جبر و تضییعی آلتیده‌ده خراب اولش اولان بو ملکی حکومت عثمانیه بو حالده

بولاشدى، فقط تأسف اولنورکه اوچ ربع عصر ظرفنده بولديى کي براقدي .

يول صوك طاشلق بايردن دولامباجلرله ايندكدن صوكره وادى بن وليدك صيق زيتونلكرى التسدن كچهرك شرق صرتلرينك اوچوروملرى اورادنده معوج و اولدجه كنش بر يولدن خراب و خزین المنظر اورفله قريه سنه داخل اولور. صنع بشرك جزئي بر تماسنى كوسترن و اورفله بلدهسى سکنه سنك صو احتياجلرينى تأمين ايتك ايچين وادى به قدر هر كون اينوب چيقمه لرينه خدمت ايدن بو يول بيله صحرا سياحين مشهوره سندن مادمازل «تينه» نك [*] اثرى اولديغى اورفله ده سويليورلردى .

وادى بن وليد اورفله قصرينك مبنى اولديى محله اعظمى ۱۵۰۰ متره عرضنده و ديك ميللى صرتلرله محاط دولامباجلى بر وادیده يكرمى كيلومتره طولنده زيتونلكرله مستور اولان كنش و دوز وادى يتاغى و يتاجلرنده كى كوچك قريه جكلرله مزین ايكي طرف تپه لرینك صرتلرله طرابلس غربك بو سفورى عد اولنه بيلر . اكثريسى رومالير زمانندن قله اعصارديده اغاچلردن عبارت اولان بو زيتونلكر وادى قمرنده انشا ايدلش سدرل سايه سنده حاصل اولش تراچهلر

[*] مادمازل M^{lle} Tinne هولاندالى بر سياحه اولوب

۱۸۶۹ سنه سى اغستوسك برنجى كوني مرزقك ايكي كون غربنده وارجوش واديسنده توارقلر طرفندن اتباعيله برابر قتل و قافله سى ياغما اولومشدر .

اوزرینه غریس اولمشلردر . ترهونه دن اعتباراً اورفله یه قدر
آقار صو و قویو بیله موجود اولیوب بن واید وادیسی ایچنده
و زیتونلکدر اراسنده رومالیردن قالمه ۷۵ متره عمقنده کی
قویولردن صو چکیلرک بو آغاچلرک اسقاسی قابل اوله مدینی
جهتله هر سنه ترهونه یایلاسنه دوکیلن یاغمورلرک حصوله
کتبردیکی سیلرله اسقا ایدیلن بو زیتون آغاچلری یاغمورسز
سنه لرده قورومقده درلر . بعضاًده سیل صولری درجه کفایه ده
اوله میهرق انجق وادینک بر قسمی اسقا ایده بیلر . بویله
قوراقلق سنه لده زیتون محصولی کلی تناقص ایدر .

طرابلسک اک زنکین و اک محصولدار نسمنی تشکیل ایدن
بو شمال شرقی ورسانی داخلنده کی کنیش وادیلر عین صورتده
فیضان میاهه محتاج مزارعدن اولدفلری جهتله بو وادیلر
آراسنده کی یایلا اقسامی ایله بوتون جبل نفوسه نك یوکسک
یایللری اوزرنده منتظماً نزول بارانه خدمت ایده جک صورتده
اورمانلر یتشدیرلمسی طرابلسک حیات زراعتی ایچین یاشلیجه
بر شرطدر .


سیاه طاشلرله بنا ایدلمش کوچک اولری وخراب وجسیم
بر قصر حکومت و قشله سیله قسوت انکیز بر قریه جکدن
عبارت اولان اورفله قضاسی مرکزندن چیققدن صوکره
عاصره طریقى اولاً کنیش وقیالق بر صرتی کچهرک اولدجه
دیک میلی بر خط اجتماع میاهى تعقیب ایله « غوبین » وادیسی
ایچنده دوام ایدر؛ صوکره ده اولدجه امتدالی صرتلری آشورق
« وادی میمون » داخل اولور . غوبین و میمون وادیلری

آغاچقلی و کنیش مزارعدن عبارت اولوب بوراده جبالی اثار قدیمه مشاهده اولمقده در . وادی میموندن صوکره طریق ینه طاشلق صرتلری و اولدقجه امتدادلی قیالقی حماده لری تعقیب ایدهرک خفیف میلردن سوف چین وادیسنه نزول ایدر . سوف چین وادیسنک بوراسی مجرای سفلامی اولدیغندن غایت کنیش و امتدادلی بر ساحه تشکیل ایدهرک بش کیلومتره قدر وسعت پیدا ایدن عریض و مستوی وادی یتاغی ایچنده کمال سکونتله یاییلان سیل صولری اک قوتلی مواد رسوبیه بی براقه رق چکیندکن صوکره قبائل زراعت ایچون بورایه قوشوشرلر . وادی بویجه دوام ایدن سدره آغاچلری و جداری [*] کومه لری ایکی طرفک امتدادلی فسحتلری ایچنده سراب تأثیرله تهرهک ، امتدادلی یشیل بر چیزکی کبی اعوجاچلر ترسیم ایدهرک افق شمالینک ماویلکلری ایچنده غالب اولور .


سوف چین وادیسندن صوکره یول صاغده «القطار» منبعنک دیک قیالقی یتاچلرندن ترشح ایتدیکی «نله» تپه سنی صاغ طرفده ترک ایدهرک ۲۰ کیلومتره قدر دوز و کنیش بر ساحه بی قطع ایله «دور واعر» سلسله جباله واصل اولور . بو داغلرک سطح مائللری شمال شرقیه دوغری «نهد» وادیسنی و جنوب شرقیه زمزم وادیسنک قوللرینی وجوده کتیرر . وادی نهد حالا باقی قالابیلن متعدد اثار قدیمه ایله ده ثابت اولدینی وجهله وقتیه طرابلسک اک معمور نواحیسندن

بری ایدی. بو وادی رومالیرک اثری اولان متعدد قویولری،
کنیش مزروع و مرغالری ایله حالا بو وادیلر ایچنده اک مسکون
و معمور اولاتیدر.

نقددن صوکره زمزم وادیسنه قدر ۵۰ کیلومتره امتداد
ایدن خفیف میللی صرتلر، طرفین وادیلرینک قوللری ایله
کنیش مرغالر سورولرله چیلانلره اختفا کاه اولان سایه بانلر
تشکیل ایدهرک اولدجه نظرربا بر منظره ارائه ایدر. زمزمه
ایتمک ایچون یول بو شعباتدن «وادی مبلم»ی تعقیب ایدر.
زمزم وادیسی ده سوف جین کبی غایت کنیش مزراع و مرغالریله
مشهور و اورفله قبائلی ایله مسکوندور. عامره طریق یی بو
وادینک بحرایی سفلاسنی رومالیردن قالمه ۵۰ متره عمقنده کی
«طویله المعسل» قویوسی جوارنده قطع ایدر. اورفله دن
اعتباراً تصادف ایدیلن درینلکری چوق اولان بو قویولردن
دوهرله صو چکیلیمکده در. رومالیرک اثری اولان مقطعی
مربع الشکل اولان بو قویولرک وادی سطحنده ایکی متره
قدر یوکسک آغزلردن اعتباراً تحته بر مقارنده دن آشیرلمش
اولان قویو ایی دوهمیه طاقیلهرق ۵۰ متره طولنده خفیفجه
بر میلده دوهرنک آشاغی، یوقاری بطی حرکتلری ایله کنج
بدویلرک صو چکمه لری قویو باشنده مصاحبتیه دالمش بدویارله
کنیش اوزون یالاقلره دولدیرلمش صویي ایچمک ایچین ایتیشه،
قاقیشه قوشوشان دوهرلرک، قویون و کچیلرک منظره عمومیه سی
ساکن و ایسز صحرالر و کنیش وادیلرک منظره عمومیه سی
ایچنده اوزاقدن نظری جلب ایدر. صحراده و کرکسه صحررا



صحرا جبالنك طرز تشكلى



جبل جنوبى (ايدىنه)

بلداننده بو قویو باشلری وقایع روزمه‌نک نشر و اعلان اولدینی مراکزی تشکیل ایدرلر .

زمزم وادیسی بوتون دیگر وادیلره نظراً ده‌ها یشیلکلی ده‌ها لطیف و کنیش یتاقلرینک وجوده کتیردیکی امتدادلی مزارعیله طرابلسک اک زیاده قوه انباتیه بی حائر بر وادیسیدر . ارتق زمزم مدن صوکره عامره یولی اوزرنده منظره و تشکلات طبیعی تبدله ، چیلاقلق و صحرائک رنگ خزین ماتمسی وادیلرک یشیلکلیینه غلبه ایتکه باشلر . زمزمک میللی غایت حقیف جنوب صرتلرندن اولان منفرد بر تپه‌نک اتکنده وافع طویله‌العسل قویوسندن صوکره قافله اون کیلومتره امتدادنجه دوز و چیلاق بر اووایی تعقیب ایله « جبل دخاله » قدمه‌سنی آشارق زمزم شمالنده‌کی وادیلره نسبته ده‌ها مخفیف و جلیز سدره چالیلقلریله مستور « سییط » و « ام غربال » وادیلرینی متعاقب وادی بی دوزلکنه داخل اولور . وادی بی عامره طریقنک قطع ابتدکی محله یدی کیلومتره قدر کنیشلکده عظیم بر دوزلک حاصل ایدر . ارتق ساحله قریب اراضینک مستفید اولدینی راطب هوادن محروم اولان وادی بی نسبته ده‌ها چیلاق و آغاچلری سیرک بر وادیدر . مع‌مافیہ پک نادر اولان جنوب یاغمورلری زماننده‌کی فیضانلرده بوراسی‌ده عظیم حاصلات تأمین ایدن مزارع مهمه‌دندر . زمزم مدن اعتباراً ارتق صولرده املاح معدنیه چوچه مقدارده منحل اوله‌رق بولمقده و ده‌ها جنوبده فزان اراضیسنه کیریلنجه‌یه قدر بو حال کیتدکجه آرتقمقده در . کرک حماده‌المرأ طریق و کرکسه

عامره یولی اوزرنده صوسز منطقه یه وصولدن اول تصادف ایدیلن بر کانی الطبیعیه منطقه اراضیده عین جنس طبقات معدنیه نك وجودینه دلالت ایدن تحت الزمین صو طبقاتی غربدن شرقه دوغری چو قجه مقدارده کوکورت و ماغزیالی مرکبات ایله مشبوع اولوب کوچله ایچیه بیلیمکده در . وادی بی دن جنوبیه دوغری قافله لر بی الخائب تسمیه ایدیلن کاملاً عقیم ، چپلاق بر ساحه ده ۴۰ کیلومتره قدر دها اجرای سفردن صو کره اورفله قبائلنك جنوبیه الك صو ک معموره لری اولان «بونجم» قریه سنه واصل اولورلر . یر لیلرک زعمنجه بی الخائب وادیسى جنوبیه بورتودن اعتباراً کلن بوتون یاغمور صولرینك، سیلرینك مجیدر . حالبوکه بی الخائب انحق ۵۰ کیلومتره داخلنده نادراً نزول ایدن یاغمور صولرینی اصل وادی بیه ایصال ایدن کنیش و قوراق بر وادیدر .

*


بونجم یوزه قریب خرما آغاچلریله اوتوز قدر کوچک خانه دن متشکل کنیش بر اووا داخلنده کوچوچک بر قریه اولوب بر قاج دسته موم ، کبریت و بر چوال شکرله بر صندوق یشیل چایه منحصر بویوک سرمایه (!) لی کوچک بر بقال دکانی ده تکمیل چارشیسنى تشکیل ایدیوردی . یول اوزرنده کی منزللرک بو حالندن دولایی علی العموم طرابلسدن جنوبیه دوغری صحرا سیاحتلرنده بوتون ارزاق ، تجهیزات و مالزمه سفریه بی برابرجه نقل ایتمک لزوم قطعیمی واردر . بونجم قریه سی فزان پوسته چانطه سنك مبادله موقعی اولق اوزره

وجوده کتيرلمش بر مرکزك اطرافنه طوپلانتش بر قاچ کلبه دن وجود بولمشد. مع مافيه اورفله دن اعتباراً بش کون ايسز واديلري طاشلق صرتلري آشهرق کلن بر قافله يه طوزليجه صويني ، بر قاچ خرما سي ، خوروسلرينك لطيف الحانيه واسمه خوش آمدي ايشا ايتسي يته انکار اولنه ميه جق بر ممنونيتي موجب اولور .

اورفله عرباننك حدود جنوبي سني ارايه ايدن بونجم قريه سندن کچايدکن صوکره ارتق عامره يولي ، حکومت عثمانيه نك طرابلسه ابتدای دخولنده تنکيله مجبور اولديجي اولاد سليمان قبيله سيه سوکته و رياج عرباننك ساکن اولدقلري صحرا لره داخل اولور . بونجمنك جنوبنده صحرا روزگارلرينك بازيجه سي اولان پارچه پارچه منفرد قوملقلر آراسنه صيقشمش اولان بشر کلايانك طوزلي صويني ده طانه رق قافله ۶۰ كيلومتره جنوبده کي «توزيست» داغلرينك دار ، صيقيشيق بوغازينه کلنجه يه قدر پارچه پارچه قوملقلر منفرد آلچق تپه لر ، ضعيف و کوچك واديلر و سيل مجرالري آراسندن منظره سي قسوتلي بر قطعه اراضي بي قطع ايدر ؛ توزيست بوغازندن صوکره دوغريدن دوغري يه سرت کورفزينه منتهی اولان و «وادی زمام» اسمی آلتنده طوپلنان صولرك اجتماع ايتديکي کنيشجه بر سريره داخل اولور . کرک توزيست سلسله سي کرکسه خرمة الحله ، خيمه تپه لري و دها سائر بوکبي منفرد اقسام جبال عموميت اعتباريله ارتفاعلري اووه سطحندن ۵۰ متره دن دون فقط سطوح عاليه لري غایت دوز عادتاً بر حماده حالنده

و منفرد اولانلری ده عین سویه ده زروه لری باصیق تپه لر
 شکنده درلر . خصوصاً توزیست داغلرینک منظره عمو میه سی،
 اوچوروم و کسکین یماجلری ، دیک خطوط اجتماع میاهیه
 کنارلری غیر منتظم کیلمش بر طاش صفیحه سنه مشاهد .
 بو سلسله نك شمال قسمنده بولسان اقسام منفک نك احجاری
 آیریلش اولدقلری طبقات افقیه یه نظراً شماله دوغری بحر
 سفید استقامتنده صحور مائه حائده بولنسی نظر دقتی جالب
 بر کیفیتدر .

بو داغلر کچلدکن صوکره شرقده یته بو سلسله کی
 فقط ارتفاعی دها دون «شعب غورد» یوکسکلکری مدید
 بر پرده کی کوریلور ، غربده ایسه «بوطبل» داغلری شرق
 جنوبی یه دوغری یاقلا شرق و وادی زمام ، وادی الحاد
 صولرینی جمع ایدن سریرده کیتدکجه بو سلاسل متقاربه ایچنه
 دالهرق دوام ایدر . الحاد وادیسندن صوکره جبل بوطبل
 منفرد تپه لر حالی آلهرق یول بونلرک آراسندن کچر و «تمد
 المالح» و «تمد طار» نامرله معروف ، صولری آغزه
 آلمیه جق قدر آجی ایکی قویویه واصل اولور . بو صولرده
 املاح معدنیه اودرجه چوقدرکه ناقابل شرب بر حالده درلر .
 بویه اولمقله برابر بو صولرله الفت ایتش اولان بدویلره
 یبانهیلرده مشهود اولان مسهل تأثیرینی اجرا ایتیورلر . بو
 قویولردن کچیلنجه طلح آغاچلری و اولدقجه یشیل مرعاری
 حاوی دار وادیلر تعقیب اولنور و نهایت «دور محرق»
 سلسله سیله «هون» داغلرینک بوغاز تشکیل ایتدیکی بردن



تادرات سلسله‌سنگ منظره غومبەسى

«الجوفرا» اوواسنه چیقیلیر. بو یوندن ایکی طرف داغ قوللری آره سنده تشکل ایتش اووه سطحی اوزرنده و جنوب استقامتده الحام منبئی اطرافنده کی قوم ییغلری ایله سیرک خرماقلار و دهها جنوبده سوکنه بلده سیله دهها کریده جبل السوده نك افق جنوبی پی کثیف بر پرده حالنده ستر ایدن قویو مور رنگده کی خیالی مشهود اولور.

الحام منبئی صحرا قوملقرینک میاه جاریه منبعلرینه تسلطنه غایت بارز بر نمونه اوله رق کوستریله بیلر. شمیدیکی حالده بر متره دن زیاده بر قطرده صوسطوتی اووه سطحندن اون بش متره ارتفاعده بولنان کثیف بر قوم تپه سنک ذروه سنه قدر ایصال ایده بیلن وینه اوقوم سطحی اوزرنده اوتوز متره قدر جریان ایتدکدن صوکره قوملار اراسنده تکرار غائب اولان بومنبعلک، وفتیله اووه سطحنده دهها قوتله نبهان ایدرک آقدیغنه شبهه یوقدر. الحق سرور زمانله صحرا روز کارلریله صاووریله رق و منبع سطحنه وجوار راطبه سنه دوشهرک کسب ثقلت ایدن قوم دانه لری ارتق روز کارله صاووریله میه جق بر حاله کلنجه اوست اوسته ییغیله ییغیله منبئی حبس ایتشدیر. الحق دهها جنوبده تصادف ایتدیکم ضعیف وقوتسز متابعدہ قوم ییغلری صویه کاملاً غلبه وسطحنده تثبت ایدن سازلرله ده قوت بولدقلری حالده، عین حمامده بر متره قطرنده کی قوتلی صو سطوتی غلبه سنی وقوم ییغلری اوزرنده بیله اوتوز متره قدر جریانی تأمین ایتش بولنیور. الحام صوینک اساله سی و منبعنک وسائط صناعیه ایله محافظه سی ایله جوارنده بویوک

باغچه‌لر و معموره‌لر وجوده کتیلهرک و یکی بر واحه ده‌ا احداث
ایدیلهرک بوقسوت انکیز صحرا ده یشیل بر نقطه ده‌ا حاصل
ایدیله‌مامش اولدیغنه آجیماق قابل اوله‌میور .

*
*
*

سوکنه بلده‌سی «الجوفرا» نامیله معروف کیلی قومین
متشکل واسع براووانک وسطنده واتعدر . الجوفرا اوواسی
انجق شرقه دوغری امتداد ایدرک جهات ثلثه سائره‌سندن
جبال‌ایله محاطدر . سوکنه وجوارنده‌کی هون وودان واحه‌لریله
برابر بواووا طرابلس غرب ولایتک حاکمیت فعلیه عثمانیه‌یه
کچمسی آواننده فزان نواحیسنی تخریب ایتمش اولان عبدالجلیلک
جولانکاهی اولمش و سوکنه اهالیسی یو ذاته اطاعت ایتمش
ایستمدکری جهته عبدالجلیل ده عون‌ه‌سیله سوکنه‌یی محاصره
ایتمش و هر نه قدر بلده‌یی تسخیره موفق اوله‌مامش ایسه‌ده
الجوفرا داخلنده‌کی سوکنه‌لیرک خرما آغاچلرینی کاملاً
خراب ایتمش و بوکونکی حالک بادیسسی اولمشدر . دیگر فزان
بلدانی‌کی بوساحب ظهوره انقیاد ایتمشکی شین عدایدن مغرور
سوکنه بلده‌سی یدی قاپیسی و اوتوزاویج برجه‌لر مجهز شکل
دوسبعة الاضلاعده‌کی سور دیواریلر اووه‌نک همان وسطنده
حالا ایکی بیک قدر نفوسی حائز بر صحرا بلده‌سیدر . ذویله
وقطرون اوزرندن کچن قرون اولیه‌نک بورنو خط تجارتی
کذرکاهنده واقع اولان بوبلده‌نک اوزمانجه‌ده معروف اولمسی
لازم‌کلور . فزاندن کچن بورنو خط تجارتنک ایشلک زمانلرنده
سوکنه معمور بر بلده ایدی ؛ سوکنه لیلرده غایت چالیشقان

و ذکی اولوب بو تجارتله متوغل باشلیجه تجار صنفی ده بو
مملکتدن ظهور ایتیش و هونلرله ، سوکنه لیلر بوکونه ندر
سودان تجارتنده یکدیگریله رقابت ایده کیشلردر . سوکنه
سوری داخلنده کی بش جامعی ایله ایکی ابتدائی مکتبی سوکنه لیلرک
من القدییم نسبی بررقاه و سعاده نائل و مدنیته متحلی اولدقلرینه
دلالت ایدر . ایپک ایشلمه لی سختیاندن معمول آفاق قابلی
ویولکدن معمول احراملرکی سوکنه نك یرلی صنایعی ده واردر .
بورنو تجارتنك زوالندن صوکره عموم فزانجه اولدیجی کی
سوکنه ده تدنی ایتیش و انجق بلده خارجنده کی خرماقلری
وفزانله ساحل بلدان و قبائلی آراسنده کی کوچك صحرا تجارتیه
ادامه موقع ایده بیلمشدر .

بو نواحی یه پاك نادراً دوشن یاغمورلر زراعته مهم بر
تأثیر اجرا ایده مدیکی جهته سوکنه جوارنده ده زراعت
قویولردن جر ایدیلن صولرله باغچه لرده اجرا اولنمقده در .
الجوفره داخلنده صو اوج الی بش متره عمقده اولوب بو
صورتله طرابلسده کی اصول داتره سنده جر ایدیلن صو ایله
امراسقا سهولته اجرا ایدلمکده ومع التأسف عددی پك نلیل
اولان باغچه لرنده هر نوع سبزه و حبوبات زرع اولنمقده و اکثریتی
خرما تشکیل ایتك اوزره بعض یش آغاجلری یتشدیرلمکده در .
بو سهولته برابر باغچه لرك عدداً تزاید ایتامسی اهلیده کی
تنبلیلکدن زیاده صحرا بلداننك باشلیجه شرط موجودیتی اولان
تجارت وقوافل تجاریه نك آمد و شدی آرتق منقطع اولمسنددر .
بوتون سوکنه لیلرده بورنو مواردات تجاریه سنك انقطاعندن

صوكره ملكتري نكده انحطاطه يوز طوش اولديغنى
سويديورلر .

بلده نك هيئت عموميه سى ، خرما كرسته سندن معمول
بويوك سور قاپيلرى ، دار سوقاقلرى ايله فزان بلده لرى
منظره سنى ارائه ايدروسه ده طرز انشاجه طرابلس ساحل بلدانى
ايله فزان آراسنده برشكل متوسطده اوله رق كيللى چامورلى
خرجه كسمه طاشدن وسقفلرده بوتون فزان داخلنده كى بنالر
كى خرما قنطره سندن در .


سوكنه اهالىسى طرابلسك جبل نفوسه وغدامس اهالىسى
كى بربرى الاصدر. الآن سواكنه لسانى ديه معروف اولان
لسان محلى، توارق لسانيله مشترك بر چوق كلماتى احتوا ايدر
وتوارق لسانى كى اوده « تاماهاغ » وياخود « تاماجاق » نام
بربرى لسانى اصللرندن مشتقدلر.

*
*
*

سوكنه دن جنوبه توجه اولنديغى زمان افق جنوبى ي
قويو مور رنگده بر پرده كى ستر ايدن « جبل السوده »
سلسله سنه واصل اولنجه يه قدر يول ، اول سوكنه نك جنوب
خرمالقلىنى كچر ، صوكره تين زيكار خطيه (*) سنى صاغده
ترك ايدرك اون بشر كيلومتره قدر دوزلكى تعقيب ايله
« قطيفه » واديسنه داخل اولور. قطيفه واديسى لايعدا عوجا جبرله
۲۰ كيلومتره قدر كيتدكجه يوكسه رك بشر قطيفه يه منتهى اولور كه

(*) فزانده غير مسكون واحه لره ، داخلنده مساكن اوليان خرما
اغاجى اورمانلرينه نسميه اولتور.

مباق سلسله سنده « تاميله لت » واديسي



بو قويو ۱۹۰ كيلومتره امتدادنده كي واسع صوسز منطقه نك
شمال حدودني تشكيل ايدر. الجوفرا اووه سي سطحندن ۲۰۰
متره ارتفاعده واقع اولان بو قويودن صوكره يول برازدها
اعوجاچلرله وادي غويره الرياحك طاشلي، قياي سيل يتاغني
تعقيب ايدرك نهايت جبل السوده نك خط بالاسنه يعني
ظهرة المؤمن صرتنه واصل اولور. بورايه قدر واديلرك
منظره عموميه سي اوچوروم وديك، يماچلرنده كي كيلى تشكيلات
ايله سطح بالا اوزرنده كوريلان قويو سياه وولقانيق ذالر
وبوفيلرك سيل يتاغرينه يوارلاشمش اولان ايريلي اوقاقل
پارچه لري وحشي بر منظره حاصل ايدرسه ده واديلرده كي
مبدول چاليلقلر وطلح اغاچلري بو وحشي قسما ازاله
ايتكده در.

اووه سطحندن ۴۰۰ متره ارتفاعده وانه ظهرة المؤمنك
منظره سي ايسه بك موخش ونظرسوز بر درجه ده در؛ اوج
كيلومتره قدر بر عرضده اولان بو صرت، شرق وجنوب
غربي يه دوغري كوز آله بيلديكنه قدر دوام ايدرك «غارة تاسقو،
ورقان، جبل كحله» كي ديك ومحروط ناقص شكلنده كي
ذروه لريله منطفي بروولقان منظره سي ارايه ايتكده در.
بوتون بو سطح بالا اوتوز سانتيم عرضنده غايت سياه،
وولقانيك بر طاش طبقه سياه مستور اولوب عوامل خارجيه نك
تأثيريله پارچالانان بو پوشيده معدني التنده كي قويو قرمزي
آرژيل طبقه لريله بعض يارلرده كي بياض طبقات كلسيه بو سياه
سطحده نظردقتي جلب ايدر. بو سياه طاشلقدن كنججه يه قدر

كونشك تأثيريله التماع ايدن بوقوزغونى سياه طاشلارك پارلتيسى
كوزلرى صوك درجده اتعاب ايدر .

ظهره المؤمنك جنوب يماجلرندن جبل السوده نك جنوب
ورسانى تشكيل ايدن «مزيرعات» واديسنه اينمكه باشلانديكى
زمان نادراً ياغان ياغمور زمانلرينك غيريسنده يابس بولان
بو وادينك نسبتە حزين منظره مى و يماجلر اوزرنده يوارلاشمش
سياه طاش كتلهلرى كوريلور . جبل سوده نك اتكلرينى و شرق
ورسانندن نزول ايدن ياغمور سيللرينك حاصل ايتديكى واديلرى
تعقيب ايدن يولك امتدادنجه صرتلرده نسبتە يكدىكرينه قريب ،
يماجلرده دها سيرك وسيل يتاقلرنده داغينق بر حالده تصادف
ايديلن سياه طاشلر و بوتون عظيمتيله كوريلن سلسله جبال
خط بالاسياه زروهلرنده كى رداى مظلم ؛ بوتون بوسياه طبقه نك
مختلف اندفاعات بركانيه اثرى اوله رق و نتيله بوتون جبالى
واسع برمانتو حالنده قاپلامش اولديكى حالده عوامل طبيعیه نك
تعاقب اعصار ايله آچديكى واديلرده ايسه قريلوب دو كيلهرك
ستر ايتديكى التنده كى طبقات استداثيه مى ميدانه چيقمشدر .

مزيرعات واديسنده بر قويو حفري ايله صوسر منطقه نك
تقصيرى خصوصنده فزان اداره سنك تشبثاتى مع التأسف عقيم
قالمش و ۶۰ متره عمقه قدر صو بولنه ميه رق عمليات حفريه
على حاله ترك اولنمشدر .

جبل السوده نك صوك اتكلرينى كچدكن صوكره يول
شرقى و غربى قاف (كهف دن غلط اوله جق) نام ايكي تپه نك
اراسندن بالورور ، ياصصى و امتدادلى تراچه حالنده كى بو

تپه‌لری ده‌کریده براقه‌رق «سریر بن‌غفین» صحراسنه داخل اولور. شرقده واقع حماده صحراسنه نظراً امتدادسز اولان بن‌غفین سریری ده‌ا مزعج و ده‌ا یوریحی اولوب همان وسطنده واقع «رملة الکبیره» قوملقرینه قدر بر بحر جامد حالنده دوام ایدر؛ سریرك حدود جنوبیه‌سنی تشکیل ایدن «رملة الصغیره» به قدر اولان قسم ثانیه‌سنده ایسه بك خفیف و وسعتلرندن دولایی ناقابل فرق اولان اراضی دالغله‌لری حالنده «بئر قنیر» ه منتهی اولور. راکد بر صو سطحی قدر دوز اولان بو صحرای وسیع ایچنده قافله‌لرک قوناق محلی و بعض وقایع مهمه‌نک وقوعبولدیعی محلاته اسمار ویرلمش ایسه‌ده بو اسامی به مسمی اوله‌جق ظاهراً بر شی کوريله‌من.

رملة الصغیره ایچنده‌کی بئر قنیر سنه‌نک بر چوق موسملرنده قوراق اولدیعی جهته صوسز منطقه‌نک اصل حدود جنوبیه‌سنی تشکیل ایدن «ام‌العید» منبع‌لری و قتیله بورنودن سوق ایدیلن اسرا قافله‌سنک قوناق‌لادیعی کنیش بروادیدن عبارتدر. اصل معموره‌لر ام‌العیدک ۲۰ کیلومتره جنوبنده واقع زیغان بلده‌سندن باشلیه‌رق سیه‌یه قدر یول لاینقطع بو بلده‌لر و خطیه‌لردن کچهرک شمالده‌کی اقسامه نظراً طریقک‌السهل‌المروور قسمی تشکیل ایدر. بو قسمده‌کی زیغان، سمنو، تمنهند و سیه‌یه بلده‌لری عمومیتله کرییج بنالردن مرکب کوچک قریه‌لر اولوب انجق سیه‌یه بونلرک‌ک اهمیتلیسی واولجه عبدالجلیلک مرکز حاکمیتنی تشکیل ایتش و عثمانلی قوای عسکریه‌سنه قارشى

مقاومت ایدەرك آفات حربیه ایله خراب اولمش و حالا اثار خرابیتنی محافظه ایتمش بربلده در.

سببه مصردن اوجله و جالو، زله طریقله سودان غربیه کیدن تدیم قوافل تجاریه کذرکاهی اوزرنده اولقلهده آریجه بر اهمیت تاریخیه حائزدر. بو منزلدن صوکره طریق بعض منفرد تپه لردن کچهرک بیان وادیسنی تعقیب ایله سریر معلابی قطع ایدر و فزان مرکزیه واصل اولق ایچین صوکره مرحله اولان غدوه قریه سنک خرمالغه داخل اولور. مجموعی الی باب کوچک کرپیچ خانیهی تجاوز ایدهمین غدوه قریه سنک اطرافنی احاطه ایدن خرمالقارک جنوب حدودندن صوکره قافله مرزق شهرینک باغچه لری حدودینه قدر ۷۰ کیلومتره امتدادنده واسع و طاشلق بر سریری ده کچدکن صوکره «شکوه» کوینک ضعیف خرمالقارینه مواصلت ایتدیکی زمان ارتق مرزقک جهت شمالیهسنی احاطه ایدن واسع بر نصف دائرة شکنده کی نخلستان افقده برخط کثیف حالنده کوریلور.



فزائك منظره عموميه سي و فزائيل

تونسدن اعتباراً سرت كورفزي ساحلرينه ندر غربدن شرقه دوغري امتداد ايدن صوسز منطقه نك جنوب قسمي فزان ناميله معروفدر . بوقطعه نك تشكيلات طبيعيه سي ، افليمي ، اهاليسنك عرق و جنسي شالده كي طرابلس قسمه نسبتله فرقليدر . اطلس سلسله جبالنك ، تونس ساحلني تعقيب ايدرك جنوبه و اورادن طرابلس اراضيسته داخل اوله رق اولاً شرقه و بعده شمال شرقيه دوغري تدريجاً تنزل ايدن صوك قونترفورلري ، جنوبه دوغري كنش بر يايلا حالنده توسع ايدرك غدامبدن اعتباراً بر آاز جنوب شرقيه دوغري دوام ايدر و ۵۸۰ كيلومتره طولنده كي حماده بي تشكيل ايدر . حماده ايله جبل السوده سلسله سنك جنوب قسمي اصل فزان اطلاق اولنان طعه اراضيدير كه بورا يرلي حلفي ده حماده بي طرابلس ايله فزان آراسنده عاداتا بي طرف بر منطقه كي تلقى ايديورلر .

كوچك طاش قرينتيلريله مستور سرت بر زميندن عبارت اولان يوكسك حماده لر و دهها بويوكجه طاش و قايا پارچه لريله مالي اولان واسع سريرلرله ، بعض معين منطقه لرده بريكمش

بویوک و سیار فقط بطی الحركه قوم سلسله لری و کنیش قوملق ساحه لر و بونلرک آراسنده ادوار ماضیه قبل التاریخیه نك طوفانی یا غمورلرینک اثری اولان کنیش وادی لر و تحت الزمین صو طبقاتنک رطوبتی کونشک حرارتیه نسبت مطلوبه بی حاصل ایتدیکی محلاتده ده نباتاتک محیرالعقول برفیض و برکتله ظهوریه حاصل اولان واحه لر، فزانک منظره عمومیه سنی تشکیل ایدر. صحرای کیرک اک بویوک آفتی و ده ها دوغریسی سبب موجودیتی اولان صحرا روزکارلری و فیرطنه لری اودرجه شدت و دوام ایله و زان ایدرکه حماده و سریرلر سطح حنده بولنان کوچک طاش پارچه لرینک بیله قوملرله هم حال اوله رق ضربه صرصره سطح زمینده قوشوشدیغی، هوایی اینجه قوم ذراتنک اشباع ایتدیکی و روزکارک سمت جریاننه نظراً ایلک تصادف ایتدکلری مانعه نك اوکنده ییغلمغه باشلادلری کوریلور. اکثراً فیرطنه لی زمانلرده خطوط متوازیه حالنده بولنان قوم سلسله جبالی، زروهلرندن قویان دودرمالک هواده صاوریله رق اوچسی ایله، وولقان منظره سنی اکدیرر. خصوصاً یازین هان هرکون وزان ایدن و اکثراً سرعتله وختی بعضاً بر قاج کره تبدیل استقامت ایدن شدتلی روزکارلر، فیرطنه لر صحرای کیرک سبب موجودیتی اولوب بر جهتدنده توسعنی موجب اولمقده در. یاز موسمنده صحرا روزکارلری هان کاملاً کوندوزه منحصر بر حاده در. بعد الطلوع کونش سطح زمینی تسخین ایتکه باشلادیغی زمان شاعات شمشیه نك انکسارندن دولایی حاصل اولان موضعی تفاوت حرارتندن

سطحه قریب اولان هوای نسیمی کتله سنک دفعه انبساطی صحرا اقلیمه مخصوص اولان دائمی روزکارلر سبب اولمقدد و بو شدید و مزعج جریانلر همان عمومیت اعتباریله اقشام اوزری و کیجهلری کسب سکون ایتمکده در . بو انلیمده روزکارلرک سطوح مقاومت اوزرنده حاصل ایتدیکی تأثیر ذرات متحرکه نك دلك و تماسی نتیجه سنده حاصل ایتدکلری تجزی فعلندن دهها شدیددر .

ایشته بو سیله درکه هرکون طلوع شمسی متعاقب وزانه باشلیان مختلف جریانلرک تأثیریه صحرای کبیرک بارز صحور حجریه سنندن قویان ذرات پک نادر یا غمورلرک آچدیعی وادیلری کنیشلتمکده، قعرلرینی دوزلتوب دولدیرمایه، کردباد حصوله کلن یرلرده چونورلر آچایه باشلار . آقالیم معتدله نك اورمانلر ، چالیمقلر و دهها کوچک نباتاتله مستور صرتلرینه ، یماجلرینه اجرای تأثیر ایده مین بومزعج ، ذرات تراب ایله مشبوع هوا جریانلری وادیلرک طرفینده کی یماجلرینی و میللرینی آشنیدیره رق دیک اوچوروملر حاله کتیرر ؛ و انجق نادر یاغان یا غمورلرک خط اجتماع میاهده حاصل . ایتدیکی طاتلی میل بر حدمعین دائره سنه منحصر قالیر . بو وجهله چوق کره لر فزانک بویوک وادیلرینک ایچنه کریلدیکی زمان پک معین زمانلرده اسهن ملتم روزکارلرینه برحونی کی آچیق دوران بعض وادی شعباتنه تصادف اولنورکه بوراده هوا جریانلری محبوس بر محله چارپنه رق دور ایتدیکی جهته عادتاً اطرافده کی یماجلری اویهرق یارم استوانه یه قریب بر شکل حاصل ایدر .

کیجه ایله کوندوز بپشده کی تفاوت عظیمه حرارتک تحت تأثیرنده اولان فزان جبالی هر ساعت میلیونلرجه صاووریلن قوم دانه لریله ده اویولهرق وسیلنهرک اوچوروملر حاصل ایتمکده در . بوقیایدن اولهرق اک زیاده نظر دقتی جلب ایدن غاتک شالنده کی «ایدینهن» داغی بویوک «ته نه زو فت» وادیسنک وسطنده واقع اولهرق شدتله معروض اولدیعی شمال و جنوب جریانلرینک تأثیریه عادتاً بر دیوار دنیله جک کبی هر ایکی جهتدن دوزلنمش و ملتله قارشى اولان شمال شرقی جهه سنده کنیش و بویوک بر اویوق حاصل اولهرق طاعنک هیئت عمومیه سی شمال شرقی یه متوجه هلال شکلنده قالین بر دیوار حاتی المشر.

یوکسک حماده لر دائی بر جریان ایله سپوریلدیکندن بو اووه لر سطحنده مقاومتی زیاده اولان صحوره بارز برکته حالنده تصادف اولنمقده ، بر یاندن ده پارچلنان اقسام سائر روزکارک اوکنده صاووریلهرق سریرلرده یر یر بریکن قوم سلسله لرینک ذراتی تکثیر ایچین اوچه اوچه قوشوشمقده اولدقلری کورلمکده در. بوسیله بوتون بو ذرات، اوچوروم، بویوک برقایا، صولوق محل وحتی کوچک برحالی کبی روزکارک سیرینه مانع اوله جق برشی بولدیعی محله بریکهرک قوم تپه لرینی تشکیل ایتدیکی جهته صحرا اسکیدن ظن اولندی کی عموماً قومله مستور اولیوب بالعکس اکثر محملری روزکارلرله سپوریلن سرت و اولدقجه بویوک طاس پارچه لریله مستور اولان سریرلردر.



سودان قافله‌سی



مرزق سوری و باب‌الکبیر مدخلی

صحرا واحه لرنده كى اشجار و نباتات ايسه اقاليم معتدله نك اورمانلرى و چاليلرى، كوكلىرى توتلى عظيم اشجارى كى اوليوب بر چوق خطيه لرده و بويوك قديم نخلستانلرده ، روزكارلر ك متمادى ذرات ترابيه يي اوچورمسندن خرما كوكلىرى نك بر متره يه فريب ميدانه چيقه رق صاچاقلر حالنده دارقدينى كوريلور .

فزانك ياغمورلرى بك نادر در. اون، اون بش سنه فاصله ايله كلن بركتلى ياغمورلر اكثر بر منطقه محدوده يه منحصر قالير. فقط بونادر ياغمورلر اودرجه شدتله نزول ايدرلر كه بر قاچ دقيقه ظرفنده صولر طاشلى حماده لر سطحنده طويلنه رق كنش واديلره دوغرى آقغه باشلدينى وكونشك تاثيريله قاورولان بوقورى واديلر ك بر از صوكره طغيان ايدر ك و اوكنه تصادف ايدن هرشيئى قوپاره رق، سوروكليه رك سريرلر د منتهى اولدينى و اوراده نيش بر كول سطحى كى ياييله رق نسبة منحن نقطه لرى دولديردينى كوريلور.

وادي يتاقلرنده قوملى اولان طبيعت ترابيه نك مساعده سيلاه امتصاص بك چوق اولدينى جهته بو ياغمور صولرى تحت الزمين ناقابل نفوذ اولان طبقات مقعره يي املا ايدر ك، صحرا سكنه سنك همت بازوسى وحيوانلرى نك تايمين ابتدئى وسائط جريه ايله تكرار سطح ارضه كلهرك فزانك يشيل واحه لرى ن، ساواته دوغرى اوزانان خرما آغاچلرى نى بسار.

يالكز بو تحت الزمين صو سطحلرندن تيجراتدن دولاي ضايع اولو مقدار بك نادر ياغان موضى ياغمورلره تلافى

ایدیله میه جکی جهته صحرای کبیرک فزانہ عائد قسمندہ هر سنہ
یبوست رطوبتہ غلبہ ایدرک حمادہ لر و سریر لر توسیع حدود
ایتدکری و — هر حالده پک بعید بر استقبالده — بر کون
کلہرک شیمدی صحرانک کر بانسرایلری و منزل نقطہلرینی تشکیل
ایدن و کنیش بر طاش دکزی ایچنده یشیل و منفرد ویا مجتمع
آطہ جققلر حالنده بولنان واحہلر کیتدکجه تورومغه و بونلره
بدل ساحلدن خط استوا یا غمورلرینک منتظماً اجرای تأثیر
ایتدیکی منطقه جنوبیه به قدر هر کون روزکارلرله چالقانان
واسع بر صحرانک مدید سکون ماتیمیسی قائم اوله جی کوریلور.

* * *

حمادہنک جنوب اتکری وجبل سوده سلسله سیله بونلرک
جنوبنده واقع اولوب مرزق حمادہ سنی احتوا ایدن « مساق »
و دها غربہ دوغری « تادرارت » سلسلهلری و آزرغ
توارقلرینک توطن ایتدیکی « تاسیلی » جمله جلیه سی آراسنده
اوج بویوک وادی اولاشرتہ و صوکره شمال شرقیه دوغری
استقامت آلهرق دوام ایله حاصل ایتدکری کنیش دوزلککر
منتہی اولدقلری سریر لر نوعی اصل فزانک منصب قسمنی
تشکیل ایدر. بو وادیلر اولکی بحثده ذکر سی سبقت ایتدیکی
وجهله اوللری سرت کورفزینہ منتہی اولان بحر سفید سطح
مائل وادیلرندندر. تادرارت سلسله سنک غربنده واقع اولان
توارق اراضی سنک برچوق وادیلری ایسه اولاشمال غربیه
وبعدہ تماماً شمالہ دوغری استقامت آلان « اینغارغار » وادی
عظیمی شعباتندن اولوب غابس کورفزینہ منصب اولان بحر

سفید مائله‌سی وادیلرندندر. فزان لوحه صحرائیسنه شیرازه اولان جنوب جمله جلیه‌سی ایسه ده‌ها جنوبیده کاملاً برلشهرک جنوب شرقی استقامتنده دوام ایله «تومو» داغلرینه منتهی اولورکه ایشته بو خط مدید بحر سفید سطح مائلی سودان مائله‌سندن تفریق ایدر.


فزان داخلنده کی بویوک وادیلرک اک اهمیتلی اولان وادی شاطی ۱۶۰ کیلومتره دوام ایدن قسمنده کی معموره‌لری وبو معموره‌لره موازی اوله‌رق جنوبیده وقوملق ایچنده واقع زلاف نخلستانی‌ده داخل اولق اوزره تحمیناً ۱۸۰ بیک خرما آغاجی حاوی ومسکون بروادیدر. فقط بوندن ده‌ها مهم اولدیغی حالده مع‌التأسف قابلیتی نسبتنده مزروع بولمیان وادی آجالده انجق ۱۶۰ بیک خرما آغاجی واردر. فزانک اهمیتلی برآرزاق دیوسی دیمک اولان حفره و شرقیه ناحیه‌سی واسع برساحه منقطه‌دن عبارت اولوب تحت الزمین صو سطحنک بیک قریب اولسندن بو ساحه‌نک نسبته محدود بر قسمنده ۲۰۰ بیک خرما آغاجی بولمقده‌در. بویوک وادیلردن باشقه فزان مرکزی اولان مرزق بلده‌سی ایله اطرافنده ۶۰ بیک، سه‌ده ۷۵ بیک، سمنوده ۴۰ بیک، وادی عتبه ۶۰ بیک وقطرون ناحیه‌سنده ۱۰۰ بیک اولق اوزره اصل فزان قسمنده ۸۷۵ بیک واداره فزانه مربوط بولنان سوکته هون، ودان ۱۳۰ بیک وزله ناحیه‌سی باشلی‌باشنه ۱۲۰ بیک وغات بلده‌سی ایله توابعنده ۴۰ بیک قدر خرما آغاجی موجود اولدیغی اولجه اجرا اولنان تعداد اشجار ایله تابتدر. حالبوکه

ایلریده ایضاح اولنه جق اسبابدن طولانی تقلل نفوس بلیه سی یوزندن بو اشجارده متروک بر حالده وبونک دها اوچ مثلی یتشدیره جک واسع وادیلرده بوش دورمقده درلر.


صحرا لک زینتی اولان بو شجره قیمتدار فزانک حیات اجتماعیسنده مهم بر وظیفه مدنیه ایفا ایدر. خرما آغاجنک محصولی ایله اقسام مختلفه سندن ایشه یاراماز هیچ برشی یوقدر. خشبه تسمیه ایدیلن کوتوکندن، دیرک، قنطره، صرتک، پنجره وقابی سوکه سی و قانادلری کی ممالک سائزده دیکر جنس آغاجلردن اعمال ایدیلن اقسام خشیه اعمال اولنور. جرید تعبیر اولنان دالارندن ایسه اطراف وادیلرده دیکر جنس آغاجلر بولندیی حالده محروقات مقامنده استعمال اولندیی کی زربهلر و یاغچه چیتلری، ییراقلرندن سیت وقادینلرک استعمال ایتدیکی برنوع چاریق و آغاجک اقسام لیفه سندن ده فزانده عمومیتله استعمال اولنان ایپلر اعمال اولنمقده در.

خرما محصولی تازه ان اولندیی کی برایکی سنه قدرده قومنقلرده کی مطموره (چوقور) لرده حفظ اولسنه بیلیور. محصول ایله انسانلر ادامه حیات ایتدکلری کی چکردکلری ایله ده حیوانات اهلیه بسلمکده در. بوندن باشقه طرابلس غرب ودیگر ساحل واحهلرنده اولدیغی کی آغاجک داللری کسپله رک و یوقاریدن قشری طراش ایدیلرک عصاره سی دستیلرده جمع اولنور و بعدالتحمر نوش ایدیلر. عموم افریقای شالی ممالکنده معروف اولان بو ایچکی یه «الاکبی» تسمیه اولنور.

خرما آغاجی علی الاکثر بویوک آغاجلرک دیب طرفندن



مرزقده قصر حكومت



مرزق . باب الشريه

سورن فداندردن غرس اولنهرق یتشدیریلر . بو فداندلر اصل
 آنادن آیریلهرق دیکیلدکدن صوکره ایکی، اوچ سنه قدر اسقا
 اولنهرق قوتلنمسنه خدمت اولنور . ارضك قوتنه نظراً اوچ
 الی بش سنه صوکره یکی فدان محصول ویره جك حاله کلیر .
 فزان داخلنده کی اجناسك موسم کمالنده جزئی، کلی تخالف
 اولدیغندن اغستوسدن تشرین اول ابتدالریته قدر خرما
 محصولی اقطاف اولنور . فزانده كرك محصوللرینك زمان
 کالی و کرکسه حاوی اولدقلری شکر مقداری و یاشکل خارجیلری
 وحقی قابل حفظ و ادخار اولوب اولسامسی کی فرقلره نظراً
 ۷۵ جنس مختلف خرما موجوددر . قابل ادخار اولان محصول
 مطموره لره وضع اولنهدن اول تمیز قوملقلره فرش اولنهرق
 کونشده قورودیلور . خرما محصولی هر نه قدر وجود بشره
 ضایته نافع بر غذا ایسه ده، باشلی باشنه وجودك ضایعاتی تلافی
 ایده مدیکی جهته بلدیله بو غدایی دیگر حیواناتله، بدویله رایسه
 دوه سوتی و ات کی سائر مواد غذائیه ایله برابر اکل ایدولر .
 انحق خرما دیشلرك سرعتله خرابیتنه سبب اولدیغندن فزانلیلرك
 اسنان طاحنه لری همان عمومیتله محو اولمش کییدر .
 جسم نخلستانلرك سایه لرنده واقع عمقی از قویولردن جر
 ایدیلن طاتلی صو ایله بغدای ، آریه ، داری ، قافولی ابیض
 (بر نوع بیاض مصر) قافولی مصری (بیلدیکمز مصر) کی
 حیوانات و قباق ، پاطلیجان ، ملوهیه کی سبزه و اوزوم و سائر
 اشجار مشمره ده یتشدیرلمکده وتك توك سوداندن کتیرلمش
 آغا جلره ده تصادف ایدلمکده در .

الده کی اعشار قیوداتنه نظراً بش سنه لک حاصلات عشریه تخمیس اوله رق حاصل اولان نتیجه یه نظراً حاصلات سنویه تقریباً:

بغدای حاصلاتی ۱۰۸۴۰ کیله

آرپه « ۴۶۴۰ «

قافولی « ۸۸۲۰ «

درجه سنده تخمین اولنور. حقیقته پک قریب اولان شوعددلره نظراً فزان اراضیسی طرابلس مزاد عنده کی نسبتله معکوساً آرپه دن زیاده بغدای یتشدیر مکده اولدیغی کوریلور. فزان اهالیسنک قسم اعظمی بدوی، خیمه نشین و نفوسی ده مقید اولدیغنه نظراً یالکز نیم بلدی و واحه لار سکنه سی تخمیناً یکریمی الی یکریمی بش بیک راده سنده اولوب بوجسابه نظراً حاصلات سنویه سندن اولان مجموع حبوباتی نفوسنه نسبت ایدیلنجه آدم باشنه برکیله دن دون و یکریمی قیه قدر حبوب دوشرکه بوده مملکتک درجه فقرینی ارائه یه کافیدر. فزان واحه لرینی تزیین ایدن خر مالرك محصولی اولماسه شو حال ضرورتی تهوین و بو نسل سفالتدیده بی ادامه قابل اوله مازدی.

* * *

بعض وادیلری پیننده جزئی وکلی فرق ایتمک اوزره مهرانک یبوسته تحمل ایدهرک یاشایه بیلن نباتات همان هر طرفده برکییدر. فزانک کنیش وادیلرنده کی طلح، آتل کی ضعیف آغا جلرله دیرین، سبط [۱] آتول [۲] حاد [۳]

Arthratherum pungens [۱]

Allagi Maurorum [۲]

Cornulca monacantha [۳]

سويد [۱] کي دودلرک يديکي نباتاته ورتم [۲] جداری و تنفایه [۳] لره تصادف اولنورکه آز چوق یا غمورلرله تازه حیات بولورلرسه آنجق فصل ربیعه یشیلکرینی محافظه ایده بیلهرک یازک خارو محرق آیلرنده قوری کوکلرندن باشقه برشیلری کوریمز . یالکز تاسیلی وادیلری و خصوصاً غات بلده سی جوارنده کی آفالالا (فالزلز) [۴] اسمنده کی مدهش سمدار نبات اصل فزان وادیلرنده یوقدر . بوندن باشقه قرد [۵] تسمیه اولنان غایت سرت آغاج نسبتاً طبقات میاه یقین اولان محللرده نادرأ کوریلور .


فزان داخلنده کی حیوانات وحشیده محدود و عددآده قلیدر . بوز مره دن اوله رق اک زیاده صو ایچمه دن یاشامایه ویدکری اعضان اشجار و نباتات عصاره لریله اقسام مایعه وجودیه لرینک احتیاجنی تأمین ایتمکه موفق اولان جیلان (غزال ، ریم) یابان صغیری (بقرا الوحش) کبی حیوانات اکثر قوملقلرده وقوم سلسله لری آراسنده کی اراضی منحطه ده یشارلر . ودان (داغ کچیسی) اک زیاده مساق ، تاسیلی کبی جبال مرتفعه نك اوچوروملرنده بولمقده و طاشلق وادیلرک قیالری آراسنده کی نباتات ایله ادامه حیات ایتمکه درلر . دیگر صحرا حیواناتندن اولان دوه قوشی، زرافه حتی ازمنه اولیه تاریخیده افریقای شالیده

<i>Suaeda fruticosa</i>	[۱]
<i>Retama</i>	[۲]
<i>Calotrapis procera</i>	[۳]
<i>Hyoscyamus falezlez</i>	[۴]
<i>Acacia nilotica</i>	[۵]


دخى ياشامقده اولان فيللىك آرتق نسللىرى منقطع اولمىشدر. فزان صحراسىدا ياشايان يىرتىچى حيوانلار صيرتلان ، چاقال ، فينهك (قوم تىلىكىسى) كې حيوانات اولوب قىلان و آرسلان كې حيوانات مفترسه بولماز . انجىك كېم اولان انكرىك جنسلىرىدىن سىملىرى شىددىد «الافعه» لره وعقربلره وادىلرده وقوملىق اراضىده پك چوق تصادف اولنور .

فزان داخلىدا حيوانات اهلپهك مىقدارىده پك مىحدوددر . جىل السوده ايله «هاروج» جىلى اراسىدا كى مىرغالر مىستىئا اولق اوزره كىتلى دوه بىلىپىله جىك قدر واسع مىرغالرك فقىدانىدىن دولابى اصل فزان قىسمى داخلىدا كىتلى دوه سورىلىرىنه تصادف ايدىلەمىز . بىلەلرده تىجارىك وسائر اصحاب مىصالحىك الله بىلىپىلىكلىرى تىك توك دوه لروھىنلرك امىراعاتىلەلرىده اوتىك فقىدانىدىن دولابى پك مىشكىلدر . قويونده نادىرا بولنور ؛ فزانك حيوانات اهلپهسى مىيانىدا نىسبە كچى وطىاوق دىكرلىرىنه قاتتىدر .

بىرى جنوب و دىكرى شىمال جنسلىرى مىخصوص اولق اوزره باشلىپىچە اىككى جنس دوه بولمىقىدەدر . شىمال دوهلرىنىك ارتقاعلىرى آز ، بويونلىرى قالىن وقىصە ، باشلىرى بوپوك ووجودلىرى قىش موسىمىدا اوزاىەرق كامىلا جىلدى ستر ايدىن اوزون بوپوكلىرى مىستوردىر . جنوب جنسلىرىدىن صحراىە مىنسوب دوهلراىسە اطراف سفلىلەلرى اىچە و اوزون ، وجودلىرى ظرىف وتوئىسىز ، بويونلىرى اوزون و باشلىرى كوچكىدر .



مرزق بلدهسى



مرزق بلدهسىنىڭ جەنۇب قىسمى

بر چسوق دوه سوریلری بسلین وتوارقلر طرفندن
مسکون اولان تاسیلی و تادرات جبالی وادیلرنده کی دوه
سوریلری کاملاً صحرا جنسندند. انجق دها جنوبده واقع
«کلهوی» جنسندن اولان دوهلر دها تویسز اولوب فزان
وغات جوارینک موسم شتاده کی شدته تحمل ایده مزلر. کلهوی
دوهلری فزان جوارینه کتیرلکدن برسنه صوکره دها زیاده
تویلنهرک اوانلیمک تأثیراته مقاومت ایده جک بر حاله کلیرلر.
توارقلر، بللری قیصه و صدرلرینک کنیشلکی حد مطلوبده
اولیان دوهلری یوک نقلنده قوللانمده اولوب «باهول»
تسمیه ایدرلر. هجن دوهلری ایسه ینه عین جنسندن ینک
اوله رق تربیه ایدلش دوهلردر که بونلرده آرانیلان شرط تناسب
بلک اوزون، صدرک کنیش و بیلک قسملرینک، قولک قسم
فوقانیسه نظراً قیصه اولمسیدر. تیبو دوهلریله توارق هجنلری
بینده کلی برفرق مشهود دکلدر. انجق تیبو دوهلرینک دها زیاده
متحمل اولدقلری سویلنمکده ایسه ده توارق هجنلرنده کی تربیه
درجه سی بونلرده یوقدر. توارق هجنلری صحرا منطقه سی ایچین
اک اعلا بر ینک حیوانیدر. بو هجنلرده کی صبر و تحمل و تربیه ایله
برابر قوه حافظه و خصوصاً استقامت تعین ایتک، یول بولمق کی
ملکات عقلیه آتلرده تصادف اولنهمیه جق درجه ده مترقیدر.
دوهلرده اولدیغی کی فزان وغات جوارنده کی قویونلرده
ایکی جنسدر. بری ساحل بچردن جنوبده شاطی وادیسه قدر
تصادف اولنان شال جنسی اولوب یوکاری اوزون و یومشاق
مرینوسلر و دیگرلری، جنوب جنسی اولان تویلری قیصه

وسرت، قویروق و باجائلی اینجه و اوزون سودان قویونلیدر. بوندن باشقه تیو قویونی نامیه تیستی جبالنده یاشایان اوچنچی بر جنس دها واردر که همان عمومیتله یوکی سیاه رنگده اولان بو جنسکده توپلری سیاه وسرت و فقط سودان جنسی کی قیسه اولیوب اوزوندرد؛ کچیرایسه عمومیتله سودان جنسی، کوچک توپسز کچیردر.

جنس بقر و جنس فرسه منسوب حیوانات اهلیه نادرأ تصادف اولمقده و صحرالرك تورانغیله متناسب اولهوق کوچک قطعده و نحیف البنیه اولدفلری کورلمکدهدر. باغچهلرده صو چکمکده قوللانیلان مرکبیر نسبة دها زیاده بولمقدهدر؛ بونلردن غات جوارنده کی «جانت» واحه سنده یتشدیریلن کوچک و فقط تحملیه مشهور اولان جنس اورالرجه مرغوبدر. فزان عربانی، تیو و توارق قبائلی کی بادیه اهالیسی نزدنده تصادف ایدیلن و بلدهلرده نادرأ کوریلن اجناس کلابده باشلیجه اوچ قسمة آیریلرلر: عربانک کوپکلری اوزون توپلی و طرابلس شالنده عموماً مشهور اولان بکچی کوپکلردر. تیو و توارق قبائلی نزدنده کوریلن کوپکلر ایسه بری ودان و بقر الوحش صیدنده خدمت ایدن زاغار جنسی یرلی کوپکلری ایله جیلان صیدنده استخداام اولان صحرايه مخصوص غایت مقبول تازیلردر.

* *

شالدن ساحله قدر دوام ایدن بردیزی واحه لری و جنوبدن سودانه قدر صحرايه سرپیلش بر چوق صولاق

موقعی ساهیسنده فزان پک قدیم زماندنبری بر صحرا تجارت در بندی حالی آلمشدی. فزان اهالیسندن وقت وحالی مساعد اولانلر همان عمومیتله بوتجارتله مشغول اولورلردی. هر نه قدر رومالیر فزانه قدر ضبط و اشغال ایتیشلرایسهده کرك اودورده و کرکسه فتح اسلامدن صوکره و خصوصاً افریقای وسطی حکومت اسلامیسنک تأسیسی متعاقب هر طرفدن مهم بر تجارت باش کوسترمشدر. شمال ساحل ممالکندن اولان مصر، طرابلس و تونسدن معمولات صناعیه جنوبه دوغری و بالمقابل چاد کولی اطرافنده کی ممالک محصولات طبیعیه و صناعیه سیده شماله دوغری هب فزان طریقیه کچمش و تومسبوق و ایله مصر بیتنده کی سودان غربی تجارتی بیله شماله یعنی غات، سببه و اوجله طریقیه اولوق اوزره فزاندن کچمشدر.

شمالک معمولات صناعیه سنه مقابل افریقای وسطی نک اک زیاده نقل ایدیلن مواد تجاریه سی: هاوسا و سقو طو دارالصناعه لرندن چیقان صاری و قیرمزی بویالی کچی دریمی، صو طولوماری، منسوجات قطنیه، چوید، پاپاغان قوشلری؛ بورنودن تهرهند و چوید کی محصولات طبیعیه دن ماعدا آرسلان و قاپلان پوستی، کانم، و ادای و باغیرمی قطعاتندن ده فیل دیشی، زرکردان بونوزی کی مواد تجاریه ایسهده بوتون بو افریقا قطعاتندن کاربانلرک کتیردیکی امتعه تجاریه نک اک مهمی فیل دیشی ایله دوه قوشی تویی وهله اهمی ارککلی دیشیلی اسرای زنجیه ایدی.

یکرمی عصر قدر بر زماندنبری دوام ایدن بو قوافل تجارتی،

نېژىيا ممالك متوسطه سىنىك توز و كوپچە آلتونلارنى مرزىق بازارىنە جلب ايتىش ايدى . بر عصر اولە كلنجەيە قدر مرزىقده «مقال الذهب» واحد قياسى اعتبار اولونىش و دادوستد مقال ايله اقسامى اوزرىنە اجرا ايدىلشدى . بوسورتلە مصرە متوجهاً تومبوتودن كلن بىكلرچە نفوس حجاج و فوافل تىجار وعكسە حرىكت ايدن كاربانلر فزان واحەلرندىن كچەرك و اورالردە توققە مجبور اولەرق محصولات محليەيى استهلاك ايله اورايە آلتون براققە مجبور اولمشلر و اسكى فزانك ثروتى حاصل ايتىشلردى . اولاً «بوطيره» [*] و بونا مائل اوروپانك كوموش مسكوكاتى و صوكرەدە شمدى تداول ايتىكدە اولان عثمانلى پادەلرى انجىق كچن عصر ميلادى ظرفىندە مرزىق بازارندە رواج بولمشدر . [**] حتى سكه حالندە آلتونك تداولى يكى برشى اولوب غات بازارندە بوسبوتون مجهول اولدىكى كى توارقلر بيع شرادە حالا آلتون سكه قبول ايتىزلر .

ايشتە فزان واحەلرى شالدىن جنوبە ، شرقدن غربە و بالمقابلە كلوب كچن تىجار قافلەلرى آراسىندە مراکز مبادله يى تشكىل وبوسايدە معمور اولمشلردى . اعصار اخيرەدە ساحل

[*] مارى ترز تالەرى

[**] جهات اربعەدن كلن قوافل تىجارىە ، كچن عصرىك بوتون اوروپا مسكوكاتى مرزىق و غات بازارلىنە كتىرمشلردە . دلىك كوموش مسكوكات لسوانك باشلىجە تزييناتىدن اولغله دوكون و بايرام كونلرى قاديىنلرك باشىندە هر جنسدىن كوموش مسكوكاتك و اوزرىندە پاپادە داخل اولقى اوزرە عصر سابقك بوتون اوروپا حكمدارلىرىنك تصويرلرى قارماقاريشىق معلق اولدىنى كوريلور .

بلدان و ممالك اسلامیه‌سنده رونما اولان فترت و تذبذب اداره ایله افریقای وسطی حکومت اسلامیه‌سنده کی متادی اختلالاتدن دولایی سودان تجارتی دوچار خلل اولغله فزان معمریتی ده تدنییه باشلامشدی . افریقا ممالك وسطیه‌سنگ دیگر مخرجلردن دوغریجه اوروپایه کسب اتصال ایتیمی ده فزانی انقراضه سوق ایتکه باشلادی . فقط فزان یازارینگ کلیاً سونمسنه سبب اولان اسرای زنجیه تجارتنگ منعی وبالاخره قاپده یتشدیریلن طیور اهلیهنگ کثیر المقدار اولان مستحصلاتندن دولایی دوه قوشی توینگ تنزل قیمتی کیفیتدر . بر یاندن قانو ایله طرابلس یتنده کی طریق تجارت غدامسلیلرک رقابتی یوزندن غاتدن دوغریجه غدامسه دونمش و دیگر طرفدنده وادای و باغرمی اراضیسنگ فیل دیشی محصولی اوجله - جالو اوزرندن دوغریجه بنغازییه طاشنمغه باشلامشدی . بو صورتله قافلهلر سیرکشدکجه فزانده ده اسباب عمران ضایع اولغله نهایت ۱۸۹۳ سنه سی چاد کولی حوضه‌سنده بویوک تبدلاته سبب اولان « رانج » وقایی اوزرینه ارتق بورنو طریق تجارتی کاملاً محو اوله رق مرزق مرکز تجارتی ده تماماً سونمش وبوشالمشدر .

بوکون فزان محصولات ارضیه‌سنی مبادله ایده‌مدیکی کی اولجه بورنو وهاوسا ، سقوطوکی دنیانک الک محصولات مملکتلرندن کلن اموال‌دنده محروم قالمشدر . شیمدی یالکز طرابلسدن قافله‌لرله کلن منسوجات ، چای و شکر ، موم کی مواد تجاریه مرزق بازارنده صاتیلمقده واسکی دوره رفاه

وعمرانك بقيه سی اولان نقود موجوده ده ساحله دوغری
هجرت ایتمکده در . بر یاندن فزان بازارینه پاره دوکن اسکی
بویوک قافله لرك فقدانی ده بونا انضمام ایدهرک مرزقده اچیه
کاملآ مفقود برحاله کلمکده در .

مملکتده بو فقدان مسکوکات و تکلیف امیرییه تضیقانی
اهالی بی تونس ، طرابلس و بنغازییه هجرتیه و اورالرده ایش
آرایهرق کسب ثروته سوق ایدیور . طبعه پک چالیشقان
وناموسلی آدملردن اولان فزان اهالیسی اورالرده پک مقبول
اولهرق قولایلیقله ایش بولمقده وکلی ، جزئی نقود جمع
ایتدکن صوکره بونلره مخصوص برداء الوطن تأثیریه بر قاچ
سنه صوکره مملکتلرینه عودت ایتمکده درلر .

* * *

سطحنده دوام ایدن شدتلی یبوستدن دولایی صحرای
هواسی صوکره درجه ده موافق صحت ایسه ده فزان مرکزی
اولان مرزق کبی اطرافی سبجه تعبیر اولنان بطاقلقلره محاط
وقویو صولری سطح ارضه غایت یقین اولوب آغزی کنیش
اولان بو قویولرک دیننده بر چوق سازلقسلرک نشوونامنه
مساعد اولان دیگر بعض محللرده امراض حکمفرمادر .
مرزقک مالاریاسی پک مشهور و حقیقه مدهش اثار تخریبات
ترک ایدهرک انسانی معلول ایتمکله معروفدر . صوکره بهارده
باشلیهرق ایلك بهاره قدر دوام ایدن بو حالر وجودده
طاقتدن اثر براقمز . مرزق بلده سی ایله شاطی وادیسی وحفره
و شرقیه ناحیه لرنده مرزقه شبیه اولان بعض محللرده طول

مدت اقامت ایدنلر دوچار اوله جقلری حما هجومندن دولایی
برچوق زمانلر وجودلرنده کی اثار تخریبانی حس ایدرلر.
مالاریادن ماعدا واحه لرده ساکن اهالی پیننده موجود برچوق
امراض واردر. اکثریا بو مملکت ایراث خسارات عظیمه ایتیش
اولان چیچک خسته لغی بورنو وسوداندن کلن اسرا قافله لرله
سرایت ایتیشدر. فزانک بعض بلداننده همان بلدی خسته لق
دنیه جک قدر اکثریتله حکمنی اجرا ایدن امراض افرنجیه ده
قافله لرله وقوعبولان اختلاطلردن دولایی بورنودن سرایت
ایتیش اولدیغنه شبهه یوقدر. یرلی خلق بو مرض مدهشی
داخلآ حنضل [*] و خارجآده تنفایه میوه سنک عصاره سنی
استعمال ایدهرک تداوی واشفا ایتدکلرینی ادعا ایدرلر. فقط
بو صورت تداوی به قربان اولانلرده پک چوندر.

فزان اهالی بلداننده امراض صدریه ده مجهول دکلر:
«بوجنب» تسمیه ایتدکلری ذات الحبيب وذات الرئه و «مرض
الرقیق» نامنی ویردکلری ادران الرئه امراضنه کثرتله تصادف
اولنور. انحقق بو خسته لقلر اکثریتله اطرائی قپالی واحه لرده
ساکن اهالیده کوریلور. غات وسبه بلدلری کی همان صحرائنک
اورتاسنده دنیه جک قدر یابس وقوملق و قیالقلرله محاط اولان
فزانک صحرا بلداننده هوا غایت صاف اولوب حتی بعض مهم
جریحه لر بیله بلاقیح التیام بولمقده در.

کاملآ صحرا نشین اولان قبائلده ایسه احوال مرضیه همان

[*] «Cucumis colocynthis» صحرا وادیلرنده پک

میدول اوله رق تصادف اولنور.


یوق کیدر . بو جمله دن اولان توارقلر ملبوسات و مسکن اعتباریه صوڪ درجه ده حال ابتدائی ده اولدقلری جهته بلده لرده حکمفرما اولان امراض ساریه دن و خصوصاً « تاغاراوت » نامی ویردیگری نزله دن چوق قورقلر . بر تارق تاغاراوت اولان محلدن اولومدن قاجارکی فرار و تبعاعد ایدر . معلومات طبیه جه حال ابتدائیده اولان صحرا اقوامی ایچنده تداوی امراض خصوصنده اول امرده « طب العجوز » ك معاوتنه عرض افتقار اولنور و قادین علاجلری ایله تخفیف آلامه چالیشیلر ، اوندن اوتهمی آرتق قوه اعتقادییه ترك اولنور : یعنی نسخهلره و آفسونلره مراجعت اولنور .

* *

بوکونکی فزان قرون ابتدائیة تاریخیه نك ظلماتی آراسنده مبهم بر صورتده معلوم اولان ورومالیلر طرفندن « فازانیا Phasania » تسمیه ایدیلن قطعه در . لاتین مورخلرندن « پلین » طرابلس جنوبنده « قورنلیوس بالبوس Cornelius Balbus » ك اجرا ایتدیکی سفردن بحث ایدرکن : « فازانیا سرتدن یوقاری صحرایه دوغری « آده لا Aldela » و « چللابا Cillaba » بلده لرینی حاوی اولوب سابراتا [*] حدودنده کی « سیداموس Cydamus » [**] بلده سی رومالیلر طرفندن تحت انقیاده

[*] طرابلسك غریبنده بوغیله قرینده واق بووک بر بلده اولوب الان ساحل بحرده خرابه سی موجوددر . اسکی طرابلسك قسم غریبی اداره سابراتیه مربوط ایدی .

[**] تونس حدودی اوزونده کی بوکونکی غدامس بلده سی .



حمیده جاده سنده قره غول و دکانلر



مرزقده قادیان بازار

آلنمیشدی . براز دها اینریده، شرقدن غربه دوغری «سیاه داغلر» [*] اسمنده بر سلسله جبال دوام ایدرکه بونکده ایلریسنده «ماتهلجس Matelges» و «دبریس Debris» و غارمانترک مرکزی اولان غراما [**] موجوددر . «دیور» غارا مانترله مسکون اولان بونمالک غراما بلدهسی مرکز اولق اوزره فازانیا نامی آلتنده روما مستملکهسی اولدقدن صوکره بونواحیه برچوق کره لر رومالیر قوتسوق ایتمشلر واسفار مذکوره میانشده «ژوایوس ماتهرنوس Juluis Maternus» فزاندن دها جنوبه وسودانه دوغری ایلریلمشدر . قدیم جرما قریهسی جوارنده کی مساق جبالندن یونتمشر بویوک طاشلردن مبنی اولان اثار قدیمه خرابه لری رومالیرک فازانیا داخلنده کی دوره حاکمیتلرینه دلالت ایدیور . روماحا کمیتی متعاقب ایلک اعصار میلادیده افریقای شمالی ساحل قسمی قاریشدیران وقایع مهمه آراده کی صوسر صحرالره آریلان وبذاته مقدرات خصوصیه سنه تابع قالان فازانیایه اجرای تأثیر ایتهمشدی . بونابناء تاریخک بوقسمنده فازانیادن بحث اولونما مقدهدر .

فزان عصر اول هجرینک قرق بشنجی سنهسی «عقبه بن نافع» طرفندن ضبط وممالک اسلامیة عدادینه ادخال اولونمشدر . برنجی دور استیلای اسلامی متعاقب ایکنجی دفعه اوله رق قبائل بدویة عربدن «بنی هلال» قبیلهسی ارض حجازدن آفریقایه کچهرک بوتون بوقطعه شمالی غارت ایتدیکی زمان، قدیم فنیکه

[*] سوکنه نک جتوبنده واقع جبل السوده سلسلهسی .

[**] وادی آجال داخلنده بوکون جرما اسمیله معروفدر .

وروما بقیة ائارینه هجوم ایتیش اولان بوقبائل بدویه نك فزانده ایصال دست خسار ایتیش اولدقلرینه شپه یوقدر . طرابلس قبائلی میاننده اولدیگی کبی فزانلیرجده اولاد هلاک یادتخریباتی اودرجه مدهشدرکه بوبدویلیری فوق الطبیعیه خلق اولونمش مخلوقات کبی تلی ایتکده درلر .

وادی آجالده یکدیگرینه اولدقچه اوزاقچه مسافه لرده فقط برخط اوزرنده واقع بعض کوچک ودرینلکی آرز چوقورلری اولاد هلال سوارینک هجن ایزلری دیه بانا کوستردیکلری زمان بوخصوصده سرد ایتدکلری تفصیلاتدن اولاد هلاک فوق الطبیعیه برقامتده برطاقم مخلوقات مدهشده دن اولدقلرینه قناعت ایتدکلری اکلاشیلوردی .

هجرتك بشنچی عصرینه قدر قبائل عربك اداره سنده قلمش اولان فزان طعه سی اوتارینخدن اعتباراً افریقای وسطی حکوماتندن کانم وبالاخره بورنو حکمدارلرینک ایادی استیلاسنه کچمش وبوحکمدارلر نامه اجرای حکم ایدن عامللر همان، همان مستقل برصورتده فزانی ادره ایدهرک «تراغن» بلده سنی مرکز اتحاد ایتیشلردر. شرقای غربدن «سیدالمستنصر بن محمد» فزانی بورنو حکمدارلرینک الندن قورتارمش و اخفادی «اولاد محمد» نامیه ۱۲۲۵ سنه هجریسنه قدر حکمران اوله رق فزانک الیوم مرکز اداره سی اولان مرزق بلده سنده کی قلعه یی بنا ایدهرک مقر اتحاد ایتیشلردر. اولاد محمد سلطنتک انقراضندن صوکره، طرابلس پرئسیرندن اولان قرامانلیرک امراسندن «المکنی» طرفندن اداره اولونمش ویکرمی سنه صوکره ده فزان مرکزی

اولاد سلیمان قبیلہ رئیس اولان شیخ عبدالجلیل طرفندن ضبط ویاغما ایدلمشدر . فزانك ادوار اخیرہ سی تاریخی طرابلسہ اجرای حکومت ایدن مستقل پاشا ارادہ سنك فزانی ویرکی بہ ربط ایتك خصوصندہ کی تضیق لری وفزانلیرك بونلرہ قارشى مقاومتلرندن عبات برسلسلہ مجادلاتہ مالیدر . حالا اصل طرابلس اہالیسیلہ فزانلیر پیندہ کی منافرت بو قدیم خصوصتلك اثری اولہرق قالمشدر . عبدالجلیل فزانك قراوقصبائی نہپ وغارت ایدہرك اون ایکی سنہ قدر تخریبات ایلہ حکم سورمش ونہایت ۱۲۵۷ سنہ سی فزان حکومت عثمانیہ طرفندن بالفعل ضبط واشغال اولنہرق برسنباق اتحاد اولونمشدر .

* * *


كرك وادی آجال و شاطی کی واحہلردہ ساکن بلدیار وكر كسہ توارق وتیبوکی بدویلر اولسون ، عموم فزان سکنہ سنك اصل ومنشأ لری حقندہ بر فکر مخصوص حاصل ایدہ بيلمك ایچین افریقای شالینك قدیم اہالیسنہ وبونلرك اوغرا دینی تحولات عرقیہ بہ سریع بر نظر شامل عطفی لازمکیر: ازمنہ قبل التاریخیہ کی شالی افریقا سکنہ سی حقندہ قطعی معلومات فنیہ موجود دلدیر . بالکز شالہ کی ساحل ممالکندن جنوبدہ تومبو قتویہ قدر صحرا قسمندہ بولمش اولان ادوار اولیہ و اخیرہ حجرى بہ منسوب وچاقاق طاشندن معمول آلات وادواتہ نظر آوروپادہ اولدینی کی بورادہ دہ دور حجرى بہ منسوب انسانلرك یاشامش اولدقلى ا کلاشیلور .

بوصحرا سکنہ سنك جنوبدن شالہ دوغری یایلمش اقوام


ابتدائیه دن اولدقلرینه حکم اولنه بیلیر. بر جهتندن ده افریقانک
شمالاً ایریا وسجلیایه برأ مربوط اولدیغی زمانلرده ده اوروپادن
واقوام آریه دن برنسلک افریقایه کچمش اولدیغی محققدر .
زیرا اون دوقوزنجی سلالهٔ فراغنه دن مقدم اولان ادواراولیهٔ
تاریخییه عائد محکوکات مصریه ده افریقای شالینک اولا سیاه
صاچلی عرق سامیدن بر قوم ایله مسکون اولدیغی وصوکرده
بونلرک آراسنه صاری صاچلی بر عرق قاریشدیغی مسطوردر .
حالا اطلس سلسلهٔ جبالنک مهم اقسامی اشغال ایدن صاری
صاچلی قبائل بر بریه نک اسلافی مصر قدیم مضبوطات تاریخیه سنده
« تاهنو Tahennou » اسمیله یاد اولنمقده در .

کندیلریله متعدد کره لر تماسده بولندقلری بواقوامه مصر لیلر
« لی بو Libou » اسمی ویریورلر سده ده دهها عمومی اوله رق
« تاماهو Tamahou » ، تاهنو و « ماشواشا Machouacha »
ناملریله ده یاد ایتمکده درلر . کتب مقدسه ده افریقای شمالی
سکنه سی « لوبیم Loubim » و « له هایم Lehabim » ناملریله
مذکوردر . لی بو ولوبیم کلماتنک بالآخره یونان قدیم وروما
مورخلری طرفندن بواقوامه ویریلن « لی بی یه ن Libyen »
اسمنک اصلی اولدیغنه شبهه ایدیله من .

مصر قدیم مدنیتنک بر برلر اوزرنده بر تأثیری اولمشدر .
انجق بر بریلر علیهنده مصر لیلرک ااجر ایتمش اولدقلری اسفار متعدده
اونلردن طونج دن معمول اسلحه ، التون و کوموش مسکوکات ،
یایلر ، و کوچک حربیلر و محاربیه آرابه لری اغتنام ایتدکلی
مضبوطات قدیمه مصریه جمله سندن اولدیغنه نظراً لی بی یه ن



مرزقلی برقادین



مرزقده عسکر خسته خانه سی

اقوامنك ميلاددن اون بش عصر اول و فنيكه ليرك افريقا
سواحلنده تاسيس مستعمراتندن مقدم واصل درجه مدنيت
اوله رق صنايعه انتساب ايتمش اولد فلى اكلا شيلور . بومعلوماتله
برابر ينه افريقاي شالي سكنه سنك اصلى مظم قاليور . شمدي به
قدر سراقد قديمه و محكوكات حجر يه نك تدقيقندن ده فطاي برنتيحه
حاصل اوله مامشدر .

قرون اوليه تاريخيه ده بواقوامه شرقدن غربه دوغرى
« لى بى يه ن » ، « نوميد Numid » و « مور Maure » اسمنى
ويريرلردى كه هرهدوتك روايته نظراً بولى بى يه نلردن شمال
قسمنده وبوكونكى طرابلس غربه « پسيل Psylle » لر
و « ماس Mace » لر بولمقده وساحل بويجه ده
نازامون Nasamon » لر سرت كورفى ساحلندن اعتبارا
اوخله واحنه قدر اولان قسم شرقيه ساكن اولمقده ايديلر
« غارامانت Garamante » لر ايسه فزان داخلنده ، وجنوبى
صحراى كير قسمنده ايسه « ژه تول Getule » لر ياشامقده
ايديلر . لى بى يه نلرك اولاد سام عرقه منسوب قسمندن اولان
ژه توللردن بالاخره زناته و صنهاجه قبائيله توارق قبيله لرى
ظهور ايتمشدر .

فنيكه لير ميلاددن اون عصر مقدم افريقاي شالي ساحلنده
معموره لر وجوده كتيردكلرى زمان بوقبائله تماس ايتديلر .
كرك اووقته قدر وكر كسه اوندن صوكره وقوعبولان استيلار
وهجرت اقوامدن الكزياده متأثر اولان قبائل ساحل شاليده
ساكن اولانلردر . اطلس جنوبنده كي ژه توللر وبونلرك

شعبانی بو تأثیردن خارج قاله رق بو گونه قدر ازمنه قبل تاریخیه ده کی
حال وحشت و بداوتده قالمش لر در . بربری صنهاجه و متعدد
توارقلره منشأ اولان ژه تولاردن بحث ایدولرکن متقدمین
مورخینک تصویر ایتدکری الواح وحشت و خشونت شیمدیکی
توارق قائلنک حالریله تماماً مطابقدر .

لجینی یه نلر استیلای اسلامدن سوکره کی مورخین اسلامیه
طرفندن « بربری » نامیله یاد اولمقده درلر . بوسبب تسمیه
قطعی صورتده ا کلاشیله مامقده ایسه ده ، نشزدین و توسیع
حاکمیت ایچین جزیره العربدن عربیه دوغری مصر ، یونان
قدیم و روما مستعمره لرینی استیلا ایتش اولان عرب فاتحلری
بوتون شالی افریقایرلی اهالیسنی مصر علیاده تصادف ایتدکری
« بربره » قطعسی سکنه سینه منسوب عد ایتدکرنندن دولابی
عموم بوعرقه بربری نامنی ویرمش اولدقلری ظن اولنیور .
فقط الان برابره اسمنده کی قبائل اطلس سلسله جبالنک قاس
داخلنده کی شواهنده و جنوب ورسانلری اوزرنده بولمقده
اولدقلرینه نظراً بواسمک دها بشقه برمنشأ تاریخسی اولق
لازمکدیکی ا کلاشلیور . مورخین اسلامیه و بالخاصه ابن خلدون
بربریلرک ارض فلسطیندن هجرت ایدهرک شالی افریقایی استیلا
ایتش اولدقلرینی ادعا ایدیور و بونی ده بعض مناسبات لسانییه دن
استدلال ایدیور لر سده حقیقتده ارض فلسطین دن کلش اولان
بواستیلارک تأثیری اولمغله برابر اصل اهالی مهاجرتله یرلشمش
برعرق دکدر ؛ و قدیمأ مستقل برلسان و خصوصاً استقلال
تامی حائر حروف و اشکال تحریرییه مالک یرلی برخلقدر .

انجق اقوام ساميه طرفدن وقوعبولان بو استيلا لرك لسان اوزرنده هر حالده بر تأثيري اولمشدر .

قديم ويرلي انوام بربريه دن اولان غارامانلر ايسه ، فزانك و ضيقت مركزيه سي و صحرا طرق مواصله سنك تقاطع نقطه سنده بولميسدن دولاي هر طرفدن وبالخاصه جنوب جهتدن عرق اسودك استيلا لرينه اوغرايهرق غائب اولمش وبونك يرينه شال و جنوب اقوامي يينده متوسط بر نسل مخلوط حاصل اوله رق بوكونكي فزانليرك اجدادي وجود بولمشدر . بوكونكي اصل فزانلير حقيقتده ايكي عرقدن هيچ يرينه منسوب اولميو ب غايت بارز بر عدم تجانس و كثر تنوع اظهار ايتكمده درلر . جنوب دن شماله دوغري باقيلديني زمان تيستي جبالك سكنه سي اولان تيولر هر نه قدر سياه رنگده ايسه لرده عرق اسوده منسوب اولميو ب ظريف فامتلري ، اوزون سيالري ، و خطوط وجهيه لر ينك انتظامي ايله باشك تشكلاتي تماماً عرق ابيضدن و فقط اولاد سام جنسندن اولدق لر ينه و يالكز تيستي جبالك قيرغين سامي آلتنده پاك زياده قرار مش اولدق لر ينه حكم اولانه بيلر .

ينه جنوب ي فزان اهالي سندن معدود اولان توارقلر ايسه تماماً بربري النسل درلر . فزانك قسم شالي سنده و شاطي وادي سييله سبه ناحيه سنك بر صره واحه لر نه ساكن عربان ايسه استيلاي اسلام دورنده كلش اولان قبائل عرب اخفاد ندرلر . ايسته هر طرفدن بو صورتله محاط اولان وادي آجال ، وادي عتبه ، حفره و شرقيه كي فزانك مركزنده كي واحه لر ده ساكن اولان فزان

اهالیسی ، اصللری غارامانتلردن اولدیجی حالده اقوام ساثره ایله اودرجه قاریشمیشلردر که بوخلیطه ایچنده غارامانتلرک بوکونکی اخفادی نی بوله رق سچمک قابل اولیه جق برحاله کلمشدر . فزانلیرده الکیزیده عرق اسوده تمایل وارددر . بوتمایل یکدیگری متعاقب فزانی استیلا ایتیش اولان کانم وبورنو اقوام زنجیه سنک اجرای حکومت ایتدکلی زمانلرک نتیجه طبعیه سی کی کورینورسده سوداندن کتیریلن زنجیه لراه ازدواجکده بوخصوصده اجرای تاثیر ایتدیکی محققدر . بوضورتله بوکون عموم فزان سکنه سی اودرجه قاریشیق برعنصر تشکیل ایدرلر که بونلرده تام بیاض رنگدن قویو سیاهه قدر بوتون طبقات ودرجات الوانه تصادف اولنور .

اطرافنی استیلا ایتیش اولان بربری بادیه اهالیسنه نظراً فزانیلیر غایت چالیشقان ، جسور ، فناعتکار وخصوصاً ناموسکار آدملردر . طرابلس ، بتغازی وتونس کی ممالک مجاوره دده فزانلیر شایان امنیت اصحاب استقامتدن اولمغله معروف ومشهوردرلر .

وادی آجال ، حفره وشرقیه کی واسع واحه لری حاوی قطعاعده ساکن اصل فزانی زراع صنفی اونانکور ارضک بخلیله نیچهلشهرک یتشدیردکلی حبوبات وخرما محصوللری ایله فزانک نفوس عمومیه سی بسله مکده وبوطاقتشکن خدمته قارشی کمال صبر و متانتله کوکس ویرمکده درلر .



حاجی عبداللہ بن علوہ
(اوورپالی سیاحین نزدندہ معروف برمرزقلی)



مرزوق بلده سی

حاکمیت عثمانیه دن چوق اول انشا ایدلمش جسیم برطوپراق
قلعه نك اطرافنده وجوده گلش اولان بوبلده نك اصل اسمی
عریجه « مرزوق » اولسی لازمکیور . شیمدی فزانلیلرجه
« مورزوق » دینلن بونیم خراب بلده اولاد محمد حاکمی
زمانندبری فزان خطه جسیمه سنك مرکزی اوله رق قالمشدر .
حماده الرزق نامیله معروف اولوب وادی آجاک جنوبندن
اعتباراً باشلیه رق مساق سلسله جبالنك جنوب و جنوب شرقی
سطح مائلی تشکیل ایدن دوز اوودنك ، غات بلده سیله قطرون
واجه سی بیننده واقع اولوب شیمدی یه قدر صحرا کاشفلیینه
اک زیاده مظلم قالمش اولان بویوک قوملغه منتهی اولدی محله
وبوعظیم قوملغك همان شال کنارنده مینی اولان مرزوق بلده سی
عمومیتله بر سورله محاطدر . مرزوق سوری دینلنجه نظرده
بندان قدیمه نك عالی ، رصین و یونتمه طاشدن انشا ایدلمش اولان
سورلری خاطره کلسین . چوق یرلری منهدم ، بعض یرلری ده
مائل انهدام وسطی اوله رق اوچ متره ارتفاعنده ویکرمی سانتیمتره
قالینلغنده بر دیوار غیر منتظم فاصله لر ویره رک متعدد بر جلیترسیم
ایتمك اوزره بلده نك کاملاً اطرافنی احاطه ایتکده در . بودیوارک

بعض محالری، خصوصاً غرب و شمال غربی جهت‌ری ۵ الی ۶ متره قدر ارتفاع اخذ ایدر سده جنوب قسمند و با خصوص بطاقلر جهتده انحق ایکی متره قدر بر ارتفاعده در .

باب‌الکیر (شرق) ، باب‌البحری یاخود باب‌الخیر (شمال) و باب‌الغمم (غرب) مدخلرندن ماعدابر چوق یقلمش وار تق تعمیره بیله لزوم کوریمه‌مش اولان محالردن شهره دخول امکانی اولدیغی کبی سورک همان هر طرفندن ده ایجری آتلانه بیلیر . بوسور آنحق صحرا اقوامنک شېخوننه قارشى بلده داخلنده بولنان تجار قافله‌لرینی محافظه فکرینه مبنی بنا ایدلمش اولوب ادوار اولیه تاریخیه‌ده مدافعات بلدان ایچین وجوده کتیریلن عالی سورلرله قابل قیاس دکلدر .

بلده نك الك بویوك مدخلی اولان باب‌الکیره تقرب اولدیغی زمان شمالدن جنوبه دوغری دوام ایدن نویو سنجابی رنگده طوپراق سورلر بویجه بیریکمش بر دیزی قوم تپه‌لرینک اورتاسنده ، ایکی متره وسعتنده و تقریباً بش متره ارتفاعده بویوك برسور قاپیسندن ایجری کریلیر . داخلآ ایکی طرف دیوارلرینه دایانمش ایکی بویوك قانادک خرما کوتوکلری یارماسندن انشا ایدلمش اولدیغی کوریلور . ایکی طرفنده کی آلحق سور دیوارلری و کوچک برجلرله غیر متناسب اولان بوقابی ایجری دوغری تقریباً ۵ الی ۶ متره قدر کنیش بر قوریدور کی دوام ایدر که بونسم مسقفک کولکه‌سنده فزانلیر یازک صیجاق کونلرینی کچیرلر . بوسقیفه[*] نك ایکی طرفنده واقع

[*] عموم طرابلس و فزان داخلنده قاپیلردن کریلنجه ایلک تصادف اولنان اوستی اورتیلی قوریدوره اطلاق اولنور .


اوزون کار کیرسده لر ویان طرفده کی قوغوش ایله قاپینک اوست
طرفده کی مدافعه ترتیبانی ، بورتو و وادای تجارتنک روحلی
و مملکتک معمر اولدیجی زمانلرنده بورالره قوای مسلحه اقامه
ایدلکده اولدیغنه دلالت ایدیور .

باب الکیردن ایجری کیریادکن صوکره ایکی طرفدن
سورک قسم داخلیمی کورلمک باشلار . برجلرک نصف اسطوانه
شکلنده و هرتورلو تداییر تدافعه دن محروم اولان ایچ طرفلری
صیق ، صیق ویان یانه موضوع محرابلرکی دیوار بویجه دوام
ایدر کیر ؛ و انجق بعضلرنده برقچ مازغال دلیکی کوریلور .
همان قاپیدن باشلیهرق دائره حکومتله قیشله پیشگاهنده واقع
میدانلغه قدر شال غربییه دوغری دوام ایدن کنیش « حمیده »
جاده سی مرزوفک حیات داماریشور . بلده نك مدخلندن اعتباراً
وسطندن کچهرک عمومی میدان منتهی اولق اوزره بویوک کنیش
برجاده نك مملکتی ایکی قسمه تقسیم ایتسی بورتو بلداننده متعامل
بر اصول اولوب بوده فزانک طول مدت کانم و بورتو حکمدارلری
نامه اجرای حکومت ایدن وایلر طرفندن اداره اولندیجی زمانک اثری
اولدیغنه شبهه ایدیله من . باب الکیر طرفندن حمیده جاده سنه
باقیلدیجی زمان اولا قادینلرک بازار محلی و صوکره صولده بلدییه
دائرة سی ایله ژاندارمه مرکزی ودها ایلریده برقچ خانه ایله
صاغده عسکری قره غولی ودها صوکره بر صره دکانلر واک
صوکره ده تشله و حکومت دوائرینک مدخل مشترکی اولان
« باب الشریعه » منظور اولور .

قادین پازاری محلنده هیچ بر ترتیبات یوقدر . تخمیناً اونیوش

متره قدر بروسعتده کی میدانلغک برجهتی مرور و عبوره آچیق
 براقیلهرق و دیگر طرفنده قادینلر ایکنیدن سوکره اوچ درت
 صف تشکیل ایدهرک صاتیلق ایتمکده، ویالکز بازارک وسطنده
 بعضیلرینک حصیر و خرما داللرندن معمول کولکه لکری
 بولمقده در . عسکر قره غولنی کچدکن سوکره حمیده نکه ایکی
 طرفنده کی دکانلر اوکلرنده برصره خرما ستونلرینک اوزرینه
 موضوع کولکه لکریله نظره چارپار . بعض ممالک و بلدان
 متعدهده تصادف ایدیلن برصره دیرکلردن عبارت بوکولکه
 لکر بوراده اودرجه نظر فریب دکادر . دو قنور «ناهتی غال»ک
 سیاحتنامه سنده کی مرزق تصاویر مخیله سنده حمیده نکه دکانلری
 وهیئت عمومیه سی کوریلدکن سوکره بویچاره یامری یومرو
 خرما ستونلرینک و کوچوچک مظلم دکانلرک حاصل ایتدیکی
 شکل سفالتی کورمک انسانه نه قدر فنا تاثیر ایدر .

حمیده دن چیققدن سوکره ایلریده شالدن جنوبه دوغری
 دوام ایدن عسکر قیشله سنک سیره ک پنجره لی دیواری ایله ایکی
 طرفنده کی یوکسک طوپ برجلری و تام یولک قارشیسنده
 واوستنده عبدالحمید خان طغراسنی حامل کتابه سیله باب الشریعه
 مدخل عمومی بلده نکه اقسام سائرهنه نظرا دها لطیف
 برتأثیر حاصل ایدر . قیشله نکه قارشیسنده و میدانلغک شال شرقی
 قسمنده واقع خسته خانه عسکری ایله قیشله آراسندن انجق
 ایکی متره ارتفاعنده اولان باب الخیرک باصیق منظره سی ایله
 قیشله نکه جنوبنده کی واسع قوملق میدانک منتهاسنده کی
 باب الغمغمک یوکسکلکی و کنیشکی تضاد تام تشکیل ایدرلر .



مرزق بلده سنك پلانی

بوميدانلغك جنوبينده ده خانهلرى وخرمالقلى دهاسيرهك اولان
بلده نك اك مفرح قسمى واردر .

* * *

باب الشريعه دن ايچرى يه كريلدىكى زمان طرفينده واسع
برقيشله نك قوغوش، ده پو، دكرمن، فرون وساثره اقسامى
ايله قديم جامع كير بناسى وبونلرك اورتاسنده كوچك برميدانه
ومشاسنده ده قصر حكومته تصادف اولتور . اولاد محمدزماننده
بنايدلمش اولان تخميناً اون ايكى متره ارتفاعنده كى بوقصر
حكومت اوچ قات اوزرينه مبنى اولوب آلت قاتى طوپراقلا
دولديرلمشدر . فزانك وسائط انشائيه سنه نظراً مرتفع اولدىنى
جهتله متانت لازمه يى حائز اوله بيلمسى ايچين ديوارلرينه بك
زياده ثخن ويريلىش وتىل طرفلارنده بريچق متره يى بيله تجاوز
ايتمشدر . اصل مرزق بلده سنك اساسنى تشكيل ايدن
بوقلعه نك برچوق مناسبسىز ، بچمسز چيقتى وكيرينتىلر تشكيل
ايدن زواياى خارجه وداخله ليله هيئت عموميه سى غيرمنتظم
برمعين شكلىنده در بوقلعه وقيشله ايله جامع كير وفرون كى
باشليجه مبانيء حكومت آريجه برسور ديواريله محاط اوله رق
بوده بلده يه قارشى مدافعه لى برصورتده بنا ايدلمش اولوب عادتاً
وسطنده كى قلعه دن اول برنجى رجعتگاه حالنده در .

قصر حكومتك شيمديكى زميندن ايكى متره قدر ارتفاعده
واقع قاپسنة سرديونله چيقيلىر ؛ قاپيدن ايچرى كيريلنجه تقريباً
دورت متره اوزونلغنده برده ليز كچلد كدن صوكره كوچك برميدانجغه
چيقيلىر كه قصر ك داخلنده كى ترتيبات واوطه لرك پنجره ومداخللى

هې بومیدانه آچیلر . خرما ستونلرینک اوزرینه بنا ایدلمش
 بویوک برکولکهک طرزنده کی سقفک آلتده ومیدانجغسک
 اطرافنده واتع کزیتیسنه چیقینجه متصرف مقامی ، مجلس
 اداره ، محاسبه وتحریرات کی دواثر حکومت کوریلور که ایکنجی
 قانده موجود بولمیان خارجی پنجره لرله بواقسامک نظارت
 عمومیه سنده کی وسعتی وداثا اکسیک اولیان صحرا روزکارلرندن
 متولد سرینلکی فزان مساکنه نظراً پک فرقلیدر .


تلعه نك دامنده کی سانجاق دیره کنك موضوع بولندی
 برج عالی به چیقادیی زمان بوتون مرزق بلده سیله جوارنده کی
 اراضی هیئت عمومیه سنه حاکم بر احاطه نظر حاصل اولور :
 اورتاده حمیده اولق اوزده بلده نك شمال وجنوب قسمدی
 یك رنك وتك توك بیاض بادانه لی خانه لریله سوقاق اراقلرنده کی
 خرماقلری وشرق طرفنده کی منفرد باغچه لکلرله خانه لر
 وباب الحیرك شمانده واقع زربهلر مجموعی نظره چارپار .
 سورك جنوبنده واقع بیاض طوزلی برکویوک حاصل ایدن
 کنیش بطافلق ایله دها جنوبده ووارای افقه دوغری یاییلوب
 کیدن واسع توملقلرک پارلاق التون ذراتی کی لمعه پاش اولان
 یك رنك صاریقلری ، متوالی قوم دالغلری وسلاسل رمالی
 ایله ، شالده وبلده نك ایکی کیلو متره قدر بعدنده واقع اولوب
 همان برهلال شکنده مرزقی احاطه ایدن واسع وامتدادلی صیق
 خرماقلرینک تشکیل ایتدیکی قویو یشیل کثیف پرده آراسنده
 غریب برتضاد واردر . ایشته یکدیگرینه ضد الوان واشکالده
 اولان شو مختلف مناظر مرزقی چارچوه کی احاطه ایتشدیر .

بورنو ووادای تجارتک پارلاق زمانه یتشمش اولان
عصر دیده بعض اختیارلرک حکایه لرینه و مملکتده موجود روایات
منتقله یه نظراً بوکون پک ایصسر و حرکتیز دوران مرزق
یازاری و حمیده جاده سی او معموریت و مسعودیت دورلرنده
باشدن باشه تجار و اسرا قافله لرله دولار ؛ کوندوزلری بلده
جوارنده کی « آتول » مرعالرنده اوطلانان تجار دوه لری ،
قافله حیواناتی باب الشریعه اوکنده کی میدانده ، و قشایه نک
جنوبنده کی قوملقده کیجه یی کچرمک اوزره یاتیریلر و اورالرده
کیجه لی ، کوندوزلی عمومی بر حیات و حرکت اثری کوریلور
ایتمش . بوکون ساکت وصامت دوران و انحق خارج مالقلردن
عکس ایدن برایکی منفرد و متباعد تغیاته معکس اولان بو خرابه لر
اوزمانلر صباحلره ندر دوام ایدن زقره و زمزونلرک
آهنکیاه برنشوه و طرب بر جهره ابتسام عرض ایدرمش .

بومسعود ادوار قدیمه دن نشان ویرن حمیده جاده سی
مرزق بلده سی شمالده « نزله » جنوبده « زویه » اولق اوزره
باشلیجه ایکی بویوک فسمه تقسیم ایدر . حمیده نک وسعت
و استقامته رغماً اقسام مذکوره داخلنده کی یوللر دار و دولامبا جلی
سوقاقلردن عبارتدر . نزله محله سی دیگرینه نظراً دهها معمور
وایکی قاتلی بنالری حاوی اولوب حالا فزان تجارتی الارنده
بولندیرن و قدیم تجار عائله لرک انقاض ثروتیه قائم اولان سواکنه لرک
خانه لری بوراده در . اصل مملکتلرنده ده بونلره محاصم اولان
هونلیر (هوانه) ایسه زویه قسمنده ساکندرلر . بونلردن
باشقه قدیم اوجله دن مهاجرت ایتمش اولان بعض معروف

تائله لرده بوقسمده سا کندرلر . انجق زویه قسمی زلاهیه نظراً
دها خراب اولوب برچوق بیوت منهدمه نك عرصه لرینه ده
خرما اغاچلری غرس اوله رق باغچه حاله افراغ اولمشلردر .
سپه ناحیه سی ایله شاطی وادیسنده کی بعض بنالرمستنا اولق
اوزره علی العوم فزان داخلنده کی مبانی طوپراق کریچدندر .
مرزق بنالری ایسه جوارده کی طوزلی چورافلرک سطح
مقشرندن قازمه ایله قوپاریلان « فردغ » دیدکلری برنوع
طوزلی سرت طوپراق پارچه لری ایله عین چورافلرک چامورندن
انشا اولنور . طوزلی چامورک یاغموره قارشى مقاومتی پک
آز اولدیغندن سرعتله اریمکه وسوره کلی بارانی متعاقب انهدام
اناری کوریمکه باشلار ایسه ده صیجاق موسملرده غایت سرت
ومقاومتلی برکته تشکیل ایدر . مرزق خانه لرینک قسم اعظمی
خارجا صیوا و بادانه سزا اولوب صره صره دیزلش فردغلر آرالرنده کی
چامور خرج پارچه لرندن عبارت بر شکل حزین ومظلم اراثة ایدر .
زیرا فردغلرک لونى غایت قویو کولرنکی ، دها دوغریسی
قوبو سنجاییدر . پک مستنا اوله رق تباشیری برنوع بیاض
طوپراق صیواسیله ستر وتلوین ایدلش اولانلری ایسه نظره
دها خوش کورینور .

خانه لرك اقسام خشبیه سی: بویوك قنطره ، دیرك ، مرتك
وسائره كاملاً خرما آغاچندن اولوب انجق كوچك اوداقیلری
وینجره کی اقسامك قناد وسوکه لری بویوك توتون ، چای ،
موم صندقلری کی شالدن کتیریلن تحتلردن اعمال وهان عمومیتله
قویو آجی یشیل بررنکده بویانمقده در . مرزقده فزانک دیگر



زمروق رقصی (رقاصہ لڑے قارشی قارشی بہ)



زمروق رقصی (رقاصہ لڑے یان پانہ)

محللر نده كورولميه ن بويوك ودميرلي پنجره لره تصادف اولنور .
فقط مالز مه انشائيه نك تداركي تصادفه مربوط برشي اولدي ي جهته
براو داخلنده كي پنجره وقايلرك ابعادنده بر آهنگ موجوددكلدر .
اكثريسي داروباصيق اولان قايلردن كيريلنجه هر طرفه
عرب اصول معماريسنك اساسني تشكيل ايدن برميدان داخل يه
كيريلر . بوميدانك اطرافده انشا ايدلمش اودالره اوست قاته
چقيه جق مرديون يوقاريكي . غرفه (فوقاني اوطه لر) دن عبارت
اولان مرزق خانه لر ينك آلت قاتنده كوريلن ايچ ايچه اودالره ،
اوزون مخزنلر ، آفريقاي وسطى ايله مناسبات تجاريه نك دائم
اولدي ي زمانلرده امتعه تجاريه وضعنه واسراي زنجيه نك اسكانه
مخصوص اولدقلى يكنظرده اكلاشيلير . بوكون ايسه بومخزنلر
همان كاملا دنياه جك بر حالده بوش قلمغه محكوم اولدقلى رندن
وبوصورتله مائل خراب اولانلر تعمير و ترميمينه رغبت اولنمدي ي
جهته بلده نك ثلثان مساكني خراب بر حالده در .

فزان اصول معماريسنده اك زياده جالب دقت اولان نقطه
اصول تسقيفدر . محلك وسعته نظراً برويا ايكي قنطره دن عبارت
اولان اساسي اوزرينه خرما يارماسندن عبارت كوچك برصره
مرتكلر ديزيله كدن صوكره اوزرينه مرزق باغچه لر ينك
قويولرنده اكثريته نبت ايتكمده اولان اوزون قامشار سطرانجواري
ديزيله رك يكديكريله تقاطع ايتدكلري نقطه لرده بربرلرينه ايله
ربط اولنورلر . بوصورتله حاصل اولان شبكه افقيه نك
اوزرينه يكي اورولمش حصيرلر فرش اولنهرق ده
اوزرينه ده طوپراق دوكلر . داخلا كوزل يونتمش
خرما كوتوكلرينك قويو صاري رنگريله آهنگ تام حاصل

ایدن قامش و حصارلرک منظره عمومی سی مفرحدر . هر نه قدر
اندر ایسه ده و قوغنده صحرا اقلیمه مخصوص بر شدته نزول
ایدن یا غمورلرده ، انجق بر قاریش طوپر ایلله مستور اولان
بوداملر طوزلی بر چامور سیلی وجوده کتیره رک خانه اشیاسنی
محو و بر باد ایدر .

فزان داخلنده و سوکنه دن اعتباراً جنوب ده کی منطقه ده
پیره یاشایه میور . بناءً علیه بوجهتدن فزانلیر راحت ایسه لرده
تخته توری سی و سیوری سینک کثرتله بولمقده در . بوندن باشقه
داخل مساکنده بعضاً تصادف اولان عقرلر و فقط اکثریتله
طاوانلرده و دیوارلرده همان هر کون و بالخاصه کیجه لری لامبه
یا قیلدی زمان غایت عظیم بر سرعتله قوشوشان ایری ایری
«عقرب الریح» لر کوریلور . بونلر اورومچک قاملیاسندن
ایسه لرده وجودلری عادی اورومچکاردن اوچ مثل قدر بویوک
و باشلرینک قسم قدامیسنده ایکی قوتلی قصقاچلری واردر ؛
صحرا ده کی وادیلرده بدویلر بونلرک سمدار اولدیغنی ادعا و شدته
مجانبت ایتدکلری حالده هر خانه سنده کثرتله تصادف اولان
مرزقده شمدی به قدر بو حیوان طرفندن وورولش کیسه یوقدر .
مرزقه ایلک واصل اولانلر دیرلی حلقک برنجی نصیحتلری
اموال و اشیای بیتیه نک و خصوصاً کتاب و کاغذ کی شیلرک دیوارلره
یا قلاشدیرلمه سی و دوغریدن دوغری به طوپراق اوزرینه وضع
ایدلمکدن توتی اولتمسیدر . زیرا فزان قطع سی داخلنده افریقای
شمالینک ساحل قسملرنده موجود بولمیان «ارضه» (بیاض قارنجه) لر
اثار تخریباتلریله وجودلری کوسترمکه باشلارلر . باشنده کی

قصقاچلريله طاشيديجي چامور پارچه لرندن ديوارلر اوزرلر توتلر
 انشايدن وبو وجهله كنديني كوستر مه دن تقرب ايدن بو حشرات
 بويوك بر قاموس جلديني بر كيجه ظرفنده دليك ، دشيك
 ايدە جك ، پارچه ليه جق بر قوت و فعاليتده درلر . بونلر الكثر ياده
 كاغدو مواد نباتيه دن اولان اشياي انرايتمكه چوق حريصدرلر .
 سرزق خانه لرنده بومو ذيات و حشرات دن صوكره تهلكه سر
 فقط صوك درجه ايكرنج اولان سينكلر واردو كه سسنهك
 ربيع و خريف موسملرنده تكثر ايدەرك انساني اودرجه از عاج
 و بيزار ايدرلر كه آرام و حضور منسلب اولور . فزانه ايلك
 و صوم خرمالرك ادراك موسمه تصادف ايتمش اولديجي جهته
 اودرجه مدهش بر سينك هجومه هدف اولمشدق كه بر ايكي لقمه
 يملك ييه بيلمك و حق مكتوبلر يمي يازه بيلمك ايچين جينللك
 قورمغه و ايچنه صافلانمغه مجبور اولمشدم . بعضاده كولك و يايوكسك
 برشي سويللك كي احوالده چوق دفت اولنمق لازمكليور .
 بومستكره حيواناتك وجهك رقيق و حساس جلدی اوزرلر
 قوشوشمه لری انسانی صوك درجه اغضاب ايدر . صوك
 زمانلرده ارتق جينللكده ده راحت بوله ميهرق اثنای طعامده
 بر خدمتجي يه يلازه صاللانمقدن وعين زمانده اللريمز لده
 او كمزده كي اطعمه يي مدافعه و مهاجميني دفع ايتمكدن باشقه چاره
 بوله نامشدق .

* * *


بلده نك داخل و خارجنده كي باغچه لرده واعلا جنس
 خرمالرك كولكلر لنده قازيلمش بويوك چقورلر تصادف ايدر سكر :

بوچقورلرک دیک اوچورم کنارلری، اکثریا تادیب طرفلرنده بر متره قدر قوری طاش بر دیوارله ویا بر قاق خرما کوتوکنک تشکیل ایتدیکی بر سده نهایتلیر. فقط بو ترتیبات عمی نسبة زیاده اولان قویولرده موجود اولوب اکثریسی اوچ متره یی تجاوز ایتمین و عمی از اولانلرده ایسه هیچ بویله بر ترتیباته تصادف اولماز. ایکی خرما اغاجنک یکدیگرینه ربطندن حاصل اولمش دوت طرفه ایلرله مربوط و نظرده اولدجه مغلق بر ترتیبات عرض ایدن جراره (چقریق) طاقیله و جلدن معمول دلوه (قوه) سیله و بر آلائی ایلرله باغچه لرک اوتار سنده کوریلن بو قویولرک انشاسی ایچین مرزق جوارنده مقدار کافی طاش بولنه مدیغی جهتله بویله جه آچیق بر افلاقلرندن صوسط حنده و بونا قریب اولان اقسام سلفیه سنده اوزون سازلر و قامش لر تنبت ایتکده و بو نباتاتک کولک سنده ده بلده نك هواسنی افساد ایدن سیوری سینکر یتشمکده در.

مرزقده - خصوصاً فصل خریفده - شدتله حکمفرما اولان مالاریا خسته لقلرینک سبی باشلیجه بلده جوارنده کی وبالخاصه سورکجهت جنوبیه سنده کی بطاقلقلرک وجودینه عطف اولنیور سده بونلرک صوی عمومیته چوق مقدارده املاحی حاوی اولوب سیوری سینکرک یتشمه سنه مساعد اولدقلرینی و بوکی اثار حیوانیه نك موجود اولدیغی بالذات مشاهده ایتشدم. حالبوکه سیوری سینکر عمومیته باغچه لرده کی قویولرک و خصوصاً متروک اولانلرینک اعماقنده کی قامش لرک دیلرنده یتشه رک مالاریا میقروبلرینی نشر و توزیع ایتکده دالر. مرزق



قاده رقصی



غالمك بويوك مدخلی (باب نفاغت)

بلده سنه داخل اولان الكمتين وجودلر بيله الحق برايكي آي قدر
مقاومتدن صوكره شدتلي صيتمه لرك النده زبون دوشهرك
خسته لغه مغلوب اولور . وجودده مقاومتى تقليل ايدن اسبابدين
برى ده فزانده عموميتله مأكولاتك خواص غذائيه جه دون بر درجه ده
بولنسى وبلده نك وضع وحالى ايجابى اوله رق انسانك عطالته
محكوم اولمسيدير . بوصيتمه لرك قرق درجه سانتىغرادى تجاوز
ايدن شدتلي نوبتلى ايجنده قاووريلان وجودلرده اودرجه
باهر برضعف و فقراللم اثرى حاصل اولور كه مرز قده ساكن
يى انجملر وعرق ابيضه منسوب اولانلرينك اصفرار وجهى انسانى
قورقوده حق بر درجه ده در . خصوصاً قوت لاي موت ايله كچنمكه
محكوم اولان سياسى منفيلىر وقلعه بندلرده بواصفرار وعدم
طاقت اثارى كورنلرده بر تأثير اليم اجرا ايدردى .

* *

يورغون وجودلر ، نصف اليلدن صوكره كيجه لرك صحرايه
مخصوص سرينللكى ايله براز استراحت وقوت حاصل ايتدكدن
صوكره ؛ همان هر كس كوش اورتالغى قيزدرمادن اول يتاغندن
چيقار . قايله زمانسه قدر بوتون بلده نك حيات وحركتك
تمركز ايتديكى حميده نك دكانلى اوكننده كى كولكه لكرا آلتده
ودكانلر جوارنده كى قهوه خانه نك اوكننده ، بعضيلرى كوچك
تخته اسكمله لره ، بعضيلرى بوش پترول صنديقلىرینه ، بر قسمى ايسه
كار كير سده لراوزرينه اوطور يرلر وياخود يرلره سريش حصيرلرك
اوزرينه شوييله مبالا تسزجه اوزانيرلر . كيجه نك سرينلكنده
قطع مسافه ايدهر ك كن قافله لر و جوار قرا اهالىسى هپ بلده يه

بوساعتده داخل اولمغه باشلار. بمضاده غزى (قافله وورغونى)
وساثره كې مهمجه خبرلرده قولاقدن قولاغه دوران ايتمه
باشلار.

بريده بردكانك اوكنده خارج باغچه لر سكنه سندن برقادينك
مجموعى يكرمى پاره لق آليش ويريش ايتديكى، اوتده كوكلكلكرى
تشكيل ايدن خرماستونلرى ديبنده برايكى عرب وياتوارقك چومه لمش
اوله رق اوتوردىنى وساكن ساكن قونوشدقلى ونيم مستور
نقابلى آلتدن نافذ برنظر تجسسله هر كسك حر كاتى تدقيق
ايتدكلرى كوريلور. جوار واديلردن طولادىنى طلح اودونى
وياخود محصول صنعتى اولان كومورله دولديرلمش چواللرى
يوكلتديكى دوه سنى يولارندن چكرك چن كهل ته نيل قوم توارقلىرىنك
مشى مطردلى منظره يه برحركت ويرير. بونلر، هپ بوغير
متجانس صحرائى وبلدى مناظر يكدىكرينه قاريشميه رق برلوحه
ايچنده متوازيأ كويلور. مرزق بلده سنى توارقدن زياده يكدىكرينه
عدوجان اولان تيو قبائليله شاطى عرباننك بازاريدر.

بياض فقط اسمر، اكثريسى منقارى الخشم، سياه كوزلى
برعرب بدويسيله، اوزون بويلي اينجه، سياه رنكللى فقط
خطوط وجهيه سى عرق ابيضدن اولديغنى كوسترن پارلاق نظرلى
مغرور برتيو حميده ده يكدىكرلرينه تصادف ايتدكلرى زمان
هرايكى طرفك ده كوزلردن برشعله برقيه كچر وانحق جوارده كى
عسكر قره غولنك تفنكلرى طرفينك يكدىكرينك بوغازلرينه
صاريلسنه مانع اولور. بونلر مرزقدن چيقتنجه برى شماله
ديكرى جنوبه آريله رق هيچ آرقالرينه بيله باقمه دن قيله لرينك

ساكن اولدقلرى جباله وواديلره توجه ايدرلر .
مرزق بازارنده كومورجى لقييله استصغار اولنان كل
تهنيل قوملردن ماعدا تك توك برايكى خالص تارقىيه تصادف
اولنور . بوسحرا چقاللارى نادراً كلكلرى بوبلدهده غاتده
كورديكم درجه نك پك فوتنده بر عظمت وكبر ونخوت اظهار
ايدهر ك ، مشى مطردلرينه تطبيقاً الارنده چويردكلرى ، تهزير
ايتدكلرى اينجه دمير خربه ليله صالح و مسالمتدن باشقه برغايه
امللرى اوليان بچاره مرزتليارك تلبلرينه القاي هراسه غيرت
ايتمكده وكنديلرينه فضله براهميت ويرديرمكده درلر .

قالين بزدن ، محلنده ديكلمش ، يچمسز بياض البسهلرى
آرقالرنده حميدهده كزين هر توم وهرديندن سياسى ومنفى
قلعه بندلر [*] ، عسكر افراد وضابطانى بوبلدى وبدوى اشكال
محلبيه قاريشه رق منظره يه برشكل ديكر ويررلر : ديركلرك
آلتنده مجلس اداره اعضاسندن ومتحيزان محلبيه دن برينك
كوچوچك بردكانى اوكنده طويلانش ، اوتورمش برايكى
ضابط ، برصحه مأمورى وياسيويل البسهلى حكومت مأمورلرينك
ياني باشنده تونسكارى رنكلى اوزون بر برنوس اكتسا ايتمش
مرزقلى بر تاجر ك قونوشدقلرى ، دها اوتدهده بريدوينك بازاره
كتيرمش اولديى قويون وكچيلرى بوينوزلرندن سوركله ديكي ،
دها بريدده دلال باشى نك زيتون ياغى طارته رق اطرافنده
طويلانان نسوانه توزيع ايتديكى كوريلور ؛ وبوجماعتلرك ،

[*] مرزقده كى مدت اقامم ۱۰ تموز ۳۲۴ سنه سى انقلابندن

اولكى دوره عاشر .


کومه لرك آراسندن کنج دلاللرک سودان امتعه سی ایله شالیدن
کتیریلان اقمشه و سائرہ بی صائمق ایچین باغیریشہرق قوشوشدقلری
مشہود اولور . چونکہ صباحک قایلہ یہ قدر اولان سرین
زمانلری حمیدہ نک دلایہ وقتیدر .

قایلہ زماننک کونشی ارتق اورتالی شدتلہ تسخینہ باشلادیغی
زمان مأمور وعسکرلر باب الشریعہ یہ دوغری چکیلیمکہ ، تجارہ ،
دلال وصائیجیلردہ خانہ لرنده کی سقیفہ نک سرینلکنہ التجا ایتیمکہ ؛
والحاصل بوتون حمیدہ نک اہالیسی یواش یواش داغلمغہ باشلیہرق
زوال زمانہ دوغری بوتون بوحرکتلرہ بدل مدید برسکونہ
قائم اولور . ہرکس اوکلین طعامندن صوکرہ سینکلرک کیرہ میہ جکی
تمامیلہ قارا کلک و پنجرہ سز محللرہ التجا ایدہرک تکمیل وجودہ
رخاوت نثار اولان کوندوز اویقوسنہ دالارلر .

وقت عصردن صوکرہ کونش افق غربی یہ دوغری تمایل
ایدنجه مملکتدہ یکی برحرکت باشلار . فقط بودفعہ بوتون
حرکت حمیدہ نک باب الکبیر طرفہ وقادین پازاری محلنہ دوغری
توجہ ایدر . باشلرنده خرما یپراقلرندن اورولمش قطرون طبقلری
ایچندہ حبوبات متنوعہ ویاصوغان ، تازہ دوماتس کی مقدار ی جزئی
سبزہ بی حامل قادینلر ، برطرفہ ماوی بونجوق ، کوچک جیب
آینہ سی ، کوچک عطریات شیشہلری کی امتعہ تجاریہ دولدیرلمش
طبقلر اوکلرنده یرہ اوطورمش مختلف اللون والقیافہ نسوان
حصیردن معمول چرکہلر التندہ صفر تشکیل ایدہرک آلم
وصائیہ باشلارلر .



خانك سوری



غات بلده سی

دیگر طرفندہ جوار بانچہ لڑک مختلف الجنس سبزہ لری
 حاملہ ویاخود «حس حیل» کبی درت ساعتک کویلردن، باشنه
 قویدیعی خر مادالارندن وچالی کوکلرندن مرکب اودون دمتلریله،
 قوللرینی صاللایهرق وقلچہ لرینک بر حرکت مطرده جنیه سیله
 صاللانهرق قونوشه قونوشه کلن قادین جماعتلری بلده نك بویوک
 مدخللرندن کورینمکه باشلارلر، براز صوکره وسطده چرکه لراه
 بریاندہ اودون و دیگر طرفده کی دیوار دیبلرنده حیوانلره یونجه
 صاتلردن عبارت اولق اوزره اوچ قسمه منقسم اولان قادین
 پازاری جانلانمغه باشلار . انحق حمیده نك صباحکی غلبه لك
 و فعالیتنه نظر ابوراده مشهود اولان حرکت دها کشف اولدیعی کی
 آلان وصاتان یوزلرجه نسوان ورجالک عین زمانده سویلدکلری
 سوزلر یکدیگرینه قاریشهرق عجیب بر غلغله تشکیل ایدر .

غروب شمسدن براز اول قادین جماعتلری یواش یواش قایلردن
 چیهرق کویلرینه، جوار بانچہ لرده کی زربه لرینه عودته باشلارلر.
 جماعت کیتدکجه سیرکله، سیرکله بعد الغروب انحق بر قاج اکک
 صاتیجیسنندن باشقه بازار یرنده کیمسه کورونمز اولور. قایلردن چیقان
 قادین جماعتلری حرارتلی حرارتلی حکایه لراکلاتهرق، کندیلرینه
 خاص اولان لاقیدانه قهقهه لری صاوورهرق وبعضاده تغنی ایدهرک
 بلده دن تباعد ایدرلر. سرزقک بوتون دیدی و قودیس بو بازار
 یرنده ویاقویو باشنده صوالمق ایچین طویلاندقلری اشناده قادینلر
 بیتنده تعاطی ونشر اولور . مملکتده هیچ برشی حادث اولماز که
 اوکون قویو باشنده قادینلر بیتنده قونوشولماسین. ایشته بش،
 اون پارهلق آلیم وصاتیدن صوکره بوشن، شاطر، چالیشان

و فقط فقیر جماعت زربهلرینه ، ییقیق و دوکوک خرابهلرینه
 چکیلدیکلری زمان صحرا اقوامنه مخصوص قناعت واندیشه فردادن
 آزادهلک ایله باغچهلرده خرما داللرینی یاقه رق حاصل ایتدیکلری
 ایشیقلا اظرافنده نصف اللیله قدر تغنی و طربله وقت کچیریرلر .
 صوانی (خارج سورده کی باغچهلر هیئت مجموعه سی) دن
 بوبعید آهنگ ذوق و طرب ایشیدیلدیکی حالده داخل سورده
 عمیق برصمت و سکون حکمفرما اولور . آنجق نادراً وقوعبولان
 دوکون و شنلکلر استثناییدیلنجه بوسکونی هیچ برشی اخلاص
 ایتمز . یالکز ماهتابک مساعد اولدیجی کیجهلرده ، سودانه
 مخصوص موسیقینک بزم ایچین غیرمونس اولان نغمات مطرده سی
 آراسنده عید صنفی « صامپانی » [*] اوینارلر . براز صوکره
 بلده نک بومانی سکونی تماماً اخلاص ایده میهرک انسانه غریب
 واسرار انکیز بر تأثیر معنوی اجرا ایدن صامپانی موسیقینک
 یک آهنگ و مطرد نغماتی صوانیدن کلن آهنگ دورادور طربله برابر
 یواش یواش سونه رک نصف اللیله دوغری هرایکیسی ده سکوت
 ایدرلر . ایشته اوزمان صحرانک سرین کیجه روزکارلرینک تأثیریه
 میرلدایان اوزون خرما داللرینک ، سعادت قدیمه سنک زوال
 ابدیسنه مرئیة ماتم اوقویان فشافش خزینی ایچنده مرزق
 بلده سی درین براویقویه دالار .

* *

ازمنه قدیمه مورخلرینک غارامانتلر نامی ایله تعریف
 ایتدیکلری فزان سکنه قدیمه سنک رومالیر زماننده کی مرکز

[*] بر نوع سودان راقیسی

جر ما بلده سی اولوب اولاد محمد حا کیتی زماننده وقرون وسطی نك
نهایتلرنده وجود پذیر اولمش اولان مرزق بلده سننده غارامانت
نسلنك اخفادینه تصادف ایدیله میه جکی امرطبیعیدر . اساساً
غایت محدود المقدار اولان جنوب غارامانتلری هر طرفدن
کندیلرینی احاطه ایتمش اولان صحرا اقوامنك تضییقی و صوکره لری
جنوبدن کانم و بورنودن کلن استیلارک تأثیر یلده ده همان کاملاً
غائب اولمش وقرون قدیمه دنبری اسرای زنجیه تجارتیه متوغل
اولان بلدان مهمه ده ساکن تجار صنفی ده عرق اسودله چو قجه
اختلاط ایتمش اولدقلرندن بوکون عرق مذکورک فزان اهاالیسنده
دها بارز بر صورتده غلبه سنی انتاج ایتشد .

قرون اخیرده افریقانك علت مزمنه سی اولان اسرای
زنجیه تجارتنك اك مهم برپازاری اولان مرزق بلده سننده ده
عین نتیجه حاصل اولشدر . مرزق سکنه اصلیه سنی تشکیل
ایدن اهالی بلده جوارنده کی صوانی ده اقامت ایدن جیاد [*]
صنفیدر . داخل سورده مقیم وجوه و متحیزان بلده نك اکثریسی
وحتی همان کافه سی سوکنه ، هون ، زله ودها شرقده واقع
اوجله و جالوکی شال بلدانندن لاجل التجاره مرزقه کله رک
بوراده توطن ایتمش اولانلردر . صحرا تجارتنك باشلیجه ایکی
مهم کار بانسرای اولان مرزق و غات بلده لرنده سوکنه و هونلیر
ایله غدامسلیلرک وضعیتلری تماماً یکدیگر لرینه مساویدر . هرا یکی
طرفندن ده شالی صحرا بلدانته منسوب اولان بوتجارج صنفنك
جنوبده کی تجارتکاهلرده کندیلرینه مخصوص جماعتلری و آیریمجه
ساکن اولدقلری محله لری کورلمکده در . بو حال بورنو و سقوطوده

[*] باغچه لرده چالیشان ونجبر صنفی .

دخی عین صورتله در. قانوده حالا غدامسلیله مسکون بر محله موجوددر .

لسان و عادات مناسبتلرینه نظراً شالی غارامانلردن اولدقلری اکلاشیلان سوکنه وهونلیر، تشکلات وجهیه ولونلری اعتباریله دیگر بر بریلرک عینیدرلر . مرزقده سواکنه همان عمومیتله نزهه قسمنده وهوانه ایسه زوییده محلهلر وجوده کتیرمشار و مملکتلرنده کی رقابت و خصومت قدیمه بی بورایه ده نقل ایتشلردر . خصوصاً برقاج بطن صوکره مرزقلی اعتبار ایدلمش اولان بوذوات بلده ده اشغال ایتدکلری مواقع مهمه نتیجه سی اوله رق مجالس اداره اعضالقلری و بعضی مأموریتلری ده مناوبه اشغال ایده رک بو صورتله ده رقابتی تزید و تشدید ایتشلردر . اصل مرزقلی اوله رق اوراده انحق برکیاری عائله سی کوسترملکده در. وجوه و متحیزان قدیمه واسکی مرزق عائله لری ایسه عبدالجلیل استیلاسی زماننده قتل عامه معروض اولمشلردر.

اسکی تجار صنفک بقیه سی اولان متحیزان بلده شالی طرابلس اهالیسی کی تلبس ایدرلر . تحری سعی و عمل ایچین تونسسه یوزلرجه هجرت و بریاندن عودت ایتدکلرندن اورانک عادات و طرز تلبسی ده برجهتدن فزانه انتقال ایتدیکی جهته قوللری دوکمه لی اوزون کوملک اوزرینه قرمزی و صاری رنگلرده یاقلاری ایشله مه لی اوزون تونس بورنوسلری تلبس ایدنلرده چوقدر . باشلیجه سوکنه لیلرک چیره دستی مهارتی اولان ایپک ایشلمه لی « بلغه » (صاری و نکلی دریدن برنوع یعنی) لر تلبسی ظرافتک باشلیجه شرائطنددر .

اکثرتي تشکيل ايدن جباد صنفنک لباسي ايسه : باشده
 بياض تا کيه ، صرتمده ديزلرينه قدر وجودي ستر ايتمک
 اوزره بلندن بر قوشاقله صيقلمش ماوي برکوملکدن عبارت
 اولوب آياغنه برشي کيه نلر پک نادر و بلکهده هيچ يوقدر.
 انجق صوانيده کي جرواسقا عملياتنده افریقانک اوبي آمان کونشنه
 قارشي مقاومت ايچين اوموزلرينه قدر باش قسمي محافظه
 وکولکهي آلتنده شعاعات شمس قارشي مقاومت ايچين باشلرينه
 خرما يپراقلرندن معمول کنيش بر شاپقه تلبس ايدرلر که بوسپر
 بوتون افریقای شالی اقوامنجه مستعمل اولوب بوکون اوروپاده
 کوريلن حصير شاپقه لرك بوندن مقتبس اولديغنه شهبه يوقدر .
 مرزق نسواني باشليجه ايکي صنفه آريلر : متحيزان
 ووجوه بلده طائله لرینک نسواني « محجوبه » ناميله معروف
 اولوب قطعياً سوقاغه وپازار محله چيقيمازلر و خارجله هيچ
 اختلاط ايتمزلر . اقوات يوميهلريني تدارک مجبوريتنده اولان
 ايکنجي صنف نسوان ايسه آليجي وصاتيحي صفتيله خارجله
 اختلاط ايدرلر وارککلر کي داخل جمعيت اولورلر . اوچنجي
 درجهده صواني ده ساکن جباد قاديئلري ايله اسرا و معتوقه
 صنفلري اک پست بر درجهده درلر .

قسم ثاني نسوانک طرز تلبسي وتوالترنده اک زياده جالب
 دقت اولان باتس توالتيدر : صاچلري وسطدن ايکيه منقسم
 اولوب يان طرفلري شقاقلردن اعتباراً آرقايه قدر متعدد کوچک
 کوچک اورکولرله اورولدکن صوکره جبهه يه کلن قسم « محلب »
 تسميه اولنان بولاماچ قوامنده نباتي برنوع معجونله بولاشديريلير

وكونشده قورودلق اوزره كوچك توالت آلاتی ایله قیوریلر،
 وآنك قسم اعلاسنده منتظم قیورملرله طویلی بروضعیتده
 یكدیكرینه یاپیشیق برکومه صاحب حاصل اولور. قادینلر، بومحلب توالتنی
 اجراده صاحب صنعت اولان باش اوروجی قادینلره مراجعت
 ایدهرک بوضعتکارلرک اوکنده دیز چوکر وصوکردهده
 بومعجونلی صاحلری قورتمق ایچین ساعتلرجه کونشه قارشى
 کمال صبر و سکون ایله اوطوردرلر. محلبک رایحه سی آلیشمانلر ایچین
 مستکرهدر، یان اورکولرینک منتهاسنی تشکیل ایدن کوچك
 کوموش مسکوکات ایسه هر دوره و هر دولته منسوب مختلف الجنس
 پاره لر اولق اوزره باشقهجه نظر دقتی جالبدر.

زیتون یاغیله تدهین و بودرجه اعتنا ایله احضار ایدیلن
 بوباش اوزرینه قیرمزی و بویوکجه بریوک قاش پارچه سی اورترلر.
 ایپکلی اولان کنارلری اعتنا ایله ایشله نمش، یاقه سی کنیش
 و قوللری قیصه و کنیش، بوی اوزون، ماوی برکوملك تلبس ایدر
 و بللرینه علی اکثر قیرمزی و بیاض رنگلرده قالین بزدن قوشاق
 باغلارلر. اکثر نسوانک قوللرنده « طووقات » (بونجق
 ایشله مه بیله زیکلر) و آياقلرنده توتیادن دوکه قباخلخال
 (آياق بیله زیکلری) لر کوریلور. بعضیلری سختیان آياق
 قابلری، فقط فقراسی اکثر یا چپلاق و بعضأده خرما یاپراقلرندن
 معمول برنوع چاریق تلبس ایدرلرکه بواوت چاریقلر انجق
 برایکی کون قدر دایاندقلری جهتله، مثلا بازار یرینه باشنده
 اودون کتیرمکده اولان برقادینک اثنای طریقه ده النده کی خرما
 یاپراقلریله بو ظریف چاریقلری اعمال ایتدیکی و بوررایکن

ایاغنده کی اسکئی بی آنه رق یکینسی تلبس ایتدیکی کوریلور .

مواد تجاریه سندن الهممی اسرای زنجیه اولان آفریقای
وسطی تجارتنک باشلیجه مبادلہ بازارلرنده عمومیتله کورولمش
برحال وارد رکه اوده سفاهتک ترقیسی وقواعد اساسیه اخلاقیه یه
قارشی عدم مبالا تدر . غایت اوزون سورهن و آشیان عاٹله دن
طول مدت تباعدی استلزام ایدن بوشحرا تجارتیله متوغل
یبانجیلر اثنای عزیمت ویاعود تلرنده طریقک همان وسطنده واقع
اولان مرزق بلده سنه اوغراد قجه ، طول مدت ابجار محیطه
اوزرنده قاله رق ایلک اوغراد قلی اسکله ده بواوزون محرومیتلری
تلافی یه جان آتان کیجیلرکی پری سفاهتک سوزکون انظارینه
مجلوب اولورلر . بوخصوصده اسرای زنجیه نکده تاثیر کلیسی
اولمشدر . تجار ایچین ایسه مملکتندن اوزاق هرکسک مجهولی
اولمقدن متولد مبالا تسزلق ، جمعیت بشریه نک عرف و تعامله
مؤید قوانین اعتباریه ومشروطه سنه قارشی اولان اطاعت
حسنی تنقیض ایدیور .

ایشته بواسیابدن دولای مرزق بلده سنده اخلاق عمومی صوک
درجه ده بوزولمشدر . اولاً مشروبات کثولیه یه انهماک همان
عمومی دنیه جک بر درجه ده در . الاکی ایچکیسی وخرما محصولندن
مخلنده تقطیر اولنان برنوع خرما رافینی رجالک و آباق طاقندن
اولان نسوانک اکثرینی طرفندن استعمال اولنور . بوطاقم
نسوان وخصوصاً بونلرک ذات الزوج اولیانلری یبانجیلری دائره
محرمیتلرینه ادخال وچای ضیافته قبولی هیچ محظور کورمزله ؛

وبو کي مناسبات همان هر کسجه معلوم اولور وافواه ناسده
دوران ايدر. اخلاق عموميه بوقيل نسوان ايچين بودرجه
سربستقي خوش کوره جك قدر مسامحه کار برحاله کلمشدر.
بونك نتیجه مؤسسه سي اوله رقه ذرتيك بر قسمي والده لر
طرفندن اتلاف اولمقده در.

* *


مرزق بازارينك قادين صايچيلار النده اولسي، قادينلرك
بوضعيت اجتماعيه دن استفاده ايدهر ك حقوق و حيثلريني مدافعه
ايچين تعطيل اشغال سلاحي استعمال فكري حاصل ايتدير مشدر.
بو تعطيل اشغاله «ناو» و فزانك ديكر بعض اقسامنده «شرماقشي»
نامي ويريلر. بلكه ده قديم بربري عاداتندن اولسي ده محتمل
اولان بو عادت ار ككلر طرفندن بر قادينه قارشى حيثيت شكستنه بر معامله
وقوع بولديني زمان ترضيه ويريلنجه يه قدر بوتون او محل
نسواننك دفعه و كاملاً تعطيل اشغال ايدهر ك رئيسه لر ينك
اطرافنده اجتماع ايتلرندن عبارتدر. مثلاً بر قادينه تحقير مقصديله،
بشاون ياره كي قيمتسز بر مبلغ ويا بر اكك ويا خود ائت پارچه سي
ويرمك ناوك اعلانه سبب اولور. اكثر بو كي وقايع، نسوان
ورجالك مجتمع بولندقلري دوكون، فانتازيه، بازار محلي وقويو
باشلري كي يرلردر. دوچار تجاوز و تحقير اولان قادين مديد
برزيغاريت [*] قوپاره رق شيخه النسوانه مراجعت ايدر،
شيخه ده معلوم و معين بر طرز ده بر زيغاريت ايله بوتون بازار ده،

[*] افريقا اقوامنده قادينلره مخصوص بر نوع صيحه دركه ديلك آغز

ايچنده تدويريله حاصل اولور.



غات بلده سی (جبل قوقه ن اوزرندن پاناروما)



غانده جامع كبرك صوك جماعت محلی

بلده ده اولان ایکنجی صنف نسوانی جلب ایدر . شیخه نك
 بودعوتنه اجابت ایدنلر یمه دن ایچمه دن بساعتلرجه وبعضاده
 بر ایکی کون شیخه نك اطرافنده طویلی اوله رق ناوه مخصوص
 تغیات ایله وقت کچیرولر . بازارده ، بیوتده و صوانی ده خدماتك
 تعطیلی مملکتی آچ براقق تهلسکه سنی حائر اولدیغی جهته رجال
 طرفندن تألیف یین ایچین مراجعتلر باشلار وبعضاً حکومت
 محلیه بیله ایشه مداخله یه مجبور اولور . نهایت متجاوز اولان
 ذات طرفندن وکیللری تعین اوله رق شیخه ایله مذاکراته
 ابتدار و متجاوزك درجه تروتنه کوره جزای تقدی تحصیل
 اولنور و بونکله بعض عطریات و صاچ توالتی ایچین زیتون یاغی
 اشترا و نسوانه تقسیم و توزیع اوله رق ارضا وایشلری باشه
 سوق اولنورلر . بوکی احوالده ارضای نسوان خصوصنده
 اوته دئیری رعایتکارانه و توسطکارانه حرکاتده بولنانلر ایسه
 قادینلرجه مقبول و مرغوب اولوب « ولدالناو » عنوانیله یاد
 و تعزیز اولنورلر . بوخصوصده مرزق جوارنده کائن حس حیل
 نسوانی ده ایلری کیده رک متجاوزه اطاله دست تعرضه قدر
 وارولر . مرزق اکابرندن بر ذات حس حیلده تصادف
 ایتدیکی برقاق قادینه حیثیت شکنانه بر معامله یه جرأت ایتدیکی
 ایچین بوتون کویك نسوانی بالاجتماع کندیسنی حیوانندن اشاغی
 ایندیرمشر و کاملاً عریان بر حالده قوللری باغلی اوله رق مرزقه
 سوق ایتمشر؛ بیچاره آدم بو حقارتدن متولد حجاب ایله خانه سنه اختفا
 ایتش و برمدت صوکره وفات ایتش اولدیغی حکایه ایدیورلردی .

فزان دو کونلرنده ده کلین جهازی ، طرابلسده اولدیجی کبی
تغنیات مخصوصه و موسیقی ایله نقل اولنور ؛ بوراده فضله
اوله رق بوجهازك اثنای نقلنده تفك آتهرق ، آت یاریشی
یا پهرق اعلان شادمانی ده ایدیلر . جهاز آلایندن صوکره زفاف
کیجه سی كرك کلین و کرکسه کوکی خانه لرنده آیری آیری
ضیاقلر ترتیب اولنور : نصف اللیله ودها کج و قته قدر موسیقه
اجرای آهنگ ایدر ورقصلر دوام ایلر .

مرزق قانتازی سی و طرز رقصی متنوع ایسه ده صنعت
و ظرافتجه صوکره غاتده کوردیکم درجه نك پك دوننده در .
« طیلله » نامیله معروف اولان طرز تغنی نصف کره شکانده
بویو کجه برداوولك اطرافنه ارکك وقادین طویلنهرق بر آغزدن
تغنی ایتملری وهپسنگ عین زمانده داوول اوزرنده کی اللریله
مطرد بر آهنگی اجرا ایتملرندن عبارتدر . « دقدقه » ایسه
کوچك دنبلکلر اوزرنده دکنکلرله اجرا ایدیلن برنوع موسقیدر .
كرك بو طرز لرده و کرکسه علی العاده تغنیاتده کفته بی تشکیل
ایدن اکثریا مملکتك معاشقاته عائد وقایعی و بعضاً ده وقایع
تاریخیه سیدر . مثلاً ظلم واعتسافاتیله مشتهر بر متصرفك بوتون
افعالی بوکی جمعیتلرده و بعضاً کندی زماننده بیله نسوان
طرفندن تغنی ایدیلر .


او یونلره کلنجه : « قاده » برنوع بور نور قصیدر . رقاصه لر
برقوس دائره اوزرنده اجتماع ایدر و مناوبه اورتایه چقارلر ؛
اورتایه چقان قادین ، بو او یونه مخصوص برنوع موسیقی
و تغنیات مطرده و مرقصیه آباق اویدیره رق ، صاغنده وصولنده

ایکی ارکک دومبه لکچی اولدینی حالده اوج دفعه ایلری و اوج دفعه کری حرکتدن صوکره کندیسنی آرقا اوستی یره آتار و آرقه ده کی دیگر قادینلرک معاونتیه ینه صحرار . بوصورتله نوبتنی اکمال ایدنلر تکرار قوسه داخل اوله رق تغنییه اشتراک ایدرلر . رقاصه نك باشنك آرقاسنه قالدیردینی ایله افقی دیرسکنك وضعیتده و حرکاتنده برظرافت واردر . حالبوکه « زمزوق » اویونی اسمندنده اکلایشیله جنی وجهله مع التأسف پک چیرکین و حرکات شهوانیه دن عبارت و وجودك اقسام سفلیه سنك حرکاتیه اجرا اولنان برنوع رقصدرکه بونی رقاصه لر اکثریا چیفت، چیفت و فقط مطلق یوزلری قیرمزی باش اورتولریله مستور اوله رق اجرا ایدرلر . و اطرافده دیزیلی اوطوران قادینلرده برقاچ دومبه لك ایله زوقره [*] نك آهنکته تردیفاً تغنی ایتدکری صوڪ درجه مرقص هوالرله رقصه رفاقت ایدرلر . دوکونلر و بونا مائل احولده اجرا اولنان زمزوقلرده رجال سیرچی صفتیه بولنه بیلیر ، فقط رجال ایله نسوانك مختلطاً رقصاری عادت دکلدر . بخشیش انحق چالغیچیلره و یریلرکه مرقومون طرفندن صاحب عطا اولان ذاتك اسمی برطاقم مقدمات معلومه و معینه یه تردیفاً اعلان و بوتون نسوان طرفندن زیقاریتله سلاملانیر . رقاصه لره و مغنیه لره پاره و یرمك حقارتدن معدود اولوب ناوا اعلانه سبب اولور . مرزقده بیانیچی کوزلره اك زیاده عجیب کورینن شی بوکی جماعتلرده تصادف اولنان


بدمست نسوانه بيله يرليرك نظر بي قىدى ايله باقمالرى كىفتيدىر.

* *

ايشته سعادت قديمه سنك فيضيله بويومش وبويوكلكى ايله
اخلاقنى غائب ايتمش وشيمدىكى حال اندراسى ايچنده بيله حالا
اوزمان قديمك آهنگ ذوق وطربندن بر قسمنه اولسون ،
آتى به نقل صورتيله ، معكس اولمش اولان بولده صحرائى
شوصوك ادوار تاريخچهده بعض جرائم عاديه اصحابنه واداره
ظالمة مطلقه نك دىرى دىرى قبرنسيانه كومدىكى مجاهدين حق
وعدالته منفا اولمشدى . چوق كره لر قراكلق كىجهلرده
نجره مدن مرزقك دار سوقاقرىنى تماشايه دالديغ زمان نسبة
يارلاق بر ساي مكوكبك قويو لاجوردى اعماق ايچنده وسماواته
دوغرى نازنين قامتلىله اوزانان خرمارك متموج اكىللىرى
التدهكى بلده نائمه نك ايصىز خرابه لرى آراسنده بياض وسياه
نسلدن ، بلدى وبدوى ، حاكم ومحكوم ، حر واسير برسورى
عجيب خيالاتك سير وحركت ايتدكلىرى وبونلرك ايچنده جانى
ومعصوم برچوق ارواح منفيونكده حزين ومغموم ديوار
ديبلرندن سوزيلان خياللركى كچدىكى كوروركى اولوردم .
۱۰ تموز ۱۳۲۵ صبح فلاخندن صوكره منكسر الامل
بكليان بوتون بومجاهدلىك بقيه سى برزنده كى نوين بوله رق وانحق
مرزق خرابه لرى آراسنده برقاج قبر حزين براقه رق شاله
دوغرى قفسدن قورتيلمش قوشلركى اوچوشمشلردى .
فقط مرزق لاي صامته سنك آشنالرى اولان ارواح عجيبه
آراسنده منفيار خيالى ده برامشلردى .



غانده سنوسي زاويه-س



غات . تدرمت محاسبي



غات بلدهسى

آزغر توارقلىرىنىڭ وطن اصلىسى اولان يالچىن قىياقلى ،
يوكسىك تاسىلى يايلاسىنىڭ سىللىرىدىن تىكل ايدىن «تەنەزوفت»
وادىسىنىڭ،اولا جنوبە صوكرە برىصف دائىرە ترسىم ايدەوك تىماما
شالە توجە ايتىدىكى صوكرە، تاسىلى وتادىرارت داغلىرىنىڭ آراسىندە
كىشى بىرىتاق تىكىل ايتىدىكى مىللە كاڭن وشالدىن وجنوبىدىن كلن
طرابلس وسودان تىجارت قافلەلىرىنىڭ ملتقاسى و فزان وتوات
قبائل بدوئەسىنىڭ بازار مىللى اولان غات بلدهسى صحراى كبرىك
الكمهم بىر تىجارت كاهىدىر .

بوكونىكى غات بلدهسى روماللىرىك حاكىمىتى زامانىدەكى قىدىم
تىجارتىكاهىك مىنى اولدىغى مىللە دىكلدىر . اثنائى فلاحىدە تصادف
ايدىلدىن بعض قىدىم دىستى قىرىقلىرىنە ، وازو پارچەلىرىنە و بعض
قىدىم كوموش مىسكوكاتە نظراً بلىدە قىدىمەنىڭ ، غاتىك اون كىلو
مترە جنوبىندە واقع «البرىكت» قىرىمىنىڭ مىنى اولدىغى مىللە
وبوىوك البرىكت مىنبىنىڭ جوارىندە بولدىغىنە حكىم اولنە بىلىر .
البرىكتدىن ايكى كىلو مترە قدر جنوبىدە قىالق بىر تىپەنىڭ
اوستىدە كوچوچىك بىر قىرىمەنىڭ خرابەلىرىنە تصادف اولنور .


سقفلى كاملاً خراب اولان درت دیواردن عبارت بوانفاضك قورى طاشدن بنا ایدلمش درت دیوارلى وغایت صیق و دولامباجلى سوقاقلرى، قدیم بربرى برفریه متروکه اولدیغنى کوستریور . رومالیره عائد مبانی قدیمه اثار و انقاضی ایسه مفقوددر . البرکت وغات بلدهلى جوارنده تصادف اولنان توارنلرك « ایدی بی نه ن » تسمیه ایتدکلى قبور قدیمه ایسه ادوار قبل التاریخیه و دور حجرى به عائد اثار دندرلر .

ایدی بی نه نلر شرقدن غربه دوغرى قازلمش کنیش قبرلردن اولوب بونلرك اوستلری کوچك طاشلرله برقه کبی دولدیرلمش و اطرافنه کنیش برطاش دائره ترسیم اولمشدر .

غات بلده سی و « تدرمت » و « تونین » نام واروشلری، ته نه زوفت فیضانلرینك حصوله کتیردیکی دوز و کنیش اراضی لحقیه دن متشکل اووه اوزرنده و جنوبدن شماله دوغرى امتداد ایدن اوچ تپه دن عبارت « قوقه ن » داغلرینك جنوب اتکلى اوزرنده مبدیر .

صحرای کیرك اك نامدار و مخوف حیدودلری اولان توارق وحشیلرینك قوت و شوکت زمانلرنده زراع ونیم بلدی یاشایان اهالی محلیه بونلرك هجوم و تعرضلرندن محافظه مال و جان ، و هجنلرك یازده صولتی اولمقدن تخلص نس ایچین محال مرتفعه ده التجا کاهلر وجوده کتیرمشلردر . غات جوارنده بوکبی التجا کاهلرك بقیه اثارى الآن کورلمکده در .

قوقه ن جبالنك اطرافنده کی متعدد میاه جاریه منابعندن



غات بلام سنك پلانی


استفاده ايدن زراع اهالي بو هجوم و غارتلردن تخلص نفس
ايچين داغك يماجاري اك ديك و اوچوروملي اولان جنوب
زروه سي اتكلرنده وجوده كتيرمش اولدقاري التجاكاه، بوكونكي
غات بلده سنك اساسني تشكيلي ايدر . بوكونكي بلده نك شالنده
واقع تپه ده ايسه منتظم بر بنانك بنيه ائاري مشاهده اولنيور كه
انجق بر بچق متره قدر كوريله بيلن تل طرفلرنده كي
ديوارلرك واورته ده كيرچلي خرچله صوانمش كنيش صحرانجك
بربر ائارندن اوليوب دوغريدن دوغري يه روماليله عائد
ئارندن اولديغنه قطعياً شبهه ايديله من .

قوفه ن جوارنده كي بويوك غات منبعندن استفاده ايدهرك
فلاحتله كچين اصل اهالي محليه توات مهاجرلردن اولوب بوصف
حلق ارتق هجوم و غارتلره مقاومت ايدهرك قدر قوت و كثر
پيدا ايتدكدن صوكره اووه سطحندن اون متره قدر مرتفع
اولان قوفه ن داغك جنوب اتكلري اوزرنده مدافعه لي
بر رجعتكاه وجوده كتيرمشلردر . بر بولوك عثمانلي عسكرينك
محصوراً هلاكني انتاج ايدن توارق شجما تندن صوكره بر ده ا
كيمسه طرفندن اسكان ايدلمه مش ، خراب و متروك قالمش
اولان بوقلعه قديمه اصل شيمديكي غات شهرينك چكردكي مقامنده
اولوب بوكونكي صحرا دربند تجارتي بوقلعه اطرافنده ، تعدد
وتعاقب سنين ايله يواش يواش توسع ايتمشدر .

چامور خرچله طاشدن بنا ايدلمش بوقلعه نك اطرافنده
كيتدكه تكثر وتشعب ايدن غاتليرك وجوده كتيرديكلري

مساکن جدید دیگر کار گیر بر احاطه دیوار یله چوریش اولدیغی کوریلیور. اورتاده کی نلعه ایله اون قدر کوچك بنایی احتوا ایدن قدیم غات قریه سی شیمدیکی بلده نك تام وسطنده در . كرك مركزده کی قدیم قلعه ، كركسه برنجی احاطه دیواری ایچنده کی مبانی قدیمه صحرای کیرك استیلای اسلامدن اولکی ادوار حیاتیه سنه عائد اولدیغی غات جامعك بو برنجی احاطه دیواری خارجده بولمیسندن اكلاشیلیور . جامع کیر ایله مبانی متأخره بی حاوی اولان ایکنجی احاطه دیواری برنجینك اطرافنده و شرق وجوبه دوغری قیالق سطح مائلری اوزرنده وجود بولمیشدر . بو ایکنجی دیوارك داخلنده کی بالمله مبانی نك، دوردنچی عصر هجریدن یعنی عرب فاتحلرینك صحرای کیری استیلالردن صوکره بنا ایدلمش اولدیغنه شبهه ایدیله من .

ایشته غات بلده سی و غات یرلیرینك مسکنلری بو ایکی احاطه دیوارینك ایچنده کی قسمده اولوب بوتلك خارجنده شرقه دوغری اووه سطحی اوزرنده وغریده قوملق تپه لری و منابع جاریه نك وجوده کتیردیگری خرما قلره دوغری اوزانوب کیدن محلات کاملاً ادوار اخیرده وجوده کلهرك بو کونکی غات بلده سنی میدانه چیقارمیشدر . ایکنجی احاطه دیوارینك شرقنده اووه سطحه دوغری تمادی ایدن محله غدامس تجارلرینك وغریده کی محله لر ایسه طرابلس تجارلرینك ساکن اولدقاری محلاتدر . طرابلسلیرك محله لری داخلنده کی سنوسی زاویه سی قرقیش سنه اول تأسیس ایدلمش بر بنا اولدیغنه نظراً بو محله لك



غات قبشله سی



غانده عین کبیر

ادوار جديده اخيره ده بنا ايدلش اولدينى كوريلور ؛ اساساً
مبانى ومساكنكدها يكي ودها منتظم اولمسيله ده كوزه چارپيور.
اسكى ويكى بوتون محلاتى احتوا ايدن محيط خارجى منتظم
بر هجوم ويا محاصره يه قارشى مدافعه فكريله بنا ايدلش بر سور
دكلدر. انجق بيوت ومساكنك خارجى ديوارلرينك يكدىكرلرينه
الصائى وخارجه منتهى اولان سوقاق باشلرينك ديوارلرله سديله
وجود بولش معوج ومنكسر بر ديوار سلسله سندن عبارت
اولوب توارق وتيوكى قبائل وحشيه نك شېخونه قارشى مدافعه يه
كان برسد تشكيل ايدر. انجق بعض محللرده وخصوصاً بويوك
مدخللر جوارنده تصادف ايديلن برجلر ودارمازغاللر اسلحه
ناريه نك بورالر قدر انتشارندن صوكره علاوه ايدلش
ترتيبات تدافعيه دندرلر .

غات بلده سنه جهات اربعه دن اولق اوزره باشليجه درت
بويوك قايدن كيريلر :

جنوبده كى «باب تفاغت» مدخلى بلده نك البويوك قايسيدر.
جنوب سورى ايله بوديواره موازى دوام ايدن باغچه لرك
چيتارى آراسنده كائن كنيشجه بر ميدانه آچيلان بو بويوك فقط
باسيق قاينك صول طرفنده كوچك بر ميدانه مركزوز اوچ
آغاچ ستونه باغلى دوه لر ، قويون وكچى كى مواشى دن عبارت
صاتيلق حيوانات ايله بونلرك اطرافنه طويلانمش خلق و سور
ديواري بويجه ومدخلك داخلاً هرايكي طرفنه انشا اولمش
كريبچ سدرلر اوزرنده اوطوران غاتلى ، غدامسلى وطرا بلسلى

تجار صنفی ایله زنجی عتاره لر ؛ صوطاشیق اوزره چیقان و کیرن و جالبشان زنجیه عتیه لر و اوزون احراملری صائیه رق ، پرلرده سور و کلیه رك كلوب کچن توارق قادیلرینک حاصل ایتدیکی منظره عمومیه ایله باب تفاغت فات بلده سنک الك ایشلک مدخیدر . طرابلسدن ، سوداندن ، فزان و تواتدن والحاصل جهات اربعه دن کلن قافله لرك حوله سی باب تفاغت اوکنه ییقیر . بویوک بر قافله نك حرکت ویا وصولی کونی باب تفاغتک منظره سی برقات دها شایان تماشا بر حال آلیر : کمال تقیده صاریمش اشیای تجاریه دنکری ، خرما و ارزاق چوللری ، صوطلوملری و سهاریه صندوقلرینک آراسنده ، یولجی و تجاری تشیع ویا استقبال ایچین کلن یرلی اهالی و تجار وکیللری ایله اشیا طاشیق ایچن چکیشن ، قاپیشه ن زنجی حاملرک تلاشلری و قایناشمالری منظره عمومیه به باشقه بررونق بخش ایدر .

باب تفاغتدن صوکره غدامس محله سی مدخلی اولان «باب قلاله» دها ساکن و شهرک شرقنده قوم تپه لریله مستور کنیش اووه یه ناظر ، قراکلق و اسرار انکیز برچشم متفکرکی دورور . باب قلاله نك سد لرنده ، افشامک سرینلکندن استفاده ایچین اوطوران بر قاق غدامسلی تاجر منظره نك سکون و وحشتی اخلاص ایده من . شمالده کی باب الحیر ، و غربده کی باب الزاویه ایسه بوسبوتون ایصسزدولر .

باب تفاغتدن شهره کیریلنجه ، قاپیلرینک اوکی مدیدسدرله مزین کنیشجه بر میدان آچیلش التی ، یدی دکاندن عبارت

غات چارشبسی نظره چارپار. هرکون عصر زماننده بوسدلی
 اشغال ایدن تجار ویرلیله توارق وعتاره جماعتی یومی مزایده به
 اشتراك ایدرلر. اورویا امتعه تجاریه سندن پاموق منسوجات
 ورنکلی باصمه لر، طرابلس، تونس وتوات احراملری،
 سودان جلدلری، دوه قوشی تویلری وسودان معمولات
 صنایه سندن جلد یاصدق، مندر، مدس (بویوک چاریق) لر
 هب بویازارده مزایده ایدلمکده در. کرك دکانلر و کرکسه آیاق
 کزیمچیلریله دلالر طرابلسلی وغدامسلی تبارك امتعه سنی
 صاتمقده درلر. برطرفدن ایسه اخذ واعطانک مهم قسمی تبارك
 مسکنلرنده اجرا ایدلمکده در. غدامسلی ویا طرابلسلی برتاجرك
 خانه سنه کریلدیکی زمان اکثریا توارق ویا عربانندن برقاچ بدوینک
 پاموق منسوجات طویلری اورتاسنده چومه لمش قارشیسنده کی
 تاجرله بازارلق ایتدیکنی ویا آچیق آووجنه سرپدیکی مختلف الجنس
 مسکوکاتک کندیسنجه پک مغلق اولان حسانی بجره بیلیمک
 ایچین رفقاسیله اوزون اوزادی به حسابلاشدیغنی کوررسکز.
 بو بازار یرندن آیریلان ایکی سوقاقدن بریسی اولاشرقه
 صوکره شماله دوغری دوام ایدهرک جامع کبیره وقلعه ندیمه نك
 شرقنده واقع شیلی میدانته منتهی اولور. شیلی میدانی اوتهدنبری
 غات اجراری وتوارق کبارینک مجعیدر؛ غاتلیلرله توارقلر
 ییتنده وقوعبولش اولان محاربات قدیمه نك مصالحه سی، مهم
 اختلافاتک تسویه سی و طرفینک ائتلافی هب بومیدانده اجتماع ایدن
 اکابر طرفندن اجرا ایدلمش اولمغله بوراسی خصوصی برامیتی حائزدر.

بوندن باشقە غاتلىلار ، عتارەلر ك بويوك فانتازيا (شىنك) لرى
ھې شىلى ميدانىدە اجرا اولتور .

توارقلار ك محاصرەسىيە ھلاك اولان بربولوك عثمانلى
عسكرىنك قلەھىزغاللارندىن اجرا ايتدىكلرى اتشلىردىن دولابى
شىنايدىر مىياتىنك تائىرىيە ھالا دىك و دىك دوران شىلى
اطرافىدەكى ديوارلار و عسكرلە توارق آراسىدە وقوعبولان
سونكو ، قلىچ مىجادلەلرىنك صحنە وقوعى اولان بومىدانىچى بزم
ايچىن اليم خاطرات ايله مشبوعدر .

شىلىيە ناظر جامع كىرە كىرىلنچە كچن عصرە توارقلارە
غاتلىلار يىنىدە ظھور ايدىن محاربات اتناسىدە ، صوسزلقدىن
دولابى توارقلارە تسلىمە مىجبور اولان غاتلىلار ك بووقەدن صوكرە
تونىدىن آلات و ادوات جلب ايدەرك قازمش اولدىقلىرى يكانە
قويو ايله اطرافىدە آبدست آلىق ايچىن صرە صرە اوزون
حفەرلەر كورىلور . ايكىنجى برقايدىن صوكرە جامعك صوك
جماعت محلى ايله غيرمنتظم ، مختلف الشكل دىرت كىردىن عبارت
اصل جامع بناسىنك مدخللىرى و اھرام ناقص شىكىندەكى كرىچىدىن
منارەسى ايله ھىئت عمومىيەسى نظره چارپار . جامع بناسى
عمومىيت اعتبارىلە كرىچىدىن اون عدد بويوك ستون اوزرىنە
مبنى اصول و شىكللىرى مختلف غيرمتجانس باصىق كىرلر اوزرىنە
موضوع ، اتل آخاچلىرىلە مسقف لوش بربنادر . انىچى مىھرابك
آرقاسىدەكى كىرلەرلە برىنجى صفدىن امامى كورمك قابىلدر .
مىھرابك صاغىدە واقع ايكى قىدىمەلى كوچك برىمردىون جامعك

منبريني تشکيل ايدر . جامعك طرز بناسي ، اکري وبوکري
ديوارلري ايله غير متجانس و غير متناظر کمرلري مجموعي
عجيب بر منظره اراڻه ايدر .

چارشیدن آیریلان ایکنجی سوقاق دوغریجه شمال استقامتی
تعقیب ایدهرک ، جوانب اربعه سی خانه لره محاط مربع بر میدانه
واصل اولور؛ بومیدان غاتک سوق النساءیدر. وقت عصر کونشندن
متحصل مدید کولکه لر میدانک جهت غربیه سنی بر پرده کی
ستر ایتکه باشلاينجه ؛ دیوار دیبلرینه دیزلش ، اوطورمش
عتریه لرك اوکلرینه موضوع زنبلارده کی حبوباتی ، بزلیه
ومرجهک کی قوری سبز لرك یانی باشنده قاباق ، فارپوز صاتمقده
اولدقلری ، دها اوتوده اوج ساعت یولدن باشنده طاشیه رق
کتیردیکی اودون دمتلرینی دیواره دایامش برزنجیه نک اهالی
وعسکردن مشتریلرله بازارلق ایتدیکی ؛ بریده بویوک ایکی
زنبیله دولدیردی بی مختلف الجنس قوری خرمانک اوزرینه
موضوع ، دیی دری قاپلی تحت اولچکنه ایکی النی دایایه رق هرکسه
چکیشن شیشمان برزنجیه نک اطرافنه طویلانمش برقاچ کنج
عتریه نک مدید کولشمه لرله ظاهر اولان ایکی صیره براق بیاض
دیشلرک پاریلتیلری و؛ بوتون بوجاعتک ایچندن عظمتلی خطوه لره
صالینه رق کچن توارق قادینلرینک ساکن ووقور چهره لری ،
اوزون عصاسنه اتکا ایتش برنوسلی برقاتلی ايله احراملی
بر طرابلسلینک برکوشه ده قونوشالری و، هپ بو مختلف یبانهی
ویرلی سیالرک هیئت عمومیه سی غریب برلوحه تشکيل ايدر .

سوقالنسواندن شىالە دوغرى دوام ايدن دولامباچى
 وقسماً مستور دار برسوقاق طريقت سنوسيه زاويه سەنتهى
 اولور . مربع الشكل و جامع الكبيره نظراً دها منظم برىنا
 اولان سنوسى زاويه سى كوچك كمرلى قايسى ، اوزون و آلچى
 ايله صيوانمش مناره سى ايله اطرافده كى كرپىچ بنالرك اسمر لون
 عمومىسى آراسنده بياض برقارلكه سى كى كوريلور . قايسى نك
 اوك طرفنده كى آلچق سدر اوزرنده صلات عصره انتظاراً
 اوطورمش ، يارى اوزانمش برقاج تاجرله اخوان زاويه دن
 بعضرينك نسبة كورولتيسز وساكن اولان بومحله ، تجارت
 قافله لرينك سير وسفرنندن ، اسعار بلده دن وياطرق تجاريه
 اوزرنده وقوعبولش بوقعه دن ، نهبوغارتلردن بحث ايتدكلرى
 وزاويه نك لوش بناسى ايچندن يوزلرجه صديانك حفظ قرآن
 ايچين باغره باغره اوقودقلى آيات قرانيه نك دريندن رقيق
 برزمزمه طائنده عكس ايتدىكى ايشيديلر . آراده برچوجنك
 اوكون حفظ ايدىجكى آيات قرانيه يى حاوى بياض درس
 تحته سى قولتوغنده كچدىكى كوريلور .


بورادن باب زاويه دوغرى كيدن دار ومستقيم بريول
 وكوچك ، باصيق سور قايسندن چيقلدقن صوكره بلده نك
 غربنده كى قوم ييغىلرينك كريسندن كشف خرماقلر ايله
 شرقده مديد قوقه ن تپه لرى آراسنده شىالە دوغرى كيدن
 نه زوقت يولنك كچدىكى دوزلك كوريلور . يولك صاغنده واقع
 بويوك وحزين «الارحمه» قبرستانى وقبورلك حاصل ايتدىكى كوچك

دالغە جەتلەر زەمىنك اهنك استواسنى اخلال ايدر . صحرائك مديد
وتحملشكن اسفارى ايله قواي حيايه سى سونمش غريبادن
كېيىلەر قاچنى سىنە سىنە چكن بومقېرە حزن انكېزده بېچارە
قبورك برقاج تېرىق دىتى پارچەلەردن باشقە نەرزىنى وئەدە
سنى مزارى وكتابه سى كوريلور . يالکز جبل توقەناتكندكى
للا رحه نك تربە سى بياض ، كوچك قېسە و برقاج ملون علملر يله
بوتىنكناي ماتى دە نظرى اشغال ايدر .


* * *

تدیم نلعه ايله داخلى محيطلار ايچىنده كى بعض مبانيدن
ماعدات شەرىله واروشلەرنده خانەلەر كاملاً كرېچلە بنايدىلشدر .
بونواحى دە مع التأسف بك نادىر اولان ياغمورلەر قارشى مقاومتى
بك آز اولان بواوزون كرېچلەر مرزقك فردغارىنە نظرا
دهامتىندر . خانەلرك طرز انشاسى و تقسيملرى همان بوتون
بررستان قطعە سىندە كى بىدان صغیره مبانيسە مشابهدر : دار
وباصيق قايدىن كىرىلنجه خانەك حوليسە منتهى اولان وسقيفە
تعبير اولنان اوزون واورتولو برقوريدورە كىرىلەر ؛ سقيفەلر
موسم صيفك خارو محقق صيىجاقلرىنى امرار اتمك ايچىن سكنانك
اك مساعد وسرىن محلى تشكيل ايدر . اكثر غاتىلەر و تجار يازىن
زوارى سقيفە دە قبول ايدىلر ، تېز و بياض قوم دوشەلى
سقيفەك ديوار دىبلرىنە سىرلش حىرلر و خالىلر اوزرىنە
اوزانەرق ايچى قىل دولدىرلش سودان معمولاتىدن درى
ياصديقلر اوزرىنە اتكا اولتور . همان عمومىتلە طولانى و دار

برتوتل حالنده اولان مسقیفه لرك نیم ظلمتی غاتده پك مدهش
اولان سینکارلده هجومه مانع اولدیجی جهتلہ یاز موسمنده
أولرك الك تميز والك راحت برمحیدر . حولیلر ، اوستی آچیق
ومبذول ضای شمس ایله منور بر میدان داخلی حالنده اولوب
درت جهتدن اودالر ، مطبخ وسائرہ کی انسام بیتہ ایله
محاطدرلر . كرك خارجی وكر كسه داخلی بوتون قاپیلر مالزمت
خشیهك معدومیتدن دولایي پك دار وباصیقدرلر . عرضاً
یارلمش نصف خرما کوتوكلرندن معمول بعض بویوك سورقاپیلری
استثنا ایدیله جك اولورسه همان عمومیتله غات اولرینك قاپیلری
بالطه ایله یارلمش ویونتولش معوج وغیر منتظم فلاصلرك ایکی
چفت دكنك قوشاقلر آراسنه دیزیلهرك حام دوه دریسيله
صاریمسندن وجوده كیش باصیق ، كوچك تك قنادلردن
عبارتدرلر . بوقلاصلرده تاسیلی وادیلرنده بولنان بویوك اغاچلردن
بالطه ایله یاریلان وسط حیجه دوزلتیلن غیر منتظم واکسرتخته لردر .
یباخیلر آلیشنجیه قدر خیلی زمانلر بوقاپیلردن هر كچدكجه
باش چارپق کی المناك برتعلمه مجبورقالیلر . طرابلس تجارینك
صوك زمانلرده وجوده كتیردیكری بزقاج خانه استثنا ایدیله
غات اولرنده عمومیتله پنجره نامنه هیچ بر منفذ کوریلهمز .
بومبانی جدیدده کی پنجره لرده اکثر مارتہ ویافته لری بیله
اوزرندن سیلنمكه ، قوپارلمغه بیله لزوم کورولممش اولان
چای وموم صندیق لری کرسته سندن معمول كوچك ، تك قنادلی



غات . تونین قریہ سی



غانده بر فانتازیا

دار منفذلردر که ياغمورلي و صووق زمانلرده قپاديلنجه اودانك
داخلي مستغرق ظلمات اولور .

بوتون بربرستان قطعه سنده انشات مالزمه خشيبه سنك
معدوميتي سييله سقفلر ايچين خرما و اتل کي متانت و مقاومتي
قليل گريسته يه مراجعت ايدلسي يوزندن اودالرك همان اکثريله
مستطيل الشكل اوله رق بنا ايدلمسته مجبوريت حاصل اولشدر .
يالكز دار و باصيق برقايدن حول ايده بيلن ضيا ستونيله
تنور ايدهن طولاني غات اودالري ؛ زمينده مفروش بياض
و کثيف قوم طبقه سي ، يونتلامش اتل کوتوکلري و داللريله
مستور طاواني ، بوايسلي و سياه کوتوکلرك آراسندن صارقان
ياپراقلر و اينجه داللريله انسان اوزرنده برتأثير مضيق اجرا ايدر .
هراودانك اورتاسنده طوپراغه مدفون يرلي بر طوپراق مانغال
کوريلور . غاتلير قيشك صحرا اقليمه مخصوص غايت شديد
و مؤثر اولان صووقلريني اقشامدن صباحه قدر آتش ياقه رق
کچيرلر . محروقات ايسه منحصرأ خرما داللري و اتل اغاجندن
عبارت اولديغي جهته و سطنده کي مانغالدن مبدولاً انتشار ايدن
دومان اودانك طوانلريني حزن انگيز بررنك مائمي يه غرق ايدر .
بومنغالک همان ياني باشنده و اودانك بر جدارنده کوچك برسده
تفريق ايدلمش اولان يتاق محلي زمينده کي قوم طبقه سندن دهها کثيف
بر قوم ييغني ايله دولديريله رق طبيعي بر دوشهك وظيفه سني
ايفا ايدر . بوتون بوتقرا تندن باشقه بواودالرده بعضاً تصادف
ايديلن ديوارلرده کي حجره لرله ، حجره کنارلرنده کوريلن قابا
بربري تزئينات نادر اتدندر .

جوانب اربعه سی اودالر و مطبخ کی مشتملات ایله محصور
و محاط اولان حولیدن دار بر سردیون ایله یوقاری چیقیلدیغی
زمان اطراف بر یچق متره قدر دیوارله محاط و طین ایله مستور
اولان دام سطحه چیقیلر. بلده قوقنه جبالک طاشلق انکاری
اوزرینه مبنی اولوب خانه لره مجاری لازمه و حتی اوستی قاپالی قویولر
بیله حفری ممکن اوله مدیغندن همان عمومیتله همشار دام
اوزرنده یاییلمشدر.

اطرافنده کی احاطه دیواری سایه سنده یازک سرین کیجه لرنده
اهالی محلیه دام اوزرنده یاتمقده درلر. اکثر مبانی جدیدده
«غرفه» تسمیه ایدیلن فوقانی اودالر و ارسه ده غاتیلر کوندوزلری
دها سرین اولان زمین قاتلری ترجیح ایده رک فوقانی قاتلری
ذخیره انباری اولق اوزره استعمال ایدرلر. اولرک کریچدن
دیوارلری یازین کونشک تأثیریه شدتله نيزارق نصف الیلدن
صوکره یه ندر حرارتی محافظه ایتدیگی جهتله کیجه لری زمین
قاتلرنده و خصوصاً اودالرده یاتق ممکن دکدر. غات رجالی
و عتارده سی عمومیتله دها سرعتله کسب برودت ایدن خارج
بلده ده کی قوملقلر اوزرنده کیجه یی کچیردیگری کی نسوان و کبار
ناس دام اوزرنده و آچیقده اولق اوزره، عقرب و امثالی سمدار
جشراتدن محافظه نفس ایچین خرما دالارندن اورولش برنوع
قاریوله اوزرنده و اکثر یاینه خرما دالارندن معمول کولکه
لکر آلتنده یاتارلر. زیرا صاف و پابس صحرا ایلیمه مخصوص
شعشعه مانتابک اچیقده یاتانلره تاثیر ایده رک باش آغریسی
ویرمکه اولدیغی اهالی محلیه جه مجرب اتدندر.

بلده نك دارومعوج سوقاقلري يازك ياقيجي كوشيله قيزه رق
ايكي طرف ديوارلرينك انعكاساتيله بوغوجي بر درجه حرارت
حاصل ايدر. شالك سرين روزكارلرينه فارشي عظيم برسد حائل
تشكيل ايدن جبل توقه نك بلده يه متوجه جنوب اوچوروملري ده
زوال زمانندن صكره كي انعكاساتيله هوايي تحملسوز بر درجه
حرارته ايسال ايدر. بودار ومعوج سوقاقلرده تونل كي بعض
مسقف محللره تسادف اولنور. كونك قابله زمانتي كچيرمك
ايچين يرلي وبدوي بعض اشخاصك بوتونللك الله التجا ايدرك
قسماً اوزانوب اويودقلري وبرق سمنك ده مصاحبت ايتدكلري
كوريلور. صباحلري ايسه متحيزان ووجوه بلده نك ده بعض
ميدانچقلرده وبوسوقاق ايچلرنده طوپلانهرق، صباحك برودتيله
صوك درجه صوغومش اولان قوملر اوزرينه اوطورمق قابل
اوله مديني ايچين، ديوار ديلبرينه چومه لهرك وبرصره ديزيله رك
ارقاقلري ديواره داياالي ساعتلرجه قونوشدقلري كوريلور.

* * *

سورك جنوبندن باشليان خرمالق وباغچه لكلري غربه
دوغري بعضاً قوملق واكثر يتله اراضى لحقيه اوزرنده يشيل
جزيره لر تشكيل ايدرك دوام ايدر. اصل بلده ايله جنوبده
زنجي عتاره [*] نك ساكن اولديغي «تدرمت»، غريده توات
مهاجرلرندن انصارك توطن ايتديكلري «تونين» واروشلرينك


[*] وقتيله عتق ايدلس اولان اسراي قديمه نك تشكيل ايتدكلري
جماعته اطلاق اولنور.

حاصل ایتدیکی مثلثک همان وسطنده واصل غات باغچه لرینک کنارنده کی بویوک «عین چهت» منبی جوارنده درت برجیله کریچدن انشا ایدلمش اولان عسکر قیشله سی کوریلور. صوک زمانلره قدر صحرای کیر دربند تجارتنده حا کیت عثمانیه نیک یکانه اثری اولان بوقیشله ، بلده داخلنده کی قلعه قدیمده محو اولان بربولوک عثمانلی عسکرندن صوکره ایکنجی دفعه اوله رق کوندوریلن اشغال قوتی طرفندن انشا اولمشدر .

تدرمت محله سی اوافق تفک بنالری، قسماً یقیق ودشیک دیوارلریله فقر و ضرورتک تمثالیدر . حالبوکه تونین مدافعه لی برجلی ، مدید مازغالی دیوارلریله خارجاً اصل بلده دن ده ا منتظم برمنظره اراه ایتدیکی کی داخلآ دار اولمغله برابر سوقادرینک انتظام ونظافتی وبنالرینک نسبتاً ده ا مکمل ووسعتجه غات اولرینه فائق بولمسی بو واروشک صوک زمانلرده و خصوصاً اصحاب ثروت طرفندن وجوده کتیرلمش اولدیغی کوسترییور. طرز انشا و تقسیمات داخلیه جه تونین خانه لرینک ده غات اولرندن برفرقلری یوقدر . تونین مازغالی دیوارلری ویوکسک برجلی ایله برابر سور داخلنده کی صو منبی سایه سنده صحرا اقوام وحشیه سی کی وسائط حربیه سی حال ابتدائیده اولان مهاجمینه طول مدت مقاومت ایده ییلر . تدرمت محله سی منحصرأ عتاره ایله مسکوندر . غاتده فلاحت ، دمرجیلک ، مرانغوزلق ، قوندیره جیلک کی صنایع ودلاللق وسمسارلق کی امور تجاریه هب عتاره صنفنک النده در .



غاتیلر



غات باغچه لرنده برچای عالمی

جوارده کی باغچه لرده زراعت ، منابع جاریه دن ویاخود مختلف وسائط جریه ایله قویولردن استحصال ایدیلن میاه ایله اسقا ایدلمک اوزره عمومیتله ایکی صورتله اجرا اولمقده در .
بلده خارجنده کی وادیلرده واقع بویوک مزارعه زراعت عمومیتله مفقود کیدر . بروادی بی تمامیه اسقایه کافی بویوک سیلرک حصوله خدمت ایده جک مبذول یاغمو رلر آنجق ربع عصرده برک ره نصب اولان شیردندر . علی العموم افریقا صحاری وسیع سی میاننده بتغازی جنوبنده واقع لی چولندن صوکره اک قوراق اولان طرابلس جنوبنده کی صحرا قسمی بحر سفید یاغمو رلری ایله سودان یاز یاغمو رلری منطقه لری آراسنده وهر ایکسندن ده اوزاق بولمش اولق کی برفلاکته محکومدر . غاته واصل اولدیغ سنه جداً مبذول و طوفانی یاغمو رلر یاغمش و بویوک وادیلر کاملاً سیل آلتنده قاله رق تهنه زو فت وادیسند آریه و بغدادی زرع اولنه بیلمشدی . یرلیرک تأمیناته نظراً اوتوز سنه دنبری بومملکت بویله مبذول و نافع یاغمو رلره حسرت ایمش .

بلده جوارنده و توابنده بویوک، کوچک الی بی متجاوز میاه جاریه منبع لری وادر . بونلردن «چت» ، «تونین» و «نابوس» کی بویوک منبع لک درجه حرارت لری عمومیتله ۳۹ — ۴۰ سانتیگراد آراسنده متخالف اولدقلرینه نظراً اعظمی ۱۲۰۰ متره عمقندن وغایت درین بر طبقه مشترکدن کلمکده اولدقلرینه حکم اولنه بیلر . اکثر منابع بوم منطقه ده قوملرک تسلطنه دوچار اوله رق قایمقده درلر . بویوک منابع همان عمومیتله

جسەلرە تەقسیم ایدلمش ایسەدە منبعك صو اخراجاتی دیگر محلاتدە اولدیعی کی بوری ویاضویوللرینك قطرلری اعتباریلە تەقسیم ایدلمەش ، کون وساعت اعتباریلە مناوبە یە نوتلمش اولدیغندن بعض حصەداران انجق ایکی کونندە برکرە باغچەسنی اسقایە موفق اولەرق بعض صیجاق جنوب روزکارلرینك دواملە وزان ایتدیکی کونلر مزروعاتنك قورودیغنی کورمك بدبختلغنە دوچار اولورلر . منبع صولرنندە حصەلری اولیان کوچك باغچەلر ایسە اکثر صغیر و مرکب کی حیوانات ایلە قویولردن جر ایدیلن صولرلە اسقا اولنور .

على العموم غاتده، فزان داخلنده يتيشن حبوبات ايله برابر
بحر سفيد حوضه سنده يتيشن سبزه وميوه لرك همان عمومى
يتيشدير ملكده و فقط شجار مشمره نك عددى نليل المقدار
بولنمقده در . سبزه لرى تازه ايكن تناول ايتكى بيلميهن بويچاره
غاتلير ، ذوقنى اكلايه مدنلرى بوانعام طيعه ي پاك آر
يتشدير مكده درلر .

بويوك برچوقورك عمقنى املا ايتدكن صوكره كوچك
برجدول ايله خارجه اساله ايدىلن عىن صوينك باشنده بياض ،
سياه ؛ عسكر ، عتاره ، عتريه ، ارلك وقادين برسورى خلق
كوچك طاشلر اوزرنده چماشيرلرنى ييقادقن صوكره قىزغىن
ويارلاق صارى قوملرك تىمىز سىلچنە ييارلر . ايسلاق چماشير
قوملره بولانه رقى صارى برىرنك پىدايدر ، بركره تورودقن
صوكره سىلەكىلنجه بوتون قوم دانەلر دوشەرك برك رنك
اصلەسى عودت ايدر . شەال وجنوب اھالىستەن ىرلى واجىي

مختلف عرفلرک نمونه لرینه مجمع اولان منبعلرک کناري مملکتک اولدقجه حرکتلی واکلنجه لی یزیدر . قافله زمانلری ایسه سوریلرله دوه لرك را کد صو سطحی اوزرینه اوزانمش بویونلری ، یکدیگرینی ایتن قاقان باشلری ایله صوی سوزهرک ایچملری ، وبرجهتدن ده کال ممنونیتله صاللانان نویروفرینک ایکی طرفه مطرداً و متماداً حرکتلری جداً کورینه جک برمنظره تشکیل ایدر .

* * *

غات بلده سنک سکنه تدیه سی اقضای غربدن هجرت ایتمش غرب بریریلرندن اولوب بوکون انجق ایکی اوچ قاملیدن عبارتدرلر . سکنه موجوده حاضره ایسه عتاره ، تارقی وتونینده مقیم تواتلی انصار وتوات مهاجرلریله غدامسلیردن اولق اوزره مختلف محللردن مخلوط صنوف اهالیدر . ایلك دفعه اولق اوزره اجرا ایتمش اولدینم ویرکو تعدادینه نظراً غات بلده سیله بوتون توابعنده یرلی اوله رق بلدی اهالی مجموعی انجق بیک اوچیوز نفوسه بالغ اولیوردی .

اصل غاتلی و انصار اولقی اوزره اصل عائله لرده تولدات پک آز اولدیغی حالده عتاره نك خانه لرنده چوجقار قایناشمقده درلر . عین نسبت تولدات بوصورتله دوام ایده جک اولورسه عرق ابیضه منسوب احرار مرور زمانله غائب اوله جق ، عرق اسوددن اولان عتاره صنفی غلبه ایدهرک بر زمان کله جک که غات کاملاً زنجیلرله مسکون بربلده حالی آله جقدر .

غات بلده سی حاکمیت عثمانیه دن اول قدیم غاتلیلره

حاكميتلارنى قوتلە قبول ايتدیرمش اولان تواتلى انصار عائلهلرى طرفدن مستقلاً اداره اولونمش، عساكر عثمانیه نك اشغالندن صوكره ايسه بوحا كميست مستقلايه بدل نفوذ حاكميت عثمانیه به نسبتاً موقعك اداره سى انصار النده قالمشدى. بوحال، مأموریتىم تاريخه قدر دوام ايتمش وعادتا انصار ايچين برحق تاريخى كې نظر اعتباره آلمغه باشلامشدى.

غاتلير، عتاره لر وتارقيلرده باشليجه كسوه، غايت اوزون بردون اوزرينه قوللرى كنش، ياقا ييرتاجى بويوك وبول برياض كوميك اولوب بونك اوزرينده براز زنكن اولانلر كاربانلرله قانودن كلن قويولاچورد بويالى سودان كوملكى تلبس ايدرلر. توارقده اولديكى كې غاتليرجهده باشلارنى صارمق يوزلارنى و آغزلارنى چككلىنه قدر سياه برنقابله ستر ايتك عادتدر؛ هله احراردن برقادينه تصادف ايتدكلى زمان توارق عادتته توفيقاً نقابلارنى چككلى يوزلارنى و تخصييص آغزلارنى صيى صيى ستر ايدرلر. براز زنكن اولانلر آياقلىنه بويوك سودان مدسلرى (سوسلى وكنارلرى كنش چاريقلر) تلبس ايدرلر. بوتون بوكسوه به قيش موسمنده اغنياسى طرابلسليرك بويوك چوخه بورتوسلارنى فقراسى ده بياض بويوك احراملرى علاوه ايدرلر.

غاتليرله توارقده عادات و اخلاق همان همان يكدىكرينه يك مشابهدر، خصوصاً تلبس و تزين جهتلرنده همان هيچ برفرق يوق كيدر. كاملاً زينتدن عبارت اولمق اوزره بوابتدائى ملبوسات اوزرينه تعليق ايديلن شيلر الكزياده جالب نظر دقدر.



غاتلی برچوجق

فقیر و غنی بالجمله غاتلیلرک بویئنده اینجه دریدن بوکولمش
اوزون برنوع قوردونه مربوط برچوق نسخهلر کوریلور .
غائده انجق بوکپی نسخهلری یازمقله تأمین معیشت ایدن برسوری
شلرلاتانلر واردر . نورشون کچمز ، بیچاق ، ایشاه من ، اصابت
عینه مقابله ایدر ، شیطان شرینه مانع اولور . . . اولور اولور
بیکلرجه شیلره یزار برسوری دعالر ، عجیب اشکال وارقامی
حاوی مهر سلیمانلرک ، بعضاً مشین بعضاً تنکه ونادراً کوموش
محفظه لر ایچنده اوله رق بونوردونه دیزلمش اولدیغی کوریلور . همان
اکثریتله بو محفظه لر مستطیل الشکل اولوب حاملنک بویئنده
برسوری لوخه لر حالنده صاللانیر . بعضاً باشده کی صارغینک
وسطنده و آلنک اوستنده ده برقاچ « حجاب » (نسخه) صاللانیدی
کوریلور ؛ بعض حجابلر ایسه تام تپیه قونیلور . توارق
مشایخندن هوغار قبیله سی شیخی « اتیسی Eteyssi » [*] نک
بویئنده تخمیناً اوچ کیلو ثقلتنده حجابله دولدرمش برقوردوندن
باشقه یاشنده کی اوزون تونسکاری فسد یکر می درت عدد
مختلف الشکل کوموش محفظه لر منتظماً دیزلمش اولدیغی ایلک
کوردیکم زمان چوق استغراب ایتشدم .

[*] شیخ اتیسی دایسی « آهی تاغل Ahitaghil » ک هوغار
ریاستی زماننده فرانسزلرک فلاته ر میسیونته هجوم ایدن هوغار غزوه سنه
ریاست ایتش و او میسیونک محوینه سبب اولشدی . بالاخره دایسنک
وقوع وفاتیه هوغار رئیس اولمش ایسه ده فرانسزلرک هوغار ممالکنی
استیلالرندن صوکره ممالک عثمانیه هجرت ایتشدر .

بونسخه قوردوننده ایریلی، اوقاقلی دعا محفظه لرندن باشقه
هان عمومیتله برطاقم ادوات معلق بولنور که بولنورده اوزونجه
برسختیان قیطانه مربوط برچائی ایله جلد محفظه دروننده
برمقراصدن عبارتدر. قادین، ارکک بوتون غاتیلرک واکثر
توارقلرک اللرنده برر تسبیح بولنسی شرط اعظمدر. هان
عمومیتله قریب براکثریت توات معمولاتندن یاصی دانهلی
تسبیحاری طاشیرلر که اوجنده صاری دوکمه معدندن کوچک
برچنبه مربوط بردیش وقولاق طاقی معلق بولنور.

قادینلر عمومیتله ارککلرکی اوزون کوملک تلبس ایدر
و «آبروق» تسمیه ایتدکلری عادی بزدن دیکلمش بویوک
براورتویه صاریلر؛ اغنیا عائله لرنده ایسه قادینلر بو آبروقلریرینه
تواتدن کتیرلمکده اولان رنگلی احراملری استعمال ایتمکده درلر.
بویونلرنده عین نسخهلری حاوی قوردون ایله اللرنده تسبیحاری
واردر. یالکز قادینلرک صاچ توالتی توارقلک عینی اولدیغی کی
یالکز باشلرینه کوچک برلاجورد بزاورتدکن صوکره مجامع
ناسده یوزلرینی آچیق براقمارلری ده توارق نسواننک عاداته
تماماً مشابهدر. غاتده نسوان احرارک آیاقلرینه کیدکلری کنیش
مداسلر دوست یوریمکه مانع اولدیغندن آرقاسنده کی اوزون
توات احرامنک اتکلرینی یرلرده سوروکلیهرک ومداسلرینک
عدم مساعدده سندن دولایی ایکی طرفه صاللانهرق یوریمکه
اولان غاتلی برقادینک هیئت عمومیه سی اوزاقدن باقیلنجه پایتاق،
پایتاق یورویهن برپاغانه پک بکزر.

على العموم غات نسوانی صاچ توالتلرنده تره یاغی استعمال

ایتمکده اولدقلری جهته برقاچ کون صوکره بویاغ تحلل ایدهرک
اودرجه کریه رایحه لر نشرینه باشلارکه ، بریاز کونی یوزلرجه
عتریه لرك صونقل ایتمک اوزره باب تشاغندن ایشله دیکلری
برساعتده اوراده بولنانلر بوقادینلرک صاحبلرندن انتشار ایدن
رایحه متعنه یه قارشى بورونلری طیقاما یه مجبور اولورلر . حتی
طرابلسلی تاجرلر بورایحه کریه نك بورالرده اکثریتله اجرای
حکم ایدن امراض عینیه یه سبب اولدیغنه ذاهب اولورلر .

بوتون طرابلسک صحرا قسمنده کی بدویلرنده اولدیغی کی
توارقده وغات اهایلسنده ده « نیله » تعیر اولنان قویولاجورد
رنکه برابتلای مخصوص واردرکه بورنك بادیه اهایلسنده
صابونك فقدانندن متولد ضروری کیرلری ستره خدمت ایتدیکی
ایچین مقبول اولسی لازمکیور . توارقده وغاتیلرده ایسه
نیله یه ابتلا اودرجه ده درکه سوداندن کن قویولاجورد بویالی
منسوجاتی صوده ایصلا تهرق اللرینه وقوللرینه ، قادینلر ایسه
بوندن فضله اوله رق یوزلرینه ویاناقلرینه صیقی صیقی سورهرک
اورویانسواننك بیاض ونبه پودره لرینك حاصل ایتدیکی لطیف الوانه
بدل یوزلرنده لاجورد لکه لر حصوله کتیرلر . توارق مشایخ
کبارندن بریله ایلک ملاقاتمه قولنده وبالخاصه دیرسک قسمنده کی
نیله یی تعاقب سنین ایله تقشر ایتش برحاله کوره رک
تعجب ایتشم . عرق اییضدن اولان غاتیلر وتواری
طانیمانلرک انسال معلومه بشر میاتنده برده عرق ازرقک
موجودیتته احتمال ویره چکی کلیور . زنجیه لرك فوق العاده
فانتازیه کونلرنده تره یاغنك تأثیریه پارلایان قویوسیا بویالی

صاچلری و قاشلریله پارلاق جلدلری اوستنه قیرمزی بویایله ترسیم ایدلمش دائره لر ایله مزین یاتاقلری ایسه پک غریب بر منظره حاصل ایدر .

* * *

غاتیلرک مفروشات و اثاث بیتیه لری : قالین بر قوم طبقه سیله مستور اوزون مستطیل اودا نك برکنارینه موضوع توات منسوجاتسندن اوزون تویلی برکلیمله ، ایچنه قیل دولدیرلمش سودان معمولاتسندن برقاج جلد یا صدیقندن عبارتدر . بوندن ماعدا برایکی شمعدان ایله تبارک طرابلسدن کتیردیگری اسکی سهاریه لردن بری اوزرینه موضوع جای طاقی ودها زنکینجه اولانلرک حجره لرندد ایکی اوج کک صوی شیشه سی و برقاج طاقم بارداق و چناقندن عبارتدر .

بوتون مطبخ طاقلری زنکینلرده باقر ، فقراده طوپراق تجره لردن ؛ یکانه یمک طاقلری ایسه سوداندن کتیرلمش و مرور زمانله و مواد شحمیه نك مساماته تأثیر ایتسیله سیاه لاش تحت برقاواته دن عبارتدر .

صنعت طباحتده پک حال ابتدائیده درلر . باشلیجه اطعمه لری صوده قاینامش ات یخنیسی و بامیه ، ملوهیه ، قباق کبی سبز لرک قورولرندن اولق اوزره چوربا کبی قایناتیلیمش برتورلودن عبارتدر . بوتورلو قاواوته نك ایچنه قونور ، یوقاریدن بوش قالان قسمنه ایجه خرما داللری برنوع افق پارماقلق کبی دیزیلدکن ویرلشدیرلدکن صوکره بونک اوزرینه اکملر ودها اوزرینه ده خرما یا برافلرندن اورمه برقیاق (فطرون معمولاتسندن طباقلر) ، اویوق ایسه یالکز بر اورتو اورتیلرک اورته یه قونور .

غاتلير و بالخاصه فقراسي فوق العاده كونلر مستشا
اولق اوزره «غاجيره» و «دشيشه» ايله كفاف نفس ايدرلر .
غاجيره معمولات محليه دن اولان سرت كچي پينيري ايله قوري
خرمانك بر آراده دو كولسندن متحصل بر نوع بولاماج اولوب
دشيشه ده آرپه نك قاوورواشيدر . ات يكلريني آنجق احوال
فوق العاده ده تناول ايدرلر . مع مافيه تونينده ساكن انصار دن
بعضلرينك ضيافتلرنده بولنه رق جداً لطيف طاتلير ، قورابيه لر
احضار ايتكده اولدقلريني كوردم . فقط بوناك ده طرابلسده
تربيه كورمش بر قاچ زنجيه نك موجوديتلرينه مديون بر فوق العاده لك
اولديغنه ده شبهه يوقدر .

بوتون آفريقاي شالي حواليسنده اولديني كبي بونلرده ده
هر يمكن صوكره و خصوصاً صباحلري بول شكر له يшил چاي
ايچمك عادتى واردر . كونده بويله جه اوچ دفعه محقق صورتده
ايچديكلري بويشيل چاي و خصوصيله شكر ، عندلرنده اودرجه
قيمتلدر كه بر غاتلي پاره سنى وساثر ذى قيمت اشياسنى زوجهنه
تودييع ايدم بيلر ؛ فقط اينجه بر قوردونله بويته تعليق ايتمش اولديني
چاي و شكر قوطوسينك اناختارينى هيچ كيمسه يه امنيت ايدم من .
زيرا اوده چاي و شكر دشمنلري بك چوقدر .

غاتليرك حيات و معاشرت يتيلرنده اك ويوك حصه مصيبت
اركلركدر . توارقده اولديني كبي بونلرده ده ابوينك اموال
عموميه غير منقوله سى قيز اولادلره انتقال ايدر ، بناء عليه
غاتده كى اموال غير منقوله هان كاملاً قاديئلرك اولوب رجالك
هيچ برشيلري يوقدر . ارلك اولاد انجق ثمره مساعيسيله

کچینر و مال صاحبی اوله بیلر شه اولور . بوندن دولایی حیات عائله ده زوج ، زوجهنک حکمی التنده در . چوق کره لر کوریمشدر که اهمیتسز بر منازعه یتیه دن صوکره افتراق واقع اوله رق بیچاره ارکک بوتون مالی اولان صیرتنده کی اشیاسی والنده کی اوزون عصاسیله قاپیدن دیشاری آتیلیمشدر . مع مافیه اکثر بوکی منازعه لره سبب اولانلر ارککلر در : پک صیق بر ترصد آلتنده بولندقلری حالده - بلکه ده بوشدت ممنوعیت سببیه - اُنک پیشنده قوشمغه چوق مراقلیدر لر . بو حاللری معلوم اولدینی ایچندر که ، غات قادینلری زوجهلرینی زنجیه لر یله تحت ترصده بولندیرر لر ، ویاتسی نمازندن صوکره خارجه ده قالان وکیج وقت خانه یه عودت ایدنلری قاپی آچایه رق و سوقاق اورتاسنده براقه رق جزالندیرر لر . غات احرارندن بعضارینک بویله کچ قالمق یوزندن قاپی اوکنده صباحلادقلری روایت اولنیوردی . بوکی کچ قالمالر تعدد ایدنجه ارتق مناسبات یتیه ده عدم انتظام ونهایت افتراقه قدر دوام ایدن مجادله لر باش کوستر . قادینلرک بوشدتنه مقابل ارککلر براز ده سربستلکلرینی توسیع ایده بیلیمک ایچین یاتسی نمازینی پک کچ قیلیمق صورتیه بر چاره بوله بیلیمشدر .

بلده نک کبار نسوانی ، احرار زوجهلری علی العاده احوالده خانه لرندن چیقمازلر ، آنجق دوکون ، بایرام وفانتازییه کی فوق العاده احوالده وخصوصاً محرم بایرامی اولان « سبه ی با Sbeyha » فانتازیهلرنده جماعتله داملره چیقارق تماشا ایدر لر . برده ولادت نبوی کییجه سی بوتون رجال جوامعه ده مولود قرائت

ایتدکلرندن نسوان بویوک جمعیتلر تشکیل ایدهرک بلدهنک بوتون جوامعنی زیارت ایدرلر .

* * *

فانتازیهلر، علی العموم عتاره وعتریهلردن عبارت اولمق اوزره ارکک وقادین بر جمعیت مختلفه طرفندن اجرا اولنان رقصلردر . احرارک بالفعل فانتازییه دخولی ورقص ایتسی صووک درجه معیادتندر . ارکک وقادین صنفنک مختلف رقصلری عمومیتله قدیم بربری رقصلری اولدیغنه شبهه یوقدر . زیرا اشکال و اوضاع اعتباریله جنوباً سودان و شمالاً غربانک و خصوصاً فزانلیلر رقصلرینه هیچ مشابهتی یوقدر . فزان رقصلری اوضاع اعتباریله نه قدر شهوانی ایسه غات ارکک رقصلرنده اوضاع و حرکات حرییهلری، سلاح استعماللری، چویک و سریع خطوه لرله منتظم و مطرد یورویشلری و قادین رقصلرنده ایسه متحرک مرکز لر اطرافنده غایت ظریف دونوشلری ، فزان رقصلرینک تماماً ضدیینه اوله رق، وجودک قسم علویسیله صووک درجه ماهرانه هلزونلر ترسیم ایدیشلری و قوللرک سربست صالیتیلری ایله وجودک ایکی طرفه حرکتی جداً لطیف اوضاع رقصیه دندر . عمومی فانتازیهلر باشلیجه دوگونلرده، اعیاد دینی و حکومتک ایام رسمیه سننده وبوندن باشقه اوله رق غات و جانت اهاالیسیله عموم توارقجه پک اهمیتلی اعیاددن معدود اولان «سبهی با» بایرامنده اجرا اولنور . بوتون افریقایی شمالی اهاالیسنده خلافت امویه عاداتی بقیه سی اولان عشره محرم شملکلیرینه تور اقلرجه سبهی با اطلاق اولنور . بوفانتازییه محرمک اوتتجی

کیجه سی بویوک بر جمعیتله و اوکده داوول و زورنا اولق اوزره
 بلده نك اطرافنده کی مقبری زیارت واروا حی تطیب ایله باشلار
 و کیجه لی کوندوزلی اوچ کون دوام ایدر . غاتیلر سبه ی با
 کیجه سنه سنه مستقبله ده کی گذارش عمر لرینک تعین و تقدیر ایدیلدی کی
 بر کیجه نظریله باقارلر . او کیجه قادین وارکک خرما یاپراقلر ندن
 عجیب الشکل اکیللر اعمال و اونکله تزیین ایدرلر . فرك ضعيف
 ضیاسی التده هیچ اشیقسنز حرکت ایدن بوهیئت عظیمه مظلومه
 وحشیانه نعره لر آتهرق ، اللرنده کی اوزون نار دالاریله
 یکدیگر لرینی قوالیه رق و دری قالقانلرله کندیلرینی مدافعه ایدرک
 بررقص عجیب ایله نطع مسافه ایدرلر . مولوی درویشی کی
 ایکی قوللرینی افقا آچش ، باشنی بر قوی اوزرینه یاتیرمش ،
 کوملکنی صاووره رق آیقیری خطوه لر و متقطع صچرا ایشلرله
 اوزون و ایصسز بر صحرا ده آتوب کیدن یوزلرجه آدم فرض
 ایدیکز ؛ بوهیئت مسحوره نك بر دبره توفف و عجیب حلقه لر
 تشکیل ایدرک رقص ایتدکلرینی ، یکدیگرینی دوکهرک کندیلرینی
 مدافعه ایله یهرک ، وحشیانه نعره لر آتهرق خنوتانه دورلر
 اجرا ایتدکلرینی تخیل ایدیکز و صوکره بوتون بوهیئته یک
 آهنگ و مطرد بر موسیقی ده علاوه ایدیکز ؛ ایشته سبه ی بانک
 ایلك کیجه قانتازیه سنک مقدمه سنی کورمش اولورسکز .

بلده نك خارجی ایله مقابر معلومه سی بویله جه طواف اواتهرق
 ارواح مجنون ایدلکدن صوکره شیلی میداته عودت ایدرک
 اوراده موخش بر آهنگ ، عجیب بر موسیقی ایله تابصاج بررقص
 پریشان اجرا اولنور .



غانده برعتریه فانتازیا قیافتندہ



سبهى بانك ايكنجى واوچنجى كونلرى اجرا اولنان رقصلى
ايسه برنجى كيجه نك زيارت قبور رقصنه هيچ مقيس اوله من .
بوتلر غايت منتظم تلبس ايتش برهيت رقصيه طرفندن جداً
كوريله جك برانتظام ولطاقتله اجرا اولنور كه بوتون فانتازيه لر
حقنده بر فكر مخصوص حاصل اوله بيلمك ايچين بورقصلى
تعريظه چاليشه جغم :

ارككلى اك قديم توارق لباسى وقيافتنده وچاقمانلى ،
قاپسوللى اسلحه ناريه قديمه ايله مسلح اوله رق فانتازيه داخل
اولورلر . غايت بويوك تونس فسلى ، اوچ اوقهلق ماوى
پوسكوللر ، چهره يي تاميله ستر ايده جك قويولا جورديارلاق نقابلرله
تزين ايدرلر ، رنگارنگ متعدد كوملكر اوزرينه اوقه لرله نسخه لرى
حاوى قوردونلر تعليق ايده رك قيرمى پوسكوللى حائللرله
وجودلرينك نسم علياسنى صقيجه صاره لر وكنيش سودان
شالوارلرني صارى سـختياندن عرب « بلغه » (برنوع ينى)
لرينك اوزرينه دوكره ك جداً كوزل وچالب نظر برقيافتمده
رقص ايدرلر .

قادينلر ايسه هر وقتكى لباسلرينك اوزرينه تميز ويكى آبرو قىلر
علاوه ، قولاقلرينه اون ، اون بش ساتمتره قطرنده كنيش
كوموش حلقه لر ، صاچلرينك او ك طرفنه برديزى پارلاق كوموش
مسكوكات ، بويونلرينه كوموش نسخه لر ودايره وى الشكل
مزينات عجيبه تعليق ايده رك وياغلى وياه بويالى صاچلرينك
اوجنه كوچك كوموش مسكوكات طاقه رق قويو سياه جلدلرى
اوزرينه سورولش آل رنگرله يوزلرينى تزين ايدرلر .

قادیئلرده اکثریاده جالب دنت اولان مزیئاتدن بری ده ماری ترز
 تالهلرندن معمول یوزکلردر که بونظرده برایکی یوزوکی حامل
 اولان آلت پارماقلری ارتق عدم حرکتی محکوم قالیر .
 فانتازییه اجرا اولنان محاکک اورتاسنده زورنا و اوچ، دورت
 کوچک ترانپته دن عبارت یرلی موسیقیقه طاقنی دیزیلر . بالکز
 زورنا آرککلر طرفندن و ترانپته لر ایسه بتخصیص عتیه جماعتک
 شیخه لری اولان نسوان طرفندن چالیر ، اطرافدن طویلانان
 عطیه لر و هدیه لرده منحصرأ بونلر پیننده تقسیم اولنور . موسیقیقه
 طاقنی رقص و مغنیه لری جمع ایچین اجرای آهنگه و برصف
 اوزرینه دیزیلرک تخمیناً اون بش خطولهک بردآره ایچنده
 ایلری و کیری بر حرکت مطرده اجرا سنه ابتدار ایدر . عتیه لر
 موسیقیقه ناک صداسنه قوشارلر و دائرة رقصک محیطنده برهلال
 تشکیل ایدرک تغنییه و برطرفندن ده ال چارپهرق رقصه اشتراک
 ایدرلر . ارککلر محل رقصه واصل اولونجه دائره یه داخل اولوق
 ایچین مطلق بر رفیق تدارکنه محتاجدرلر ؛ بوصورتله چیفت
 چیفت ، اوموز اوموزه ویره رک و سربست قالان دیگر اللریله
 سلاحلرینی باشلری اوستندد اویناتهرق و مطرداً صیچرایهرق
 دائره یی ایکی دفعه دور ایدر و موسیقیقه طاقنک آرقاسنه کچوب
 صف تشکیل ایدرلر . بوتون بوصفلر ایلری ، کری حرکتله
 سلاحلریله بیکرله جه اوضاع حربیه یی تقلید ایدرلر ؛ بعضاده
 مقابل و مخاصم صفلر تشکیل ایدرک موسیقیقه طاقنی اورتایه
 آلیرلر و ارتق رقص بویله جه ساعتلرجه دوام ایدر . بوتون
 بواثناده دائرة رقص اوزرنده کی صف نسوان ال چارپهرق ،

تغنى ايدەرك وايكى طرفه خفيف برصالنتى ايله ساللانەرق حرڪات
رقصيه يە تبعيت ايدرلر . بوقادين صفنك صالنتيسنه اوزاقدن
باقيلديغى زمان جملة سنك مديد ومنتظم برموجه ايله متحرك
اولدقلىرى ظن اولنور .

بربر رقص قديمك برقوبيه سى اولان بو اويونلردن باشقه
غانده تواتليلرك برقوماندا ايله سلاح بوشالتملىرى فانتازيه لريده
اجرا اولنور . قادينلرك « تمهلوقى » تعبير ايتدكلىرى رقصلى ايسه
ارككلرك كنه نظراً دها صنعتكارانه ودها نظرربادر :

برمرکز مشترك ومتحرك اطرافنده دونمكدە اولان ايكي
رقاصه فرض ايدىكنز . هم برمرکز اطرافنده وهم يكدىكرى
اطرافنده عين زمانده دور اجرا ايتملىرى ، عين دقيقه ده آياق
اوره رق دونشلىرى ، وجودك اوست نسيله و غايت لاقيدانه
ساللانان قوللرك حرڪات رقصيه سيله هواده هلزونلر ترسيم
ايديشلىرى جداً جالب نظردر . انجق قادينلرك تمهلوقى قىلىرى
آلات موسقيه ايله اجرا اولماز . ينه قادينلردن عبارت بردائره
اورتاسنده كى رقصه لردىكلر لرينك تغنياتى ، تيزوچالاك الشافيردىلرى
آراسنده پروانه كى دونرلر . بورقاصنه لرك بعض اوضاع
پريشانلىرى لادانس سهرپانتينك بسض اشكالنه بك مشاهددر .
تمهلوقى اجرا ايدن رقصه لر وجودك ، خصوصاً قسم علوي سنك
جداً لطيف اولان اوضاعنى تماميله كوسترملك اوزره بللرينه
صينى برقوشاق صاره رق كوملكدن ماعدا آبروق كى كنش
اورتولرى آرقايه آتارلر . وبوصورتله وجوده صيتيجه التصاق
ايدن كوملكك آلتدن دونشلرده كى اوضاع وجود تماميله

مشاهده اولنور . نمللوقی منحصرأ قادینلر طرفندن وقادینلر
آراسنده اجرا اولنور . بویوک قانتازیهلرده ایسه قادینلر یالکز
تغنی ایدهرک ارککلره رفاقت ایدرلر .

بویوک قانتازیهلردن ماعدا ایام عادیهده ، خصوصاً مهتابلی
کیجهلرده رقصلی جمعیتلر اجرا اولنور . اوزمان عتاره جمعیتک
کباری اویونه منفرداً داخل اولهرق هرکسک خصوصی هواسی
چالیر . بویوک قانتازیهلرده عتیه شیخهلری مملکتک احرارینه ،
توارق کبارینه ، مأمورین حکومت ، تجاره والحاصل هرکسه
کیدهرک برار تغنی واجرای طریقه عطیه آلیرلر . دهافضلهجه
عطیه آلهیلمک ایچین اکثریا بویوک شیلردن ذوق آلان مملکتک
احراری وتوارق کباری ایچین آیری آیری هوالر ترتیب ایدرلر .
بعض کره ایسه بوتوارق بالذات شیخیه مراجعتله کندی باشنده
ساعتلرجه ترانپته سنی چالیدردقدن صوکره جیننده نه قدرپاره سی
وارسه چیقاریر ویررلر . غایت صیجاق برکون توارق احرارندن
عظمتفر وشللی پک سوده برکنجی باب تفاغتك ایچ طرفنده
دیوارک دینه چومهلمش اولهرق باشنک اوزرنده اوچ ترانپته ایله
بر زورنادن عبارت عتاره موسیقه سنک جهنمی برشاتت ایله
اوندیکی کوردیکم زمان فضله پاره قویارمق ایچین بیچاره بدوی
پرئسنی سرسم ایتمکده اولدقلرینه ذاهب اولهرق مانع اولمق
ایسته مشدم ؛ حالبوکه اوراده بوانانلر تارقینک بالذات دعوتی اوزرینه
باشی اوزرنده کندی هواسی چالقمده اولدیغنی تأمین ایدهرک
بی مداخله دن منع ایتدیلر . بویکی نوع رقصدن ماعدا اونایکی



غامده كنج قيزلر ك رقصى



فانتازيه ده چاي صنديقلى ريله تون ايتمش برعتريه

باشندن دون اولان کنج قیزلرک بر رقص مخصوصی ده واریسه ده
بک نادرأ اجرا اولمقده در .

* *

سنه ده مطرداً ومنتظماً ورود ایدن تجار قافله لری ، شال
و جنوبدن کلن مختلف عرق ونسلدن یبانهچیلری ، یریلری ،
توارقی ، حیات و معاشرت عجیه سی ، رقصاری وفانتازیله لریله
غات بلده سی زائری اوزرنده قولایجه زائل اولماز بر تاثیر اجرا ایدر .
بوکون بورنو تجارتک انقراضندن متولد موت ایله پنجه پنجه
اوغراشه اوغراشه زبون دوشمکده اولان مرزقک یانی
باشنده غات بلده سی منتظم موارداتیله صحرانک اورتاسنده بر حیات
کوسترمکده ، زنده وقوی ، زمانک هجوملرینه مقاومت ایتمکده در .
فقط قانو تجارتکاهی جنوبدن کینه کورفزینه انکلین
شومندو فریله ربط اولندیی و برجهتندن ده صحرای کبیر تجارتی
فرانسزلرک صرف ایتدیکی غیرتلدن دولای تونسه دوندیکی
وباشقه برحرا آلدینی زمان صحرانک وسطنده بوزواللی غات
نه اوله جق ؟ اوده مرزق کبی بلکده دهاسریع برانقراض ایله
سنه لرک بریکدیره جکی ردای غبار آلود نسیان آلتنده قاله رق
اونوتیله جق .





نوارى

شال ساحلندن و سطنه و چاد كولى و نيژريا حوضه لرينه متوجهاً
آفريقاي يوقايدن آشاغى به دوغرى قطع ايدن تجار قافله لرندن
صسوريكز ؛ بوايىسز بوكيمسه سز صحارى وسيعه ده اونلره
الكزياده هييجان بخش اولان نه در ؟

ساكن و مطرد خطوه لرله كوچك طاشقلرك ستر ايتديكى كنش
صحرا لرى ، واسع حماده لرى كچن ، بوتكناي مديد و عظيمك
بخش ايتديكى سكون و اعتماد ايچنده دوه نك مطرد صار صينتي لرينه
تبعيت ايتمش اولان مستغرق تفكرات بر تاجر ، انجق افقده اينجه
اوزون خيال متحر كيله بلير مكه باشلايان هجنسوادلرى كوردىكى
آنده دوچار هييجان اولور . اوت ، هجنسوادلر و ير ليلرك تعريفي
وجهله مهر يلر ، بونلر كيملر ؟ دوستلرمى ؟ دشمنلرمى ؟ ايште بوتون
طالع كسب و كارىنى صحرا لك بر تصادفته ربط ايدرك كيدن
بويوك برقافله تجار تك او آنده بوتون موجوديتنى لرزه دارايدن
اليم سؤاللى !

افقده كوريلن خياللىر يانلاشير ، اينجه اوزون باجاقلرك
اوستنده ، نسبة ضعيف بروجود ايله اوزون بويى و كوچك
قفاسى ، ساكن و پارلاق نظرى ايله هيئت عموميه سى جاذبه لى

وبوتون وحشتي ايله برابر کوزل اولان مهربلر (هجنلر)
 اوزرنده لاجورد رنگلي کومکله صايرلش ، يوزنده کي قويو
 لاجورد نقابي چکه سنه قدر اينديرمش دائماً النده اوينادي
 اينجه وقيصه دميردن معمول مزرائغی هوا ده غير معين وکيفي
 اشکال ترسيم ايده جک وجهله صاللايه رق دوه سنک بويته
 اياقاريله دايانمش وحشي قياقتلر ، فور تونج و بزم ايچين وهله
 اولي ده پک موخش اشکال نايان اولمغه باشلار . ايسته توارق !
 بوتون قافله کنيش بر نفس آير . اوت ، هرتورلو فناقلريله
 برابر صحرا اقوامي ايچنده مدافعه سي قولاي و يارضا لري ممکن
 اولان توارق ؛ يعني آچلق ، يوقسوزلق کي صحرا حياتنک
 ايکي اليم شرط معيشتي التنده زبون ، عصر لر دن بري قوم شوسندن
 غصب ونهب ايده رک ادامه حيا ته آليشمش برسوري صحرا
 حيدودلري ! بو قافله دن ده يارضا لريله و يا خود جبراً قارينلريني
 دويوره جق ، بر مقدار ما کولات و ملبوسات قوپارد قدن صو کره
 ينه يوللرنده دوام ايده جکلر ؛ بلکه ده هجوم و تعدی يه ده
 جرات ايده جکلر .

بونکله برابر ينه توارق صحرا اقوامي ايچنده خونريز لکده
 پک مترقي اولان تيولره نظراً ده اهورن عد اولمغه لاي قدرلر .
 توارق حقنده اوروپا ليلرک وعصر اخير سياحرينک حاصل
 ايتديرمش اولدقلري بعض ياکلش فکر لرا ترق تصحيح اولمليدر .
 بونلرله ايکي سنه متمادياً تاسده بولنه رق بلده ده ، سفرده ،
 اردو کا همده ، مرعالرنده ، چادرلرنده والحاصل بوتون صفحات
 حياتيه لرنده اونلري تدقيقه ، ممکن اولديغي قدر روحلرينه نفوذ

ایتمکه موفق اولدیغ جهته بوخصوصده بر فکر اجمالی حاصل
ایتدیره جك قدر مختصر بر قروکی چیزمکه چالیشه جغم :

* *

بحر سفیدك جنوب ساحلرندن آطلس سلسله سنه قدر
اولان معموره لرده اجرای حکم ایدن فنیکه لیلر و بالاخره بونلری
تعقیب ایدن رومالیلر زماننده بوسلسله جبالك جنوب اتکلرنده
ساکن و «ژه تول» نامیله معروف کوچیه، وحشی، یاغما کر
وجدالجو برنسل صحراوی موجود و معلوم ایدی که بونلر دائماً
ساحل معموره لرنده کی اقوام مدنیه دوچار ضعف اولدجه
شاله دوغری آقین ایدهرک تخریباته باشلارلر و بواقوام اعاده
شوکت ایدنجه قوت اوکنده رجته مجبور اوله رق جنوبده کی
صحرا لرده یشارلردی . بوژه توللردن قرون وسطی ده زناته
وصنهاجه ناملریله معروف اولان قبائل جسیمة بربریة و شیمدی
موجود بولنان مختلف توارق قبائلی نشئت ایتشلردر .

تقابلی صنهاجه لردن بحث ایدرکن ابن خلدون بوندرک
اسلامیتدن اولکی ازمئه قدیمه ده قومی صحرا لرك جهت جنوبیه -
سنده کی صحرا منطقه لرنده ساکن اولدقلرینی و جبال التل و اراضی
منبتهدن بویله جه اوزاق قالدقلرندن دولای محصولات ارضیه یه
بدل دوه لرینك سوتی و آتی ایله تغدی ایتدکلرینی سویلور .
ممالك متمدنه یه تقریدن اجتناب ایدهرک حال انفرادده یشارلردی
و جسور اولدقلری قدرده خشین اوله رق اجنبی حا کمیته هیچ
بر زمان سرفرو ایتمه مشلردر دیور . مورخ شهیرك بوتون
بو تعریفی بو کونکی توارقك حالیه تماماً مطابق و احوال روحیه لریله



ييلان اوينادان برزنجي (دونقاراما)

متوافقدر . ینه ابن خلدون بوژه توللر احفادینسك یدنجی عصر میلادیده کی احوالنی توصیف صددنده : « منراغی النده دوه سنه را کباً دائماً صحرای کشت و کذار ایدهرک حیواناتی تکثیر و ابنا سبیلی نهب و غارتله مشغول اولورلردی » صورتنده کی تصویر یو کونکی توارقی تماماً نظرده تجسم ابتدیرر .

توارق کلهسی تارق کله مفرده سنك جمیدر که دوقوزنجی عصر هجریده بحر محیط ساحلرندن غدامسه قدر صحرا ده یاشایان قبائل بربریهدن « تارغا » قبیله سنه نسبتله عربلر طرفندن عموم توارق قبائل موجوده سنه علم ایدلشدر . توارق کندیلرینی « ایموهاغ Imohag » ولسانلرینی « تاماهاغ Tamahag » تسمیه ایدرلر که بو کلهلرک اسکی بربری اسامیسندن اولوب مصر قدیم مضبوطات تاریخیه سنده کی « تاماهو Tamahou » کله سیله مشابیهت تامهسی واردر .

عموم توارقک صحرای کبیره یکوچود برحالد و بویوک بر حکومت حالنده یاشامش اولدقلری تاریخچه مضبوطدر . دوقوزنجی عصر هجرییه قدر صحرای کبیره یاشایان قبائل « که ده لا Guedela » ، « لمتونا Lemtounal » ، « مسوفا Messoufa » ، « لامتا Lamta » و تارغا قبیله لری اولوب بونلردن لمتونا برچوق زمانلر دیکرلری اوزرنده اجرای حکومت ایدهرک نیژریا نهرینه قدر بوتون صحرا قسمنه حکمران اولمشلردر .

ابن خلدون بونلردن بحث ایدهرک دیور که : « از جمله هجرتك ۲۲۲ نجی سنه سی وفات ایدن حکمدار « تلوتان » اعلاجنس هجن دوه لرینه را کب یوزبیک هجنسواری مستصحباً اجرای

سفر ایدردی . التنجی عصر هجری ده الك مشهور - كمندارلری
اولان « تنزما Tenezma » بوتون صحرا ده اجرای حکومت
ایدیوردی . کندیسندن صوکره قومك وحدتی مختل اوله رق
هرقیله آیری بر رئیسه تابع اولدی .

ابن خلدونك قید و اشارت ایتدیكى ملتونا بوكونكى جنوب
توارقندن اولان «اوله میدن» لرك اجدادی اولسی بك محتملدر .
حالا اوله میدنلر توارق میانده الك اصیل برقیله اولق اوزره
طانیلمقده درلر . هوغار و آزرغر توارق قبائلنك ساكن
اولدقلری صحرا قسمنك نقطه متوسطه سنده وبویوك آمادغور
مملحه سی جوارنده موجودیتی خبر ویریلن بربلده قديمه خرابه سی
قدیم توارق ها كمیتی زمانده مركز تجارت و حا كمیت اولدیجی
ظن اولنمقده در . ده ها جنوبده تومبوق تو بلده سی ده صنهاجه لر
طرفندن تأسیس اولنمشدی .

* * *

قسماً جزائر جنوبنده وقسماً فزانك صحرا قسملرنده
ونیدریا حوضه سنك قسم شالیسنده کی صحاری وسیعه ده داغیلش
اولان شیمدیكى توارق قبائلی جغرافیا علماسی طرفندن شمال
وجنوب توارقی نامیه باشلیجه ایکی قسمة تقسیم اولنورلر . شمال
توارقی جنوبیلره وخصوصاً کهلوی توارقنه نظراً ده انجیب
ومعتبر عدایدلکده درلر ، جنوبیلر عرق اسودله چو قه اختلاطدن
دولایی بك قاریشقدولر .

شمال توارقندن « آزرغر Azgher » لرك نفوس عمومیسی
انجیق بش بیک و « هوغار Hoggar » لرك نفوسى ایسه بوتون

توابعیله برابر آزرگك ایکی اوچ مثلی درجه‌سینده تخمین
ایدلمکده در . بوقلت نفوسله توطن ایتدکلی واسع صحرا
منطقه‌لری مقایسه ایدیله جگ اولورسه نه درجه داغنیق بر صورتده
یاشادق‌لری حقنده بر فکر مخصوص حاصل اولور. هوغار قبیله‌سی
صوك زمانلرده فرانسرلر طرفندن تحت تابعیته آلمش بولنیور.
توارقدن زیر اداره عثمانیه‌یه کچمش اولان آزرغ قبیله
جسیمه‌سی « وراغن Vraghen » ، « آمنه Emenen »
و « من غساتن Menghassaten » نام‌لریله اوچ بویوک قسه
انقسام ایدر .

توارق ایکی صنف اجتماعی به منقسمدرلر : برنجی « آهاغغار
Ahaggar » احراردن و نجیب واصل خانداندن اولانلره ،
ایکنجی « ایمغات Ingad » عوام ناسه ونوعما اسراصنفه
اطلاق اولنور . ایمغات ویاخود مغاطه‌لره توارق بیتنده
« که‌ل‌اوللی » اسمی‌ده ویرلمکده در که تاماهاغ لساننده کچی
چوبانی معناسنی افاده ایدر. بوصنفلرک خارچنده هوغار قبیله‌سینه
منسوب « ایساق قامارن » قبیله‌لری وارد در که بونلر نیم آهاغغار
یعنی احرار ایله ایمغات آراسنده ومتوسط بر طبقه‌ده عدواعتبار
ایدلمکده درلر . ایمغات قبیله‌لری ازمنه قدیمه‌ده احرار قبیله‌لرک
تحت حکمنده یاشار برنوع اسراصنفی ودها دوغریسی احرارک
جیشی مقامنده ایدیلر. بناء علیه مغاطه قبائلی انقسام داخلیده
احرار قبائلنه تابع اولوب مشیخت وریاست احرارک حین
توارشده مغاطه‌ده حیوانات واموال سائره کی ارنایکی رئیس
انتقال ایدر. کرک احرار وکرکسه مغاطه قبیله‌لرینک رئیس‌لرینه

«آمگار Amgar» (شیخ، اختیار) تسمیه اولنوب عمومه ریاست ایدن و سردار قوم مقامنده اولانلرده «آمونوقال Amonocal» (حکمدار) عنواتی ویررلر .

توارقده حسب و نسب و توارث کیفیتلری پدران اولیوب والدهنددر . بونلر والده مولود آراسنده کی مناسبت طبعیهده والده بی نظر اعتباره آلمشردر ؛ و بونی افاده ایچین آچیقجه : «چو جفك والده سی هیچ بر زمان مجهول اوله ماز پدری ایسه اوله دن» دیورلر . بناء علیه عندالتوارق احرار دن معدود اوله بیلمك ایچین مطلق صورتهده والده نك احرار قبیله لرندن اولسی لازمدر . قبائله ریاست و مشیخته تولی کیفیتلری ده والدهنددر . بناء علیه بر شیخك وقوع وقاتنده اوغلی ایله قیزی بیننده «طبل» نامی ویریلن مشیخت مقامی قیزی نه قالیر . بوقادین بالذات طبلك وارثه سی اولق اوزره اعتبار اولمقله برابر ریاست امورینی برادری ویا اوغلی کی عائله نك رجالندن برینه تودیع ایدر .

بربریلرك تاریخنده قادینلرك دوغریدن دوغری یه اجرای حکومت ایتدینکرینه تصادف اولتور . بوجهل دن اولق اوزره آفریقای شمالیده واستیلای اسلام دورینك اوائلنده ظهور ایدن مشهور «کاهنه» وقعه سنی مثال اوله رق ذکر ایده بیلرلر :
خلفای امویه دن عبدالملك زماننده «ایفریقه» [*] والیسی

[*] آفریقای شمالینك عربلر طرفندن استیلانی متعاقب شمیدیکی تونس ممالکی ایله جزائرك اقسام غربیه سنه ایفریقه نامی ویرلشدی، طرابلس غرب ولایتی ده بوافریقه دن عد اولنوردی .

اولان «زهیر» اطلس سلسله‌سندن قوپوب کلن بربر قبائلنک
سیل عصیاننه قارشى مغلوب اولش وایفریقیه‌ده برفتت عمومیه
ظهور ایتشدی . قبائل بربریه‌دن «زنهت» قبیله‌سندن بر قسم
اولان «جراوا» لرك قرالیچه‌سی «دیها» ویاخود «دامیا»
اسمنده‌کی قادین بو حرکت عمومیه‌ی اداره ایتشدی . بو قرالیچه
وقایی قبل‌الوقوع کشف ایتمکه شهرت‌شعار اولدیغندن عربلر
کندیسه کاهنه اسمنی ویرمشلردی . کاهنه‌نک مخا کمیتی اپی مدت
دوام ایتش وزهیرک خلفی اولان «حسن بن نعمان» ده غلبه
ایده‌رك عربلرک حرکاتی اشکال ایتک اوزره بوتون ایفریقیه
داخلنده‌کی معموره‌لری وواسع اورمانلری تخریب ایتدیره‌رك
مملکتی صحرایه قلب ایتدیرمشدی . کاهنه، حسن بن نعمان ایله
اولان ایکنجی مصادمه‌ده مقتول دوشمشدر .

تاریخک بوقیل مضبوطاتی من‌القدیم نسوان بربریه‌نک
رجالہ نظراً ده‌ا فائق بر موقع اجتماعیه مالک اولدقلرینه
دلالت ایدر .

آزغرلر مملکتنده بولندیغ مدت طرفنده عموم آزغرك
رئیسى مقامنده «انقددزن Inkeddezen» بولمقده ایدی ؛
حالبوکه طبل انقددزنک تیزه‌سی طرفندن توارث ایدلش اولدیغی
حاله بو قادینک اوغلی شیخ «ماتوکو Matoukou» کوچک
اولدیغندن همشیره‌سنگ اوغلی توکیل ایتشدی .

آزغرك عموم رئیسى مقامنده اعتبار اولنان بوشیخ، حقیقتده
آزغرك اک مهم برجزئی اولان وراغن قبیله‌سینه ریاست ایتمکه
اولوب قبائل سائرہ شیخلری اولان شیخ «أمود Emoud»

ایله « اوفنایت Oufinayt » بورئیسک هیج برامرینه اطاعت
ایتمورلر وحتی آچیقجه مخالفت ایدیورلردی .
آزغرلر احرار ومقاطه اولق اوزره بروجه آتیدر:
غاتدن اعتباراً شمال غربییه دوغری تاسیلی جبال
ووادیلرنده ساکن اولان وراغن قبیله سی احرار ومقاطه اولق
اوزره اون آلتی قبائل صغیره یه منقسمدر :

Kiel Erriquen	(*) کهل ادریکهن	احرار قبائلی
Kiel Izaben	کهل ایزابهن	
Kiel Imehrou	کهل ایمه هرو	
Kiel Indenden	کهل این دندن	
Mekargassan	مقارغاسان	مقاطه قبائلی
Ifilalen	ایفی لالان	
Kiel Toubren	کهل توبرهن	
Kiel Ouhet	کهل او هت	
Kiel Intunein	کهل این تونین	
Kiel Erass	کهل اراس	
Ikerkomen	ایقرقومه ن	
Djeradjriven	جراجریوه ن	
Eziquequaten	ازیکه کاتن	
Fogassen Igdad	فوغاسن ایغداد	
Ivarvaren	ایواروارن	
Ifarakkanen	ایفاراق کاتن	

(*) تاماهاغ لساننده «کهل» صاحب، متوطن، مقیم معناسنده در.
بوکله یی تعقیب ایدن کلمات اکثریا بروادی ویاجبال ویا صرعا اسملریدر.
مثلا کهل ادریکهن قبیله سی غات جنوبنده واقع ادریکهن وادیسنده
ساکن اولان قبیله یه علم اولشدور.

آزغرك الكبويوك برقولى اولان وراغنرك اصللرى جنوبى توارقدن اولوب اولوميده زلردن آريلهوق غات جوارينه هجرت ايتمشلر و او جوارك اوزمانلر حاكم يكانهسى اولان امنه و من غساتن قبيله لريله برخىلى محارب اتدن صوكره احراز غلبه و تأمين تفوقه موفق اولمشلردر . بوغالييتك كنديلريته بخش ايتديكى فكر تاملطن و تجاوزدن دولايى آزغرك الك فنالردن واك متجاوزلر نندرلر . عين سيبه امنه و من غساتن قبيله لرى ده وراغنه قارشى بارد بروضعده بولنهرق كتم خصوصيته مقتدر اوله ميورلر .

آزغرك وراغندن صوكره الك زياده كثر تلى اولان و تاسيلى جبالنك جنوب ورساننده و آدمار اووه سنده ساكن اولان امنه نيله سنى اوراده بولنديغم وقت شيخ اُمودك رياستى آلتنده بولنيوردي . بوتون طرابلس غرب باديه لرنده و حتى نيم بلدى اعتبار ايديلان قبائلده بيله نزاکت و آداب معاشرت جهتيه بر مثله دهها تصادف ايدمه ديكم بوذات اورالرجه يالكز بر تارقى دنل شرفادن عد ايدلمكده در .

امنلر احراز و مغاطه اولهرق شويله جه تقسيم اولنيورلر:

Ihadanaren	ايهادانارن	} احراز قبائلى
Fogass Tobl	فوغاس طبل	
Kiel Eherer	كل اهرر	
Ibat Tanaden	ايبات تانادن	} مغاطه قبائلى
Ibat Aman	ايبات آمان	
Kiel Touven	كل تووهن	
Idjeressouten	ايجره سوتن	

أمنه قبیله سی آزریدن معدود اولدقلری ومن القدیـم
غات حکومتنه تابع اولدقلری حالده نفوسجه قلمتدن دولایی
وراغنگ تعدیاتندن قورتیلمق ایچون اوللری هوغاره استناده
واورادن استعانهیه مجبور اولمشلردی .

غانك شالندن فزانه وشرقه دوغری بوتون وادیلره
یایلمش اولان من غسان قبیله سی الك قدیم احرار توارقـدن
اولوب کندیلرینه تابع اسکی مغاطهلری تمامیه منقرض اولمشدر .
غانده بولندیغ هنكامده من غسان قبیله سی شیخی اوفنایت ایدی .
هجتنگ اوزرنده پك كنچ کورینن بویتمشك اختیار حقیقه
خوش صحبت واورالرده امثاله نادر تصادف اولنور مجلس آرا
بر آدمدی . اورالرجه آته بینیجیلک ایله ده شهرتی واردی .

* * *

توارق ارکک وقادین غاتیلرکی تلبس ایدرلر . اسکی توارقک
اوزون تونس فسـلری ، متعدد صاریق و یوز صارغیلری ،
مکلف و مزین بونوسلری ارتق نوادردندر ؛ انحق بوفنایت
وأتیسی کی یتمشك ، سکسانلک مشایخ قدیمه نك ایام مخصوصده
بو قیاقلری تلبس ایتدکلری کوریلور . شیمدی ایسه اساسی
اعتباریه صورت تلبس بر اولق اوزره دهـا ساده اشکال
کوریمکده در . توارقده اساس ملبوسات بیاض پاتیسقه دن
دون وکوملکدن عبارت اولوب بر از دهـا زنکینجه اولانلری
بونک اوزرینه سودان معمولاتندن اولان قویو لاجورد
رنکلی کوملکی تلبس ایدر ؛ مشایخ وکبار احرارده دهـا اوسته
الوان مختلفه ده تونسکاری بونوسلر تلبس ایدرلر . احادناس



آزغر مشایخی ایله اجتماع



وراغن شیخی انقادده زن

ومخاطبه علی الاکثر عرب احراملرینه حتی قیش موسمنده
قوافل تجاریه ایله شالدن کتیریلن حاضر قیرمزی یورغانلره
بیله صاریلدقلری کوریلور .

توارق البسه سی میاننده اک زیاده غریب و جالب دقت
اولانی رجالک باش کسوه سی و یوز نقابلریدر. تأهل ایتمه مش
اولان کنجدر باشلرینه هیچ بر شی اکتسا ایتیه رک و یالکز
یوزلرینه نقاب قویهرق تپهلری آچیق کز مکده و رأسک تام
وسطندن بر خط تشکیل ایتک اوزره صاحلرینی اوچ ، درت
سانتیم اوزون براقده درلر. متأهل رجال ایسه اوزون تونس
فسلری ، ماوی پوسکلر و فس اوزرینه لایعد دعا نسخهلری
دیگه رک ویوزلرینه یوقاریدن واشاغیدن ایکی قسم اولق اوزره
قویو لاجورد « توکولموست Toukioulmoust » (قویو
رنک نقاب) و اوزرینه بیاض « آشاش Echach » (بیاض
نقاب) صاره رق هیئت عمومیه سی اعتباریله هیچ کورمیه نلر
ایچین جداً قورقونج بر شکل المقده درلر . مع مافیه بو شکل
غریب کیتدکجه ساده لشمکده اولوب عظیم تونس فسلری ارتق
نادراً کورلمکده در . یالکز هوغار رئیس اُتسی ده کورمش
اولدیغم یکر می درت عدد کوموشلی نسخه یی حامل قوجه تونس
فسی ارتق پک نادر اتدن اولمشدر . بیچاره آدم بو جسم فسی
دیک دوردیره بیلک ایچین انه کچن پاچاورلری ایچینه
درلر مشدی .

قدیم لی بیینلرک نقاب استعمال ایتدکلرینه دائر قرون اولی
تاریخلرنده هیچ بر قید و اشاره تصادف اولونمور . انجق

ابن خلدون لثامه (نقاب) استعمال ایدن صنهاجهلردن بحث ایدیورکه بوکونکی توارقده اونلردندر . افریقانک قرون وسطی حکومت اسلامیهسندن اولان « مرابطين » حکومتی تشکیل ایدن بربریلرده نقابلی ایدیلر . اساسی اعتباریله صحرانک بک مؤثر اولان شعاعات شمسیهسنه و قوم ذراتیله مشبوع اولان روزکارلرینه مقابله ایچین قبول و تطبیق ایدلمش اولمسی لازمکن بونقابلرک عربلردن منتقل بر عادت اولدیغنه شبهه یوفندر .

ارکک ملبوسات و مزیناتسندن برده بوسکلی حائلیلر وسختیاندن معمول کمرله ایکی اوموز آتفیسى و قوللره طاقیلان بویونوز پازوبندلر جالب نظر در .

قادینلرک ملبوساتجه ارککلردن فرقلری بک آز اولوب یالکز کوملکلر برده سورینهجک قدر اوزوتدر . باشلرینه ایکی طرفدن صارفق اوزره قویو لاجورد بر آتی ایله هپسک اوزرینهده برعرب احرامی ویاخود بیاض بر آبروق (اورتو) کیرلر . قادین اولسون ارکک اولسون توارفک تلبس ایتدیکی « مدس » سودانده اعمال ایدیلان غایت کنیش و آیشک باش و ایکنجی پارماقلری آراسنه طاقیلان بر ایپله آیاقده سوزوکلنن ولابسنى ایکی طرفه صاللانهرق یورومکه مجبور ایدن برنوع چاریقدر .

قادینلر غاتیلر کبی ساده یاغله ساچلرینی تدهین ایدهرک ایکی طرفدن متعدد اورکولرله اوردکدن صوکره آیری آیری ایکی طرفک اورکولرینی بر آرایه جمع ایدهرک بردوکومله ربط

ايدرلر . توارق نسوانی ده نیله بویاسنه صوك درجه رغبت ايدرلر .

توارقك دميردن اينجه واوزون حربهلرندن ماعدا ، قینی قرمزی مشیندن قبضه سی صلیب شکندده یاصی دمیر قلیج وینه مشین بریله زیکله بیله کلرینه مربوط اوزون قالری آلات خارجه لرینی وشیمدی عددی پك آزماش اولان سودان معمولاتندن بیاض دری قالدانده آلت مدافعهلرینی تشکیل ایدر . صوآیغری (هیپوپوتام) دریسندن معمول اولان وفوق العاده آلستیقی سایه سنده نلیج صربه لرینه مقاومت ایدن بو قالدانلر ارتق زینت مقامنده یالکز هجن اکرلرینك یان طرفنه تعلیق اولتمقده در .

ازمنه اولیه تاریخیه ده کی وحشی لیبی ینلرک حالی تعریف ایدرکن مورخلر هپ بونلری اوزون بر مزراقله مسلح ودریدن قالدانله مجهز ودریلرله ملبس ، نیم عریان برحاله تصویر ایتمکده درلر . بوکون بیله ناسیلی جبالنده یاشایان مغاطه نك بر قسمی یته کچی دریسندن تویلی اوزون لباسلرله تلبس ایتمکده اولدقلرینه نظراً صحرائك اعماقنده منسی قالمش اولان توارقك تعاقب اعصارایله بویوک بر اثر تکامل کوسترمدکلری اکلاشیلیور . حتی بو صنف وحشی مغاطه انجق ودان آویله تعیش ایتمکده وزراعت وفلاحت حقنده الک ابتدائی معلوماتدن بیله محروم بولتمقده درلر .

توارق حالا بو آلات جارحه قولکسیونلرینی اوستلرنده طاشیمقده وکزدیرمکده ایسه لرده اسلحه ناریه نك تر قیسندن

دولای اوزاقدن محاربه اسولنك تفوقی ده تصدیق ایتمش اولدقلرندن
 قاپسوللی چفته لردن صوك زمان سیستمینه قدر هر نوع اسلحه
 ناریه ده مالكدرلر. فقط اكثریسی یونانی اسلحه قاجاقچیلری سایه سنده
 آفریقانك تاوسطنه قدر یاییلمش و کثرتله تعمم ایتمش اولان
 غرا تفنكریله مسلحدرلر. مع مافیه جیخانهك فقدانی بو
 وحشیلر النده کی غرالرك قوتی چوق تحدید ایتكده و اك
 زیاده هر نفرده تصادف ایدیلن ۲۵ الی ۳۰ فشكدن عبارت
 جیخانهك قسم اعظمی ده محلنده ایکنجی دفعه اوله رق
 دولدیرلمش اولمغله سلاحك قیمت بالستیقیه سنی تنقیص ایتكده در.
 توارق اسلحه ناریه استعمالنده بك بجر كسزدرلر. خصوصاً
 دقتسزجه قوللانمقده اولدقلری تفنكرك اوتیه برییه
 چارییلان، قیرییلان نشانكاه لوحه لری و كذا آریاچقلری
 آرتق انداخته غیر صالح برحاله كلكده اولمقله برابر كندیلرینكده
 بو خصوصده کی وقوف سزقلری بونا انضمام ایدنجه یوز متره
 داخلنده بر هدفه مرئی اصابت ایتدیرملری كوچلشیور. دائماً
 یوكسك قوسله انداخت ایتدكلری جهته بونلرله حین
 مصادمه ده ایکی یوز متره یه قدر تقرب اولسجه ضایعات
 آزالیور.

على العموم صحرا اقوامی پیتنده وقوعبولان مصادمه
 و محاربه لرده بك مهم ضایعات وقوعبولماز. اك عظیم مصادماتدن
 معدود اولان هوغار و آزرغر محاربه سی ذات بلده سی پیشكاهنده
 وقوعبولمشدی. غاتیلرك طرفین حقنده کی مبالغه لی عددلرله
 اولان حكایه لرینه نظراً بیک كشییه قریب طرفین مخاصمیندن



من غسان قبیله سی شیخی اوفنایت

انجق ميدان معرکه ده قرق ايکي نثر مقتول قالمش و نهايت
آزغرلر بلده يه التجا ايتشلردر .

هوغارلرک فرانسه حاکميتني قبوله مجبور اولدقلري (تيت
Tit) محاربه سنده ۲۹۹ نفر هوغار ، برفرانسز ملازمک
قومانداسنده وتوات يرليرندن عبارت ۱۳۰ نفره قارشى هجوم
ايتمش وانجق ميدان معرکه ده ۹۳ نفر قالمشدر . ايشته هوغارک
اسارتني انتاج ايدن و ۷ مایس ۱۹۰۲ ده وقوعبولان بو
معرکه عظيمه صحرا اقوامي مياننده خاطره سي ابدی قاله جق
وقايع حربه دن معدوددر .

* * *

توارقک اصل مأوالري — عربانده اولديغي کي —
چادر اوليوب حصيره قورولمش چرکه در . قوملق بر زمينه
صاپلامش واعظمی ۱,۲۰ متره ارتفاعنده دوت بيوک قازيغک
اطرافنه صارلمش اکسز، اوزون بر حصير ديوار تصور ايدیکز؛
اشته بو سقفسز بنای عجيب بيت التوارق در . ذاتاً کوندوز
ايچنده اوطورمديغي بوماواي عجيبه انجق کيجه لري التجا
ايدهرک اويومقده درلر . براز دها حالليجه اولانلري بو حصير
ديوارک اوزرينه برکولکه لک قورارلر . کبار مشايخده تصادف
اولنان سودان سختيانندن معمول جلد چادرلر ايسه پک فادر
کوريلور .

مقاطه نك پک فقير قسمی همان اکثریتله طاش قووقلارنده
و بويوک اتل آغاچلرينک ديسلرنده وينه بو آغاچک داللييله
وجوده کتيرديکلري چارداقلرده ساکن اولمقده درلر .

انجق غات بلده سی ایچنده بولسان توارق افریقای وسطی
اقوامنه مخصوص طرزده انشا ایدلش — طرابلس وفزانده کیلر
کی — زربه لرده سا کندرلر .

مورخ شهر هرودوت لی بی یلردن بحث ایدرکن دیورکه:
«قویون سوریلرینک سوتی و آتیه تغدی و تعیش ایدر کوچیه
قبیله لرده عبارتدیلر . مسکنلری برواق و سازلردن اورمه
زربه لر اولوب ایستدکلری زمان محل آخره نقل ایدرلردی .»
هرودوتک بو تعریفی بو کون بیله لی بی یلرک احقادی اولان
توارقک مسکنلری و طرز معیشتلری حقنده عینیه واردر .

توارقده اکثریاده غیرمعین برشی وارسه اوده ما کولاتدر:
توارق نه بولورسه یر، هم پک چوت یر، مفرط بر حرص جوع
ایله یر؛ بولدیگی زمانده اک آز واک ابتدائی شیلره فناعت
ایدر حتی کونلرجه آچ قالیر. سکز کون آچ قالان و معدنهک
مدهش اوجا نه تحمل ایده یلمک ایچین ایجه چکدیگی و قاصدیگی
قوشاغیله قارننک آراسنه کنیش و یاصی برطاش حقیقشدیران
بر تارقینی بالذات کوردم . اوزون غزوه و شقاوتلرده
حیرالعقول صبر و تحمل آثاری کوسترهن بو صحرا چقانلری
بعضاده راکب اولدقلری دوه لرک قاتی الهرق ایچمک و یاخود
هور کوچنی یاره رق مواد شحمیه سنندن چیقارمق کی بعض
غریب چاره لرده مراجعت ایتمکده و الحاصل ایچنده یاشادقلری
محیط عقامتک احکامنه تابع اولمقده درلر .

احوال عادیده توارقک باشلیجه طعامی دوه سوتیدرکه
فیضلی برسنهک مزه فصل ربیعی بونلر ایچین موقت و فقط

مبسوط برسفره ضياقتدر. بوندن باشقه کچی سوتندن معمول
سرت بر پشیر و نادراً — دوکون و سائره کچی احوال
فوق العاده ده — دوه آتی، بوله بلرلرسه بغدادی و یا سائر
حبوباتدن اعمال ایتدکری، «تاکیلله» (قومده پشمش توارق
اکمی) و نادراً خربا، باشلیجه طعاملرندندر. تاسیلی وادیلرنده
مبذولاً تصادف اولنان سبط اوتنک تخمیلرندن ده برنوع حمیر
بولاماجی یاپارلر. بونلرک عنندنه اکلی جائز اولمیان نبات
یوق کیدر. هر نوعی و بالخاصه عربلرک «رتوت» تسمیه
ایتدکری قاره چالی کوکالرینی ده آتشده پیشیردرک اس
ایتمکده درلر. قارنجه یووالرینی آچهرق بو بیچاره حیوانلرک
بوتون یاز طاشیه، طاشیه بریکدیره بیلدکری بر آووج حبوباتی
بیله اس ایتدکرینی سویلیه جک اولورسم، بوسحر ابرنسلرینک
نه درجه سفالتد، اولدفلرینی افاده ایتش اولوروم ظننده یم.

اصول طباختلری پک ابتدائی برحاطده در. کرک غاتیلر
و کرکسه توارق ایکی یاصی طاشی یکدیگرینه سورتهرک
حبوباتی اون حاله فویتمکده درلر. تمیز بر قوم طبقه سنی اتشه
ایچه قیزدیره رق و اوخله صوطاسنده اولجه حاضرلش اولدفلری
صولی قوامده حمیری دوکهرک، اوزرینی ده قیزغین قومله
اورتهرک تاکیلله تسمیه ایتدکری اکمی احضار ایتکده و ات
یمکری ایسه انجق ینه قیزغین طاش صفیحه لرینه یاشدیریلهرق
احضار اولنان بر نوع کبابدن عبارت بولمقده در.

سائر عادی اون بولاماجلری ایله غاجیره پی و دوه سوتی
ایسه تحت قوالتلرده اکل ایتکده درلر. انجق نظافتده کی

نقسانلارینی مدرک اولدقلارینی و هیچ برطعامی آل ایله اکل ایتیه رک منحصرأ قاشیقله یدکلرینی اعترافه مجبورز. بناء علیه برتاری ایچین قاشیق، نلیچی قدر مهم بر آلت اولوب هرسفره چیقیشنه. کمال اهتمام و تقیدله هجن اکرینه ربط و تعلیق ایده جکی برشیدر. استعمال ایتدکلری اکری صاپلی سودان قاشیقنی اوندله اونوتش ویا غائب ایتش اولسه بیله هان بردال پارچه سی کسه رک و اوجنی یاصیلته رق قاشیق کی استعمال ایدر.

حالی مبسوط برتا قینک بوتون اثاث بیتیه سی کنیش برتوات کلیمی ایله ارزاق حفظنه مخصوص بر ایکی دری طور به دن و مطبخ طاقتی نامنه ده بر تخته هاوان، بر تخته قواته و صاری باقردن معمول کنیش بر صو طاسندن عبارت اولوب چادر سکنه سنک صو احتیاجی درت صیریقدن عبارت بر سهپایه مربوط و معلق طولوملرله تأمین اولنمقده د.

بونلر طاووق، خوروس کی طيور اهلیه و علی العموم آو قوشلری اُتلری ایله یومورطه یمزلر. کندیلری حیوانات مذکوره نك چوبلکده تحری ارزاق ائناسنده بر طاقم فنا شیلری ده اکل ایتمکده اولدقلارینی بونا سبب کوستریورلر. حقیقتده ایسه بوده منشئی کندیلرنجه غائب اولمش عقائد باطله دندر[*]. مع مافیه هروسيله دن استفاده ایدهرک بلدیلری

[*] توارقلرک اجدادی اولان صنه اجه لرک تأسیس ایتش اولدقلری مرابطین حکومتی طرفندن دوچار هجوم اوله رق محو اولمش اولان «برغواطه» قبیله جسیعه سی نزدنده مرعی مذهب خارجی آیینی مقتضاسی اوله رق نماز وقتی خوروس صداسیله تعیین ایدلمکده



هوغار شیخی آتیمی



جلادون معمول توارق چادری او کنده قادینلر

تحقير و تزيف و بو صورته غرور بدويانه سنى تطين ايتك
توارك ضعيف نقطه سيدر :

بو سردار حيوانلرى ياك بلدىلره لايق برشى اولديغنى
سويليهرك تفاخر ايدرلر .

بوجمله دن اوله رق هوغار رئيسى شيخ آيسى غاته كلديكى
زمان. اكيداً وائع اولان اجبارم اوزرينه حكومت قوناغنه
كيش ايسه ده ، يتمش بش ياشنده اولدينى حالده ايلك دفعه
اولق اوزره دام آلتنه ، انجق حكومتك امرينه اطاعت ايچين
كيرمش اولديغنى افاده فقط دام التنده برشى اكر و شربى كى
هوغار شيخنه ذلعد ايديله جك شي يامقدن عفو ايديلسنى
بيان ايدرك كنديسنه ويريلن قهوه يي رد ايتمشدى . حقيقه
كندىجه بلدى اولق مذلتنى ارتكاب ايتمهك ايچين اوياشنه قدر
متعدد كره لر غاته كلديكى حالده بلده يه داخل اوليه رق سور
خارجنده كى قوملقلرده ركز خيام ايدرمش .

عادات غريبه لرندن برى ده يينك حيوانلرينك اتى حقه ده كى
معامله لريدر : ار ككلرك راكب اولمش اولدقلى بر هجن
دوه سى ذبح ايديله جك اولورسه بو دوه نك اتندن قاديئارك
اش ايتمى وعكس تقديرده ار ككلرك تناول ايتمى اك بيوك

اولسندن خوروس ، طاووق ويمورطه اكل اولمى ممنوع ايدى .
مرا بطين بو آيينى محو ايتمكه برابر بوتون اقوام فاتحه نك ممالك مفتوحه
عاداتنه محكوميتى تاريخجه مكرراً ثابت اولمش بر حقيقت اولديغندن
صنهاجه لرك ده اوراجه عادات بلده حكمنى آلمش اولان بو احكامه
اتباع ايتمش اوللرى پك محتملدر .

معیادتدن معدوددر. توارق عنندنه بریبانجی کندی آرالرنده مسافرتله بولندیی زمانده ذبح ایتدیرهجکی حیواناتدن احرار توارقه پشمه مش ات تقدیم ایتسی حقارت عد اولنور. زیرا کندیلری حیوانات صاحبی یاایلا اهاالیسندن اولدقلرندن بونی ذلعد ایدیورلر. طالبکه شیمدی بو عادت قدیمه صوری برشیدن عبارت قالدیغنی ده صوکره لری بالتجربه اکلادم.

* * *

توارق عربان قبائلی کبی مجتمعاً اقامت ایتزلر. انجق برتهلکه ظهورنده حیوانلرینی و بوتون نسوان وعجزه بی، مدافعه سی قولای بروادی به جمع ایتک مجبوری حاصل اولونجه عربانک نجع اصولی کبی بر محله طویلاندقلری کوریلور.

على العاده احوالده اودرجه طاغلق اقامت ایدرلر که اساساً نفوسی قلیل اولان صحاری وسیعه ایچنده هر وادینک قعرینه، بویوک طاش قووقلرینه، اتل آغاجلری کومه لرینک ایچنه کیزلنمش، صوقولش اولان زربه لرینی و چادرلرینی کورمک قابل اولماز. هله آلیشماش بر آدم بونلری اوزاقدن قطعاً فرق ایده من. بر تارق چادرینی قوردیعی قووغی قارداشنه بیله خبر ویرمن، تصادفاً برچوق آدم لر طرفندن مسکنی کوریلورسه همان تبدیل موقع ایدر. بومردمکریزانه حال انفراد بوتون صحرا اقوامنده جسارتدن زیاده خیانتله تأمین مقصده آلیشماش اوللرندن و بناء علیه یکدیگرلرینه قارشى عدم امنیتدن متولددر. ینه عدم امنیت و بناء علیه عدم تمرکز دن دولایی مکنلرنده پک لزوملی اومینان اثبات بیتیه وفضله ارزاتنی ده شری طور به لیره قویه برق

تاسیلینک یالچین اوچوروملری آراسنده موجود بیکلرجه قووقلره صاقلارلر. خصوصاً نفود موجوده لرینی حتی زوجه واولادلرینه بیله ارائه ایتیه رک بو قیالرك اراسنه صاقلارلر. بوصورتله صاحبی وفات ایدهرک طاغلرده قالمش ایجه مسکوکات حتی اسکی تومبوقتو بازارندن کلن آلتون توزی ده اولدیغی تخمین اولنمقده در. بو حال عمومیتله شمالی آفریقا بربریلرنده اسکی بر عادت اولدیغی دهها شالده کی بربریلرك داغ تپه لرنده وبویوک اوچوروملرك کنارلرنده واقع قدیم ارزاق مغاره لرندن اکلاشیلیمقده در.

شیمدیکی حالدده بونون توارق قبائلی دیگر صحرا اقوامی کی عمومیتله مسلم و محمدیدرلر.

قرون اولیه تاریخیده بربریلر تحت حاکمیتنه کیردکلری اقوامک دینقده قبول ایدهرک ادیان واعتقادات مخصوصه لرینی موقتاً فدا ایدرلردی. میلاددن سکر عصر اقدم بربریلر معبودلری اولان «آمون» یرینه قارتاجایلرك «بعل» نام معبودینی اقامه ایتدیلر. اونلره خلف اولان رومایلرك معبودلرینی ده قبول ایدهرک قبل المیلاد التجی عصرده ده ینه اعتقادات اولیه لرینه رجوع ایتشاردی. بو وجهله بوتون اقوام غالبه و حاکمه نك ادیان واعتقاداتی ظاهراً قبول ایتدیکلری حالده باطناً هیچ بر عقیده صحیحه صاحبی اولیه رق بر چوق زمانلر سحر باز قادینلره و پك باطل عقائده تبعیت ایتدکلری کورولمشدر. اوچنجی و دردنجی عصر هجریده عرب فاتحلری تومبوقتویه قدر اولان بوتون صحرا ممالکنی فتح واستیلا

ایتدکری آوانده بونلرکده اسلامیتی قبول ایتدکری وبوندن
 اقدام عیسویتله متدین بولندفلری محققدر .
 بوخصوصده معلومات تاریخیه صریحدر :

خلفای امویه دن «هشام» زمانده ایشریقیه والیسی اولان
 «عیدالله» اوغلی اسماعیلی «سوسه» عاملی تعیین ایدهرک عسکر
 قوماندانی اولان «الحیب بن ابوعبیده» نی کندیسنه ترفیق ایتدی،
 وصحرایه دوغری قوای عسکریه اعزامی امر ایتدی. عربلر
 بواسفار اثناسنده ، شیمدیکی توارقک اجدادی اولان نقابلی
 صنهاجه قبائل بربریسه دین اسلامی قبول ایتدیردیلر ،
 وسودانه قدر اولان صحرا ممالکنده توسیع دائره نفوذ ایتدیلر.
 شیمدیکی توارقده ایسه دین یوزلرنده کی نقاب کی عارضی
 برشی اولوب حقیقته دیندار اولمقدن زیاده روزکارلردن
 تفأل ایدن ، بعض جبال طائفه جنه مقر عد ایدهرک تقریدن
 تخاشی ایلیان افکار باطلهیه محکوم جاهل اقوامدندرلر .
 بو قیلدن اوله رق غات جوارنده کی «ایدینه Idinen»
 و «اودان Oudan» داغلری پک معروفدر: ایدینه داغنده
 «شمهروش» وجهت شرقیه سنده ومقابلنده واقع اودانده
 ایسه «مان تاروجا» اسمارنده یکدیگرینه خصم ایکی جن
 حکمداری و بونلره تابع طوائف جنون ساکن بولنوب
 یکدیگرلریله محارب اولدفلرینه واسلحه ناریه استعمالیه بربرلرینه
 مرملر انداخت ایتدکرینه قانع اوله رق اوجوارده مبدولاً
 بولنان کلتلی مواد حدیدییه بی حاوی چاقیل طاشلرینه کده
 بوجنلرک مرمیاتی اولدیغنی ادعا ایدرلر و بوجبال جوارینه

تقربدن صوڪ درجه قورقارلر . روزكارلرك سمت واستقامت
و زانلرينه نظراً قافلهلرك نه طرفدن كلهجكنى و بولوطلرك
شكل و وضعت وجهت سير و حركتلرينه كورهده ينه قافلهلرك
كلهجكنى و ياغزو و باصيقنلرى وقوع بولهجغنى تئال ايدر و عادتا
بوقال واعتقادلرينه كوره حركت ايدرلر . بركون « البركت »
جوارنده توارق اكابرندن برى افقده بريكن كئيف بربولوطله
شدتله اجرأى فعل ايدن برق ورعدى ارأئه ايدهرك « ايسته
بولطرفدن دشمنك حركتى خبرى كلهجكد » ديه ادعا ايتشدى .
بونلرك صحراده اك زياده حائز اهميت اولان روزكارلر
و بولوطلردن معنا استخراج ايتملرى محيطك الجئات
ضروريه سندنلر . انجق بوعقائد باطلهك دوام واستمرارينه
سبب اولان حال ، حقيقه بو نواحيده قوافلك وقت حركت
وغاته مواصلتلرينك مطرد ومعين موسملرده واقع اولسى
وعلى الاكثر عين جهتدن وزان ايدن روزكارلره تصادف ايتسى
كبى احوال طبيعیه در .

توارقده ارواح ميتهدن استعانه عادتيده واردر : غزو و
ويانجبار مالى سوقى ايچين دبار آخره عزيمتله طول مدت
غيوبت ايدنلردن خبر آلق ارزو اولنديعى زمان و يابوكبى بعض
احوالده قادينلر بر كنج قيزى سوسليهرك « ايدى بي نه ن
Idibinen » [*] تسميه ايتدكلرى ازمنه قبل التاريخيه دن قالمه

[*] ايدى بي نه نلر ازمنه قبل التاريخيه فن مخصوصنده « مغالىتيك
Mégolithique » ائاردن اولوب شكلاً بر « تومولوس Tumulus
ايله اطرافنه ديزلش بر صره « قروملهش Cromlech » دن عبارتدر .

مقابر قدیمه دن برینه کوتوردرلر . کنج قیز اوکیجه قبرك اوزرنده اویویهرق ایرتسی صباح کندیسنی آلق ایچین کلن نسوانه عالم منامده کوردیکی شیرلی نقل ایدرکه بعض کره لر اساساً اولجه مخیله ده شدله تمرکز ایدن انطباعاتدن دولایی غزوه لره و ده ها بوکی صحرا حیاتنك مختلف صحنه لرینه عائد اوله رق کورلسی طبیعی اولان رؤیالرده کی تصادف بو جاهل قومك عقیده باطله سنی تأیید ایتکده در .

بوکون توارق قبائلنده مشهود اولان بو عادت فنیکه لیلر زماننده طرابلس غربك سرت ساحلنده ساکن بولنان ندیم لی بی یه نلردن « نیرامون » لرده موجوددی . بونلر ارواح امواته تعبد ایدرک ارواحه یمین ایدرلر و مزارلر اوزرنده استخاره ایدرک حرکتلرینی اونا کوره اجرا ایدرلردی .

بین التوارق توارث بحثی یوقاریده ذکر اولنمشدی . ازمئه قبل التاریخیه دن بلسکده — مناسبتی جهته — مغاره لر حیاتی دورندن منتقل بو عاده تبعاً اولاد حسب ونسبجه پدیره دکن والديه تابعدر . بر تارق ، پدری نه درجه معتبر برعائله دن اولورسه اولسون والديه احرار قبائلندن اولدجه خالص تارق یعنی اشراف قومدن اعتبار ایدیله من . بو اجلادن بین التوارق دایی و تیزه کی والده جهتندن اولان اقربا عمیجه و حاله دن ده ها معتبر اولوب دایی زاده لر و تیزه زاده لر اوزقارداش مقامنده اعتبار ایدلمکده و پدر طرفندن اولانلر اجنبی نلرله باقیمقده در . طبایر وراثتده والده دن اولاده و همیشه زاده لره انتقال ایدرکه بو صورتله قادین طرفندن

بر وارث بولنه مزسه ینه بیوڭ والدہ لر وتیزہ لر طرفندن ایکنجی درجہ ده دیگر وارثلر تحری اولنور. غاتده بولندیغ ائنادہ اصل طبل ازغره صاحب اولان شیخ قدیم « Ahnouhen ک قیزی ایدی .

بر تارق اصل والدہ سنک قبیله سنندن عد اولنور و والدہ سنک قبیله سی ایله پدرینک منسوب اولدی قبیله یئینده بر حرب وجدال ظهور ایدہ جک اولورسه پدرینک حال حیاتنده بی طرف قله بیلر سده وقاتندن صوکره داییلری طرفنی التزام ایدرک عمجه لری علمپنده استعمال سلاحدن بر آن حالی قلماز .

احرار دن اولوبده کفوی اولیان نسوان ایله ازدواج — که پک نادر و هر حالده معیوبدر — ایدنلرک اولادی نیم احرار دن عد اولنور لر سده طبله وراثتدن محروم قالیرلر .

* * *

آفریقای شالیده سقوطو حکمدارلی و نیثریا وادیسنه دوغری صحرای کیردن کچن طرق، مواصله بی تعقیب ایدنلر و جزائر، تونس اقسام جنوبیه سننده کی بربرستان قطعہ سننده سیاحت ایدنلرجه مشهود و معلوم اولان احجار جسیمه اوزرنده محکوک اشارات « تی فی نهغ Tifinegh » خطوطیدر . تی فی نهغ محکوکات مختلفه سنندن طویلانیلان اشکال خطوطک مجموعی سکسانه قریبدر . توارق قبائلی عنندنه الآن مستعمل اولان بو حروف هر یرده فضله و اکسیک اختلاف ایله استعمال



کنج برتاری



دوغری نفوذ ایدهمیهرك قبل المیلاد بشنچی عصرده ارتق بولسان ساحلرده بیله اونودولمشدی . حالبوکه فنیکه لیلردن ده اول ، بوکون منشئی مجهول اولان لی بی یه ن خطوطنك شالی آفریقاده مستعمل اولدیعی ، شرقده سینا شبه جزیره سندن افریقای غربیده قناریه آطهرینه قدر بوقطعه داخلنده کشف ایدلمش اولان اثار قدیمه ایله ثابتدر . همان اوتوز اوچنچی عرض دائره سنك جنوبندن نیثریا نهرینه قدر بوتون صحرا اقسامنده کی محکوکات حجریه دخی بتخصیص تی فی نهغ حروفندن عبارتدر . قدیم لی بی یه ن خطی ایله بوکونکی تی فی نهغ حروفی بینده پك جزئی برفرق وارددر .

اصل شایان حیرت اولان جهت شمعی بربری نامی التنده معروف اولان شالی افریقا اقوامنك ازمنه قبل التاریخیه دنبری استعمال ایتدکری اشکال وخطوط مخصوصه لرینك منشأ جهتیه دیگر خطوط قدیمه ایله هیچ برمناسبتی اولیوب تماماً مستقل اولمایددر .

فزان داخلنده وخصوصاً مساق سلسله جبالیه تاسیلی ده واقع وادیلرده طاشلره محکوک اوله رق کثرتله تصادف اولنان تی فی نهغ خطی شیمدیکی حالده بین التوارق نسوانه مخصوص کی در . نسوان توارق موسی وکتابی کندیلرینه برزینت تلنی و بناء علیه تعلم ایتدیکلرندن احرار توارق تی فی نهغ یازیسنی یازمعی معایبدن عد ایدرلر . مع مافیه بعض مغاطه بو یازی بی یازمقده درلر . بوخطوط شمیدیکی حالده توارقجه مکاتبه و مخابره ده استعمال اولمیور . انجق طاشلر اوزرنده کی

محکوکات و خاطراته و یازوبندلر ، خنجر و فلیج قبضه‌لری ایله
 قالقان کبی آلات حربیه و آلات موسیقیه‌نک اقسام حشییه‌سنه
 اسم حکنه منحصردر . توارق مکتوبلری خطوط عربیه ایله
 و اورالرده فقیه تعبیر ایدیلن شارلانلر طرفندن یازیلماقدهدر .
 بلای جهلک اکثریت بشره حاکم اولدیغی هر یرده اولدیغی کبی
 اوراده‌ده بو قبیله طفیلیات مضره بو بیچاره صحرا اقوامنه
 قورشون کچمز ، فلیج کسمز دعا نسخه‌لری یازه‌رق انواع
 علل وامراضه افسون و اوفوروک ایده‌رک کچنمکده‌درلر .
 توارق تغیناتی عربلرک کنه نظراً دهایک آهنگ و مطرددر .
 «ایمزاد» [*] تعبیر اولنان بر نوع کوچک کمانک اوزرینه
 کریش آت قویروغندن چیقان بوغوق صدا و مطرد
 ویک آهنگ نعمات ، صحرانک وحشتی ایله پک متناسب بر تاثیر
 اجرا ایدر . ایمزاددن باشقه نسوان توارقجه فوللانیلان
 باشلیجه آلات موسیقیه ایکی طرفی دری قاپلی مدور و هلال
 شکلنده کوچک ترانپته‌لردر که بونلر انجق دوکون و سائربوکی
 احوالده چالنیر . ایمزاد منحصرأ قادین چالغیسیدر ، ارککلردن
 کنجار بو مطربه‌لرک اطرافنه طویلانه‌رق تغنی و ایمزادک
 بوغوق وحشی نعماتنه رفاقت ایدرلر . احرارندن بیه کنجارک
 بر چوق کره‌لر تغنی ایتدیکلرینی ایشتمش اولدیغم جهتله
 بو خصوصک توارقجه مقبول و حتی اکثر تغنیاتک روایات
 و حکایات حربیه به تعلق جهتیه ایجابات رجلیتدن اولمسی
 لازمکیور . اکثریسی غزوه‌لرده کی شقاوهره دائر نظم

[*] ایمزاد تاماهاغ لسانده قیل معناسنه‌در .



غابه سودن اشیای بحاریه سنی لترین له لوی نوازی



کنج برتاری سفر قیافتنده

ایدلش اولان بو تغیاتدن آرالرنده اقامتم اثناسنده ضبط
ایتدیکم ایکسینی احوال روحیهلرینه مثال اوله رق شورایه نقل
ایدیورم . بری تفاخر و دیکری بیان عشقی حاوی اولان
بو ایکی منظومه یی حروف عربیه ایله ضبط و تحریرده
مشکلاته بناءً بالجویریه لاتین حروفیه یازیورم :

(۱)

تاماهاغ لساننده کی گفته سی :

ترجه سی :

Nékide éfout sé douveyrat.

دویراته غزویه کیتدک .

Nouat abadé sé Sérirat.

سریر یوللرینی قطع ایتدک .

Noussin tiléhat ilazlazintat

دوهلری مرعاده اوتلارکن بولدق

Nikesaghil sezquerin dat.

بوئلری وطنمزه دوغری سوردک .

Foulsinén tindeghin hanin gat.

بو غیرتی غانده کیلرک (مونت)
شرفنه یاپدق .

Moumagbet ténenbivan tak-
mart.

«مومه غبته» [*] که پینرکی بیاضدر

Indértiké éngas dagtedellalt.

نه اولوردی قارداشی اونی دلالة
چیقارسهیدی .

Nékéf tilèmin dakimin tisagt.

بیك اینسکه بیك دیشی دوه ویریردم .

(۲)

Tran kounouven degh idmarin

«قونووه» [*] نك عشقی صدرده .

Istemsî valtenned allaghen

مزراق یاره سنك آتشی کییدر .

Diki kemiksin veziznahilem

اویله مزراق که خصم جاتک اوردی .

برنجی منظومه بو وحشی اقوامه لایق عادی بر داستان

اولقدن باشقه بر قیمتی حائر دکلدن . ایکنجیسی ایسه او صحرالرک

محرَق کونشی التندہ سر تلمشمش بر وجودده غیر مأمول
بر روح حساسک موجودیتی کوستریور .

غات بلده سی جوارنده خرما دالرنندن معمول زربه لر
اوکنده و یا بر مرعانک منفرد بر آتل آغاجی دینده کوچوک
غروپلر کوریلور ؛ ایشته اوراده توارق کنجلی یاز
کیجه لرینک سیمین ماہتا بلرنندن بالاستفاده ایمزاد چالمقده
اولان بر قاچ کنج قادینک باشنه طویلانی و صبا حله قدر
حرب و معاشقات داستانلری اوقویہ رق فجرک ایلک حر تلری
استقبال ایدر لر . بویله بر جمعیت طربه اختیار لک اشتراک
ایتمدیکنی سویمک زائددر ظن ایدرم . بوکی جمعیتلرده بر کنج
قیزک اطرافنه نه قدر چوق دلیقانی طویلانیسه قیزک ابوینی
طرفندن اودرجه ده حسن تلقی اولنمقده در . ایشته — دائمی
حرکت وجولاندن عبارت اولان صحرا حیاتی ایچنده پک نادر
اولان ازدواجلردن دولای حیاتنک قسم اعظمی تک باشنه
کچیرمکه محکوم قالان توارق نسوانی ایچنده — اطرافنه
چوق آدم طویلانیه بیلن او بختیار کنج قیزلرده اک زیاده
معاشقات داستانلرینه موضوع تشکیل ایدر لر .

* * *

بین التوارق مراسم ازدواجیه بسیطدر . یالکز قبل العقد
قیز طرفندن تیزه و سائره کی بوتون عجوزهلرک ارضاسی
و حرص و طمع لرینک تطمینی براز کوچجه برشیدو . بو
مشکلات اقتحام اولندقدن صوکره توارق عنندنه مرعی
عادات قدیمیه توفیقاً اوغلان طرفی قیز طرفنه — بری

دوکونده ذبح اولمق اوزره — يدي دوه ويرمکه مجبوردر .
کلينک حليات و ملبوساتندن باشقه قيز طرفنک عجزه لرينه ده
البسه لر اهدا اولمق لازمکدير . زوجهنک مهري ديمک اولان
بو آلتی دوه حال حاضرده عادی بر تعهد شفاهی درجه سنه
تزل ایتمش اولوب توارق رجالی طرفندن — ايلک غزوه ده
غصب ونهب اولنه جق حيواناتدن حصه شقاوتنه نه دوشرسه
اوندن تادیه اولمق اميديله — آتی یه ترك اولنقده ايسه ده
دوکونده ذبحی معتاد اولان بر دوه مطلق ويرلمکده در .

دوکون مراسم دينیه سی غات جوارنده ايسه لر سنوسی
زوایای مشایخی طرفندن بادیه لرده ايسه کندیلری طرفندن
اجرا اولنور . مراسم سائر ايسه پک بسیطدر : کنج
قادینلر طرفندن چالنان ترانپته هوالریله رجالک هجن یاریشلی
وزنجیه لرك تهلولوقی وقصلری اجرا اولندقدن صوکره دوه آتی
وسبط خیریه املای بطون ایدیله رك کلین وکوکي — کلینک
ابوینی جوارینه بنا ایدلمش اولان درت دیواری حصیردن
معمول وقبه مکوکبه آسماندن باشقه بر سققی اولیان حجه
زفاه تودیع اولنور .

یکی تشکل ایدن عائله لر ، ایلک ذریته قدر آریجه
صاحب بیت اوله مزلر . ارکک و قادین ، ایکی طرفده ، کیجه
قرا کلغندن بالاستفاده حصیر زربه ده اجتماع و صباحلری افتراق
ایدولر . یکی کلین کوندوزلری ابوینک زربه سنده بولنور .
ایلک چوجقلرینک تولدندن صوکره آریجه چادر قورمنه
ومستقلاً یاشامغه باشلارلر .

توارق رجالی سنه نك بر چوق شهورینی سیر و سفرله
 و مرعالرده حیوانلرینك آرقاسندن کز مکه امرار ایتدیگری
 جهته قادینلر غات بلده سی و مضافاتی جوارنده اقامت ایدهرک
 و غاتده کی تجماردن و متمولاندن قارنلرینی دیوره رق تسألله
 کچیرلر . فقط توارق نظرنده بو حال تسأل اولیوب —
 ایلریده ایضاح ایده حکم وجهله — شرط و حق حاکمیتدن
 معدوددر .

على العموم صحرا اقوامنده اولدیغی کی توارقده ده قلت
 تولداتك باشلیجه سببی يك نظرده بو حیات سرسریانه اولدیغی
 ظن اولنه بیلسه ده عین قلت تولدات آفتك غات و مرزق کی
 صحرا بلداننده کی یرلی و بلدی خلق میاننده ده عین صورته
 اجرای حکم ایتسی ، بو محیطك انحق بو قدر قلیل المقدار
 بر عنصری بسلیه بیلمکده اولسی کی اسباب اساسیه طبیعه دن
 متولد اولدیغی حکمی و یردیرمکده در . وائفا فزانك بوتون بلدی
 اهالیسی مناسبات زوجیه بی سؤ استعمال ایتدیگرندن رجالده
 ذریت قابلیتی تناقص ایتسکده ایسه ده عین آفته معروض اولان
 سودان زنجی رجالنده بو سؤ استعمال کیفیتی تمامیه وافع
 اولمقله برابر تولدات زیاده در . بناء علیه طرابلس قبائلی کاملاً
 داخل اولمق اوزره بالجمله صحرا اقوامنده قلت تولدات کیفیتی
 طویراغك کافی درجه ده محصول یتشدیره مامسی یعنی اوزرنده کیلرینی
 بسلیه مامسی کی بر سبب طبیعیده آرانمق ایجاب ایدر .

* *

مدافعه ایدیله جك اموال غیر منقوله سنك معدومیتی و حق

حيواناتي بيله اعاشه ايچون واسع بر منطقه ايچنده متبادياً
تبديل موقع ايتك مجبوري بونون صحرا افوامني جين ايتشدرد .
عين عرقدن اولدقلري حالده شالي بربريلر نه قدر جسور
ايسلر توارق او درجه جباندرلر . تهلكه زماني قاديئلري بيله
زوجلرينه فرار ايتكي توصيه ايدرلر و دشمنك نسوانه تعرض
ايتمه جكندن امين اوله رق يالكز قاليرلر . توارقچه فرار بويوك
بر هنردر .

بوندن باشقه صوك درجه خودكاملك ، وفاسزلق ،
يالانچيلىق و خيانت كي اكه مداهش نقيصه لري واردرد . بعض
كره لر بر تارقينك يالانچيلىق سببي تحري اولنديني زمان پاك
كولنج بر خودكاملك نتيجه سي اولديني اكلاشيلير . غاتليلرجه
معلومدر : خارجدن كلش بر تارق باب تفاغت اوكنده كي
طوپراق سدرلك اوزرينه ديزلش اولان جماعتك آراسنه
صوقولونجه مطلق غزوه لر ، باصقين و برقافله نك دوچار تعرض
اولسي كي خبرلر ايجاد ايدهرلك نشر ايتمزسه راحت ايدهرمز .
بوندن مقصدي ايسه سكنه سي اكثر يتله نيجاردن اولان
وبناء عليه بوكي احوال ايله علاقه دار بولنان اهالي پيننده
برهيجان توليد ايدهرلك هر كسي معلومات طلبي ايچين كنديسنه
مراجعه مجبور ايتك و بو صورته اياغنه جلب ايتديكي اصحاب
مراقه عظمت صاتهرق حب نفسي تطين ايتكدرد . بعضاً بويله
بر هوس طفلانه ايله ايجاد ايدلش اولان بوكي اكاذيب بونون
واديلر سكنه سي دوچار تالاش و هراس ايدهرلك امنيت و راحت
عموميه يي بيله سلب ايتديكني كوردرد . بعضاده قورقلاق

نتیجەسی اولەرق بیک تورلو یالان خبرلر اشاعە ایدرلر .
 یالانچیلقلری کندیلرنجەده او درجە معلوم بر قضیەدرکە بویوک
 برمیعاد (جمعیت انتشاره) دە کبار مشایخدن بعضیلرینک اوزون
 اوزادی یە اکلادیغی برشیئە طرف معارضک « باهو ، باهو ! »
 (یالان ، یالان) دیە مقابله ایدەرك اسکات ایتدیکنی کوردەم . بیلیم
 بویله بر معاملە یە معروض اولان ذات حدتلیوری ؟ هر حالده
 یوزندەکی نقاب کثیف ، علائم وجهیەسندن برشی استدلانه
 مانع اولدیغی ایچین حاصل اولان تأثیری تعین ایدیله میور .

بر تارقی نفسندن باشقەسنی سومز ؛ قرق ییلق بر دوستنی بیله
 اک کوچک براغبارینه فدا ایدر . جیانتلری کندیلرینی
 دشمنلرینه قارشى خیانتە سوق ایتشدیر . کندیلری ایچین
 قولای دشمنلری ایچین مخرب اولان بوصو ، باصقین کی
 خیل حربیەدن باشقە حیانتە قصد ایتک ایستدکلری یولجی
 وسیاح کی منفرد آدملری بیله اویقو حالندن استفادە ایله
 اولدیرمک درجەسنە قدر ارتکاب خیانت ایدرلر . بوجملەدن
 اولق اوزره تاسیلی وادیلرینک بعضیلرنده مبدولاً تنبت
 ایتکده اولان فلزلز [*] نیات سمدارینک تخملرینی صویە
 وسوتە قارشیدیرهرق تسمیمە ایدرلر .

[*] غات جوارنده وتەنه زوفت وادیسی ایچینده بونبات پک
 چوقدر . هان هر سە غاتده فلزلزدن تسم وقوعبولقدهدر . بۇدە ،
 اکثر جنوبدن وزان ایدن صحرا روز کارلریله کلن چکرکه لرك قوراق
 موسملرده بیله یشیلکلرینی محافظه ایدن فلزلز اوتی اکل ایتلری
 واهالی محلیەنک چکرکه اکندەکی انها کلرندن ایلری کلیور .

توارق قبائلی اوروپالیره طانتدیران ایلک سیاح ۱۸۶۱ء
خاندن کچمش اولان «دویری» در. دویریہ او وقتلر حقیقہ
شدت اداره سی ایله کندیسنی طاتمش اولان شیخ الازغر
آخنوخن زماننده و شیخ مومی الیهک حمایه سی آلتنده
وبالخاصه مبدولاً توزیع ابتدکی هدیه لر سایه سنده وراغن
قبیله سی آراسنده سیروسفر ایتش وعودتنده بوچاپولجی
اشقیایی اوروپالیره صحرا شوالیه لری صورتیله تقدیم ایتشدی.
ایشته بویاکلش ذهابک نتیجه سی اوله رق فرانسزلر
توارق اراضی سی داخلنده برقاچ میسیونر خیانه و سوء قصده
فدا ایتدکن صوکره توارقک اخلاقی اکلایه بیلمشلردر.

بوتون بو حاللریله برابر توارقده دیگر صحرا اقوامندن
زیاده استقلال داعیه سی واردر. نه شکده اولورسه اولسون
آخر بر قومک حاکمیتی قبول ایتزلر. انجق قوته قارشى مغلوب
اولدقلری حالده بیله ظاهراً مطیع کورینه رک قدیم بربریلرکی
ایلک فرصته عصیان ایدر و اخذ ثاره قیام ایدرلر.

فرانسزلر طرفندن صحرائک خطوه خطوه استیلا ایدلسی
توارقی اوتهدنبری طانیق ایسته مدکلری حکومت عثمانیه یه
التحایه مجبور ایتشدر. فقط بو حرکت حکومت عثمانیه یه
محبتدن زیاده فرانسزلر طرفنده کی شدت و تعقیباته مقابل بزم

چکرکه لک جهاز هضمی سنده هنوز تمثیل ایتشمش اولان اقسام نباتات
السانلری تسمیم ایتمکده اولوب بوده سسک قیصلمسی، علامت تجن کبی
علامت مرضیه ای، تفاهر ایدیور. بویکی احوالده بریلر بول قرمزى
یدرله ساده یاغ ایچیرمکده درلر. بوضورتله تسممه مانع اولایلیبورلر.


حدود من داخلنده — نقصانی تشکیلاتی نتیجه سی اوله رق —
 واسع برتسا محله معامله ایدلمسی یعنی تارق ایچین ینه بر درجه یه
 قدر حکومت خصوصیه مستقلا سی اجرایه مساعد بر محیط
 بولسی منفعتنه مبنیدر .

ایشته بوتوارق حاکمیتی من القدییم تحت رعیتندگی مغاطه لردن
 آلدیعی عوائد سنویه ایله قالدیه رق اراضیسی داخلندن کلوب
 کچمکده اولان فبائلدنده — طوپراق باصدی حتی کبی — بر نوع
 عوائد مقطوعه ده آلمقده ایدی . انجق کرک مغاطه و کرکسه
 غات والبرکت کبی بلدان اهالیسی ایله تباردن آلان بو عوائد
 و واردات ده بالاخره انقسام بوله رق عاداتا بوتون بو یوللردن
 کلوب کچن تبار ، یولجی و سیاحلر منسوب اولدقلری مملکتلره
 کوره بین المشایخ تقسیم اولونمشلردر . بوجمله دن اوله رق
 اوروپا سیاحلری ده تقسیم اوله رق فرانسزلر و راغن مشایخنک ،
 ایتالیانلر کلین دندن قیله سی ؛ انگلیزلر و پروسیالیر (آلمانیا
 اسمی بورالرده مجهولدر) من غساتن قیله سی شیخلرینک
 حصه لرینه دوشمشلردر . روسلر و اوستریالیر و دیگر اوروپالیر
 بورالرده معلوم دکلدر .

ایشته بوعادت سقیمه یه یعنی بر حکومت ایچنده دیگر
 بر حکومتک بقاسنه قارشى اغماض عین ایدلمش اولسندن دولای
 وراغلرک آلدقلری آووج ، آووج عوائدی حلول و نشوز
 ایچین اک ای بر سلاح اتحاد ایدن فرانسز میسیونلری ینه
 بوتوارق مشایخنک سوقیه تاغاته قریب وادیلره قدر ایلریلیرک
 بوکون ادعای ملکیت ایدیورلر . غاته وصولدن برقاج آی



توارق اکابرندن برشیخ



توارق غزوه سی

صوکره قضا تشکیلاتنه ابتدار ایله عوائد مذکوره بی الغا ایتشدم. فقط چه فائده که ایدلش فناقلرک تعمیری قابل دکلدی. بو حاکمیت سوداسیله وزعم قطعیسيله درکه کندیلرندن باشقه شرکیمن نه آلیرلرسه آلسینلر، آزلغنه، چوغلغنه باقیهرق بونی حقوق حاکمیتدن فرض ایدرلر. ایشته بو وجهله غات سوقاقلرنده سورو سورو کزه رک کندیلرینی جبراً تجاره دویورتان احرار توارق نسوانی حتی کندیلرینه بر آووج خرما و یا آریه بیله ویرلرله تحقیر و تذلیل کی عد ایتیه رک بونی برویرکی تحصیل ایدرجه سینه قبول ایتکده درلر. دیگر طرفدن رجال و نسوان مغاطه نک — حتی اک سفیل اولانلرنده بیله — بویله بر حال کورولمز.

* *

توارقده رجال نقاب ایله یوزلرینی ستر ایدرلر، نسوان ایسه یوزلری آچیق جماعته داخل اولورلر. خصوصاً بونلرک عنندنه قادینلرک یاننده نقابی صیره رق یوزینی وخصوصاً آغزینی کوسترمک، طعام ایتک اعظم معایبندر. بو خصوصه دائر عجیب بروقه حکایه ایدیورلر:

آزغرله هوغار پیننده ظهور ایدن محاربات متعادیه نک مذاکرات صلحیه سی عقببنده وراغن مشایخ معتبره سندن «وانوکروف Vanoukrouf» دیگر مشایخ آزغرله برابر اون بش کونلک مسافه ده واقع هوغار قبیله لری نزدینه دعوت اولمشلر. اورایه وصوللرینی متعاقب عادت توارق وجهله نسوان قبیله حضورندن هجن یارشلری اجرا سینه باشلامشلر. وانوکروفک باشنده کی ایچی

پاچاوره لرله دولديرلش اوزون تونس فسی ثقلتی حسیله یاریش
اثناسنده دوشهرك، نقانی ده برابر کوتورمش اولدیغندن یوزی
آچیلش وهمان دیکرلرینک معاونتیه باشنه بویوک بر احرام آتیه رق
اورادن چیقارلش وارتق قادینلره قارشى محجوبیتندن دولایی
هوغلرلر نزدنده اقامتی قابل اوله مدیغندن هچیندن اینمەدن
مملکته عودت ایتشدیر .

یالکز نسوان دس اکابر قیله حضورنده ده نقابک
آچیلشی معایدن معدوددر .

توارق یکدیگرینه قارشى صوڪ درجه عظمتفروشانه
معامله ایتکده درلر . خصوصاً میعاد تعیر ایدیلن مجلسلرده
هپسی نقابلرینی صینی صینی چکەرك ویکدیگرلرینه قارشى بک
مغرورانە اوضاع طاقه رق آغیر و قالین صدا ایله مکالمه یی بک
سوه درلر . خصوصاً بومیعاد مختلف قبائل جسیمه رؤسائی
یتنده اولورسه ده جالب نظر در .

میعاد علی الاکثر قوملق بر محله طویلانییر . اولاً اورایه
واصل اولش اولانلر بر قوس دائره تشکیل ایدهرك قوم
اوزرینه اوطوردرلر . تحتەدن اویولش توتون چوبوقلری
تلله نیر ؛ سرت سودان دریسندن انقیه قوطولری میدانه
چیقار ؛ یواشدن مکالمه باشلار . اوتەدن دیکر قیله ارکانسک
ظهور ایتدیکی کوریلور . بویکی کلنلر قابل اولدیعی قدر
صاللانە ، صاللانە یورومکە ، ممکن اولدیعی قدر آیاق سورویهرك
دیگرلرینه عظمتفر و شلق ایتکە غیرت ایتدکلی کی طرف
مقابل ده هیچ یرندن قیلدامیه رق مقابله بالمثله چالیشیر . نهایت

ملاقات اولور : هرايكي طرفدن صامتانه اللر اوزاديلر ، مصافحه باشلار ، هم نه مصافحه ، دوه چوبانلغندن وصوسزلقدن تحته كي تصلب ايتش اولان او پارماقلىك شدتله يكدىكرلرينه تماسلرندن عادتاً قورى بر « شاق ! » صداسى ايشيديلر ؛ فقط بو مصافحه ائناسنده بر كلبيله سويلك اصوله مخالفدر .

بعض كره جماعتدن برى دالغين بولنور ويا ياريسنى چكمش اولدينى يشيل توتون توزندن عبارت انفيهك پارماقلىرىك اوجنده قالمش اولان بقيه سنى ده چكمله مشغول بولنورده اوزاتيلان الى كوره مزسه ايفاي سلام ايچين اياقده ، النى اوزاده رق بكليان تارقى هيچ سس چيقارماز و انجق پارماق شاقلا تهرق ديكرينى ايقاظه چاليشير . بعدالمصافحه اوزون بر « ماتوله ن » (سلام و استفسار خاطر) سلسله سى باشلار كه طرابلس عربانىك بيتمز ، توكنمز استفسار خاطر مراسمه رحمت اوقوتور .


بوميعادلرده بالخاصه اكابر ناسك يكدىكرينه قارشى مغرورانه معامله لرى ايله دائره ميعادك محيط خارجيسنده اوطوران مغاطه نك اوطوردىنى يرده او كه دوغرى بوكيله رك نسبة مطيع و منقاد طرز استماعلى نظر دقتى جالبدر . برميعاد محلى اوزاقدن بك غريب كورينور :

قومده صاپلانمش بر سورى مزراق اورمانى ايچنده ، كنيش قليجلرينى ديزلرى اوزرينه اوزاتمش سيه پوش برسورى ارواح خيئه نك مجمى ظن اولنور .

جوار قبائلک اموالنی یاغما ایتک حرص وطمعی یوزندن
توارق ، کرک مجاور همعرق قبائل وکرکسه تیو و عربان کی
دیگر صحرا اقوامیله همان دائمی دنیله حک بر حال حرب وجدالده
بولورلر . غزوه بونلرک فاکه ممنوعه لیدر : هر تورلو آفات
وبلیاته بویوزدن گرفتار اولدقلری ، دشمنلری ده بالمقابله
ماللرینی یاغما ایتدیقلری وبویوزدن راحتلی منسلب اولدی
حالده ینه غزوه دن باش آله مزلر . زیرا غزوه بونلرجه
بر تعامل مستحسن اوله رق حیات اجتماعیه لرینک باشلیجه
بروکنی تشکیل ایدیور . چو جقلقلرندن اعتباراً غزوه
حکایه لرینی ، بو حیات شقاوتک یتشدیردیکی قهرمانلری
و اونلرک مناقبی دیکله دیکله بویویه رک بو شقاوتی باشلیجه
بر هنرکی تلقی ایتکده درلر .

توارقله تماس ایدنلره خفی دکلدرکه بونلرک عندنده
نهب وغارت ودشمن قبائلک مرطاده ساکن ساکن اوتلایان
حیواناتی سورهرک و کونلرجه قوشدیره رق مملکتلرینه کتیرمک
بویوک برهنر وشجاعتدن معدوددر . حتی حکایه ایدیورلرکه :
ایفای حج ایچین جبل عرفاتده بولورکن برتارق ، پیش جبلده
دوران وحجاج نقل ایتمش اولان یوزبیکلرجه دوه لری کوردیکی
زمان اللرینی اوغوشدیره رق و حریص نظرلرله اطرافنه
باقه رق : « آه ، شونلری بزم مملکته سورمک ایچین شوراده
برقاج کیشی اولسه یدق » دیمش .

بالکز علی العموم مغاطه احراردن زیاده حیوان صاحبی
وبناء علیه قبیله لر بیتنده ظهور ایدن حال حربدن اک زیاده



نوارق هجتری (مهرین)

متضرر اولدقلرندن غزوه نك عليهنده درلر . فقط احرار هروقت مغاطه يه اجرای نفوذ ايدەرك بويچاره لري كرها غزوه يه سوق ايدرلر .

بعضاً غزوه — مثلاً قبيله دن برينك دوه سرقت ايتش اولسي كي — عادي برهانه ايله باشلار . مال مسروقت اعاده سي ايچين صاحبي طرفندن ونوعبولان مراجعات ثمره دار اوله مينجه بوني غزت نكسنة لايق كوره مينهرك مقابله بالمثله قيام ايدر . بوصورتله نهب وغصب ونادرأده قتل نفوس كي احوال سنه لرجه دوام ايدر ودوه جيلرك خصم قبيله دن اوللري بهانه سيله تجار قافله لري ده ياغما ايدلمكه وطرق تجاريه نك امنيتي منسلب اولمغه باشلار .

بويله سنه لرجه دوام ايدن حال حرب چوق كره لر بوندن متضرر اولان تجارك توسطيله مبدل صلح وصلاح اولورسده مع التأسف فاتحه لرله ، دعا لرله بين القبائل عقد ايديلن صلح ومسالت چوق زمان دوام ايده من ، آجلق وچيلاقلق كي ايكي سائق بي آمانك تأثيري التنده بولنان بوسفيل صحرا اقوامي جزئي برزمان صوكره كوچك برهانه ايله آج قورتلر كي ينه يكديكرينه صالغه باشلارلر .


* * *


بوكونكي توارق كافة احوال وافعاليله اوتوز عصر اول افريقاي شالیده ساكن بربريلره تماميله مشاهدولر . بو قوم سفيلك شوناچيز اثرده تصويرينه چاليشديغم الواح حياتيه لرينه

خاتمه اوله رق ساجلیالی مورخ قدیم «دیودور» ک لی بی یه نلر
حقنده کی شوسوزلرینی تکرار ایده جکم :

« حیوان کی یاشارلر ، آچیقده یاتارلر ، پک وحشیانه
شیرله تغدی ایدرلر ومسکنسز ، البسه سز ، یالکز کچی
دریسیله تستر ایدرلر . کرک تعقییده اولسون کرکسه رجعتده
دشمنلرینه سرعت سیرایله تفوق ایتکدن باشقه برغایه تعقیب
ایتمه رک اللرنده اوچ عدد حربه وطاش پارچه لری دولدیرلش
دری برطوریه اولدیغی حالده محاربه یه کیدرلر . عمومیتله
اجنبیلره قارشى اولان معامله لرنده نه عهدده ونه ده بر قانونه
رعایت ایدرلر . »

ایشته تمامیه یکدیگریته بکزه یین اوتوز عصر اولکی
اجدادله بوکونکی احفاد !





فهرست

صفحه

۳	مقدمه
۹	طرابلس غرب بلده سی و جنوبیه کیدن یوللر
۶۹	عامره یولی
۸۹	فزانک منظره عمومیه سی و فزانلیلر
۱۱۷	مرزق بلده سی
۱۴۵	غات بلده سی
۱۷۸	توارق





Bibliotheca Alexandrina



0434465